

De cruce, librum unum.

De mythologia, librum unum.

Carmen devotionis, librum unum.

Epistolarum librum unum. Et alia multa.

Hactenus scripta, quae sola Balduinum insignem virum, vel si cuncta alia defecissent, facile nobis probant.

Principia anni quae primo loco referuntur, et quae nunc in lucem edimus: scilicet Sermones, seu potius tractatus diversi, quorum primus hoc habet initium, Sacramentum Dominici corporis et sanguinis. Sequitur liber De commendatione fidei; demum opus De corpore et sanguine Domini, quod Bartholomeo Oxoniensi Mecenati suo nuncupavit. Falluntur autem qui quasi diversorum opusculorum principia ponunt verba, Magnum et profundum, etc., et ista Reverenda nomina, etc., cum haec sint verba præfationis, illa autem initium libri seu tractatus præfationem sequentis. Habentur autem haec opuscula in Claravallensi bibliotheca, excepto illo quod est De commendatione fidei, quod in Longi-pontana cum aliis habetur, eleganti charactere exaratum.

BALDUINI CANTUARIENSIS ARCHIEPISCOPI TRACTATUS DIVERSI.

TRACTATUS PRIMUS.

DE SANCTISSIMO SACRAMENTO EUCHARISTIAE.

Sacramentum Dominici corporis et sanguinis pro A nunc in sacramento, quod ipse instituit. Absconditum in sinu Patris fides invenit; absconditum in homine fides nihilominus invenit, invenit et ipsa fides in sacramento absconditum. Magna virtus fidei magna babet familiaritatis gratiam apud Deum. Ubi ubi invenerit, accessum habet ad eum, et quodam domestico familiaritatis ausu ipsa penetralia ipsumque cubiculum irruptit. Non arcendam se putat ab iis qui custodiunt atrium, non ab ostiariis, non a cubiculariis: secura ingreditur, et mysteriis consiliorum Dei confidenter, sed reverenter, sese adjungit. Et quid mirum, si Deus consilia sua fidei fidelium suorum committit? Nonne reges et principes populorum fidibus suis consiliorum suorum mysterium communicant? Fidelis est Deus et absque iniestate (*Deut. xxxii*); et fideles amici sine iniestate, qui fidem sibi servant et in fide serviant. Omnia opera ejus in fide (*Psal. xxxii*); et absque fide impossibile est ei placere aliquid (*Hebr. xi*). Tentat autem Deus fideles et electos suos, ut inventiat eos dignos se. Tentat et fidem eorum, tentat et spem, tentat et dilectionem. Sed de h[ab]e nunc agitur, que multis modis a Deo tentatur, et in hoc sacramento maxime ad probationem exercetur. Decrevit Deus xterno consilio in morte unigeniti Filii sui mundum salvare, et in mundum Salvatorem et salutem mittere, nec aliam salutem quam ipsum Salvatorem. Quod decrevit, hoc et promisit, et con-

B

-

(1) *Adde, latet verum corpus et sanguis Christi.*

lium suum fidibus suis revelavit. Acquievit fides sanctorum, crediderunt, exspectaverunt promissionis impletionem. Deus autem distulit Christum suum. Quare distulerit, secreti sui conscientis est, ipse rovit. Interim autem exercebatur fides ius'orum. Quod promisit Deus, hoc ad probationem fidei multis modis voluit adumbrare, et variis rerum significationibus et sacrificiorum figurari. Verus enim illa legalium sacrificiorum solemnitas per legem instituta, et a prophetis approbata, quædam fuit factæ promissionis quasi memoratio, et futuræ completionis mystica significatio; ut res mirabiliter promissa, et mirabiliter post futura, testimonium habens a lege et prophetis, in jugi sacrificiorum frequentatione a memoria nunquam excideret. In his quippe futurorum signis fides exercebatur ad divini honoris obsequium; ne otio languens, a fervore suæ devotionis tepeseret, et a spe suæ expectationis oblivionis accessione desiceret.

Et si fidelis quispiam secum tractaret quid sibi voluntæc, pietas devotionis semper haberet certum quod in conscientia fidei maneret occultum. Et hæc quidem sic erant, donec umbra cederet, veritas succederet. Venit enim qui venturus erat, venit Sanctus Israel, factus est homo, in terra visus est, cum hominibus conversatus est (*Baruch iii*). Notas fecit mundo vias vitæ, et impleta dispensatione pro qua venerat, ascendit in cœlum, ubi et nunc est, ad dexteram Dei sedens. Antequam in cœlum ascenderet, ne discipuli, cæterive fideles post futuri de ipsius auxilio subtracta oculis eorum corporali præsentia, diffiderent vel desperarent, consolatus est eos, dicens: *Ecce ego vobiscum sum usque ad consummationem sæculi* (*Matth. xxviii*). Ergo nobiscum est noster Jesus. Cur nostrum non dixerim, qui nobis est? Filius enim datus est nobis. Non nihil juris sibi vindicabat in hoc Jesu, qui ait: *Ego autem in Domino gaudabo; et exsultabo in Deo Iesu meo* (*Habac. iii*). Hic noster Jesus, cum quo Deus omnia nobis donavit, non sustinet nobis abesse; in tantum nos amat, sicut ipse qui est Patris sapientia ait: *Deitatem meæ esse cum filiis hominum* (*Prov. viii*). Nobiscum fuit in carne positus, antequam moreretur pro nobis; nobiscum fuit et in morte, quantum ad presentiam corporis de terra nondum sublati; nobiscum post mortem in multis argumentis discipulis apparet; nobiscum est eliam nunc usque ad consummationem sæculi, donec simus nos cum illo; quia semper cum Domino erimus. Ecce quantum nos amat Jesus. Neque mors, neque vita potest eum separare a nobis in charitate qua nos diligit. Propterea neque mors neque vita debet nos separare a charitate ipsius. Quis enim diligendus est, si ille non est? Imo quis ita nobis diligendus est, ut ille? Nam, ut cætera taceam, si non simus ingrati et maligni, hoc sufficere debet, quod ipse diligit nos. Nil autem magis debetur amanti quam vicissitudo amoris; et qui amat vult amari; et hoc justissime quidem. At qui amat vult, et amare non vult; mirum,

A si vel suo judicio absolvitur, ne iniquus sit. Vero autem judicio, qui amantem non amat, et ipse indignus est amari. Qui vero Jesum non amat, suo magno periculo hoc facit, dignus execratione et maledictione Apostoli dicentis. *Si quis non amat Dominum nostrum Jesum Christum, sit anathema, Maranatha* (*I Cor. xvi*). Econtra idem precatur dicens: *Gratia cum omnibus qui diligunt Dominum nostrum Jesum Christum in incorruptione* (*Ephes. vi*). Jesus quidem prior dilexit nos; et ne non diligitur a nobis, semper est nobiscum usque ad consummationem sæculi. *Dominus virtutum nobiscum, susceptor noster Deus Jacob* (*Psal. xlvi*). Ex quo Deus Jacob supplantatoris et luctatoris susceptor noster factus est, nostram carnem suscipiens, Dominus virtutum nobiscum est; sicut ipse de justo ait: *Cum ipso sum in tribulatione* (*Psal. xc*): et justus ad eum. *Si ambulavero in medio umbræ mortis, non timebo mala, quoniam tu tecum es* (*Psal. xxii*). Nobiscum est Emmanuel adversus eos qui tribulant nos, et qui gratulantur malis nostris. Nobiscum est in necessitatibus articulo, in protectionis auxilio, in omni consolationis et subventionis beneficio. Et his quidem modis fuit cum antiquis justis, nunc autem nobiscum per incarnationis mysterium in communis naturæ consortio. Nec hoc sine dilectionis contentus est Jesus, ut tantum nobiscum sit. Arctiori complexu nos stringit, et mirabiliter unit per communionis sacramentum, ut sit in nobis, et nos in ipso, sicut ait: *Qui manducat carnem meam, et bibit meum sanguinem, in me manet, et ego in eo* (*Joan. vi*). Christus autem qui manet in nobis, vivit in nobis, juxta quod Apostolus ait: *Vivo ego, iam non ego, vivit vero in me Christus* (*Galat. ii*). Quod si Christus vivit in nobis, et spiritus Dei habitat in nobis; et juxta eundem Apostolum, *Si quis spiritum Christi non habet, hic non est ejus. Si autem Christus in nobis est, corpus quidem mortuum est peccato; spiritus vero vivit propter justitiam. Si autem spiritus ejus, qui vivificavit Christum a mortuis, habitat in nobis; qui suscitavit Jesum Christum a mortuis vivificabit et mortalia corpora nostra, propter inhabitantem spiritum ejus in nobis* (*Rom. viii*). Et ipse Dominus ait: *Qui manducat meam carnem, et bibit meum sanguinem, habet vitam æternam* (*Joan. vi*).

In hoc itaque sacramento vita nostra abscondita est cum Christo in Deo. Hic abscondita est vita æterna, et salus vera, quæ antiquis promissa est, et nobis data est: quæ revelabitur in nobis, cum venerit Deus glorificari in sanctis suis, et admirabilis fieri in omnibus qui crediderunt. Magnificavit Dominus facere nobiscum quod antiquis promisit, ex magna parte jam nobis exhibuit. Exhibita est nobis in hoc sacramento veritas antiqui consilii, de quo propheta dicit: *Domine, consilium tuum antiquum fiat verum*. Hæc est veritas promissionum Dei, veritas signorum, veritas sacrificiorum, veritas umbrarum et figurarum.

Denique hæc est ipsa veritas Christus, qui dicit:

Ego sum veritas (Joan. iv). Hanc veritatem ignoravit A Pilatus dicens : *Quid est veritas, et exivit foras (Joan. xviii).* Qui exivit foras, foris maneat ; et infidelis si discedit, discedat. At nos ne foris maneamus, ne sit portio nostra cum infidelibus, intremus in sanctuarium Dei, apud quem non est impossibile omne verbum, cuius sermo omnipotens est, et semper verax est, cui semper subest, cum voluerit, posse. Sufficit nobis ad fidem hujus testimonium, Christum, qui est Dei virtus et Dei sapientia, discipulis suis dixisse ; *Accipe; hoc est corpus meum (Matth. xxvi).* Si humana sapientia in corde nostro remurmuratur, murmurationem ejus fidei pietas compescat. Exhibeamus honorem verbis Dei in humiliitate fidei; deferamus tam venerabili sacramento, tamque excellenti gratiae omnem reverentiam, in xpundititia manuum et puritate vitae. Hoc enim pignus dilectionis sue benignissimus Jesus nobis reliquit, cum veniret hora ejus, ut transiret ex hoc mundo ad Patrem; volensque probare fidem et charitatem suorum, quasi quendam locum certaminis in hoc sacramento posuit, in quo exerceantur, quos probari voluit.

In primis fides divina et humana ratio compungunt, et hoc agitur inter eas, ut altera alteri oculum eruat, nec eat filius hujus pugnae extra alterius execrationem. Habet enim humana ratio oculum suum, habet fides suum. Oculus quidem rationis lippus est, et aëpe visibilia et prope posita videre non potest. Oculus autem fidei acutus est : quo invisibilia Dei intellecta conspicuntur. Circa virtutem hujus sacramenti mens habet, oculus rationis caligt, omnis sensus corporis obtunditur. Manus curiosa et in contrectatione sedula, nulla sua diligentia explorare potest, nisi ea quæ hujusmodi panis esse solent. Experientia gustus, et oculorum intenta contemplatio, per saporem et colorem, superscriptionem et formam, ceterasque circumstantias, cogitationi suggestum, quia panis est, et non caro. Ratio consulta respondet quod carnalibus cogitationibus persuasum habet, et corporeis sensibus exploratum. Oculus enim humanæ rationis invisibilia Dei comprehendere non potest, nisi collyrio gratiae inungatur, veroque lumine illustretur, de quo scriptum est : *Præceptum Domini lucidum illuminans oculos (Psal. xvii).* Si oculus tuus, inquit Dominus, scandalizat te, erue eum, et projice abs te (Matth. xviii). Hoc de oculo humanæ rationis non inconvenienter intelligitur, qui pietati fidei aëpe scandalum est, sed, cum scandalizat, erendum est. Melius est enim unum oculum sanæ fidei habentem ingredi ad vitam, quam duos oculos habentem, alterum fidei, alterum humanæ rationis, mitti in gehennam. Quasi duos nempe oculos habet, qui humana sapientia ducitur et fidem ex ea tantum parte recipit, ubi humanis rationibus consentanea case videtur. Fides autem nostra maior testimonium habet, quam ab humana ratione. Subnixa est divina auctoritate, quæ quidem summa ratio est,

A omnem humanam rationem incomparabiliter quiperas. Nec certius habendum est, quod humana ratio cordi suggestum, quam quod spiritus Dei, qui suggestum omnem veritatem, et occulta inspiratione submittit. Revelat enim aurem cordis, lenique surro simplicitatem pietatis, et mysterium fidei loquitur, et cum simplicibus sermocinatio ejus. Et qui est ex Deo, verba Dei audit. Non caro et sanguis, non carnalis sapientia, et animalis sensus, revelavit Petro mysterium fidei, sed Pater coelestis, qui est in cœlis. Subnixa est ergo fides nostra veritate, principium habens ab ipso veraci Deo, cui dictum est : *Principium verborum tuorum veritas (Psal. cxviii).* Non enim fallit Deus, quia summa veritas est; non fallitur, quia summa sapientia est; non infirmatur, quia summa virtus est. Quidquid dixerit vel prædixerit, hoc et flet. Cui tam promulgatum est facere, quam dicere, ut fiat. Sicut tractavit, sic erit; omne consilium ejus stabit. Et si ipse decreverit, quis poterit infirmare? Subnixa ergo debet esse fides nostra certitudine : non enim conjecturis errat, non ambigit, quasi de re dubia; non hæsitat, quasi de re incerta; non titubat, non vacillat, non fluctuat, : sed stat supra firmam petram; supra fundamentum, quod nemo revocare potest, quod est Christus Jesus. Si fides est scientia salutis, cur non credatur habere certitudinem? Scio, inquit Job, quod Redemptor meus vivit (Job xix). Scio, inquit Martha, quia quæcumque poposceris a Deo, dabit tibi Deus (Joan. xi). Et de fratre loquens, Scio, inquit, quia resurget in novissimo die (ibid.). Scio, inquit Apostolus, cui credidi, et certus sum (II Tim. ii). Idem de Abraham loquens, ait : *Non hæsitarit diffidentia, sed fide confortatus est, dans gloriam Deo, sciens quod quæcumque promisit Deus, potens est et facere (Rom. iv).* Ergone conscientia fidei certitudinem non habet? Quis hoc dixerit, nisi qui non credit, vel qui tepide credit? Fides autem cum subnixa sit summa auctoritate, veritate, certitudine; auctoritate excludit fictionem, veritate errorem, certitudine dubitationem. Qui autem impie dubitat, proximus est infideli. A dubitatione enim cœpisse videtur peccatum infidelitatis, et crimen apostasie in homine. Cum enim accederet tentator ad mulierem, a quæstione dubitationis bajula sic exorsus est : *Cur præcepit vobis Deus ne comederetis? eto. (Genes. iii.)* Ut quæstio animum mulieris pulsavit, quasi afflata sibili, et inflata veneno serpentis, tenuit, et hæsit; et mox ad dubitationem cor inclinavit, dicens : *Ne forte moriamur (ibid.).* Dubitationem mente conceptam verbo dubitationis expressit, et sermonem, quem Deus dixerat, in dubium revocavit, et in corde mulieris quasi causa quedam actitata est. Superba ratio mulieris, quasi judex sedebat pro tribunal, vel in cathedra pestilentia. Sermo quem dixerat Deus quasi reus adducitur in medium, accusator accedit, sermonem reum mendacii desert, dicens : *Nequaquam moriemini (ibid.).* Perinde est, ac si diceret : *Falsus est sermo con-*

mulatorius, quo Deus mortem interminatus est. Tunc mulier quasi adhuc dubia nondum omnino impulsa ut caderet, sed nutabunda, similisque parieti inclinato, et maceratae depulsae (*Psal. Lxi*), adhuc inter comminationem Dei et suggestionem diaboli quid crederet, nescia: interim respexit lignum, de quo agebatur; videntque quod bonum esset ad ascendendum, pulchrum oculis, et aspectu delectabile (*Gen. iii*). Blandiente aspectu ligni, valuit hoc totum quasi ad testimonium, pro parte, accusatoris. Nullum enim signum mortis apparuit in ligno, unde putaretur accusator falsum dixisse, vel Deus non falsum dixisse. Accessit ad hoc quod mulier naturaliter vitam amabat, quem serpens reprobabat; et mortem aequa non amabat, quam Deus intentabat. Usum quoque vita experta, et mortis inexperta, magis sequebatur, quo eam trahebant amor et experientia; et sic tandem victa extendit ad iniquitatem manum suam. Sic seducta est, et primum ad dubitationem, et a dubitatione ad infidelitatem perducta, ut falsum crederet, quod Deus predixerat, sic persuasa est, ut a concupiscentia incipiens, et ad consensum perveniens, presumeret, quod Deus interdixerat.

Interea superba ratio pro tribunali sedens, mulierem a metu mortis absolvit; nec Deum in sermonibus justificavit, sed superbo judicio falsi condemnavit: et sic mulier honorem fidei, quem verbis Dei exhibere debuit, ad gloriam tentatoris transtulit, illi credens, Deoque non credens. Superba voluntas C superbae rationi assidebat: quae honorem obedientiae Deo subtraxit, et per inobedientiam tentatori se sponte subdidit. Corrupta est itaque in muliere ratio per superbiam; quia de fide sermonis Dei dubitavit. Nam nefas est de verbis Dei dubitare, et impium est sermonibus ejus non acquiescere. Homo enim per judicium rationis et libertatem voluntatis ad imaginem et similitudinem Dei conditus, naturali sequitate in iis debet subditus esse Deo, ut semper velit illi subesse, a quo coepit esse; humilians rationem ante eum, ut credat omnibus verbis ejus; sic voluntatem, ut obediatur omnibus preceptis ejus. Pietas siquidem fidei rationem humiliat in homine, obedientia voluntatem. Superbia humanae rationis, quae pietatem detrectat, et sub fide humiliari nescit, cæcitas cordis est damnable, Deo odibilis, dum non acquiescit credere, quod non sufficit comprehendere. Cum Dominus illuminasset cœcum natum, non credentes Pharisæi magis excœcati sunt, et obscurati sunt oculi eorum ne viderent. At Dominus novitatem miraculi tanti contra eos intentans, dixit: *Ego in judicium veni in hunc mundum, ut qui non vident videant, et videntes cœci fiant* (*Joan. ix*). Ut qui non vident per superbiam, videant per humiliatis gratiam; et qui vident per superbiam, non videant per substractam gratiam. Sed in sequentibus addit: *Si cœci essetis, peccatum non haberetis; sed quia dicitis quia videmus, peccatum vestrum manet* (*ibid.*). Bona cæcitas est, in seipso magna non vi-

A dere, et quæ scire non licet, pie ignorare. Propterea in celestibus mysteriis et divinis sacramentis omnis impia dubitatio a corde nostro procul pellenda est; omnis curiosa inquisitio compescenda est, ut fides, quæ habet veritatis conscientiam, habeat etiam piam ignorantiam. Incomprehensibilitas enim est Dei sapientia: intra angustias humanæ rationis coarctari non potest. In hoc ergo sacramento tota humana ratio sub pietate fidei humilianda est. Ita enim oportuit, et ordo nostræ reparacionis hoc exigebat, ut imago Dei, quæ per superbiam rationis deformata est, in ipso sacramento redemptionis nostre per humilitatem rationis debeat reformari. Homo itaque rationem suam totam Deo humilians, de hoc sacramento id credit, quod Dominus instituit credendum, dicens: *Hoc est corpus meum* (*Math. xxvi*). Credat hoc firmiter, credit indubitanter, confiteatur fideliter. Si videntur impossibile juxta humanam rationem, si incredibile secundum humanam sapientiam, semper verum et certum inveniat in conscientia fidei, propter divini sermonis reverentiam. Credat homo magis Deo quam sibi; credit se Deo, ne Deus non se credit illi. Credat spiritum suum Deo, ut sit creditus cum Deo spiritus ejus (*Psal. lxxvii*). Credat rationem suam Deo, et abneget se-mot ipsum, et sicut audit a Deo, ita judicet, illum sequens, qui dicit: *Ego sicut audio, judico* (*Joan. v*). Christus itaque exemplum geminæ utilitatis in se nobis exhibuit, in humilitate judicii et humilitate voluntatis. De humilitate judicii scriptum est: *Ego sicut audio judico*. Et per prophetam dicit: *In humilitate judicium ejus sublatum est* (*Isa. lxi*). De humilitate voluntatis dicit: *Non veni facere voluntatem meam, sed voluntatem ejus qui misit me* (*Joan. vi*). Christus a se non est, nec a se operatur, sed a Patre, sicut dicit: *Ego a me non possum facere qui quoniam* (*Joan. v*). Sicut Filius a Patre est, ita a Patre habet judicare et velle operari; in his tamen Patris aequalis. Discat hinc homo, qui a se non est, sed a Deo factus est, nil a se judicare, sed a Deo; nil a se velle, nil a se operari, in iis maxime quæ ad salutem operantur, vel cooperantur.

Sacrificium hoc, de quo nunc agitur, non solum sacramentum est ad sanctificationem, sed exemplum D in se continet ad imitationem. Sacramentum per mysterium fidei, exemplum ad formam vivendi. Sacramentum ad humilitatem voluntatis. Illis quidem prodest sacramentum, qui imitantur exemplum. Qui non imitantur exemplum, nec illis prodest sacramentum. Forma autem vivendi non solum hoc sacrificio prescripta est; sed in figura hujus sacrificii dudum præmonstrata fuit. In lege enim Moysi decima die septimi mensis solemnis hostia jubetur offerri, cuius coro crematur extra castra, et sanguis infertur in Sancta (*Levit. xvi*). Nam ut Apostolus ait: *Quorum animalium sanguis infertur in sancta, horum corpora cremantur extra castra* (*Hebr. xiii*). Dies autem afflictionis dies est propitiacionis de peccato. Quomodo dies afflictionis dies

propitiationis est? Nunquid afflictio propitiatio est? Aut quomodo afflictio propitiatio non est; si omnis anima, quæ non afflita fuerit die illa, peritura est? Melius est utique, hac die affligi, quam perire de populo suo. Quorum animalium sanguis insertur in sancta, horum corpora cremantur extra castra. Qui enim noluerint hic per disciplinam affligi, horum animæ non poterunt in cœlum recipi. Tunc quippe sanguis in sancta insertur, cum anima in cœlum suscipitur. Animam vero per sanguinem significari, frequens est in sancta Scriptura; et rationem hujus significationis ipsa Scriptura non retinet, dicens: *Anima omnis carnis in sanguine est* (*Levit. xvii*). Hinc Dominus ad speculatorum domus Israel, qui iniquo iniquitatem suam non annuntiat, per sanguinem animam significans, dicit: *Sanguinem ejus de manu tua requiram* (*Ezech. iii*). A necessitate Christianæ disciplinæ nemo excipitur, nemo excusat; nulla conditio, nullus sexus, nulla provectionis ætas, nullus ordo, nulla dignitas, nulla potestas. Omnis enim anima peribit, quæ non affligitur die hac. Consonat huic quod in psalmo scriptum est: *Apprehendite disciplinam, ne quando irascatur Dominus, et pereatis de via justa* (*Psal. ii*). Periturn certe est qui disciplinam non apprehendit. Hinc Apostolus ait: *Si extra disciplinam estis, ergo adulteri estis* (*Hebr. xi*); non Christi estis, sed diaboli, qui adulter est, et sponsus non est. Per disciplinam autem compatimur Christo, sicut per pœnitentiam compatimur proximo. Compassio autem misericordiae semper benevolia est, etsi per inopiam rei familiaris non semper beneficia; ideoque in sola voluntate nonnunquam consistit. Nam ab operibus misericordiae excusatur, cui facultas non suppetit. At compassio disciplinæ non nuda voluntate æstimanda est; sed reipsa et afflictionis experientia a professoribus Christiani nominis pro Christo suscipienda est. Nam quia in multis offendimus omnes (*Jac. iii*), sicut nemo immunis est a culpa, ita nemo potest liber esse a poena; sed omnis qui offendit per culpam, debet paenam. At qui paenam debet, et non solvit, quasi qui dolos versat, debitum inficiatur.

Et, sicut in civilibus judiciis, ut cognitores litium difficiunt, lis quandoque per inflictionem crescit in duplum, ita et in divinis judiciis sit, nisi quod illi qui a Deo judicandi, non in duplum judicandi sunt, se i poenas dabunt in interitu æternas, a facie Domini, et a gloria majestatis ejus. Dissimulatio autem pœnitentiae, quasi quedam inflictio est poena. Deus quidem peccata hominis dissimulat propter pœnitentiam, sed homo pœnitentiam dissimulat. Ex altera dissimulatione simultas nascitur, et processu temporis perpetue inimicitiae sub pallio latentis odii inchoantur, et ita perseverant. Debitorum sumus Christo, qui commune negotium omnium gerens, solvit pro nobis, sicut ipse dicit: *Quæ non rapui, tunc exsoltebam* (*Psal. lxviii*). Qualia solverit pro nobis, talia exigit a nobis; et quis poterit ea extor-

A quere? Quædam magna summa passionum Deo debebatur pro liberatione generis humani. Et ut sit Beatus Augustinus, singuli debemus conferre ad hanc summam, donec collatione facta compleatur, Deoque solvatur. Possessores agrorum vel prædiorum inferre solent in rempublicam vel fiscum certam pensionem, singuli pro quantitate possessionis suæ. Ita et nos inferre debemus quasi in quauidam rempublicam debitum canonem passionum, unusquisque majorem vel minorem, pro modo virium suarum, et pro congruentia ætatis, dignitatis et ordinis. Quid enim justius, quam ut homo patiatur pro Christo, pro quo passus est Christus? Hinc Apostolus ait: *Adimpleo ea quæ desunt passionum Christi in carne mea* (*Coloss. 1*). Debitorum ergo sumus, non B carni, ut secundum carnem vivamus. Si enim secundum carnem vixeritis, moriemini (*Rom. viii*). Ecce intentata est sententia mortis in eos qui secundum carnem vivunt, sed nondum lata, adhuc per pœnitentiam et disciplinam declinari potest. At cum fuerit lata, non per appellationem poterit suspendi occulta arte, vel tergiversatione vitari poterit, vel eludi. Christo autem pro nobis passo, non solum timori, sed et pudori nobis esse debet, si delicate vivamus, curam carnis in desideriis perficiamus. Nam si Dominus, et talis Dominus, in cruce pendeat, et pro servo pendeat, at servus malus plagiisque dignus in deliciis agat, nonne confusione dignum est, nonne ridiculum est? Si Christus in cruce dicit: *Sutor* (*Joan. xix*), et corda nostra gravantur quotidie cra-pula et ebrietate, nonne turpe est, nonne probrosum est? Ut vulgo dici solet, non ex æquo partitus est ludus iste. Passio certe Christi nec ludus est, nec ludo similis. At nos vitam nostram ludo similem æstimamus, et artem quamdam ad ludendum compositam. Adhuc in mundo versamur, quasi in campo certaminis, ubi Christus Dominus noster occisus est. Quisquis ex hoc campo exierit, non habens inse nec plagam, nec tumorem, inglorius reputabitur. Et nos quidem libore ipsius sanati sumus (*Isa. LIII*). Domino pro nobis in acie occiso, si illæsi evadimus, si sani et integri corpore, nonne rei proditionis jugicamur, reique mortis Christi? Rei mortis Christi fuerunt, et auctores mortis, et qui morti consenserunt et ministri qui cruciferunt. Reus quoque mortis Christi quodammodo est, qui virtutem mortis ejus in se, male vivendo, evacuat.

Quamvis enim non egerit, ut mortuus sit, id tamen agit, ut quoad ipsum gratis mortuus sit. Mors enim Christi illi salutem non operatur, nec crux Salvatoris illi proficit, qui crucem non bisulans, se ipsum perdit. Si crux Christi, quæ nobis portanda impeditur, voluptati adversatur, et voluptas crucis, quomodo excusari poterunt voluptatis amatores, ut non judicentur crucis persecutores? De qualibus Apostolus dicit: *Inimicos crucis Christi, quorum finis interitus est; quorum Deus venter est, et gloria in confusione ipsorum, qui terrena sapiunt* (*I Philipp. iii*). Qui, ut dictum est, rei mortis Christi sunt, non si-

cut auctores, vel fautores, vel ministri mortis Christi; sed, sicut mortis contemptores, qui sacramentum dispensationis in se evacuant, consilium Aliissimi irritantes; qui cœlesti benedictione et ineffabili gratia indignos se faciunt, qui in deliciis agentes, mysterium crucis irrident; qui Filium Dei concubant, et sanguinem testamenti pollutum ducent, in quo sanctificati sunt, ei Spiritui gratiae contumeliam faciunt. Vita carnalis Dei injuria est, crucis exprobratio, et in totius Trinitatis contumeliam redundat. Injuria est Patris, quod Filius concubatur, injuria Filii, quod sanguis ejus quasi polluitur; injuria Spiritus sancti, quod gratia contemnitur. Vos, o sacerdotes Domini, attendite a voluptatibus carnis, a vana sæculi conversatione. Honorificate ministerium vestrum, qui luceat sicut luminaria in medio mundi. Sectamini justitiam, apprehendite disciplinam (Psal. ii) : *empti enim estis pretio magno; glorificate et portate Deum in corpore vestro* (*I Cor. vi*), circumferentes mortificationem Jesu. In omnibus exhibete vos, sicut Dei ministros, portantes stigmata Jesu in corpore vestro, et characterem militis ejus, in abstinentia et continentia, in castitate et sobrietate, in patientia et humilitate, et in omni sanctimonia et sanctificatione (*II Cor. vi*), ut omnes qui vos viderint, cognoscant ejus sitis, et compleatur sermo propheticus in vobis : *Vos sacerdotes Domini vocabimini, ministri Dei nostri* (*Isa. LXI*). Et iterum : *Omnes qui viderint eos, cognoscent illos; quia isti sunt semen, cut benedixit Dominus* (*ibid.*). Benedicite, sacerdotes Domini, Domino (*Dan. iii*); benedicte illi, qui benedixit vobis omni benedictione spirituali in coelestibus, qui benedixit domui Aaron. Sanctificeur Deus in vobis, ut in vobis talis apparere, qualis est, sanctus et impollutus, et incontaminatus (*Hebr. vii*). Non blasphemetur nomen ejus propter vos; non viluperetur ministerium vestrum propter vos. Talis sit conversatio vestra in medio nationis pravae et perverse, ut qui vos viderint, dicant : *Vere isti sunt sacerdotes Domini, vere isti sunt ministri Dei nostri, vere isti sunt discipuli Jesu Christi, apostolorum vicarii; vere isti sunt semen, cui benedixit Dominus.* Attende dignitatem sacerdotii, quod vobis contraditum est conscientiam, dispensandum. Manus vestrae, quibus tam venerabile D sacramentum tractare datur, mundæ sint ab omni inquinamento solidorum munerum, ne pars vestra sit cum iis, in quorum manibus iniquitates, dextera eorum repleta est muneribus (*Psal. xxv*). Lotis manibus accedentes ad altare, accedite cum eo, qui ait : *Lavabo inter innocentes manus meas, et circumdabo altare tuum, Domine* (*ibid.*). Os vestrum mundum conservetur, ad gustandum quam suavis est Dominus (*Psal. xxxiii*); ad percipiendum eucharistiam, panem scilicet vivum qui de cœlo descendit (*Joan. vi*). Non decet os sacerdotis perjurio pollui, non

A falso testimonio, non mendacio, non turpiloquio aut vaniloquio, non verbis scurrilibus, ad rem non pertinentibus foedari, non opprobiis et detractionibus super inimicos dilatari. In ore sacerdotis sint gratiarum actiones, et vox laudis, orationes, postulationes et obsecrations. Omnis sermo malus ex eo non procedat, sed sermo bonus, qui gratiam ædificationis praestet auditoribus, et fiat quod Dominus loquitur, dicens : *Laude mea infrenabo te, ne intreas* (*Isa. xlviii*). Hinc quidam laude infrenatus, dicit : *Benedicam Dominum in omni tempore; semper laus ejus in ore meo* (*Psal. xxxiii*). Laudo Dei infrenandum est os, ne per effrenatam loquendi licentiam ad inhonestam et turpia relaxetur. Immundum et commune non debet esse os, quod sacro convivio contingi debet. Fratres dilectissimi, firmissime teneamus et indubitanter credamus quod de hac sacra communione, ipsius Dei et sanctorum Patrum auctoritas nobis credendum prescribit. In hoc sacramento continetur virtus reparationis nostræ, pretium redēptionis nostræ; veritas occulta ad exercitium fidei nostræ, disciplina Christi representatur ad exemplum vitæ nostræ. Unde cum hoc sacrificium Dominus institueret, et discipulis traderet, dixit : *Hoc facite in meam commemorationem* (*Luc. xxii*). Facite quod facio, offerte quod offero; sic vivite, ut ego doceo. Vivendi et moriendi formam hinc accipite, quam meo exemplo vobis trado. Efficit hoc sacramentum nobis, ut vival Christus in nobis, et nos in ipso. Efficit in nobis ut, sicut mortuus est Christus pro nobis, ita et nos moriamur pro Christo. Quicunque autem moriuntur in Christo, aut pro Christo, cum pietate dormitionem, et optimam habent repositionem gratiam (*II Machab. xi*). Gloria resurrectionis illius repromittitur et reservatur, cuius reparatio salutaris est hujus sacramenti digna perceptio, ejus virute reformabit Deus corpus humilitatis nostræ configuratum corpori claritatis suæ (*Philipp. iii*). Quid dignum contribuimus Domino, pro tanta gratia nobis collata? Pro tanto honore quid recompensabimus ei? An ipse nos diligat, frustra queritur, qui in signum inestimabilis dilectionis, in se nobis praebet panem vite æternæ, et calicem salutis perpetuæ. Justum est itaque, ut inquantum permituit humana infirmitas, digne et reverenter accipiamus tam præclarum donum Dei, tam eximum beneficium, ut custodiamus illud, sicut pupillam oculi; imo plus quam pupillam oculi, sicut vitam nostram, sicut spem et rem resurrectionis et gloriae nostræ. Quidquid per negligentiam, contra reverentiam tanti sacramenti hactenus peccavimus, exactiore et propensiore diligentia in posterum emendemus; et danina prioris temporis, et anteactæ vitæ, honestiore proposito, et maturiore consilio compensemus, redimentes tempus, quoniam dies mali sunt.

TRACTATUS SECUNDUS,
DE CORRUPTIS MORIBUS CLERI ET POPULI.

Ecce quam periculosa sunt tempora nostra, quam corrupti et abominabiles facti filii hominum in studiis suis. Repleta est terra iniuriae: et, sicut in diebus Noe omnis coro corruerat viam suam (*Gen. vi*), ita et nunc. Et tunc antequam venirent aquæ diluvii super terram, in reprobis moribus hominum spirituale diluvium processit, et figurabatur in hominum culpa, qualis futura erat judicii poena. Inundaverunt enim torrentes iniurias; et qui erant in diluvio aquarum multarum ad Deum non approximabant: propterea abyssi operuerunt eos, et descendebant in profundum quasi lapis (*Exod. xv*). Et dum abyssus peccatorum invocaret abyssum judiciorum Dei, et clamor introivit in aures Domini Dei Sabbathi, rupti sunt fontes abyssi magnæ, et cataractæ eæli aperte sunt (*Gen. viii*), et delevit Dominus carnem de superficie terræ, posuitque arcum secederis in nubibus, ut non ultra timeat sibi homo ab aquis diluvii, timeat tamen: arcum enim suum tenet Deus, et paravit illum, dans metuentibus se signum, ut fugiant a facie arcus (*Psal. lxx*). In recordatione transacti judicii, futuri terror immittitur, et cum ipso arcu, quem Deus in nubibus posuit, in variis coloribus apparet signum terroris; judicium aquæ et judicium ignis. A judicio aquæ nos absolvit; sed terribilis est expectatio judicii, et ignis æmulatio, quæ consumptura est adversarios (*Hebr. x*). Ecce jam nunc in moribus hominum futuri judicij figura præcessit. Ignis enim cupiditatis et libidinis et malitiae accensus in medio populorum, et late depopulatur habitatores terræ, quasi jam vicina sit mundi conflagratio. Quæcumque venerit, configurabitur poena culpæ. Qualis enim nunc est culpa, talis erit et poena. Vita enim malorum ignis est; et pœna malorum ignis erit. Vita quoque justorum ignis est, et sic ignis erit gloria eorum. Ardent nunc justi igne divini amoris: quem Dominus ignem venit mittere in terram, sed et quam vult ut ardeat! (*Luc. xiii*). Ignis enim est in Sion, et caminus ignis erit in Jerusalem (*Isa. xxxi*). Ardebunt justi in futuro, sed sicut seraphim ardebunt et fulgebunt sicut sol in conspectu Domini, et lucebunt in splendoribus sanctorum. Haec erit gloria eorum, qui sicut lucernæ lucentes et ardentes per charitatem, sibi intus ardentes, et ad exemplum alii foris lucent. Malum quoque in futuro ardebunt, sed dissimiliter: de quibus Propheta ad Dominum loquitur: *Pone eos ut clibanum ignis in tempore vultus tui* (*Psal. xx*). Ardent iam nunc, de quibus dicitur: *Omnies adulterantes, quasi clibanus corda eorum* (*Ose. vii*). Et de malis per Psalmistam dicitur: *Supercedit ignis, et non riderunt solem* (*Psal. lvii*). Ignis nempe quo ardent, non illuminat, sed excœcat, in tantum ut solem vi-

A dere non permittat. Unde et ipsi in novissimis præ angustia spiritus intra semet gementes, dicturi sunt: *Lumen justitiae non illuxit nobis; et sol intelligentiae non ortus est nobis* (*Sap. vi*). Signa quoque, quæ dicim judicii præventura sunt, præsentibus moribus nostris configurabuntur; et qualia visibiliter futura sunt, talia spiritualiter in nobis jam apparent. Scriptum est: *Sol convertetur in tenebras, et luna in sanguinem; antequam veniat dies Domini magnus et terribilis* (*Joel. ii*). Quod in firmamento sunt sol et luna, hoc in Ecclesia Dei sunt ordo rectorum et vita subditorum; ecclesiastica quoque auctoritas, et sæcularis potestas. Luna sole inferior est, et a se non lucet, sed a sole. Sic et vita subditorum inferior est, quam vita prælatorum, per quos accendi debent et illuminari. Ad eos quippe dictum est: *Vos estis lux mundi* (*Matth. v*). In iis autem rectoribus, qui ignorant et errant, qui cæci sunt, et duces cæcorum, sol convertitur in tenebras; ideoque in vita subditorum luna convertitur in sanguinem; in sanguinem videlicet corruptionis et crudelitatis. Ecce enim refrigerescit charitas multorum, et abundat iniurias. Ascendit sanguis de lacu usque ad frenos equorum (*Apoc. xiv*), usque ad rectores populorum, et sanguis sanguinem tetigit (*Ose. iv*). Non inveniunt laici in nobis quod debeant imitari; inveniunt quod volunt persecuti. Persequuntur nos calumniis, persequuntur injuriis, persequuntur nos damnis, declarationibus, opprobriis; tandem persequuntur et gladiis. Nuper enim furor persequentium in capite nos vulneravit; qui Christi Domini beatissimum Thomam præsulem nostrum, ob insignem ecclesiasticæ libertatis defensionem usque ad mortem persecuti sunt. Et si verum est, quod causa rei fama sparsit, et multorum conscientia metuit, vita nostra indisciplinata tanti mali seminarium fuit, tantique odii somitem ministravit. Non enim existimavimus nos homo, sicut ministros Dei, et dispensatores mysteriorum Dei, sed judicium Dei portabimus, quicunque est ille. Indigni forte videbamus antiquis privilegiis, quæ per indulgentiam Romanorum pontificum, et antiquorum regum nobilium pro pace et libertate clericorum indulta sunt. Adsit reverentia vero, nos certe indigni eramus, secundum vitæ meritum omnino indigni eramus. Verumtamen in quoque sacerdote sanctum est semper sacerdotiale ministerium, et honorabile sacerdotii sacramentum.

B

C

D

Veniat nunc nobis in mentem illius temporis, quo Doeg Idumæus gladio percussit octoginta quinque sacerdotes vestitos ephod (*I Reg. xxii*). Rememoramus pristinos dies, et sanguinem Zachariæ filii Barachiae, qui occisus est inter templum et altare

(*Math. xxii*). Ilabent et nostra tempora sacrilega crudelitatis nonnulla insignia ; sed multorum scelerum magnitudo unius operis comparatione absolvitur. Novit Deus, quanta malignitas est inimicus in sancto. Omnis nequitia nostri temporis, etsi multa nunc abundet, ab uno facto justificata est. Unum quidem factum est ; sed in uno facto multa sunt crima. Artificiosa enim malignitas, et in summi exitum ingeniosa, ut perfectae nequitiae nihil deesset, totum negotium iniquitatis in extrema malitia consummavit. Si autem inordinata et indisciplinata conversatio nostra huic tanto malo occasionem praestitisse probabili opinione putanda est, quid consilii supereret, nisi ut clamemus ad Dominum Deum nostrum, donec misereatur nostri ? Miserator est enim, et multum misericors. Quid salubrious, quid're honestius, nisi ut vitam nostram ad ordinem revocemus et disciplinam, et in omnibus exhibeamus nosmetipos sicut Dei ministros, ut qui nos persecutur, et detrectant de nobis, tanquam de malefactoribus, videntes bonam conversationem nostram, adficiantur et ipsi ex nostro exemplo ad poenitentiam ? Si enim ipsum lumen tenebræ sunt, ipsæ tenebræ quantæ erunt ? (*Math. vi*.) Si nos ad hoc constituti in Ecclesia Dei, ut vita nostra aliis luceat in operibus bonis, adhuc in tenebrarum operibus ambulamus : quid mirum, si subditi nostri nescientes et non intelligentes in tenebris ambulant, cæci, et nostro exemplo magis excœcti ? Nonne sanguis eorum de manibus nostris requiretur ? Nonne beatissimus ille martyr, qui pro nobis animam suam posuit, deponet contra nos querimoniam ? Nonne vox sanguinis ejus de terra clamabit contra nos ; et ante tribunal districti judicis rei erimus omnes nos ? Nonne pro culpa nostra mortuus est ? Nonne per culpam nostram mortuus est ? Quæ si causam mortis non dedit, at occasionem præstít. Si peccare perseveremus, sicut existimare licet, non erit hic amplius patronus ad justitiam, sed accusator vel testis ad vindictam, non intercessor ad veniam. In malis quæ justo Judicio Dei patimur non est cui jure succenseamus, nisi nobismetipis. Ipsi graviora meruiimus, et nondum meritis nostris condigna sustinemus. Nobis merito inputandum est, et in periculum nostrum redundat, quod sæcularis potestas ecclesiastica judicia sibi vindicat, quod ecclesiastica auctoritate non regitur : quod consilio Ecclesiae non utitur vel nititur, sed renititur : quod gladius

A Petri obtunditur, quod claves Petri non reputantur ; quod sacramenta Ecclesia contemnuntur, quod sanctum et terrible nomen Dei sub perjurii contemptu in vanum assumuntur, quod sacrosanctis Ecclesiis debita reverentia non defertur, quod ecclesiasticis personis debitus honor non exhibetur, quod sanctæ religionis honorabile nomen in contemptu adducitur. Ilæc omnia, et in id genus plurima a nobis requirenda sunt, quia nostris peccatis imputanda sunt. Viæ enim nostræ et iniquitates nostre fecerunt hæc nobis. Potens est autem Deus de manibus persequentium sponsam suam quam sibi zelat, cum voluerit, liberare. Ad modicum iratus est, ipsi vero adjuvimus in malum. Hoc agere videtur illa potestas, ut Ecclesiam habeat subjectam, ut sit et ipsa subiecta. Sed quid dicit Scriptura ? *Et erit, inquit, sicut somnium visionis nocturnæ multitudo genium dimicantium contra Ariel* (*Isa. xxix*). Supor et mirabilia facta sunt hodie super terram. Perverso enim ordine rerum luna supra solem exaltata est, et non stat in ordine suo. Sed quid dicit Scriptura ? *Elevatus est sol, et luna stetit in ordine suo. Elevatur sol, et revocetur in locum suum, redeat vita sacerdotum ad ordinem suum : sit ordinata, sit disciplinata ; et tunc stabit luna in ordine suo. Ex tunc erit vita subditorum ordinata et disciplinata ; quisque finibus contenta. Quid magis decet ordinatos quam ordinata vivere ? Quanta enim abusio est, et rerum et nominum ; si qui ordinati dicuntur, inordinati inveniantur ? Cum dicat propheta, luna stabit in ordine suo, significat lunam, quæ sole inferior est, ordinem habere. Nam et in vita subditorum ordo disciplinæ requiritur, quanto magis in vita rectorum ? Ad hos quippe pertinet omnia ordinata agere, et aliorum mores suo judicio ordinare. Thronus enim Dei sunt, in quibus Deus sedet, et judicia sua discerit : de quo throno Pater loquens de Filio, ait. Et *thronus ejus sicut sol in consecuta meo* (*Psal. lxxxviii*). Et additur : *Et sicut luna perfecta in æternum* (*ibid.*). Hoc ordine consummabit Deus gloriam justorum. Thronus Dei in prælatis et perfectis erit sicut sol, luna longe splendidior, longe superior : et luna in subditis minuante nunc perfectis, tunc erit in æternum, sed perfecta in ordine suo. Ad quam gloriam nos perducat, unumque inquin in ordine suo, Deus, qui est super omnia benedictus in sæcula. Amen.*

TRACTATUS TERTIUS,

DE DILECTIONE DEI.

In illud : *Diliges Deum tuum ex toto corde tuo, et ex tota anima tua, et ex omnibus viribus tuis*, etc.
(*Math. xxii*.)

Movere nos potest, et non immerito movere debet quid sibi velit hæc verborum exaggeratio, hæc inculcatio tam diligens, tam exquisita, tam exacta, tam propensa, et in uno mandato. Unum est enim

mandatum, et non plura. De quo scriptum est : *Doc est primum, et maximum mandatum* (*Math. xii*). Cum dictum sit : *Diliges Dominum Deum tuum ex toto corde tuo*, quasi hoc parum sit, additur, et ex

debet. Nam quantumcumque profecerit, plus debet. Vehemens itaque desiderium aliquo modo non habet modum, cum non possit esse nimium. Cum in cæteris rebus impatientia soleat culpari, in expectatione tante promissionis laudabilis est vehemens impatientia dilationis. Eum enim qui plus amat et qui plus desiderat, dilationis impatientia magis cruciat. Spes enim quæ differtur, affligit animam. Hinc sponsa desiderium suum meritis et precibus sanctorum animarum, et cœlestium virtutum Deo commendari desiderans, dicit : *Adjuro vos, filiae Jerusalem, si inveneritis dilectum, ut annuntietis ei, quia amore langueo* (*Cant. v.*). Psalmista quoque, quasi patienter non ferens dilationem, ait : *Quemadmodum desiderat cervus ad fontes aquarum, ita desiderat anima mea ad te, Deus. Sicut anima mea ad Deum fontem vivum; quando veniam et apparebo ante faciem Dei?* (*Psal. xli.*) Paulus quoque simili desiderio quasi impatienter æstuans, ait : *Coarctor e duobus; desiderium habens dissolvi et esse cum Christo, multo est melius: permanere autem in carne, necessarium propter vos* (*Philipp. i.*). Verumtamen hic ipse Paulus, qui nunc ita impatiens est, ut malit mori quam dilatione suspendi, alio in loco dicit : *Per patientiam expectamus* (*Rom. viii.*). Unde ostenditur sancti et vehementis desiderii miro modo patiens impatientia, quia justi in expectatione longanimes cruciantur, et non murmurant; et dum tormentum tolerant infatigabiles, spem inconcussam servant, qualibet adversa fortiter tolerant. Haec affectio sancti desiderii significari potest nomine animæ, cum dicitur : *Diliges ex tola anima tua* (*Deut. vi.*). Nec immerito. Anima enim spiritus est, et Spiritu sancto afflata semper desiderat et suspirat, donec in illo respiret, ad quod spirat. Unde in desideriis sanctorum exprimendis animæ mentio sapientissime fieri solet. Hinc Propheta dicit : *Sicut in te anima mea* (*Psal. lxxii.*) Et iterum dicit : *Concupiscit et deficit anima mea in atria Domini* (*Psal. lxxxiii.*) Et alius propheta dicit : *Nomen tuum Domine, et memoriale tuum: in desiderio animæ. Anima mea desiderabit te in nocte, sed et spiritus meus in præcordiis meis* (*Isa. xxvi.*)

Quod ex omnibus viribus diligendus est Deus in judiciis suis.

In judiciis suis diligendus est tibi Deus ex omni virtute tua. De judiciis Dei iudicium est difficile : *Judicia enim Dei abyssus multa* (*Psal. xxxv.*) Verumtamen constat, aliud esse judicium, de quo Propheta dicit ad Dominum : *Aspice in me, et miserere mei, secundum judicium di'gentium nomen tuum* (*Psal. cxviii.*) et aliud esse illud judicium, de quo idem Propheta dicit : *Non intres in judicium cum seruo tuo* (*Psal. cxlii.*) In illo judicio quo jam damnati sunt, qui in inferno positi sunt, nullus amat Deum; sed nec ibi quisquam amat se ipsum. In præsenti autem vita exercet Deus iudicia sua, sive in reprobis, sive in electis, diversis modis. Nam in eis misericordiam et iram suam nunc occultat mirabiliter,

A nunc manifestat, ut quæ ira est, videatur misericordia; et que vere est misericordia, videatur esse ira. Hinc Propheta ait : *Quis sapiens et custodiet haec; et intelliget misericordias Domini?* (*Psal. cv.*) Et de ira ad Deum ait : *Quis novit potestatem iræ tuæ?* (*Psal. lxxxviii.*) Deus enim occulto iudicio quosdam malos suæ voluntati permittit, et dimittit eos secundum desideria cordis eorum, ut eant in adiventionibus suis. Inimicos suos exaltat et honoscat, et quotidie bona eorum bonis cumulat; nec eos cum hominibus flagellat. Illoc agens, apponit iniuriam super iniuriam eorum, ut qui in sorribus sunt, sordescant adhuc, donec compleatur iniurias eorum. In hoc autem iudicio abscondit Deus iram suam, quasi sub specie misericordiæ, iis qui misericordiam ejus in iudicium convertunt; ut prosperitas eorum fiat perditio eorum; ut in iis justissime pereant, pro quibus Deum non amant. Hinc scriptum est : *Prosperitas stultorum perdet illos* (*Prov. i.*) Stulti autem in præditione sua letantur; ignorantes quid cogitet super illos terribilis in consilio super filios hominum, non intelligentes profundas Dei cogitationes, de quibus scriptum est : *Quam magnificata sunt opera tua, Domine, nimis profundæ factæ sunt cogitationes tuæ. Vir insipiens non cognoscet; stultus non intelliget haec* (*Psal. xcii.*) Sed quid super eos cogitet Altissimus, tunc intelligent, cum exorti fuerint peccatores sicut senum; et apparuerint omnes qui operantur iniurias, ut intereant in seculum seculi. Hic est enim finis illius occulti iudicij, quo Deus iram suam abscondit iis qui in laboribus hominum non sunt, et cum hominibus non flagellantur. Sunt autem alii mali, qui a Deo hic flagellantur; quos tamen flagella non purgant, quia per impatientiam blasphemant aut murmurant, et castigati reverentiam non exhibent, non recipientes disciplinam. Hi quia in iudiciis Dei Deum non amant, per impatientiam iudicij iudicium sibi aggravant, de suppliciis ad supplicia perducendi. Boni vero cum a Deo flagellantur, alii in flagellis Deum amant; alii ipsa flagella propter Deum amant. Hi in flagellis, illi de flagellis Deum glorificant et laudent. Illi in tribulatione patientes Deum in iudiciis amant; illi in tribulatione gaudentes, iudicia Dei quasi quedam beneficia grataanter acceptant, et in eis exsultant. De qualibus scriptum est : *Ez exsultent filiae Iudeæ propter iudicia tua, Domine* (*Psal. xcvi.*) Filiæ vero inde rectissime intelliguntur animæ Deo consientes, quæ in adversis semper Deum glorificant, et sese accusant, dicentes : *Omnia fecisti nobis, Domine, in vero iudicio fecisti, quia peccarimus tibi, et mandatis tuis non obedivimus. Sed da gloriam nomini tuo, et fac nobiscum secundum multititudinem misericordiæ tuæ* (*Dan. iii.*) Sunt alii, qui iudicia Dei in tantum amant, ut non exspectata disciplina patris ipsi se iudicent et puniant, et de quotidianis peccatis, quibus carere non potest humana infirmitas, quotidie vindictam expetant. De qualibus Apostolus dicit : *Si nosmetipsos iudicare-*

mas, non sive judicaremur (I Cor. xi). Qui autem se ipsum judicat, et quasi reum panit, ipse simul et reus est, et iudex, et minister iudicis. Justus iudex, quia reum persequitur; et quia reus est ipse, iuste patitur; et dum se juste persequitur, odit animam suam, et in vitam aeternam custodit eam. In Judiciis suis probat Deus, et erudit electos suos ad patientiam, et exercet ad passionum tolerantiam, et confortat per spem. *Tribulatio enim patientiam operatur, patientia autem probationem, probatio vero spem. Spes autem non confundit (Rom. v).* Propter quod Prophetus ad Deum dicit: *In iudiciis tuis supersperavi (Psal. cxviii); significans in iudiciis Dei patienter toleratis vel amatis, non qualemcumque spem, sed firmorem et certiorem, et abundanter gloriae fiduciam constitutam esse.* Spei autem certitudo et gloriae magnitudo pondus tribulationis relevant ut aequaliter tolerari possit, vel etiam amari. Nam ut Apostolus ait: *Non sunt condignae passiones hujus temporis ad futuram gloriam, que revelabitur in nobis (Rom. viii).* Et iterum dicit: *Id quod in praesenti momentaneum et lete tribulationis nostrae, supra modum in sublimitate aeternum gloriae pondus operabitur in nobis (II Cor. iv, 17).* *Judicia vero Dei quam digna sint amari, novit, qui ait ad Dominum: Judicia tua iucunda (Psal. cxviii).* Et iterum dicit: *Judicia Domini vera iustificata in semetipsa; desiderabilia super aurum et lapidem pretiosum multum; et dulciora super mel et savum (Psal. xviii).* Quibus verbis ostenditur, omnem iucunditatem in possessione auri et argenti, omnemque dulcedinem vitae presentis, quamvis melli favoque similem, minorem esse illa delectatione, qua animae Deum super omnia desiderant; dulcescunt iudicia Dei, cui minus est omne quod patitur; quae omne gaudium existimat, cum in variis inciderit tentationes. Quam magna multitudo dulcedinis tuus, Domine, quam abscondisti timentibus te! Magna quidem, nec dici potest, quam magna. Dulcis es enim in iudiciis tuis; sed nondum illi, qui dicit: *A iudiciis tuis timui.*

Quod tota mente diligendus est Deus in preceptis suis.

Mens est, quod in homine principatur, sumimum et praecipuum locum tenens. Sicut enim paterfamilias in domo ad arbitrium suum omnia dispensat, ministeria ordinat, ministris imperat, de omnibus iudicat, volens in omnibus et ab omnibus sibi serviri, sibique obediri; sic vigor mentis omnes motus et sensus corporis et spiritus ad arbitrium suum regere habet: ordinare, iudicare, et sollicite agere, ut in omnibus sibi obediatur. Sed sicut mens omnibus quae sub ea sunt se novit esse praelatam: ita meminisse debet, necessitate obediendi se Deo fore astrictam. Obedientiam sane, quam ab inferiore exigit, suo superiori aequissimo jure impedit. Vix autem homini, qui Deo non obedierit. Poena enim inobedientiae erit illi praevalens ipsa mors. Mors autem sicut terri-

bilis est, ita et odibilis; et quoniam inobedientiam cohaeret, ipsa quoque inobedientia aequa digna est odio, sicut et ipsa mors. Per peccatum enim inobedientiae in hunc mundum intravit mors. Quod si inobedientia aequa odibilis est ut mors, quia ex ea procedit mors, cur non obedientia aequa diligenda est ut vita, quia ex ea procedit vita et in ea perseverat vita? Obedientia enim Deo obsequitur, et voluntati ejus; et vita est in voluntate ejus. Charitas autem Dei et obedientia individuo nexus sece complectuntur, et ab invicem non disjunguntur. Nam quod charitas sine obedientia non sit, Dominus ostendit dicens: *Si quis diligit me, sermonem meum servabit (Joan. xiv),* hoc est praecepta mea custodiet, et in custodiendis illis mihi obediens. Ostendit quoque, obedientiam sine charitate non esse, cum dicit: *Qui non diligit me, sermones meos non servat (ibid.).* Si ergo qui diligit, obediens; et qui non diligit, non obediens, consequens est ut nec sit charitas sine obedientia, nec sine charitate sit obedientia. Obedientia per charitatem in mandato Deum respicit, charitas per mandatum obedientiam ad Deum dirigit. Deus per mandatum voluntatem suam exponit; charitas mandatum obedientie imponit. Qui autem vero Deum diligit, et mandatum ejus diligit. Sicut enim non potest quis Deum diligere, et voluntatem ejus non diligere, sic nec ipsum diligere potest, nisi diligat et mandata ejus, in quibus voluntas ejus manifestatur et cognoscitur. Profunde amori Dei semper conjungitur amor voluntatis ejus, et amor mandatorum ejus; adhuc autem et amor obedientiae. Nam qui mandatum Dei amat et voluntatem ejus, obedientiam amat. Hoc enim vult Deus, quod mandat fieri; et, cum mandat fieri, voluntas ejus est ut obediatur ei. Propterea qui voluntatem Dei, qua fieri mandat, amat, juberi amat. Sed nemo diligit juberi, nisi diligit et obediens. Si ergo obedientia ad Deum non est sine charitate, id est amore Dei, et si amor Dei non est sine amore voluntatis ejus quam fieri mandat, hoc est non est sine amore mandati, nec amor mandati sine amore obedientiae, quid consequens est, nisi ut obedientia ad Deum non sit sine amore obedientiae, nec sine amore divini mandati, cui obedientia debetur?

Videamus adhuc an ita sit, et primum attendamus iis quae nobis insinuantur ex verbis Psalmistae de dilectione mandatorum Dei. *Meditabor, inquit, in mandatis tuis, que dilexi. Et levavi manus meas ad mandata tua que dilexi: Et exercebor in justificationibus tuis (Psal. cxviii).* Tribus modis ostendit mandata Dei a se diligere; meditatione, manum elevatione, id est operatione, nec non et exercitatione. Meditatione diligenda sunt mandata Dei, secundum illud: *Quae praecepit tibi Dominus, haec cogita semper (Eccli. iii).* In meditatione enim dulcescunt mandata Dei, considerantibus quam salutaria sunt, quam honesta, quam fidelia; quomodo confirmata in saeculum saeculi, facta in veritate et arquitate (Psal. cx). Sed aliis dulcia sunt et suavia in medi-

tatione, sed in actione gravia videntur et amara, quia ipsi pigri sunt ad operandum. Quam pigritiam a se removet, qui dicit : *Et levavi manus meas ad mandata tua, quæ dilexi (Psal. cxviii).* Sunt et nonnulli, qui meditatione et actione videntur amare mandata Dei, et in his delectari, sed in exercitatione pusillanimes inveniuntur, minusque constinentes : quod a se removet, qui dicit : *Et exercebor in justificationibus tuis (ibid.).* Est quædam exercitatio in facie mandatis Dei, vel etiam meditandis ; sed hoc loco ea exercitatio intelligitur, quæ renititur contra aliquam difficultatem vel tentationis, vel persecutionis, vel adversitatis, quæ nos a justitia mandatorum Dei retrahere quoquomodo nititur. Amor itaque mandatorum Dei consummatur in amore meditationis, et actionis, et exercitationis. Amor autem obedientiae ex amore mandatorum procedit; et qui mandata non amant, nec obedientiam amant. Quid ergo dicemus? Nonne multi sunt, qui mandata servant, qui nollent juberi; sed magis cuperent mandata aboleri? Nonne multi sunt, qui non fornicantur, qui non surantur, qui inimicos non persequuntur; desiderantes Deum non mandasse, hæc non fieri? Cupiunt quidem multi, Deum super his nihil mandasse; verumtamen quia mandavit hæc non fieri, abstinent ab his, timentes eum qui mandavit, ne puniat, si ipsi fecerint, quæ prohibuit. Qui ejusmodi sunt, mandata Dei servare, et Deo obediare, nec tamen obedientiam amare videntur. Quod si ita est, non omnes qui obediunt, obedientiam amant; nec omnes qui mandata Dei custodiunt, ipsa diligunt. Quomodo ergo obedientia individua comes est charitatis? Et quomodo verum est : *Qui non diligit me, sermones meos non servat (Jean. xiv.).*

Sed considerandum est quod obedientiam ab obedientia distinguunt intentio et affectio. Secundum intentionem enim est vera obedientia, est et simulata. Vera est, quæ in veritate, hoc est in Deo, spem retributionis constituit. Simulata est, quæ Deo obsequi sicut, et per cupiditatem extra veritatem spem sui laboris ponit. Secundum affectionem est coacta obedientia; est et voluntaria. Hanc timor extorquet; illam violentus amor perurget. Si affectio et intentio mistim considerentur, est quædam obedientia coacta et vera, illa scilicet quæ timore Dei exhibetur et in Deum dirigitur: et hujusmodi obedientia in aliquo plus timoris habet, et minus amoris; in alio plus amoris, minusque timoris. Semper autem de utroque aliiquid habet. Sicut enim sine timore nunquam est coacta, sic sine dilectione nunquam est vera. Est quædam obedientia coacta et simulata, quæ solo metu exhibetur, et ad Deum non dirigitur. Est quædam obedientia voluntaria et simulata, ut est hypocritarum. Est quædam obedientia voluntaria et vera, quæ de charitate procedit, et per charitatem ad Deum tendit. Hanc requirit Deus, hanc diligit, hanc suo precepto et exemplo commendat; hanc sicut amat, ita et re-

A munera. Coacta autem obedientia, quæ et vera est, etsi libertatem charitatis non habeat, secundum affectionem timoris, per quem trahitur, quo non vult; habet tamen aliiquid de libertate charitatis per intentionem, qua se dirigit quo vult. Sicut enim nolens sentit affectionem, ita voles dirigit intentionem. Propterea non usquequaque improbanda est hujusmodi obedientia, sed aliquatenus est approbanda. Nam quod metu pœna a peccato compescitur, pœnam declinal quam metuit, quia peccatum cui pœna debetur non committit. Quod intentionem ad Deum dirigit, aliiquid promeretur a Deo, cui spem suam committit. Dum timore Dei a peccato compescitur, timori Dei reverentiam exhibet, et quodammodo timorem suum Deo consecrat, B et in ipso Deum honorat. Obedientia vero quæ voluntaria est et vera, æquissimo jure Deo exhibenda est. Sic enim decet rationalem creaturam suo Creatori subjici, ut velit illa, quæ ille vult, et quia ille vult; adhuc autem, ut velit illa, etiam illum velle, quæ vult. Dicam apertius: Si volo quod Deus vult, et non quia Deus vult, nondum voluntas mea, quia tantum mea est, in Dei voluntate formatur. Si autem volo quod Deus vult, et quia Deus vult, habet voluntas mea principium a Deo et causam, ut bona sit; maxime autem, si volo, etiam illum velle, quod vult. Si autem velim, eum non velle, quod vult, quamvis velim quod ille, et quia ille; nondum tota voluntate volo illud, quod volo eum non velle, ut et mihi licet non velle. Verbi gratia: C si inimicum diligo, quia Deus hoc præcipit et vult; aliquomodo placet mihi, quod et Deo placet, et quia illi placet; verumtamen non usquequaque placet, quia inimicum nondum libere diligo; sed vim mihi facio, in me divisus, ex parte volens, quia bona est, et mercede dignum, inimicum diligere: ex parte autem nolens; quia difficile est acceptam injuriam non recolere, et animum ab omni murmurratione compescere. Et quævis dispositum habeam vindictam nullo modo expetere, quamvis etiam cor paratum habeam indigenti vel poscenti beneficium præstare, tamen si adhuc corde mussitante et submurmurate velim Deum non præcipere, et non velle inimicum diligi, nondum plene et perfecte volo, quod Deus præcepit; sed tantum deest perfectæ obedientiae, quantum perfectæ charitati. Ut perfecta sit charitas, et obedientia perfecta, quidquid dignoscitur Deo placere, ut ab homine fiat, debet homini placere ut ipse faciat; et hac causa placere, quia illi placet; et hoc sine, ut ipso illi placeat. Unus est enim finis obedientiae et charitatis placere Deo; sed in iis quæ placent Deo. Hoc autem addidi, quia mali volunt placere Deo; sed in iis quæ placent sibi, displicant autem Deo. Propterea multi qui non diligunt Deum, credunt se diligere Deum, attendentes, quia volunt placere Deo; attendentes etiam beneficia et promissa, in quibus placet illis Deus, non autem attendentes, in quibus volunt placere Deo, et in quibus illis displicet Deus. Non enim

testimoniū charitatem ex virtute obedientiæ, sed ex opinione sue sapientiæ. Obedientia autem comes charitatis sicut propriæ voluntati renititur, ita Dei voluntate semper nititur. In illa summa et principali justitiae norma, et æquitatis forma, hoc est in voluntate Dei, formatur voluntas rationalis creature ut et ipsa sit, et non immerito dicatur voluntas Dei, quia secundum preventionem gratiæ a Deo incipit, et secundum directionem intentionis ad Deum tendit. Sicut enim non habet homo posse bonum a se, sed ab illo, qui dicit: *Sine me nihil potestis facere* (Joan. xv); sic velle bonum non habet, nisi ab illo, qui operatur in nobis et velle et perficere pro bona voluntate (Philipp. ii). Et, sicut virtus Dei dicitur, non solum quæ in Deo est, et Deus est, sed illa etiam quæ a Deo homini datur, et in homine est; sic voluntas Dei dicitur et illa, quæ in Deo est, et Deus est; et illa quæ in homine, non tamen ab ho-

A mine, sed a Deo est. Adhuc autem voluntas Dei dicitur, quam per hominem vult fieri ut quodcumque opus justitiae, sive misericordiae. Est ergo voluntas Dei, et quæ mandat, et cui mandat, et quam mandat fieri. Penes primam auctoritas est, apud secundum ministerium est, apud tertiam amoris experimentum est. Obedientia itaque tota in dilectione Dei constituitur; quia a voluntate Dei per voluntatem Dei ad voluntatem Dei tendit, et ad voluntatem Dei relit. Voluntas enim Dei in Deo per voluntatem Dei in homine operatur voluntatem Dei in mandato, propter voluntatem Dei in Deo. Ergo voluntas Dei in Deo principium est et finis obedientiæ. Qui enim in charitate obedit, quasi ad finem ad illum suspirat, qui ab initio inspirat; in quo B inspiratus et suspirans a labore quem fugit in præcepto sine fine respirat.

TRACTATUS QUARTUS,

DE DUPLOI RESURRECTIONE, QUÆ PER OBEDIENTIÆ PERSEVERANTIAM OBTINETUR.

Paratum cor meum, Deus, paratum cor meum; cantabo et psallam in gloria mea. Exsurge psalterium et cithara; exsurgam diluculo (Psal. cxvii).

Obedientia quid possit, quid valeat, quo tendat, quo perveniat, quis finis ejus, et quis fructus ejus, gloria Dominicæ resurrectionis demonstrat. Fructus obedientiæ resurrectio est, et vita per obedientiam Christi, qui est resurrectio et vita. Christus semel mortuus est, et semel resurrexit. Simplici morti simila congruit resurrectio. At nobis una resurrectio sufficere non potest. Ita sumus ad ima prostrati debito geminæ mortis, ita sumus prostrati, ut una resurrectione beati esse non possimus. Gemini nobis necessaria est resurrectio, prima et secunda. *Beatus, qui habet partem in resurrectione prima* (Apoc. xi). Prima resurrectio partis est, animæ, magis quam corporis, et tamen aliquid corporis, et quia imperfecta est, ex parte est. Imperfectioni autem semper aliquid deest. Cum autem venerit, quod perfectum est, evanescit quod ex parte est. Secunda resurrectio absolutam habitura est perfectionem; cui omnino nihil deerit. Haec duæ resurrectiones ex verbis Domini distinguuntur, dicens: *Venit hora, et nunc est, quando mortui audient vocem Filii Dei, et qui audierint, vivent* (Joan. vi). Vita præsens æternitati comparata, quasi hora est. Mortui sunt, qui a Deo, qui vita est animæ, per inobedientiam separati sunt. Et quoniam in hora quæ nunc est, spatiū pœnitentiarum indulgetur, qui obediendo vocem divinam audient, vivent de morte resuscitati ad beatam vitam. Nam de secunda resurrectione subjungitur: *Venit hora, quando mortui qui in monumentis sunt, audient vocem Filii Dei* (ibid.). Erit haec hora quando *Dominus in voce angelorum, et in tuba Dei descendet de caelo* (1 Thess. iv),

C et dabit vocis suæ vocem virtutis (Psal. lxviii). Tunc procedunt qui bona fecerunt in resurrectionem vita; qui vero mala egerunt, in resurrectionem judicii (Joan. v). Erit in futuro resurrectio vita, sed bonorum, qui resuscitandi sunt in vitam æternitatem, et resurrectio judicii malorum, qui partem non habent in resurrectione prima, quia in hora quæ nunc est, non resurgent, ut se judicent. Neque enim resurgent impii in judicio, neque peccatores in consilio justorum (Psal. i). Impii sunt, qui non credunt; et qui non credit, jam judicatus est. Peccatores, etsi credunt, quia perdite virunt, non habent partem in resurrectione prima, quia non resurgent in consilio justorum.

Quod est, inquis, consilium justorum? Audi Prophetam ad Dominum dicentem: *Consilium meum justificationes tuæ* (Psal. cxviii). Causa nostra in areto posita est. Judicari nos necessare est. Judicium declinare nullatenus possumus, aut hic judicandi sumus, sed a nobis, et ideo mitius; aut in futuro, sed a Deo, et irato, et ob hoc gravius. Sed quid dicit Apostolus? *Si non metipsos judicaremus, non utique judicaremur* (I Cor. xi). Neque enim judicat Dominus bis in idipsum. Resurrectio itaque vitae secunda resurrectio est. Resurrectio vero judicii, nec prima videtur, nec secunda. Non prima, quia nulla sequitur. Non secunda; quia nulla processit. Utriusque resurrectionis nostræ, et prime et secundæ, Christi resurrectio causa est et forma, exemplum et sacramentum. Fide enim est initiatione resurrectionis Christi, reformati sumus, justificati sumus, sanctificati sumus, a morte resuscitati sumus, ut peccatis mortui justitiae vivamus; in novi-

tate vite ambulantes, et adoptionem aliorum Dei exspectantes, redemptionem corporis nostri. In resurrectione enim secunda reformabit Christus corpus humilitatis nostrae, configuratum corpori claritatis sue. Prima resurrectio ab obedientia incipit, et perseverantia consummatur. Secunda a gloria incipit, et aeternitate stabilitur. Qui perseveravit in obedientia usque in finem, perseverabit in gloria sine fine. Perseverantia enim quodammodo similis est aeternitati. Sicut enim aeternitas est quasi quedam perseverantia glorie, sic perseverantia quasi quedam aeternitas est obedientiae. Qui enim perseveraverit usque in finem, hic salvis erit (Matth. x). Perseverantia vero laus est et consummatio, et quasi virtus omnium virtutum. Charitas multum laudata, mukumque laudanda ceterarum virtutum vita est et virtus: at ipsius charitatis virtus est patientia, et ipsius patientiae virtus est perseverantia. Charitas sine patientia vera charitas non est, sed simulata. Simulata vero charitas in prosperis singit, in adversis cedit. Patientia sine perseverantia inconstans est, et inulta; in adversis incipit, sed tempore deficit, et longa fatigacione succumbit. Perseverantia vero nec singit, nec cedit, nec deficit, nec succumbit. Ceterae virtutes omnes quasi in stadio currunt; sed tenor perseverantiae unus accipit bravium. Obedientia perseverans in finem, in prima resurrectione experitur quid possit in merito; in secunda expletetur, quid valeat in praemio. In prima tendit quo perveniat; in secunda pervenit quo ante tendebat.

De obedientia Christi.

Hunc ordinem obedientiae et perseverantiae et glorie, Christus ipse docuit. Nam, cum esset in sinu Patris, sciens ipse, et nos scire volens, quam bona sit obedientia, et obedientiae perseverantia, cogitavit et destinavit in corde suo obedientiae jugo se subdere, et habitum humilitatis assumere, et sacco se induere, et sicut in jejunio aniinam suam operire, et vestimentum suum cilicium ponere, et in opprobrium se dare, et obedientiam promittere, et in obedientia usque ad mortem perseverare. Quae cogitavit, hec et fecit. Et sicut Abraham egressus est de terra sua, et de cognatione sua, et de domo Patris sui, in terram, quam pollicitus est ei Deus (Gen. xii), egressus est autem ut voci Dei obedire; sic Filius Dei a summo celo egressus est, et de domo Patris sui, in terram quam pollicitus est ei Pater, dicens: *Postula a me, et dabo tibi gentes hereditatem tuam, et possessionem tuam terminos terrae* (Psalm. ii). In inundum veniens tunica indutus est inconsutili, desuper contexta per totum, quam dedit ei mater sua, quam manu sapientiae texuit in dactilo Dei, quam Pater ei aptavit; sed et mater cooperata est, mulier fortis, quae manum suam misit ad fortia, et dactilo ejus apprehenderunt fusum. Quæsivit lanam et linum, ut de exquisita materia opus fieret singulare, novo modo, novo artificio, novum indumentum, quale non potest homo facere super terram. Indutus Jesus habitu assumpto, quasi suc-

A cinctus ad omnem obedientiam, quasi strenuus et devotus ad omnem humilitatis obsequelam, Patri loquitur dicens: *Paratum cor meum, Deus, paratum cor meum* (Psal. cxvi). Cor suum dicit esse paratum; nec edicit, ad quid sit paratum, ut sermo, quamvis congerminatus, obedientiae est confirmatio, et sermonis imperfectio perfectæ obedientiae est ostensio. Obedienti autem professus cor meum, quod absolute testatur esse paratum, ad omnia ostendit non imparatum. Tanquam diceret: Pater, jube quod vis. Si vis me quidquam agere, paratum cor meum (Psal. Lvi); si vis me quidquam pati, paratum cor meum (ibid.); si vis me flagellari, ecce ego in flagella paratus sum (Psal. xxxviii); si vis ut custodia in mandata tua, paratus sum, et non sum turbatus, ut custodiad mandata tua (Psal. cxviii). Non sic Petrus, cum diceret: *Paratus sum, sive in carcere, sive in mortem ire* (Luc. xxii). Christus autem qui petiit in obedientia firmior quam Petrus, factus est obedientis Patri usque ad mortem. *Paratum cor ejus sperare in Domino, confirmatum est cor ejus; non commovbitur donec despiciat inimicos suos* (Psal. cxi). Post obedientiae professionem manifestat Jesus nobis gloriam suam, dicens: *Cantabo et psallam in gloria mea; exsurgere psalterium et cithara* (Psal. cxvii). Psalterium et cithara sunt gaudium et exultatio de resurrectione glorie. Canticum et psalmus, laus et gratiarum actio, pro eadem gloria. Cantabit Christus in gloria sua. Hic est, de quo Apostolus ait: *Christus est Dei virus, et Dei sapientia* (I Cor. i).

Dei vero sapientia de Patre loquitur, dicens: *Antequam quidquam ficeret, eram cum eo cuncta componens; delectabar per singulos dies, ludens eorum et omni tempore* (Prov. viii). O quale spectaculum! quam dulce et ineffabile gaudium! videre in corde Filium Dei eorum Patre ludentem, et audire cantantem; ubi cantant et astra matutina, et jubilant omnes filii Dei. Quis fidelis in spe tam beatissime visionis manibus non plaudat, corde non trahit, in voce exultationis non jubilet? Cantat Jesus in gloria. Sed cui cantat, aut quid cantat. Cantat Patri, cantat et angelis, cantabit et nobis? Patri cantat sempererna laudum præconia, psalmos triumphales, et psalmos præconiales, et canticum novum, Canticum cantorum, quod nemo potest cantare, nisi solus Jesus. *Exaltabo te, Domine, quoniam suscepisti me* (Psal. xxix). Cantabit et illud: *Convertisisti planctum meum in gaudium mihi; considerasti saccum meum, et circumdedisti me latitia, ut cantet tibi gloria mea, et non compungar*; *Domine Deus meus, in aeternum confitebor tibi* (ibid.). Angelis cantabit: *Lætare, Jerusalem, et diem festum agite omnes, qui diligitis eam* (Isa. lxvi). Magnus ille angelus sicut fulgor de celo cadens ruinam magnam fecit; cuius cauda traxit tertiam partem stellarum (Apoc. xii). Christus autem resurgens ex mortuis implebit ruinas, ædificabit muros Jerusalem, numerum ciuium implebit; unde angelis gaudium et exultatio.

Nam si gaudium est eis super uno peccatore pœnitentiā agente (*Luc. xv*), quanto magis de milibus milium, qui eis associandi sunt, et similes eis futuri sunt ! *Currus enim Dei decem milibus multiplex, millia latitantum* (*Psal. lxvii*). Cantabit Jesus tandem, et nobis cantabit carmen letitiae, carmen delectabile, dicens : *Venite, benedicti Putris mei, percepite regnum paratum vobis ab origine mundi* (*Math. xxv*). Erit vox ista in auribus audientium, quasi carmen musicum, quod dulci suavique sono canitur. O si nobis detur audire vocem istam ! o si aures nostras demulcent ! o si ad nos perveniat ! o si pertineat ! ne alieni esse mereamer ab auditione tam bona. Convalescat interim in cordibus nostris vox invitantis Jesu. Invitatorium jam nunc nobis cantat, dicens : *Qui vult venire post me, abneget semel ipsum, et tollat crucem suam, et sequatur me* (*Luc. ix*). Invitat nos auctor vita ad vitam, de labore vocat ad requiem, assidue clamans : *Venite ad me, omnes, qui laboratis et onerati estis; et ego reficiam vos* (*Math. xi*). Qui audierint hanc vocem, etiam si mortui fuerint, vivent. Potuit vox tua semel dicta : *Lasare, teni foras* (*Joan. xi*), mortuum terra defessum, et quadriduanum statim suscitare. Vix iis, qui quadriduano mortuo surdiiores inveniuntur, dum Dominus ad nos clamat : *Venite ad me omnes qui laboratis, et caetera. Clamamus ad invicem, mutuis exemplis cohortantes: Venite, exsultemus Domino; venite, adoremus et procidamus ante Deum; ploremus coram Domino, qui fecit nos* (*Psal. xciv*) : et qui audit, dicat : *Veni. Iesu cantante, nos pariter canteamus in viis Domini, quoniam magna est gloria Domini.*

De spirituali creatura.

Christus resurgens ex mortuis, psalterium et citharam suscitat. Suscitat sibi, suscitat et nobis. Unde nobis psalterium et cithara, nisi suscitarer ? Quidquid enim in nobis a nobis est, lamentatione dignum est, materia luctus et mororis. Nam a diebus prævaricationis adeo cithara nostra versa est in luctum, deficit gaudium in corde nostro; miseriae nostre lamentum convenient, et non canticum. Sicut filii transmigrationis in medio Babylonis suspendimus organa nostra (*Psal. cxxxvi*). Secundum conditionem primæ nativitatis vox hominis haec est : *Vadam ad portas inferi* (*Isa. xxxviii*). At si consurgimus in Christo, mox in prima resurrectione gloria nobis datur; psalterium et cithara suscitantur. In cithara plures chordæ suo disponuntur ordine, et arte citharæorum ita sibi coaptantur et contemperantur ut sonante cithara, in diversis sonis una sit consonia, una dulcis consonantia, una suavis harmonia. Et si qua forte raucius sonat chorda, et singulariter strepit, aliarum pacem turbans, et consonantiam interturbans, mox ingenio et plectro citharantis artificiose intorquetur, ut acutius vel remissius sonet, donec ad pacem redat, et reconcilietur aliis, a quibus ante discordabat. Id enim semper procurat citharantis industria, ne quid absomn vel dissonum audiatur, quod auditum possit offendere. Ita fit in

A moribus nostris singulorum singulis. Sunt enim in nobis sicut cordæ in cithara sensus corporis et sensus cordis. Sunt sensus cordis, et motus, et usus eorum, sicut membra corporis et motus vel officia eorum. Sunt in corde variae cogitationes, et affectiones, et intentiones, varia consilia, variaque iudicia, varia vota, varia desideria. Haec sunt, quæ in nobis consonant vel dissonant, dissentient vel consentiunt, discordant vel concordant. In diluculo resurrectionis nostræ, hoc est in initio conversionis nostræ de vana sæculi conversatione, incipiunt haec omnia in nobis ordinari, et componi, legibus sanctis obedientiæ, et exercitatione quotidiane discipline, et magisterio rationis. Et si quid inordinatum vel disciplinatum subito erupit, aut pro memoria prius consuetudinis, aut pro conditione humanæ infirmitatis, mox plectro pœnitentiae et disciplinae ad rectitudinem inflectitur, ut omnia in nobis sint composita, tranquilla et pacifica; et uni rationi cuncta obdiant, donec in obedientia carnis spiritui subjectæ, sicut in spirituali cithara, sit spiritualis harmonia, et spiritualis letitia, pax scilicet et gaudium in Spiritu sancto. Haec læta consonantia, consonaque letitia, vox est citharæorum citharantium in citharis suis. Qui alienæ paci studet, in se pacem non habens, nondum in cithara sua citharizat, quamvis in aliena cithara citharizare videatur. Qui sibi non convenit, cui conveniet? Qui sibi dissidet, et a se dissentit, a se semper discordat, et sibi semper contrarius est: cui poterit concordare? Qui semper turbulentus est, et inquietus, sicut fervor maris, quod nunquam requiescit, cui poterit esse pacifera? Non ex pax impiis, dicit Dominus (*Isa. xlvi*). Propriæra in hac cithara non citharizat omnis impius. Sed vox exultationis et salutis in tabernaculis justorum est ista exultatio, quibus dicitur: *Exultate justi in Domino* (*Psal. xxxii*); et: *Confitemini in cithara* (*ibid.*): *in cithara et voce psalmi* (*Psal. xcvi*). Quid sibi vult ista congregatio? Anne est una cithara in moribus nostris singulorum singulis, et altera in alternis moribus alterius ad alterum? Nempe, sicut in cithara sunt plures chordæ, non autem omnes chordæ unum sonum habent, sed plures soni per consonandi concordiam quasi in unum sonum coalescent, ita quasi una cithara multi nos sumus, singulis autem alteri ad alterum, sicut chorda ad chordam. Et quoties sanctæ emulationalis studio alter alteri initabilem se præbet, vel in omni charitatis et humilitatis obsequio amabilem se exhibet, sicut in sonant cithara chorda chordæ respondet. Nec in organo lætitia jucundior quævis gratissima modulatio, quam in collegio sanctæ congregationis grata jucundaque societas: quæ in Christo et pro Christo mutuis studiis vicissim sese contemperat, et ad pacem servandam per humilitatem et patientiam alternis moribus in omnibus sese coaptat; ubi non inflatur superbia, non labescit invidia, non excandescit ira, non litigat discordia, non murmurat impatientia; ubi sinistra suspicio non disceptat, et omnis turpitudine non nomi-

natur in ea. Ecce, inquit Propheta : *Quam bonum, et quam jucundum habitare fratres in unum!* (Psal. cxxxii.) Falluntur plane, et omnino falluntur, qui majorē testimā delectationē in mundi vanitate, quam in Christi veritate. *Exsultent, inquit Dominus, et lætentur, qui volunt justitiam meam* (Psal. xxxiv). Quisquis experitur, non hoc negabit; sed, dicit homo, utique est fructus justo (Psal. lvii). Non tota justorum retributio in futurum differtur, pro mandatis Dei custodiendis, sed in custodiendis illis retributio multa. *Justitiae enim Domini rectae, lætificantes corda* (Psal. xviii); et : *Delectationes in dextera ejus usque in finem* (Psal. xv). Dextera ejus munifica est et liberalis, delectationes distribuit, quales mundus non novit, et dat quam mundus dare non potest pacem; sed iis, qui non diligunt mundum. Ecce jam in præsenti, ecce jam in evidenti ex parte appareat, quam bonum sit, et quam jucundum, quam utile, et quam salubre, quam suave, et quam dulce, habitare fratres in unum (Psal. cxxxii). Sed ii, quos a nobis Christi in unum congregavit, mutuo sese diligunt, et vicissim sibi obediunt, si mutuis exemplis et cohortationibus ad Deum diligendum quotidie se accendunt; si humero uno Deo serviant, et labio electo semipaternas laudes ei unanimiter concinunt; si omnes idem volunt, et idem nolunt; si omnes idem sentiunt, et id ipsum sapiunt; habentes cor unum et animam unam, nonne in hac spirituali cithara omnes Deo jubilant, sibique jubilant? Et *beatus populus, qui scit jubilationem* (Psal. lxxxviii).

De spirituali psalterio.

In diluculo resurrectionis nostræ non solum citharam suscitabit nobis Christus, sed et psalterium: et prius psalterium; quanvis de cithara, quod dicendum mihi videbatur, nunc prius dixerim: *Exsurge, inquit, psalterum et cithara.* (Psal. lvi). Ut ater Augustinus asserit, psalterium a superiori sonat, cithara ab inferiori. Cithara, ut præostensum est, lata concordia est, vel ad nos ipsos, vel ad fratres nostros. Psalterium est pax et concordia ad Deum, et in Deo. De qua pace Apostolus ait: *Justificati igitur per fidem, pacem habeamus ad Deum* (Rom. v). Per peccatum inobedientiae cœpit homo discordare a Deo, et a seipso. Et justo quidem Dei judicio non invenit pacem in seipso, qui noluit pacem habere cum Deo. Hinc scriptum est: *Posuisti me contrarium tibi: et factus sum mihi metipi gravis* (Job vii). Homo igitur diuisus est in se, qui Deo noluit esse conjunctus. Inobedientia enim hominem a Deo separat, et mors est anima. Sed in prima resurrectione hæc mors absorpta est in victoria. Per obedientiam enim anima vitæ redditur, Deoque conjugitur. Cbtinet itaque anima medium quendam locum inter Deum, cui conjugitur supra se; et carnem, cui conjugitur infra se. Altera conjunctio vi solvi potest, voluntate non potest; altera voluntate potest, vi non potest. Anima exire de corpore, nec si velet, potest, nisi vi doloris vehementioris contorta. Aulma Deo perfectius conjuncta, nulla vi, nulla

A violentia, nulla doloris vehementia separari potest. Quis nos, inquit Apostolus, separabit a charitate Christi? Certus sum enim, quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a charitate Dei (Rom. viii). Poterant hæc omnia, vel unum aliquod ex his animam Pauli a corpore separare; sed non omnia hæc a charitate Dei. Vide te, fratres charissimi, simulatores Dei, quam firma sit, quam indissolubilis ista conjunctione ad omnes causas, excepta sola ipsius animæ voluntate. Nam qui adhæret Deo, unus spiritus est (II Cor. vi). Scriptum est, quia anima Jonathæ conglutinata est animæ David; et dilexit eum Jonathas B quasi animam suam. Nam expoliavit se Jonathas tunica qua erat indutus, et dedit eam David, et reliqua vestimenta sua, usque ad gladium et arcum suum, et usque ad balteum (I Reg. xviii). Si Christus est verus David, cur Jonathas amicus David non intelligitur verus Christi simulacrum, qui omnia relinquens propter Deum, vestimenta sua ei dat, cui se probavit? Signum fœderis est hoc initii cum David. An Christus fœdus inire non novit? Nonne ipse de quibusdam per prophetam dicit: *Dabo opus eorum in veritate: et fœdus perpetuum seriam eis* (Isa. lxi). Conglutinata est anima Jonathæ animæ David. Quoniam glutino, nisi glutino dilectionis? Charitatis glutino conglutinatur anima justi Deo, ut inseparabiliter adhæreat illi. Hinc Psalmista ait: *Miki autem adhærere Deo bonum est* (Psal. lxxii).

Intuens autem idem ipse unam conjunctionem animæ et corporis, et alteram animæ et Dei, de hac dicit: *Adhæsit parimento anima mea* (Psal. cxiii). De illa ad Deum dicit: *Adhæsit anima mea post te* (Psal. lxv). Caro pavimentum est luteæ domus, quam nos inhabitamus, qui terrenum habemus fundatum. Huic fundamento anima adhæret per affectionem, et si nimis adhæreat, mortua est illi subjecta, et a Deo longius separata, ut jam medium locum non teneat, sed novissimum, quasi jam in terra defossa, et sub pavimento sepulta. Unde cum Propheta diceret: *Adhæsit parimento anima mea, subintulit: Virifica me secundum verbum tuum* (Psal. cxviii). Tunc autem viviscatur, si noui carni, sed Deo subhiciatur; ut a justo vere dicatur: *Adhæsit anima mea post te.* Adhæsit post te, præponendo sibi te, postponendo tibi se, ut te diligat plusquam se; nec te tantum diligendo propter se, sed se magis diligendo propter te. Domine Deus salutis meæ.

Hic velim orare, ut trahas me post te, ut sic adhæreat anima mea post te. Hæc conjunctione animæ et Dei illa alia conjunctione longe arctior est, et constrictior, et quasi longe interior. In anima enim Deus est, et anima in Deo est: anima quoque in carne est, sed caro in anima non est. Anima vero et in carne est, et in carne vivit, et in carne sentit. Caro vero nec in anima est, nec in ea vivit, nec in ea sentit, quanvis ab ea accipiat, ut

et vivat, et sentiat. **A**nima carnem vivificat, praestans ei motum et sensum. Motum quidem ad aliquid agendum, sibique ministrandum in voluntatis bus suis ministerio corporis perficiens; sensum vero, quo vel delectationes vel passiones suas penaliter vel delectabiliter sentire possit. Habent enim quinque sensus corporis, singuli secundum suam proprietatem, cognitionem rerum sensibilium, et usum earum cum experientia delectationis vel paenae. Utraque autem, caro scilicet et anima, proprias habet passiones vel delectationes, quas in se cum delectatione vel pena sentit; vicissim alterius bonis vel malis compatiuntur vel condelectantur. Ex his enim que caro anxie patitur, anima miserabiliter tabescit; in iis que carnem suavius delectant, letius hilarescit. Veruntamen illicitas carnis delectationes anima honeste temula sepe per delectationis affectionem sentit, et ab eisdem per rationis moderationem dissentit, miroque in modo quodammodo vult, aut velle appetit, quod pleno non vult, quia non consentit, mirabiliter et ineffabiliter dum caro concupiscit adversus spiritum, et spiritus adversus carnem, quasi in se divisa voluntatem spiritus desiderat compleri, et voluntatem carnis que appetit compleri, in se tristis et anxias, dum voluntatem carnis perfici gestit, et a consentienti connivencia sese cohabet. In tantum enim carnem amat, ut vicem ejus doleat, ægre sustinens voluntatem ejus non impleri, quam ipsa vult non adimpleri. **C**ontra hanc carnem anima vero per aiorem obedientiae Deo mirabiliter unita, in ipso et ab ipso vivit et sentit, et ex sensibus corporis sibi notis quasi similitudinem trahens, per gratiam intima inspirationis spiritualiter Deum, quem in se sentit, tangit per fidem odoratur per spem, gustat per charitatem, audit per obedientiam, videt per contemplationem.

De tactu spirituali.

Tactus fidei est. Fides enim comprehendit. Hinc in Evangelio, cum mulier que fluxum sanguinis patiebatur, se sanandam crederet, si vel tibiram vestimentorum Jesu tangeret, cumque credens tangaret, et tactum fidei forte, nesciens figuraret, Dominus ait: *Quis me tetigit?* (Luc. viii.) Cumque discipuli quasi mirarentur, quod se tactum diceret, qui a turbis compimeretur, subiunxit, dicens: *Tetigit me aliquis* (*ibid.*). Et cum a mortuis resurrexisset, ad Mariam ait: *Noli me tangere. Nundum enim ascendi ad Patrem meum* (Joan. xx). Spiritualis tactus non prohibuit, sed magis corporalem, ne ejus occasione spiritualis tactus impeditur, si Maria hominem tangeret, et tactui corporali nimis credula Jesum æqualem Patri non crederet. Nondum enim in corde ejus usque ad Patris æqualitatem Jesus ascenderat, quem æqualem Patri nondum credebat. Si enim in corde ejus ad Patrem tunc ascendisset; procul dubio Maria Jesum manu fidei jam tunc tetigisset. Sed quia futuru erat, ut spiritualiter tangeret Maria Jesum, prohibitus est tactus, quo poterat fides infirmari vel impediari. Nec tangendi

Alicentia est omnino inhibita, sed in tempus visibilis vel spiritualis ascensionis est dilata, ut se sciret Maria tunc vere Jesum tangere, cum incepisset divinitatem ejus in æqualitate Patris manu fidei contingere. Tactus euim fidei non solum humanitatem in Christo apprehendit, sed plenam ejus divinitatem pia conrectatione comprehendit. Non insuetum habebat Maria tangere Jesum, nec aliquis criminis nuper in Christum commissi sibi conscientia erat, ut prohibendam se crederet a tam familiariter accessu. Nec eo modo Mariæ dicitur: *Noli me tangere*, quo dicitur quibusdam: *Nolite tangere christos meos* (Psal. civ). Aliud est enim malignitatis studium, aliud devotionis obsequium. In peccatrice Maria nos peccatores utroque consolationem

Baccipimus, et cum permittitur tangere Jesum, et eum prohibetur tangere eum. Non desperemus de venia. Multum quidem peccavimus, et in multis offendimus omnes (Jac. iii). Peccavit Maria, et tandem Jesum tangere permititur, et in gratiam familiaritatis admittitur. Ecce hic erigitur spes nostra. Non est nobis datum, Christum in carne vidiisse, non manibus conrectasse, non tamen desperemus. Thomæ enim dictum est: *Beati qui non viderunt, et crediderunt* (Joan. xx). Mariæ quoque dicitur: *Noli me tangere*. Ecce et hic erigitur spes nostra, et abundat consolatio nostra. Conrectatio Thomæ indulta valet ad dubitationem depellendam, et ad fidem resurrectionis astrueendam. Conrectatio Mariæ interdicta aliquo modo nos consolatur, quibus Jesum tangere non datur. Iste indulgetur, tanquam necessaria nondum credenti; illi interdicatur, tanquam non necessaria jam credenti. Credebat enim Maria iam tunc resurrectionem, sed gloriam Jesu in æqualitate Patris per admirabilem ascensionem mundo propalandom nondum credebat. Deducenda ergo erat de fide in fidem. Propter quod et ascensionis gloria jam ei prædictior, ut que fuerat patræ resurrections conscientia, et futuræ ascensionis fieret præscia. Non ergo requiritur a Maria corporalis tactus, quo tangat pedes Jesu, quos tamen alienus mysterii causa tangere permitta est, cum mulieribus diceret Jesus: *Arete* (Matth. xxviii), sed spiritualis ab ea tactus requiritur, quo tangat caput ejus, incomprehensibilem scilicet divinitatem, in qua per omnia Patri est æqualis. Liqueat ex prædictis, spirituali tactus ad fidem pertinere: et hic est unus de quinque sensibus, quibus anima Deo copulata, Deum sentit. Quinque enim modis anima sentit Deum, et quinque sentitur a Deo. Ex quinque et quinque modis, quia ex decem cordis aptatior decaechordum psalterium: *Psalterium jucundum cum cithara* (Psal. lxxx), additur: *Christus resurgens ex mortuis secum ea suscitat*, dicens: *Exsurge, psalterium et cithara* (Psal. cvi), *exsurgam dilexuisse* (Psal. lvi). Tangendo sentit anima Deum, ut dictum est, manu fidei, tangendo sentit Deus animam manu multiformis gratiæ, tangit tanquam ad lacrymosam posnitentiam, et tumorem superbum

Dicitur: *Exsurge, psalterium et cithara* (Psal. cvi), *exsurgam dilexuisse* (Psal. lvi). Tangendo sentit anima Deum, ut dictum est, manu fidei, tangendo sentit Deus animam manu multiformis gratiæ, tangit tanquam ad lacrymosam posnitentiam, et tumorem superbum

quasi montem humiliat. Hinc scriptum est : *Tange A montes et sumigabunt* (Psal. cxliii). In corde contrito et humiliato est vapor suavissimus Domino, et sumus oculis amarus lacrymam compunctionis extorquens tangit locum lepræ ad emundationem. Tangit et demulcet caput per multimodam consolationem, tangit oculos ad illuminationem, tangit genas per ruboris suffusionem, tangit collum, ut sit sicut mobilia; tangit ubera, ne sint sine lacte arentia; mamnum suam mittit per foramen, ut contremiscat venter ejus. Denique sponsus sponsam quasi maritali licentia totam tangit, miscet colloquia, jungit oscula, stringit amplexus. Verumtamen tactus ejus castissimus est, et tangendo castificat; et quam tangit, totam integrum, inviolatum, intactumque conservat. Sponsus enim est, zelo zelans sponsam sibi fide sponsatam, sicut scriptum est : *Sponsabo te mihi in sempiternum; et sponsabo te in justitia et iudicio, et in misericordia, et in miserationibus; et sponsabo te mihi in fide* (Ose. ii).

De spirituali odoratu.

Per odoratum quoque anima sentit Deum, et sentitur a Deo. Odoratur autem suavitatem, perspem et expectationem Dei. Hoc est enim spes ad promissionis completionem, quod flos ad fructum. In flore enim odor est spes et expectatio fructus; per spem autem expectamus promissiones Dei, quæ sicut unguenta fragrant, et suave redolent: quorum odorem ad nostram consolationem attrahimus inter pressuras vitae praesentis; quorum eliam odore trahimur ad perseverandum infra igubiliter usque in finem, ne a proposito coepiti itineris deficiendo retrahamur. Hinc sponsa ad sponsum dicit: *Trahe me post te: in odorem unguentorum tuorum curremus* (Cant. i). Oloratur etiam sponsa virtutes sponsi, tanquam unguenta pretiosa. Oloratur autem per spem imitationis. Provocata enim exemplo sponsi, spem habet vestigia ejus aliquo modo sequi; nec præsumit aliquo modo sequi per se, nisi a se, sed odorem roti in eum sentiens, adjuvari sperat, et dicit: *Trahe me post te, in odorem unguentorum tuorum curremus*. Quod si hostia viva Deo placens offertur in odorem suavitatis; si thus devotionis, vel incensum puræ orationis, in thuribulo cordis carbonibus charitatis incenditur, si sumus aromatum in conspectu Dei ascendit, tunc adoratur odorem suavissimum, devotionem animæ sancto desiderio in se æstuantis sentiens, a qua et ipse sentitur.

De spirituali gustu.

Per dilectionem vero, quasi per gustum, sentit et sentitur. Christus enim dicit: *Meus cibus est, ut faciam voluntatem Patris mei* (Iohann. iv). Et quæ sit voluntas Patris, alio loco ostendens, ait: *Hæc est autem voluntas ejus qui misit me, Patris, ut omne quod dedit mihi, non perdam ex eo* (Iohann. v). Hinc apparet, quod amore salutis nostræ pascitur et reficitur Deus: cuius amore pascitur et reficitur anima, gustans quam suavis est Deus.

De auditu spirituali.

Per auditum sensit Deus, et sentitur, quando audit et auditur. Auditur autem per obedientiam: quod si obediatur, orationes, et postulationes, et supplicationes, vota et desideria audit et exaudit. Dicit homo Deo: *Verba mea auribus percipe, Domine*. (Psal. v). Et Deus ad nos dicit: *Inclinate aurem vestram in verba oris mei* (Psal. lxxvii). Qui enim audientem audit, non audientem non exaudit. Hinc scriptum est: *Qui obturat aurem suam, ne audiat legem, oratio ejus erit execrabilis* (Prov. xxviii).

De visu spirituali.

Per visum sentit, et sentitur Deus. De justis enim dicitur: *Oculi Domini super justos* (Psal. xxxiii). Et justus dicit: *Oculi mei semper ad Dominum* (Psal. xxiv). Mali autem Deum non vident, in tenebris ambulantes: de quibus scriptum est: *Non proposuerunt Deum ante conspectum suum* (Psal. lxx). Oculi autem Domini in omni loco contemplantur bonos et malos. Sed pio blandoque aspectu super justos respiciunt; ad malos autem dicit: *Oculi mei super eos in malum, et non in bonum* (Amos ix). Sicut superius demonstratum est, ex sensibus corporis, et ex sensibus animæ, sibi invicem concordantibus per obedientiam carnis spiritui subjecta, spiritualis ethara aptatur; ex quinque vero sensibus spiritualibus, quibus anima Deum sentit. Deoque consentit, et ex quinque modis, quibus spiritualiter Deus animam sentit, aptatur quasi ex decem cordis spirituale psalterium decachordum: in quo Deus quinque superiores chordas tangens, animæ psalit; anima vero quinque inferiores tangens, Deo psalit, Deum delectans, et delectata in Deo. Tangit Deus psalterium, cum gratiam inspirat: *spiritus enim est, et ubi vult spirat, et vocem ejus audit anima* (Iohann. iii); et ut corda inferior superiori chordæ respondeat, gratia præventa gratiam refert, tangens tangentem, odorans olorantem, gustans gustantem, audiens et contemplans audientem et contemplantem. Deus autem prævenit et præcinit, et ad concordes modulos quasi psaltes psalterium trahit, dicens: *Sonet vox tua in auribus meis; quia vox tua dulcis* (Cant. ii). Deus enim operatur velle et perficere (Philipp. ii); et interior animam moveat, ut credat, ut speret, ut diligat, ut obediatur, ut quem diligit semper videat, sentientem sentiens, hoc est voluntati Dei semper consentiens. Non ergo frustra, non sine causa, Psalmista quinque monet esse psallendum, cum dicit: *Psallite Deo nostro, psallite; psallite regi nostro, psallite; quoniam rex omnis terræ Deus, psallite sapienter* (Psal. xlvi). Aliqua causa subest, quare in fine adjungit, *sapienter*. Initium sapientiae timor Domini (Psal. cx); sapienter autem psallit, qui in Domino exsultat, et tamen ruinae periculum semper formidat. *Beatus enim qui semper est pavidus* (Prov. xxviii). Hinc Propheta dicit: *Lætetur cor meum, ut timeat nomen tuum* (Psal. lxxxv). Et iterum: *Servite Dominum in timore, et consulite ei cum tremore* (Psal. ii). Licet ergo anima

Deum sentiat per timorem, a predictis tamen quinque sensibus spiritualibus timor separandus non est : singulis enim adjunctus est, et totam spiritualem consonantiam temperat et servat, ne per securitatis remissionem in discordia periculum relabatur. Ut ad suum principium sermo recurrit, vox Christi obedientiam proferens, et obsequientiam Deo Patri deferens, haec est : *Paratum cor meum, Deus, paratum cor meum* (*Psalm. cxvi*). Potest in hac con geminatione gemina obedientia demonstrari ; altera secundum animam Deo subjectam, altera secundum carnem usque ad ignominiam crucis humiliatam. Vox autem Christi de resurrectionis gloria exultantis, haec est, quae sequitur : *Cantabo et psallam in gloria mea; exsurge psalterium et cithara* (*ibid.*). Habet Christus geminam gloriam, geminamque lætitiam ; alteram de gloria animæ, quæ est psalterium, in quo psallit ; alteram de gloria carnis, quæ est cithara, in qua cantat, Deo consiliens in decachordo psalterio cum cantico in cithara. Nobis autem cum Christo resurgentibus haec prima vox secundum primam resurrectionem nostram et secundam aptari potest. Vox est enim poenitentis ad obedientiam redeuntis, et obedientiam promittentis : *Paratum cor meum, Deus, paratum cor meum*. Paratum ad bona facienda, paratum ad mala toleranda ; paratum ad inchoandum, paratum ad perseverandum ; paratum ad obedientiam animæ, tibi, Deus, servitum ; paratum ad obedientiam carnis spiritui sub-

A jicienda. Obedienti autem, Deoque servienti, pro gemina obedientia gemina infunditur lætitia ; altera de obedientia et pace carnis ad spiritum, et hæc dicitur cithara ; altera de pace et obedientia spiritus ad Deum, et haec dicitur psalterium. In his spiritualibus organis homo per penitentiam justificatus a Deo, et de morte in vitam resuscitatus, cantat et psallit, sed in gloria. *Cantabo, inquit, et psallam in gloria mea*. Habet prima resurrectio gloriam suam, gloriam carnis, et gloriam animæ. Consulamus Apostolum de utraque gloria. De presenti enim gloria carnis dicit : *Mihi autem absit gloriari, nisi in cruce Domini nostri Iesu Christi* (*Galat. vi*). Iterum : *Si gloriari oportet, que infirmitatis meæ sunt, gloriabor* (*II Cor. xi*). De gloria vero animæ dicit : *Gloria nostra haec est, testimonium conscientie nostraræ* (*II Cor. i*). Iterum : *Gloriamur in spe adoptionis filiorum Dei* (*Rom. v*). Habebit autem secunda resurrectio gloriam suam, gloriam animæ in visione Dei, quando videbit Deum in gloria sua, et gloriam carnis in incorruptione sua, cum corruptibile hoc induerit incorruptionem, et mortale hoc induerit immortalitatem (*I Cor. xv*) ; habebut singuli sancti geminam stolam, et stolam et candidati tenentes psalterium et citharam, cantabunt et psallent in gloria sua sempiternas laudes Deo concinantes ; et replebitur gaudio os eorum, et lingua eorum exultatione, ad laudem et honorem Domini nostri Iesu Christi, qui est super omnia Deus benedictus in sæcula sæculorum. Amen.

TRACTATUS QUINTUS,

DE REQUIE QUAM SIBI ET NOBIS CHRISTUS QUÆSIVIT ET PARAVIT.

In illud Eccl. xxiv : *In omnibus requiem quæsivi, et in hereditate Domini, etc.*

Sapientia Dei, in qua instaurata et restaurata sunt omnia, in Ecclesiastico introducitur loquens, et commemorans quædam opera virtutis sue, miranda quidem et stupenda ; et consequenter subiungit, dicens : *In his omnibus requiem quæsivi. Christus Dei virtus est, et Dei sapientia. Deus autem quædam summa pax est, summaque quies, utpote idem, semperque immutabilis et invariabilis; apud quem non est transmutatio* (*Jacob. 1*), quia non mutatur ab eo quod fuit ; *nec vicissitudinis obumbratio* (*ibid.*), quia non mutabitur ab eo quod est. Vicissitudo quippe mutabilis status est rei mutabilis, et in Deum omnino non cedit. Non enim vicissim variis passionibus afficitur, nec alternis permutationibus obnoxius invenitur ; sed, sicut semper est, quod est, tunc semper est, ut semel est. Semper itaque stabilis et quietus est ; nec necesse habet quietem sibi quædere in se, qui non potest discordare a se. Iterum dicit : *In omnibus requiem quæsivi. Cui ergo requiem quæsivit? sibi, an nobis, an magis sibi et nobis? Ita plane est. In omnibus quæ ab initio operatus est propter*

C nos, requiem sibi quæsivit, in nobis, et in se nobis. In omnibus enim, quæ propter hominem creavit, condidit, vel fecit, hoc agebat, ut hominem glorificet in se, vel se glorificet in homine ; et requiem multimo lis quæsitam in alterutro habeant, Deus per omnia homini placens, et homo in nullo displacebatur Deo. Si cursum temporis cogitemus ab initio, inventur Deus nunc operans, et non laborans ; nunc laborans et non operans ; nunc laborando operans, et operando laborans. In creatione mundi operatus Deus, et non laborat, dieque septima requiescit, non a labore, sed ab opere : in qua re homini exemplum proposuit, ante peccatum sine labore operandi, et postmodum quiescendi. Propter quod hominem in paradiso posuit, ut operaretur et custodiret illum.

D Post peccatum vero in perversis hominum moribus laborat Deus, et non operatur. Non enim iniquitatis auctor est, sed detestator. Hunc contra quorundam malorum opera, quamvis etiam ad ipsius venerationem pertinere videantur, apud Isaiam dicit ; Laboravi sustinens (*Isa. 1*). Et alio loco apud cumdem

prophetam : *Servire me facisti in peccatis tuis, et præbuisti mihi laborem in iniuitatibus tuis (Isa. xlvi).* In adventu vero suo in mundum, operatur Deus et laborat. Operatur autem salutem in medio terræ, et laborat usque ad mortem; per quam et ipsius laboribus, et nostris pariter finis imponitur. Est ergo labor sustinendi peccata nostra; est et labor patienti propter peccata nostra. A labore sustinendi requiescit Deus, cum impletur in nobis, quod per prophetam precipit: *Quiescite agere fervere (Isa. i).* In conversione enim nostra incipimus sub potenti manu Dei humiliari et quieti esse ad Dominum et ad sermones ejus contremiscere. Unde et ipse requiescit in nobis, sicut ipse testatur, dicens: *Super quem requiescit Spiritus meus, nisi super humilem et quietum, et tristem sermones meos? (Isa. lxvi).* Et nos in ipso requiescens, sicut ipse iterum dicit: *Discite a me, quia misericordia mea est et humiliis corde, et invenietis requiem animabus vestris (Matth. xi).* A labore patienti requiescit Deus, sicut ipse dicit: *In pace in idipsum dormiam et requiescam (Psalm. iv).* Et nos quoque a laboribus nostris post mortem requiescemos: *Beati enim mortui, qui in Domino moriuntur. Amodo jam dicit Spiritus, ut requiescant a laboribus (Apoc. xiv).* In omnibus itaque requiem quæsivi. Ac si diceret: In omnibus operibus meis requiem mihi quæsivi; mihi quidem in omnibus, et in me omnibus, quantum in me est: *Vult enim Deus omnes homines salvos fieri, et ad agnitionem veritatis venire (I Tim. ii);* at non in omnibus requiem invenit, cum tamen omnibus dicat: *Venite ad me, omnes qui laboratis, et onerati estis (Matth. xi).* In illis autem requiem invenit, qui ad hæreditatem Domini pertinere prescriti sunt. Unde et subdit: *Et in hæreditatem Domini morabor. Beata gens, cuius est Dominus Deus ejus; populus, quem elegit in hæreditatem sibi (Psal. xxxii).* Hæc est hæreditas, de qua scriptum est: *Quoniam elegit Dominus Sion, elegit eam in habitationem sibi. Hac requies mea in sæculum sæculi (Psal. cxxxii).* Hanc autem hæreditatem dedit Pater, ipso postulante, cui dicit: *Postula a me, et dabo tibi gentes hæreditatem tuam, et possessionem tuam terminos terræ (Psal. ii).* Filii autem postulatio fuit manum elevatio in cruce, et oratio illa, de qua scriptum est: *Dirigatur oratio mea, sicut incencum in conspectu tuo; elevatio manus mearum sacrificium vespertinum (Psal. cxl).* Hanc ergo hæreditatem acquisivit sibi Filius in sanguine suo, Patre ita mandante ac præcipiente. Propter quod nunc dicit: *Tunc præcepit et dixit mihi Creator omnium. Tunc, temporis est, et non æternitatis.* Ac si diceret: Cum venit plenitudo temporis, ut acquirerem, hæreditatem in qua morarer, exspectatus et desideratus dixi: *Ecce venio (Psal. xxxix).* Tunc præcepit, et dixit mihi Creator omnium. Præcepit quasi servo, quasi minori secundum humanitatem; dixit quasi Filio, quasi æquali secundum divinitatem. Quid autem præcepit, aut quid dixerit, non manifeste exprimitur, sed ex sequentibus

A perpenditur, sicut et in alio loco dicitur: *Manda Deus virtutis tuæ (Psal. Lxvii), non exprimit quid a Deo Patre virtuti suæ, id est Christo, mandari voluerit; sed intelligitur ex eo quod sequitur, ut confirmetur quod operatus est in nobis.⁴* Et in alio loco scriptum est: *Ipse dixit, et facta sunt, ipse mandavit, et creata sunt (Psal. xlvi).* Quid dixerit, et quid mandaverit, ex adjunctis ostenditur: quod tamen manifeste non exprimitur. Sic et in hoc loco intelligimus, Deum Patrem Creatorem omnium Christo præcepisse, et dixisse, ut secundum hominem creaturam. Unde et apud Isaiam dicitur: *Et justitia oriatur simul, ego Dominus creavi illum (Isa. xlvi).* Et Filius hoc loco Patrem Creatorem omnium commemorans, ad intimandam nobis præcepti formam, B de ipso dicit: *Qui creavit me requievit in tabernaculo meo.* Quasi diceret: Creator omnium mihi præcipiendo, me creavit, et in me requievit. De quo et dicit: *Hic est Filius meus dilectus, in quo mihi bene complacui (Matth. iii).* Tabernaculum autem nostra dicit assumptam humanitatem, in qua fortiter militavit, et aerias potestates debellavit: in quo tabernaculo et Pater requievit. Deus enim erat in Christo, mundum reconcilians sibi. Requievit autem Pater in Elysio, ut initium quæsitæ quietis constiteret, et postmodum quæsatam requiem per mysterium incarnationis consummaret. Quomodo autem paranda sit requies Filiu ab ipso Filiu in hæreditate sua, ostendit cum dicit: *Et dixit mihi: In Jacob inhabita, et in Israel hæreditare, et in electis meis mitte radices.* C Tria sibi a Patre dicta et injuncta Filius ostendit. Ad que tria, si cui magis sic placet, potest referri, quod premissum est: *Tunc præcepit, et dixit mihi. Facta enim interpositione de incarnatione sua, nunc tandem quæ præcepit, Pater, vel dixerit ei, subiungit. Et quamvis superius utrumque dixerit, præcepit scilicet et dixit; propter interpositionem tamen repetit et dixit, ut exprimat, quæ sibi dicta sunt, vel præcepta, ad parandam sibi requiem in hæreditate sua.*

D Sunt itaque tria, fides, spes, caritas, quibus corda electorum præparantur, ut requiescat in eis Christus. Ad hec tria ordine pulcherrimo pertinent tria, quæ hic distinguuntur: *Inhabita, hæreditare, mitte radices.* Inhabita autem ad fidem pertinet, juxta Apostolum dicentem: *Det robis secundum divitias glorie sue virtutem corroborari per spiritum ejus in interiori homine, et habitare Christum per fidem in cordibus vestris (Ephes. iii).* Hæreditare autem ad spem pertinet. Repromissa enim hæreditas nondum videtur, nondum in re habetur, sed so' spe obtinetur. Christus autem hæreditas justorum est, et per spem interim hæreditatur, ad quem Pater dicit: *In Israel hæreditare, hoc est, esto tu hæreditas Israel.* Et addit: *In electis meis mitte radices,* quod ad charitatem pertinet. Hinc Apostolus ait: *In charitate radicati (ibid.).* His tribus virtutibus parat sibi requiem Deus in hæreditate sua, et in populo, quem elegit in hæreditatem sibi (Psal.

a victrice concupiscentia sic vicius est, et sic exodus, ut eam diligit, consequens est ut concupiscentiam spiritus, quae e regione est, odio habeat. Odit enim justitiam, odit justitiae consentire, odit justitiam vel concupiscere, odit malum non concupiscere, odit malae concupiscentiae non consentire, odit non peccare, odit peccata relinquere, odit pœnitere, odit veritatem redarguentem, odit sapientiam utilia suadentem, odit disciplinam pacis, odit gratiam Dei, paulominus ipsum Deum odit; immo processu iniquitatis etiam ipsum gratis odit, in deteriora semper cadens donec incidat in peccatum irremissibile, quod non remittetur, nec in hoc sæculo, nec in futuro. Victrix et dominatrix concupiscentia mala subditum suum de peccato in peccatum sic præcipitat, ut de amore sui perducat ad odium Dei; donec claudat super eum puteus os suum. Hujus autem tanti mali aliter causa est delectatio peccati, aliter concupiscentia peccati. Haec causa est propter quam, illa vero per quam. Illa incipit, ista perficit; illa per illicitas rerum specie, a bono abstrahit, et ad inmalum illicit, haec abstractum et illectum capit et claudit; illa consensum peccati causaliter præcedit, ista sucedit.

De corpore et anima veteris hominis.

Sicut in uno homine corpus et anima discernuntur; corpus vero carnem et ossa, et in ossibus medullas habere cernitur; anima autem arbitrium movendi corporis tenere creditur: sic in unius peccati compositione vetus homo noster qui non absurde homo peccati, vel filius perditionis dici potest, concupiscentiam habet pro carne peccati, juxta quod Apostolus dicit: *Caro concupiscit adversus spiritum (Galat. v).* Consensum vero, in quod est robur peccati, sicut in osse robur corporis pro osse habet, delectationem vero pro medulla. Id vero pro anima habet, quod in mente supereccellit et sumimum est, et presidet ei quod appetit, et ei consentit, ei quoque quod delectatur, cui placere aut displicere possunt appetitus et consensus et delectatio: sine cuius conniventia nec appetitus usque ad consensum perducitur, nec ad operandum corpus mouetur, nec ex motu opus perficitur, in quo affectata delectatio queritur. Cum vero quod menti omnibus præsidenti omnia placent, et in omnibus delectatur, non in solo opere delectatio sentitur; sed præter delectationem operis est delectatio mentis, et in appetitu et consensu, sed tunc in appetitu, cum in consensu. Nam, cum non libet consentire, aut omnino non libet, aut minus libet, appetere. Cum autem libet consentire, libet et perficere. Cui haec omnia libent, in his omnibus delectatur. Delectatio vero quæ est in appetitu, quamvis ad ipsum appetitum magis pertinere videatur quam ad consensum, id est magis ad pinguedinem carnis, quam ad medullam ossis, tamen ad consensum ea ratione pertinere dignoscitur, quod sine consensu non omnino placet ipse appetitus. Propterea inter medullas inveniuntur cum delectatione operis delectatio appetitus, et delectatio

A consensu, et omnis delectatio mentis, cuius motu totum disponitur, in quo male delectatur. Has autem medullas in tam obstruis ossibus altius reconditas quis aut cuius gladius dividere potest, nisi illius, qui potest ossa peccatorum conterere, et cornua confringere? Hic nempe est, qui superbos humiliat usque ad cinerem et favillam, qui nebulam sicut cinerem spargit; qui mittit crystallum suam sicut buccellas, qui educti vincos in fortitudine, similiter eos qui exasperant, qui habitant in sepulcris (*Psal. LXVII*). Ille nimurum, qui mortuos suscitare potest, solus ille prævalet omnes noxias delectationes in amaritudinem pœnitentiae convertere, ut totum dispiceat quod male placebat, donec corpus peccati medullitus consumatur.

B *Et discretor cogitationum et intentionum cordis; et non est ulla creatura invisibilis in conceptu ejus: ad quem nobis sermo (Hebr. iv).*

Novit Dominus cogitationes et intentiones cordis nostri, haud dubium quin sibi omnes, nobis vero illas novit, quas per gratiam discretionis nos discerneret, quales sint. Spiritus autem qui est in homine, non totum novit quod est in homine, et de cogitationibus suis, quas conscientis vel non conscientis sentit, non semper ut in re est, ita sentit. Et quas ante oculos mentis cernit, oculis caliginibus subtiliter non discernit. Sæpe enim a propria cogitatione, vel ab homine, vel a tentatore, sub specie pietatis ingeritur, quod præmium virtutis ante oculos Dei non meretur. Sunt enim quadam verarum virtutum similitudines, et similiter vitiorum, quæ oculis cordis illidunt, et quasi quibusdam præstigiis aciem mentis ita perstringunt, ut sæpe species boni apparere videatur in re non bona, et item species mali in re non mala: quæ est pars misericordie et ignorantiae nostræ, multum nobis dolentia, multumque timenda. Scriptum est enim: *Sunt viæ, quæ videntur homini rectæ, quarum finis ad inferna deducit (Pror. xiv, 16).* Pro quo vitando periculo beatus Joannes nos admonet dicens: *Probate spiritum, si ex Deo sunt (I John. iv).* Quis autem probare potest, si ex Deo sunt spiritus, nisi a Deo data sit ei discretio spirituum, ut spirituales cogitationes, affectiones, et intentiones, subtiliter et vero judicio examinare queat? Discretio vero mater omnium virtutum, et ipsa singulis necessaria est, sive in regimine alienæ vitæ, sive in directione vel correctione propriæ. Quam quidem nullus sermo sensibus nostris intimare potest, nisi ille vivus et efficax, qui discretor est cogitationum et intentionum cordis. Hic autem sermo totam vitam nostram secundum certam formam instituit, et ad certum finem dirigit. Quo institente, in omnibus quæ facienda disponimus, Deum semper cogitare debemus, ut fiat secundum ipsum, et nihilominus propter ipsum. Quæris quomodo secundum ipsum, quomodo propter ipsum? Audi utrumque. Omnis actio nostra dirigenda ad finem promissionum Dei. Non licet nobis aliud facere, quam quod præcipit, aut permittit, aut con-

preparatur, et post laborem, quem Deus fixit in præcepto, merito obedientiae obtinetur. Dicitur ergo ei, ut requiem inveniat: *In Jacob inhabita, in populo scilicet, quem dilexi: Jacob enim dilexi, Esau autem odio habui (Malach. 1).* Ac si diceretur ei: Inter bonos sit conversatio tua, et cum justis sit habitatio tua. Inter malos enim non est requies, sicut de quibusdam scriptum est: *Committi sunt inter gentes, et didicerunt opera eorum, et servierunt sculptilibus eorum, et factum est illis in scandalum (Psal. cv).*

Ergo malorum societas fugienda est, animo semper, sed non corpore semper: semper morum dissimilitudine, sed non semper corporali separatione. Sæpe enim dum communiter habitant boni et mali, mali sunt emendatores, vel boni meliores et purgatores. Nascitur lumen inter spinas, et justus inter malos sicut lumen germinat, et compungitur in spinis, et tribulationem patitur a malis, sicut Jacob ab Esau, innocens a vocente, justus ab injusto; tamen quantum in ipso est, eum omnibus pacem habet, ut dicere possit: *Cum his qui oderunt pacem, eram pacificus (Psal. cxix).* Luna pernecessaria in officina fabrorum, erdens rubiginem ferri ut elatius splendeat, sic et malus socius in conversatione communi, etsi sibi noceat, et aliis nocere intendat, quos persequitur elimat et purgat. Quid ergo? Justus qui dicit: *Habitavi cum habitantibus Cedar (ibid.),* an et hie Jacob inhabitat? Inhabitat quidem, et si non corpore, animo tamen. Ambulat enim simpliciter, sicut Jacob (Gen. xxv). Erat enim Jacob vir simplex, et nihilominus prudens, adeoque prudens, ut supplantaret Esau, emens primogenitam ejus, et secundo supplantaret, ei benedictionem præripiens (Gen. xxvii). Nec injuste. Nam benedictio ei de jure debebatur, et Esau primogenita contempsit, abiit enim parvipendens, cum primogenita vendidisset; et cum prænascens ad hæreditatem festinaret in initio, in fine benedictione caruit (Prov. xx). Cupiens enim hæreditare benedictionem, reprobatus est (Hebr. xii). Non enim invenit locum pœnitentiae, quamquam cum lacrymis inquisisset eam. Quisquis ergo in omnibus simpliciter agit, ne cuiquam noceat, et in omnibus prudenter, ne sibi noceatur, neve a quoquam supplantetur, neve suo jure defraudetur, ipse est Jacob, qui jus fraternæ societatis, quantum in se est, illesum servat et libbatum. Pacifica ergo conversatio in medio fratrum nobis commendatur; quæ bonis quidem inter malos minus est dulcis, sed sepe magis utilis. Bonis autem inter bonos, et utilis est, et prædulcis. Nihil enim in humana conversatione melius dilectione mutua; nihil dulcissimæ societate sancta. Amare et amari dulce est commercium, fons vitae, delectamentum et beatitudinis præmium. Quomodo enim non dulcis est habitat bona et jucunda, ubi Deus habitat, ubi et requiescit? Deus enim in loco sancto suo: *Deus qui inhabitare facit unius moris in domo (Psal. lxvii).* Unitas socialis vitæ figura est et significatio quedam illius supernæ societatis, ubi per-

A amoris communionem, quæ propria sunt singulorum inveniuntur communia omnium. Hic nempe meritum, illic præmium; hic figura, illic veritas, nec tamen figura hæc sine veritate; hic requies inchoatur, illic perficitur. Perfecta enim requies inveniri non potest in loco afflictionis hujus, in loco peregrinationis hujus. Extra hæreditatem nostram non est nobis plena requies. Additur ergo: *In Israel hæreditare.* Jacob ipse est Israel, et ipse est hæreditas Domini; et Dominus est hæreditas illius. Quicunque justus supplantat Esau, malignum scilicet, qui odit fratrem suum, ut ad nihilum redigatur in conspectu ejus malignus, ipse est Jacob. Qui vero contra Deum fortis est, viriliter agens, et Deum sustinens; qui Deum semper videt in timore suo, in desiderio suo, in spe sua, in intentione sua, ipse est Israel. Jacob autem, sicut Israel, ipse est hæreditas Domini. Nam de Israel scriptum est: *Opus manuum mearum hæreditas mea Israel (Isa. xix).* Et de Jacob: *Elegit nobis hæreditatem suam, speciem Jacob quem dilexit (Psal. xlvi).* Nobis, inquit, elegit; quia nobis prodest quod elegit, sed suam hæreditatem elegit. Quam hæreditatem, nisi speciem Jacob, quam dilexit? Hæc est autem species Jacob, forma scilicet fidei et justitiae, quam exhibuit Jacob omnibus proponendam, et omnibus imitandam: qui habitare consensit in Ægypto ad tempus ubi nec mortuus remanere voluit, sed transferri ad terram, quam in promissione accepérat (Gen. xlvi): præmonstrans hæreditatem non esse querendam in Ægypto, hoc est in mundo, nec in hac vita; sed cum dederit Deus dilectis suis somnum (Psal. cxxvi). Hæreditas autem Israel non alia est, nisi illa de qua Prophetæ dicit: *Portio mea, Domine (Psal. cxviii).* Et iterum: *Dominus pars hæreditatis meæ (Psal. xv).* Esau autem, et qui in ipso figurantur amatores mundi, propter edulium vilissimæ voluptatis, et propter unam escam, semel scilicet, et cito finiendam, jus hæreditarium contemnunt et perdunt. De quibus scriptum est: *Pro nihilo habuerunt terram desiderabilem (Psal. cv).* At Jacob edulium contempsit, et jus primitivorum prudenter acquisivit, unde et benedictionem hæreditavit. Hæc enim hæreditas dilectione Dei acquiritur. Extra hanc hæreditatem requies frustra queritur. Propterea querenti eam dicitur: *In Israel hæreditare, hoc est, stude, satage, ut hærediteris in Israel, non in Ægypto, non inter gentes quæ ignorant Deum, sed in populo Israel.* Sola ergo hæreditas Israel requiem querentibus est querenda, et perseveranter. Nam qui perseveraverit usque in finem, hic saluus erit (Matth. x). Unde et additur: *In electis meis milles radices.* Sicut cupiditas est radix omnium malorum, sic et charitas radix est omnium bonorum. De illa dicitur: *Vidi stultum firma radice, et maledixi pulchritudini ejus statim (Job v).* Stultus est, qui æternis temporalia præponit. Hic firmam habet radicem, sed secundum suam, sibique similium, reputacionem. Conflitit enim in virtute sua, et in multitudine

divitiorum suarum gloriator (*Psal. XLVIII*). Et : *Bec-*
tum dixerunt populum, cui hac sunt (*Psal. CXLII*). Statim, inquit, maledixi pulchritudini ejus. Hunc concordat Psalmista, dicens : *Deus dernet te in finem, et erellet te de tabernaculo tuo, et radicem tuam de terra viventium* (*Psal. LI*). Ne ergo dilectio Dei per inconstantiam animi relabatur in cupiditatem saeculi ; et ne dilectio proximi aliquibus injuriis exagitata recidere possit in odium vel contemptum proximi, dilectori Dei et proximi recte dicitur : In electis meis mitte radices : quibus verbis monetur in ultraque dilectione inconvulsis radicibus stare, et usque ad finem perseverare, ut aliquando dicere valeat : *Ei radicavi in populo honorificato*. Populus enim justorum tribus modis, et quasi tribus nominibus significatur : *In Jacob, in Israel, in electis meis*. Jacob enim est secundum simplicem prudentiam, in qua simpliciter ambulat, et omnia molimina supplantat, ne supplantatus ius suum perdat. Israel vero est, cum tam fortis est, ut Deum sustineat ; vel tam beatus, ut videat. Electus autem est, quia cum nondum diligeret, prior est dilectus. Dilectus autem est, et electus ad requiem sibi præparata, quæ in tempore suo ei dabitur, et triplici felicitate consummabitur, hoc est communione beatissime societatis, visione ipsius divinæ majestatis, stabilitate interminabilis æternitatis. Hinc scriptum est : *In terra sua duplicitas possidebunt, laetitia sempiterna erit eis* (*Isa. LXI*). Prima felicitati congruit dilectio proximi, secundæ dilectio Dei, tertiae tenor perseverandi, id est usque in finem diligendi. Diligamus ergo proximum, vel in Deo, si bonus est ; vel propter Deum, si malus est. Diligamus eum, ut sic inhabitemus in Jacob, id est ut permaneamus in communione justorum, et longe semper efficiamur a communione malorum ; ne unquam sinus de illis, nec tunc etiam cum vivimus inter illos, vel cum illis. Hujus inhabitacionis in Jacob lex est dilectio proximi, per quam servatur inter justos unitas fraternitatis, ut perveniant ad communionem supernæ societatis. Diligamus Deum toto corde et tota anima, ut hereditemur in Israel, ne aliam queæramus hereditatem, quam ipsius Dei visionem, qui jararit ad Abraham patrem nostrum, daturum et nobis (*Luc. I*). Perseveremus autem in dilectione Dei et proximi usque in finem, ut requies nostra in regno Dei perpetuetur sine fine.

De triplici inquietudine.

Cogitemus hoc loco triplicem inquietudinem, quæ impedit optatam requiem : quæ nos crebra molestiarum experientia pene indesinenter de se cogitare compellit. Inquietam enim a malitia temporis, hoc est, totius hujus mutabilitatis : a malitia cordis, hoc est propriae cupiditatis ; a malitia super malitiam, secunda super primam, et adhuc tertia super secundam. Sufficit diei malitia sua (*Matth. VI*). Sufficeret quidem posset malitia temporis, ut satis miseri essemus ; sed aliena perversitas, et propria iniqüitas, supra modum nos aggravant, ut satis super-

A que miseri simus. Quid dico, miseri ? Imo miseria inferiores, et omnino miserrimi. Quo declinabo a miseria mea tam multa, tam magna ? Quo me vertam, ut requiem inveniam ? In omnibus enim requiem quæsivi ; sed ubique quæsitam nosquam inveni. O requies, ubi es, et ubi te inveniam ! Scio, quia non inveniam te, nisi tu venias ad me. Domine Deus, tu solus es requies animarum, et non est pax nobis a tota miseria ista, nisi per te, et in te. Ego quidem, ut invenirem requiem in te, ad hereditatem tuam ubi tu requiescias, me verti, et dixi : *In hereditate Domini norabor*. Hoc dixi meatis proposito, cordis desiderio professionis voto ; da mihi nunc, ut dicere queam : *Qui creavit me, requierit in tabernaculo meo*. Fac in me tabernaculum tuum, et requiesce in me, ut requiescam in te. Haec est enim requies tua, operatio requiei nostræ. Operare ergo in me, ut ante omnia et super omnia diligam te ; ut nihil cupiam extra te, nihil nisi te, vel propter te : et erit mihi pax, et erit mihi requies in corde meo, a cupiditate mala, a malitia cordis mei, a curis tauri multis, tam malis, tam acerbis, quæ cor meum devorant, sicut aves morsu amarissimo. O quam beatum me dicerem, imo et corde sentirem, si solo tui desiderio accensus, astutus et suspirans cum Propheta dicere possem. Ecce, quid mihi est in cœlo, et a te quid volui super terram ? (*Psal. LXXII*.) Si hoc dicere possem, cur non statim gratulabundus adjungerem : Abite, abite, vanissimæ curæ meæ, et porturbationes meæ : vane enim conturbatur omnis homo ? Abite sollicitudines meæ, et date locum paci et requiei meæ ; quia *Deus cordis mei, et pars mea Deus in æternum* (*ibid.*). Domine Deus, requies animarum, si dederis mihi requiem a cupiditate mala, quæ radix est omnium malorum, quid mihi nocero poterit perversitas aliena, cum non dominetur iniqüitas propria ? Si dixerit Esæ : *Oecidam fratrem meum ; si persecutus fuerit Jacob, et relictis patre et matre et patria compulerit eum in baculo transire Jordaneum istum, et a solo Deo panem ad manducandum, et vestimentum quo operiatur, petere et sperare, et procul a finibus suis tot annorum circulis exsulare, et servire, quid potest contra Jacob ? quia tu adjutor fortis, o Deus Jacob*. Conforta me, Domine, in dilectione tua, et in dilectione proximi, quem propter te diligendum instituisti. Conforta, queso, ut propter te diligere valeam etiam molestiantes, et si inimicus mihi fuerit etiam frater meus, ita ut eum valde timeam, illum tamen nullatenus odio habeam, sed iratum muneribus placare satagam, et pro malis bona retribuam, ut de ira o placatum habeam, et apud eum gratiam inveniam, et ad me diligendum obsequiis pertraham, et de inimico amicum faciam, nunquam vincendus a malo, sed vincens in bono malum. Si convalescat, Domine, tam fortis dilectio in me, per te omnis malitia hominis deinceps non inquietabit me. At malitia temporis quando cessabit ? quandiu durabit ? Dum obnoxii sumus temporis, et subjecti huic mutabilitati,

est rex? Isti fies concupisibilis, desiderabilis et amabilis, si aurem inclinaveris, si te humiliaveris, et tanto magis, quanto major fueris. Quanto magis te humilias, tanto magis Dominum magnificas. Unde quæ p̄e cæteris tanto creditur humilior, quanto dignior, quæ singulariter dieit: *Magnificat anima mea Dominum* (Luc. 1), plus magnificavit, quæ plus magnificata est, et sublimior effecta est, ut singulariter dicere possit: *Quia fecit mihi magna, qui potens est* (*ibid.*), plus magnificata plus Deum magnificavit, quia plus se humiliavit, humilitatis suæ ipsa sibi testis est, humiliiter dicens: *Quia respexit humilitatem ancillæ suæ* (*ibid.*). Testis et Elisabeth, quæ Dei matre veniente ad se pariter miratur suam felicitatem, et illius dignitatem, et in tanta dignitate humilitatem. Semper enim mirabilis est in dignitate magna humilitas magna, in potentia magna humilitas magna; in sapientia, eloquentia, virtute, humilitas magna. Denique in omnibus magnis humilitas magna parilis est diuersio, quæ faciem componit, et omnia conformat et coaptat, ut omnibus omnia congruant.

De gratia decoris.

Gratiæ hujus venustatis adornat gratia coloris, candoris pariter et ruboris. Color pudor est. Est autem geminas pudor, pudor pudicus, et pudor verecundus. Pudicitia et verecundia lilium candens et rosa rubeus. Pudicitia suo candore faciem afficit, verecundia suo rubore genas perfundit. Verecundia castos est pudicitiae, et deus pariter et ornamenti ejus. Habent autem singuli sensus et mentis et corporis suam pudicitiam, suamque verecundiam. Est enim pudicitia oculorum, est et verecundia eorum; est pudicitia aurium et verecundia earum; et in aliis sensibus pudicitiae comes solet esse verecundia. Pudicitia autem omnium sensuum ex eorum incorruptione aestimatur. Hinc Apostolus ait: *Timeo ne sicut serpens Evas seduxit astutia sua, ita corrumpanter sensus vestri, et excidant a simplicitate, quæ est in Christo Jesu* (II Cor. xi). Sancta verecundia est, quæ turpia sunt erubescere; sancta pudicitia, immaculatum se custodire. Vide quam castos habebat oculos, qui dicebat: *Pepigi stedum oculis meis, ut ne cogitarem quidem de virgine* (Job xxxi). At qui viderit mulierem, ad concupiscendam eam, quid nisi oculum habet impudicum? Impudicus autem oculus impudicitiae intentis est nuntius. Corruptio sensuum impudicitiae est contubernium. Integritas sensuum castitatis est signaculum. Illujus autem virginis tanta fuit integritas, et intentis et corporis castitas, ut tota virgo fuerit, tota impolluta, tota immaculata, nullo sensu corrupta, nullo sensu contaminata. Totum erubuit quod turpe est, totum reprobavit quod malum est, totum volunt quod pudicum est, totum devovit quod in honestum est. Haec est enim plena virginitas, in omnibus sensibus illibata integritas. Omnis delibatio integratatis, quædam defloratio est virginitatis. Illic igitur luculentus color, castitatis candore et vere-

A cundia rubore permistus, in facie hujus virginis resplendens, et gratiam pulchritudinis adaugens. Luculente ergo colorata est, pudica pariter et pudibunda, ut in ea impleatur, quod scriptum est: *Gratia super gratiam, mulier sancta et pudorata* (Eccli. xxvi). Gratia plena. Accedit ad gratiam, quod hilariter affecta est, facies ejus exhilarata est in oleo exultationis, quia tota devotione plena charitatis fervore, sese Deo obtulit in odorem suavitatis. Præ omnibus filiabus Sion, quæ exsultant in Rege suo, exsultavit spiritus ejus in Deo salutari suo. Vide quam decora facies, quam gratia parilitatis formavit, gratia candoris et ruboris illustravit, hilaritatis gratia laetificavit. Nec sola facie pulchra est, sed tota pulchra, sicut testatur, cui placuit, dicens: *Tota pulchra es, amica mea, et macula non est in te* (Cant. iv). Ecce quam plena gratia decoris.

De gratia favoris.

Nec impar ei gratia favoris. Ab omnibus enim amat, laudatur, honoratur, prima post Deum hominum et angelorum amor, laus, et decus. Laudes ejus pronuntiat omnis Ecclesia sanctorum: *Vide- runt filiæ Sion, et beatissimam prædicaverunt: Reginæ et concubinæ laudaverunt eam* (Cant. vi). Hanc autem tantus favoris gratiam ipsa non tacet, cum dicit: *Beatam me dicent omnes generationes* (Luc. 1).

De gratia honoris.

Honoris gratia quanta ei collata sit, non est nostræ facultatis edicere. Nam, cum omnia in ea laude sint digna, et quæ propria habet et quæ communia, speciali laude utraque eam commendant. Communia enim singulariter habet, quia supere excellenter p̄e cæteris habet, quæ cum cæteris habet. Et singulariter est quod sola non est. Casta est, humiliis est, suavis et benigna. Sunt et aliae similium virtutum, sed non similiter, non æqualiter. Omnibus excellit: et in omnibus domina mundi, et cœli regina, hominum et angelorum, mater Dei et filia, soror et sponsa, amica et proxima. Mater per secunditatem virginitatis, filia per gratiam adoptionis, soror per gratiam communionis, sponsa per fidem desponsationis, amica per vicissitudinem dilectionis, proxima per vicinitatem similitudinis: omnibus pulchrior, omnibus amabilior, superspeciosa, supergratiosa, supergloriosa. *Dominus tecum.* Quid singularis gloriæ habet, quod dictum est: *Dominus tecum, cum Gedeoni ab angelo dictum sit: Dominus tecum sit, virorum fortissime?* (Jud. vi.) Et Psalmista dicit: *Dominus virtutum nobiscum* (Psal. xlvi). Et Christus nobis dicit: *Ecce ego vobiscum sum omnibus diebus usque ad consummationem sæculi* (Matth. xxviii). Et de Christo Isaías dicit: *Et vocabitur nomen ejus Emmanuel, hoc est nō iscum Deus* (Isai. viii). Sed hoc dicturus præmisit: *Ecce virgo concipiet et pariet filium; et vocabitur nomen ejus Emmanuel* (*ibid.*). Quomodo enim ad nos veniret, ut esset nobiscum, nisi quia ad Virginem venit, quam et præ-

venit, ut cum ea esset, et in ea, et ex ea, et sit per eam in nobis: cum sit susceptor noster Deus Jacob? Ad hoc enim nostram naturam ex ea suscepit Deus Jacob, ut nobiscum sit semper, dicens: *Deliciae meae, esse cum filii hominum* (*Prov. viii.*). Si autem deliciae Dei sunt esse cum filiis hominum, quanta putas deliciae ejus sunt esse cum unica sua, quam praeerigit in ministerium tantarum deliciarum? Quod ergo nobiscum est, communicans naturae nostrae, et communicator gratiae suae, ut simus filii et haeredes Dei, fratres autem et cohæredes Jesu Christi, hoc tam magnum donum, tam magnum bonum illi singulariter dictum est: *Dominus tecum*. Hujus tantæ dispensationis ministra et cooperatrix effecta, salutem mundi, nobis dedit. Sed, quia sola non potuit, sed ministerium præbuit, sed effectum mediatis exhibuit, sed mediatorem, qui hoc posset, in medium produxit, recte dicitur: *Dominus tecum*. Opus quiddam magnificum factura es, salus mundi per te procuranda est, sceptrum exactoris superandum est, sicut in die Madiani. Sed supra omnem humanam virtutem et sapientiam est, ad quod electa es; sed *Dominus tecum*, cui non est impossibile omne verbum. Sic ad Gedoneum, curz liberaturus eset filios Israel de Madian, dicitur: *Dominus tecum, virorum fortissime* (*Judic. vi.*); ubi et fortitudo commemoratur, et fortitudine opus erat, Deo fortitudinem dante, qui est adjutor fortis. In hoc quoque opere salutis nostræ, quod a plenissima gratia inchoatur, et in plenissima gratia consummatur, plenitudo gratiae commemoratur; et auctori gratiae laus ascribitur, qui Virgine cooperante auctor operis ostenditur.

Benedictio Virginis.

Post Deum auctorem tanti beneficii prima laus Virginis debetur, ut ab omnibus merito benedicatur. Propter quod ei ab angelo dicitur: *Benedicta tu in mulieribus* (*Luc. i.*). Et ad eam Elizabeth: *Benedicta tu inter mulieres* (*ibid.*). Eva per superbiam et inobedientiam culpam sententiam maledictionis in se excepit, et nos per eam maledictioni obnoxii sumus. Superbia enim maledictio debetur, quia Deus superbis resistit, humiliibus autem dat gratiam (*I Petr. v.*). Hinc scriptum est: *Initium omnis peccati superbia. Qui autem tenerit eam, adimplebitur maledictio* (*Ecli. x.*). Maria autem sese humiliavit, et benedictionem meruit. Attendamus, ut possumus, quantum se humiliavit, et quam benedicta fuerit. Est quædam humilitas sub præcepto, est quædam sub consilio, quædam sub exemplo, quædam sub proposito vel voto, quædam sub maledicto. Præceptum imponit necessitatem, consilium excitat liberam voluntatem, exemplum provocat ad emulationem, sanctum propositum sive votum cumulat devotionem, maledictum adducit confusionem. Humilitas sub consilio major est, quæ est sub præcepto. Præcipimus aliena non rapere, monemur propria relinquere. Hoc majus bona, illud tamen magis

A necessarium. Illud communius, hoc restrictius. Humilitas sub exemplo, sine præcepto et sine consilio, a typho superbiae et fastu arrogantiae longius videtur abesse. Magnæ enim humilitatis indicium est, nullo cogente, nullo suadente, recte agentem sibi præferre; nec dignari quidquid dignum fuerit imitatione. Sæpe autem sine præcepto, consilio, et exemplo, occulto mentis instinctu aliquid boni percipitur, et in propositum sive votum assumitur, quæ est mira humilitas. Magnæ siquilem virtutis est, communi libertati renuntiare, et sanctæ necessitatæ sese subdere. Nonnunquam vero quod Deo dignoscitur esse acceptum, apud homines invenitur probosum, et maledictioni obnoxium. Propterea quidam timore confusionis victi, sæpe perfectionis studium quod appetunt, erubescunt, et dum linguis hominum metuunt, bona fugiunt quæ concupiscunt. Quidam vero justitiam et sanctitatem sic probant, et sic zelant, ut hominum maledictiones et opprobria contemnant; gloriosum reputantes pro nomine Jesu contumeliam pati; et majores divitias æstimant thesauris Ægypti improperium Christi. Ille pars humilitatis quanto maledictiones hominum propter Deum minus veretur, tanto abundantiorem benedictionis gratiam apud Deum meretur. Hanc humilitatis partem nec Christus prætermisit: qui omnem justitiam implere volens, factus est pro nobis maledictum, sicut scriptum est: *Maledictus omnis qui pendet in ligno* (*Dent. xxi; Gal. iii*). Quomodo autem factus sit maledictum, ostendit, qui dicit: *Ab hominibus quidem reprobatus, a Deo autem electus* (*I Petr. ii*). Cui et illud concordat: *Maledicent illi, et tu benedices* (*Psal. cxxxii*). Æstimenus, ex his quæ dicta sunt, qualis fuerit humilitas hujus Virginis, quæ virginitatem suam sine legis præcepta sub legis maledicto consecravit, quia maledicta reputabatur, quæ non reliquisset semen in Israel. Si Deus in initio quibus benedixit, his et dixit: *Crescite et multiplicamini* (*Gen. i*), dans eis gratiam secunditatis pro benedictione; quomodo ab hac benedictione aliena non est, quæ secunditatis expresa est? Si secunditas benedictio est, quomodo sterilitas maledictio non est? Quid virginitate sterilius, quid infecundius, quid infructuosius? Nihil omnino. Sed ante virginem secundam. Nam virginitate secunda nihil fructuosius. Sanctimonia autem virginitatis supra legem est, quam nulla lex in præceptum redigit, sed evangelica perfectio in consilio formavit, Domino dicente: *Qui potest capere, capiat* (*Matth. xix*); et Apostolo: *De virginibus præceptum Domini non habeo, consilium autem do* (*I Cor. vii*). Hujus itaque virginis propositum nullum præcessit legis præceptum; nullum ut quibusdam videtur, de lege consilium, nullum ex lege exemplum quod de mulieribus magis accipiendo quam de viris. Nam Elias et Jeremias et Daniel virginitatis castimoniam servasse æstimantur. In mulieribus vero, vel ante legem, vel sub lege, exemplum servatæ virginitatis, Deoque dicatae, non oc-

currit. Nam quod filia Jephte duorum mensium in-
ducias ad deplorandam virginitatem suam impétra-
vit (*Judic.* xi), varie interpretari potest. Quo enim
animo id fecerit, Scriptura non loquitur. Nam, si
causa deploratæ virginitatis hæc fuit, quod quasi
sterilis sine fructu non esset semen relictura in
Israel, a proposito sanctæ virginitatis longe est hæc
mentis cogitatio, et lacrymarum profusio. Verum-
tamen altum quid, quidquid illud sit, quod novit
inspector cordis, cogitasse videtur, quæ patri suo
dixerit: *Pater mihi, si ayeristi os tuum ad Deum,*
sac mihi quodcunque pollicitus es, concessa tibi ultio-
ne atque vindicta de hostibus tuis (*ibid.*). Unde
autem nostræ virginis, ut vel credere posset, virginitatem Deo placitaram, quæ tam obnoxia esset
maledictioni, quam proxima sterilitati? At apud
Isam legisse poterat: *Non dicat eunuchus: Ecce*
egu lignum aridum, quia hæc dicit Dominus eunu-
chus: Dabo eis in domo mea, et in murie meis locum
et nomen melius a filiis et filiabus (*Isai. lvi*). Pote-
rat et illud: *Ecce virgo concipiet, et pariet filium,*
et vocabitur nomen ejus Emmanuel (*Isai. vii*).

Cum honor nominis, quod melius est filiis et filiabus, eunuchis, id est virginibus reprobissus sit, cum Salvator mundi de virginie nasciturus prænuntiatus sit, eodem spiritu, qui prophetam hæc dicentem inspiravit, suggestamente cogitare potuit virgo divinitus inspirata virginitatem Deo admodum gratam, admodum caram existere; cui honor Deum concipiendi in virgine paritura servatus sit. Quæ quidem sive prophetæ oraculo de merito virginitatis instructa, sive divino instinctu tantum inde interius edocta, virginitatem adoravit, virginitatem amplexa in odorem suavissimum Domino obuicit, et consecravit, et maledictionis opprobrium contempsit. Sed virginitate hactenus sterili secunditatem accepit, pro maledictione contempta gratiam benedictionis iuvenit. Erat aliis pro maledictione iniqüitas in conceptu, dolor in partu, et in quibusdam sterilitas sine fructu. Hec autem sine peccato concepit, sine dolore peperit, de virginitate fructum protulit. Et qualem fructum? Fructum utique singularem, fructum pretiosiorem toto fructu conjugii. Quisnam est fructus conjugii, nisi tota Adæ posteritas, tota hæc filiorum hominum numerositas? Nam qui de fornicatione nati sunt, de primis parentibus conjugio copulatis propagati sunt. Totus autem fructus carnalis permissionis prædamenatus est, utpote de mala arbore natus, et de vitiaria radice corruptus; mala siquidem arbor malos fructus facit (*Math. vii*; *Luc. vi*). Quænam, inquis, est mala arbor? Concupiscentia utique mala, concupiscentia carnis, quam sane trahunt, quicunque secundum legem carnis generantur, quicunque ex traduce peccati propagantur. Hæc est autem originale malum in nobis, malorum seminarium, et totius massa corruptæ fermentum, et communis damnationis initium et complementum. Huic originali malo tam noxiæ, tam mortifero, remediariorum oportuit per originale bonum, de statu primæ con-

Aditionis, post primam prævaricationem et vitiosam nascendi legem, in nascentibus adhuc reservatum. Deus enim sententiam suam adversus hominem peccatorem sic temperavit, ut natura vitio corrupta ex parte malum sentiret, quod meruit; et ex parte bonum recoleret, quod habuit. Propter peccatum itaque inobedientiæ, legem inobedientiæ, hoc est vitium concupiscentiæ, nascentibus invexit vitiosa propagatio; et tamen aliquam incorruptionis integritatem in nascentibus retinet primitiva conditio. Omnes enim virgines nascuntur, et virginitas de utero egressa statim incrementa comitantur, et floridæ incorruptionis gratiam retinet usque ad corruptiæ carnis, quæ motum concupiscentiæ non restrinquit, et integratæ nomē extinguit, et vernantis virginitatis florem corruptit. Verumtamen, quod in commissione perdit maris feminæque complexio, hoc in partu restituit nativitatis origo. Virginitas autem omnium nascentium communis integratæ, virtutis nomen et laudem in his potissimum habet, qui cum integratæ carnis servant castitatem mentis. Virginitas autem carnis sine castitate mentis, etsi non habeat ipsa in se criminis vituperium, non habet tamen veræ virtutis præcium. Virginitas autem hujus benedictæ mulieris singularem habet virtutis laudem, quia singularem obtinet benedictionis gratiam, cui merito dictum sit: *Benedicta tu in mulieribus.* Benedicta plane, primo quidem immunitate communis maledictionis, deinde absolutione justæ criminationis, postremo, quod maximum est, aversione debitæ damnationis. Cæteras quippe mulieres generalis maledictio, tam parientes quam steriles involvit, cui per gratiam hæc exempta, in hoc quamdam partem benedictionis obtinuit, quod generali incommmodo sola caruit, et immunis exstitit. Hæc est, quam diximus, immunitas generalis maledictionis. Poterat vir peccator peccatum adversus mulierem causari, et dicere: Per te, o mulier maledicta, et merito maledicenda, et ego maledictus sum; per te sum de paradiso ejectus, per te hæc et hæc bona perdi; per te hæc et hæc mala reperi; vœ tibi, quia per te factum est, vœ mihi! Ad hæc non poterat omnis mulier unum respondere verbum, ad hæc non poterat nisi confusione confundi et conturbatione perturbari. Hinc totum genus mulierum potuit esse exosum, et publica exprobatione dignissimum. Et sic quidem erat ante hujus virginis partum. Nunc autem longe aliter est. Habet enim mulier nunc quid respondeat; habet in beata virgine, quod huic exprobationi opponat. Hæc est, quam diximus, absolutio justæ criminationis. A qua quidem criminatione et hæc virgo libera exstitit, et suo merito cæteras absoluit. Quæ quoniam Salvatorem mundi edidit, qui mortem destruxit, et debitam nobis damnationem avertit, totum ei post Deum debemus, quod a maledicto liberati sumus; quod omni benedictione spirituali in cœlestibus benedicti sumus, ut sicut ipsa est semper apud Deum benedicta, sic a nobis sit semper benedicenda.

carnalem, et vitam spiritualem. Pertingit et iste gladius usque ad divisionem animæ scorsum, et usque ad divisionem spiritus similiter scorsum : sed de divisione animæ plus occurrit dicendum. Anima simplex quædam natura est, et indivisibilis secundum essentiam, unicuique corpori in unitate personæ unita, sola soli, una uni, ideoque recte dicitur unica unici. Verumtamen hæc anima, cum secundum Deum dilit, quem propter Deum diligendam cognoscit; per affectum charitatis illi se unit, quem in charitate subjungit; et per affectiones amoris in se divisa, non solum in corpore, cui personaliter unita est, vivit : sed quodam modo vitam et sensum extra se dividit, ad illos, quibus se per amorem jungit. Propterea, non solum propria bona vel mala sentit; sed ad sentienda quæ aliena sunt, congratulando vel compatiendo se impertit. Propterea gladius spiritus non solum per dolorem propriæ passionis, sed et per compassionem alieni doloris incidit. Et fieri potest, ut acerbior sit quam patientis, dolor eqmpatientis. Sæpe enim in languore filii plus cruciatur mater condolens, quam filius dolens. Facit hoc amor, qui alienum dolorem in se transfert; et sese cum augmento doloris, ut plus condoleat, quam alter doleat, qui nonnunquam desiderat solus dolero, ne alter doleat. In passione autem condolendi, anima condolentis quodam modo dividitur a se, et in se. Nam, cum patitur, qui amat, ut dolorem ejus sibi faciat communem, se illi indulget, et se transfundit extra se; et per obsequium compassionis se illi unit, ut vicem ejus dolent; et quodam modo præstat, ut ejus sit, cui se per affectum condolendi infudit, tanquam vivens apud illum, cuius sentit cruciatum. Unde senex Simeon, cum prophetasset de Christo, et dixisset : *Ecce hic positus est in ruinam et resurrectionem multorum in Israel, et in signum, cui contradicetur* (Luc. ii) : mox ad B. Virginem loqueus, subintulit, dicens : *Et tuam ipsius animam gladius pertransibit* (*ibid.*). Hoc est, sic tuam animam, quasi sit ipsius, pertransibit gladius. Potest etiam sic intelligi : Tuam ipsius animam, hoc est, tuam propriam animam pertransibit gladius. Juxta quem modum loquendi, sicut quidam sancti doctores voluntur, Apostolus ait : *Cum metu et tremore restrinxerat ipsorum salutem operamini* (*Philipp. ii*), id est propriam salutem. Mater quippe Dei, quæ plus omnibus dilexit, sicut et plus omnibus dilecta, ita morienti filio compassa est, quasi vere passa. Nam secundum magnitudinem amoris ejus, ita et dolor ejus. Nam, cum filium diligenter plusquam se, vulnera quæ ipse accepit in corpore, intimo sensu doloris pertulit ipsa in mente : cui et ipsa passio Christi pro martyrio fuit. Nam caro Christi quodam modo caro ejus fuit, hoc est caro de carne ejus, quam a Christo susceptam de se plus amavit in Christo, quam suam in se. Quæ quanto plus amavit, tanto et plus doluit; plus passa in mente quam martyr in corpore. Proinde gloriosi marty-

A rii singulare privilegio præfulget. Cæteri nempe martyres' martyrio propriæ mortis consummati sunt. At hæc carnem de carne sua pro salute mundi passuram ministravit, et in passione Christi, et de passione, ita animam ejus vis doloris obtinuit, ut quasi in Christo martyrio consummata, summa post Christum martyrii gloriam meruisse credatur.

Item de divisione spiritus et animæ Marie.

Est et aliud considerandum hoc loco, tanquam pertinens ad divisionem animæ et spiritus. Mater quippe Dei cum ex morte unigeniti filii sui salutem mundi proventuram esse cognosceret, mortem ejus et voluit et doluit. Voluit quidem, propter suam patriterque nostram salutem; doluit tamen, quia mater erat, mater infirmitatis Christi, et ipsa infirma. Inter tristitiam ergo animæ et gaudium spiritus, quæ exultavit in Deo salutari suo, gladius spiritus divisit : ille scilicet gladius, qui divisit inter patrem et filium, inter fratrem et fratrem, inter sponsum et sponsam, inter amicum et amicum, inter animam et spiritum, inter animam et animam, inter spiritum et spiritum, inter anorem et anorem, inter odium et odium, inter amorem et odium, inter pacem et pacem, inter bellum et bellum, inter pacem et bellum. Non rex, inquit Dominus, mittere pacem sed gladium (*Math. x*). Quis potest cognoscere omnes divisiones animæ et spiritus, quas amiantes charitate vulnerati in se non possunt nos sentire, et præ multitudo non valent dinumerare? Multiplex quippe est divisio animæ et spiritus, et sicut multipliciter sermo Dei cor tangit, ita multipliciter ad divisionem animæ et spiritus pertingit.

De divisione spiritus seorsum.

Licet ex iis quæ dicta sunt de divisione animæ scorsum, perpendi possit, quæ sit divisio spiritus seorsum ; de ipsa tamen divisione spiritus, ut occasio detur sapienti, et sapientior fiat, aliquid perstringere libet. Spiritus est Deus; et qui adhaeret Deo, unus spiritus est (*I Cor. vi*). Spiritus vero hominis, cum totum quod in se divisum est et sparsum colligere et adunare non possit, nisi uni et simplici Deo se jungat, ad Deum tamen se dividit, D cum se diversis modis conjungit, et in conjungendo diversis modis querit, ut arctius jungat, et jungatur. Et ad hæc quis idoneus? Omnes excessus favoris, admirationis, stuporis, meditationis et contemplationis quis dinumerat? Stimulos compunctionum, gaudia devotionum, modulos jubilationum, tristes suspiriorum, singultus gemitum, æstus desideriorum, intentiones orationum, quis dinumerat? Qui dies sæculi et pluviae guttas dinumerat, solus ille est. Hæc comprehendere potest, et dinumerare. Mens enim quæ in dilectione Dei figitur, innumerabilibus amoris passionibus subjicitur, et innumerabilibus modis afficitur; et dum vicissitudines affectionum mirabiliter alternat, constanter tamen et immobiliter amat; et dum se multisformiter re-

bilior, dulcior, firmior, serventior; cuius vim omnis amoris comparatio nec excedere potest, nec æquare, sed nec ad plenum exprimere. Non dignatur tamen Christus aquilæ comparari vel galbinæ, in qua re commendator miranda Christi charitas, mirandaque humilitas, utriusque admiranda suavitas. Pater est, cum dicit: *Amodo voca me, Pater meus, dux virginitatis meæ tu es* (*Jer. iii*). Et illud: *Patrem vocabis me, et post me ingredi non cessabis* (*ibid.*). Maternæ pietatis visceribus abundantior, cum dicit. *Quemadmodum mater consolatur filios suos; ita et ego consolabor vos* (*Isa. lxii*). Frater est, cum dicit: *Hortus conclusus soror mea* (*Cant. iv*). Itein: *Ite ad fratres meos* (*Matth. xxviii*). Amicus est, cum dicit: *Tota pulchra es, amica mea* (*Cant. iv*); et cum de illo dicitur: *Talis est dilectus meus, et ipse est amicus meus* (*Cant. v*). Sponsus est, cum dicit: *Gaudet sponsus super sponsam, et gaudet super te Deus tuus* (*Isa. lxii*). Et nunc frater et sponsus est, cum dicit: *Vulnerasti cor meum, soror mea sponsa*. Cum sororem nominat, communionem indicat et naturæ et gratiae. Hoc est enim commercium amoris. Accepit naturam, et communicavit gratiam. Cum sponsam nominat, indicat fidem desponsationis, et sacramentum indissolubilis conjunctionis. Sed quæ so: or dicitur et sponsa, cur vulnerasse dicitur cor fratri et sponsi? An et amor sua vulnera habet? Habet utique. Sunt enim quædam vulnera salutifera, quædam mortifera. Quæ autem magis mortifera, quam quæ pertulit ipse auctor mortis, vulneratus telo livoris et gladio doloris? De quo scriptum est: *Tu humiliasti sicut vulneratum superbum* (*Psal. lxxxviii*). Nec solus ille sic vulneratus est; sed per eum ceciderunt vulnerati multi. De his enim scriptum est: *Sicut vulnerati dormientes in sepulcris, quorum non es memor amplius* (*Psal. lxxxvii*). Salutifera autem sunt vulnera, quibus vulnerata est sponsa, vulnus amoris et vulnus doloris; et multo magis salutifera vulnera sponsi, vulnus item amoris, et vulnus doloris. De doloris vulnera dicit sponsa: *Percusserunt me, et vulnerarerunt me* (*Cant. v*). De amoris vulnera eadem dicit: *Vulnerata charitate ego sum*. Et si licet in re tam sacram reverenda, eximij poete opinionem in medium adducere, ut veritati serviat, testis est ipse, quia amoris vulnus est, dicens:

*At regina gravi jamdudum saucia cura,
Vulnus alit ventis, et caco carpitur igni.*

VIRG.

In Daniele quoque de duobus sensibus judicibus scriptum est: *Erant autem ambo vulnerati amore ejus* (*Dan. xiii*), Susanna videlicet. At hæc de amore non sancto. Sanctus vero amor ad vulnerandum longe est efficacior, longeque validior. Attendamus ergo, quomodo sponsus cor suum a sorore et sponsa vulneratum dicit; nec semel dicit, sed secundo, ingeminans: *Vulnerasti cor meum, soror*

A mea sponsa, vulnerasti cor meum. Nempe propter nimiam charitatem, qua nos dilexit, cum essemus mortui peccatis, vitam nobis desideravit, et sibi mortem. Hinc ejus vulnera in cruce suspensi; hinc peccatorum nostrorum vulnera sunt sanata; hinc nobis salus est ministrata. Desiderium ergo nostra salutis, et pro nostra salute desiderium propriæ mortis, duo vulnera sunt, alterum amoris, alterum doloris: imo utrumque amoris. Utrumque enim desiderium de amore processit, quo præventa est sponsa, ut sic diligentem prædicta diligenteret; et in oīni veritate sancti amoris, sanctique timoris immaculatam se illi conservaret. Nunc dicitur ipsa in uno oculorum et in uno crine colli cor sponsi vulnerasse; quasi illorum pulchritudine illectus sit ille ad amorem, qui foedam amat, ut pulchram faceret; sed in horum pulchritudine apparet, quod electa est ipsa per amorem. Ad hoc enim dirigebatur intentio amoris, ut pulchra fieret, quæ instantum diligeretur, antequam pulchra fieret; ut præ amoris magnitudine cor suum vulneratum dicat, induita eorum, quibus pulchra fieret. Mutuis quippe vulneribus sponsus et sponsa sese vulnerant; sed sponsus non nisi vulneratus vulnerat; sponsa vero et non vulnerata vulnerat. Sed quid sibi vult, quod in tota pulchritudine sponsæ, quæ tota pulchra dicitur, non vulneratur, nisi in uno oculorum, et in uno crine colli? Qui totam amat, et totam laudat, genas et labia, ubera et juncturam femorum, cæteraque omnia, cur non in genis et labiis, cæterisque sua pulchritudine mirandis; sed quasi amore captus, unius oculi et unius crinis pulchritudine vulneratur? An in his aliqua singularis gratia pulchritudinis præluet, quæ præ cæteris illi placet? Profecto sic est. Ante omnia illi placent, propter quæ omnia illi placent. Quænam sunt illa? Puritas sancti amoris et puritas sancti timoris. Hæc in uno oculorum, illa in uno crine colli intelligitur. In Zacharia propheta de amphora vel impietate, quæ est cupiditas vel anor mundi, dicitur: *Hæc est oculus eorum in universa terra* (*Zach. v*). Hic autem oculus terram respicit, et non cœlum; mundum, non Deum; transitoria et non æterna; visibilia et non invisibilia: nec enim potest. Impurus est enim et obscurus. At amor Dei cum perfectus est, et divisus non est, oculus est simplex, purus, sua pulchritudine conspicuus, qui mira subtilitate conspicuus contemplatur, non ea quæ videntur, sed quæ non videntur. Hic est aspectus Rachelis quæ decora facie describitur, et venustio aspectu (*Gen. xxix*). Hic est oculus, quo videt Maria optimam partem, quam clegit, quæ non auferetur ab ea (*Luc. xi*). Hic oculus solus non est, sed unus oculorum est. Vere unus, quia uni intentus unum amat, unam curat. Est et aliis oculus sponsæ, quo non jam pulchritudinem sponsi contemplatur; sed in se descendens, magis nolens quam volens, se videt egenam et miseram, multis necessitatibus et infirmitatibus expositam, non solum a suis, sed et alienis, tan-

ut adsit delectatio. Quid igitur magis intimum est in peccatis, vel quæ magis peccati medulla dicenda quam delectatio, quæ in omni peccato maxime queritur, etiam ubi non invenitur? Ut de peccato ad justitiam convertamus sermonem, quæ magis dicenda est medulla justitiae, qnam ipsius justitiae intima pinguedo, id est intima delectatio?

De triplici pinguedine bonorum.

Si cogitemus corpora animalium, et quæ in eis pingua sunt, apparebit quædam pinguedo exterior ipsi carni adhærentis, deinde alia pinguedo interior, et vitalibus adhærentis, quæ adeps dici solet. Deinde alia pinguedo ossa replens, quæ tota est pinguedo, et hæc est medulla. Anima quoque justi in ipsis justitiae primordiis quandam in se pinguedinem habet, in quantum legi Dei condelectatur, sed quasi carni adhærentem, quia prisca carnis consuetudine prægravata, ad perfectionem justitiae nondum libere aspirat. Cum vero ascensis quibusdam justitiae gradibus, prosectorum suum jam proœcta sentire incipit, interiori pinguedine, quæ vitalibus adhæret, repleri desiderat, sicut ostendit, qui dicit: *Sicut adipe et pinguedine repleteur anima mea* (*Psal. lxii*). Desiderat nimis adipe repleri, et sic interius plenissime impinguari, ut holocaustum ejus pingue fiat, donec perfectione justitiae consummata, et ejus amore plenissime delectata, tandem quasi medullitus impinguata dicere possit: *Holocausta medullata offeram tibi* (*Psal. lxi*), etc. Sunt justi, qui hoc mundo sic utuntur, ut in rebus illicitis et inconcessis malint carere quam habere; in rebus vero licitis malint habere, quam carere, ut quibuscumque concessis secundum indulgentiam utantur, uxores habentes et possessiones, cæteraque humanae infirmitati concessa, quibus citra salutis periculum utilit, si uti libet. Sunt alii, qui perfectionis studio omnibus rebus etiam concessis renuntiant, quantum humana patitur infirmitas; qui juxta consilium Apostoli alimenta habentes, et quibus tegantur, his contenti sunt (*1 Tim. vi*); qui in bonis spiritualibus tanto sunt pinguiiores, quanto in bonis sæculi propter Deum inveniuntur tenuiores. Justitia ergo pinguedinem habet exterioris, et interius adipem vel medullam; tanto autem interius, quanto profundius, quantoque perfectius. Potest enim juxta alterius considerationis rationem delectatio justitiae medulla dici, non solum in justitia perfectorum, verum etiam in justitia incipientium et proficiuntium. Nulla enim justitia tam mediocris est, vel tam exigua, quæ non habeat aliquantulam fortitudinem pro mensura sue mediocritatis sibi adjunctam, et in fortitudine delectationem, sicut in osse medullam.

De triplici pinguedine malorum.

Iniquitas quoque suam habet pinguedinem, et adipem, et medullam: in iis, qui amore pariter et abundantia rerum temporalium incrassantur, et in superbiam elati recalcitrant, Deo minus obedientes, et crescente iniquitate, intemperato usu ipsorum, quibus superabundant, et delicata consuetu-

dine magis incrassantur. Deinde etiam majori superbia per usum vitiiorum ipso iniquitatis amore impinguantur; tandem superba sui estimatione usque ad manifestum Dei contemptum quasi plenissima præsumptionis pinguedine dilatantur, et intumescunt, ut derelinquant Deum factorem suum, et recedant a Deo salutari suo, sicut scriptum est:

Incrassatus est dilectus, et recalcitravit, incrassatus, impinguatus, dilatatus (*Deut. xxxii*). Et iterum:

Adipem suum concluserunt: os eorum locutum est superbiam (*Psal. vi*). Et rursum:

Prodit quasi ex adipe iniquitas eorum; transierunt in affectum cordis. Cogitaverunt, et locuti sunt nequitiam; iniquitatem in excelsum locuti sunt (*Psal. lxxii*). Sic ini-

Biquitas quasi a superficie cordis incipiens, paulatim et blande intrat ad interiora ejus, donec medulla iniquitatis fiat sicut oleum in ossibus ejus. Est enim in anima, quod malum appetit, est et in ea, quod consentit, ut fiat id quod appetitur; est in ea, quod membra corporis movet sicut arma iniquitatis ad iniquitatem, ad perficiendum opus juxta desiderium appetentis et consentientis. Est in eadem anima, quod delectatur ipso opere quod appetitur, et cui consentitur, et in quod ipsa se movet, adeo ut ei corpus suum moveat in obsequium ministerii, ut expleatur quo delectetur. Nam hæc omnia ad delectationem. Est præterea in ipsa anima, quod his omnibus præsideat, et cui placeant, primum appetitus, deinde consensus, deinde motus in opus, ad ultimum in opere delectatio. Cum autem hæc quatuor, appetitus scilicet et consensus, motus in opus, et ex motu opus, simul placeant, causam cur placeant, et finem, habent delectationem, quæ in opere queritur et expetitor. Quinque itaque res sunt, appetitus, consensus, motus in opus, et ex moto opus, et operis delectatio. Sed quatuor ex his in anima inveniuntur, appetitus scilicet et consensus, et motus in opus, et operis delectatio. Ipsum autem opus non in anima est, sed vi et voluntate animæ voluntarie moventis corpus per ministerium corporis exterioris agitur propter delectationem, quæ in ipso opere queritur, vel ex ipso. Ex ipso autem dico, propter opus quodcumque, quod forte non delectat, quod tamen agitur propter aliud quod delectet. Cum

Cum autem tria hæc, appetitus scilicet, et consensus, et motus in opus, simul placeant propter opus, aut propter delectationem operis; adverti potest, delectationem non soli operi adjunctam esse, sed tribus præmissis, quæ placent propter ipsam operis delectationem. Appetitus ergo suam habet delectationem, cum placet ipsam appetere.

Quod appetitus mali non sit in hominis potestate.

Sæpe appetant isti, quod omnino nolunt, et a quo omnino dissentunt; et appetitum mali omnino sentiunt, sed non consentiunt. Et quem retinere datur ne procedat, non valent compescere ne surget, nec imperare ut quiescat. Appetitus enim mali in hominis potestate non est, ita scilicet, ut ad arbitrium ejus quiescens non surget, vel surges

tuorum, et in uno crine colli tui (Cant. iv). Et ante et post, utrobique videt sponsus, quasi circumspiciens sponsam, quod sibi placet; et utrobique unitas commendatur; in uno scilicet oculorum, et in uno crine colli. Unus autem crinis quoniam componatur, attende. In vertice ubi summa capitis est, capilli in diversa se vertunt, et alii descendunt ad frontem, alii ad occiduum capitis partem; alii hinc inde ad aures et tempora. Et in mulieribus quae comam nutrire solent, capilli compti, et ad pulchram æqualitatem decenter depexi, a vertice usque ad frontem discriminantur; et hinc inde per aures ad collum et humeros reducuntur, ubi in unum crinem colliguntur. Unus quippe crinis ex multis capillis colligitur, et in uno nodo constringitur, ne capilli sine lege soluti, et vagi et sparsi, huc illucque defluant, et defluendo delectant. Hac arte se comunt et componunt, quae cogitant quae hujus mundi sunt, sollicitæ quoniam placeant spectantibus. Sponse quoque Christi ut oculis ejus placeat, curam capillorum suorum non negligit. Non enim qualicunque crine deletatur. Nam scriptum est: *Confringet Deus capita inimicorum suorum, verticem capilli perambulantium in delictis suis (Psal. lxvii).* Et Isaías: *Decalvabit Dominus reticem filiarum Sion, et Dominus crinem earum nudabit (Isa. iii).* Et post pauca, pro crinante crine calvitium interminatur. Et Apostolus: *Non in tortis crinibus (I Tim. ii).* At econtra religio et sanctificatio Nazareorum, et fortitudo Samsonis in capillis est. Subtiles igitur cogitationes sanctorum intentionum et affectionum, de vertice mentis, hoc est de cognitione Dei, in quatuor partes dividuntur, et pectine discretionis discriminantur. Aliae sunt de bonis æternis, quae ad frontem descendunt; aliae de malis æternis, quae retro respiciunt; aliae de bonis

A vel malis temporalibus, quae ad dexteram et ad sinistram hinc inde se dividunt. Hi capilli oculis sponsi placere probantur, quia dicit: *Auserte malum cogitationum restrarum ab oculis meis (Isa. i).* Et item scribitur: *Spiritus sanctus disciplinae effugiet factum; et auferet se a cogitationibus, quae sunt sine intellectu (Sap. i).* Qui securitatem electis suis præstat dicens: *Capillus de capite vestro non peribit (Luc. xxi).* Omnes capilli eorum illi numerati sunt, quia cogitatione eorum apud Altissimum. Omnes autem capilli sponsæ ad collum, ubi est jugum obedientiae, rediguntur, et in unum crinem nodo timoris constringuntur; quia in omnibus obedientia semper in timore Dei cogitanda est, sicut scriptum est: *Quæ praecipit Deus, hæc cogita semper (Ecclesi. iii).* Et item: *Deum time, et mandata ejus observa, hoc est omnis homo (Ecclesi. xii).* Unus itaque crinis in collo, unitas est concordium cogitationum in jugo obedientiae, quas timor Dei in unum colligit, et indissolubiliter constringit. Hic est timor sanctus permanens in sæculo sæculi; non quem charitas foras mittit, sed qui humilitatem servat, et charitatem confirmat. Hic timor quod sparsum est colligit, quod dissipatum est unit, quod malum est expellit; quae bona sunt nutrit, et nutrita custodit. Hic denique cor mundum et immaculatum facit, et omni custodia servare satagit. Prima custodia est, ne quid mali in opus exeat; secunda, ne sermo malus ex ore procedat; terteria, ne quid mali in corde remaneat, unde aspectus sponsi offendi debeat. Hinc cor sponsi vulneratur, hinc sponsa laudatur, quia mulier timens Deum ipsa laudabitur. Sancti igitur nominis tui, Domine, timorem pariter et amorem fac nos habere perpetuum. Amen.

TRACTATUS NONUS.

DE BEATITUDINIBUS EVANGELICIS.

Beati pauperes spiritu, quoniam ipsorum est regnum cœlorum, etc. (Math. v).

Promissiones Dei variae sunt et differentes, secundum merita justorum, et justificationes eorum. Singulis enim justificationibus sua competit retributio; et uniusque virtus propriam habet laudem, propriamque mercedem, secundum dignitatem ordinis qui, et qualitatem generis sui. Videant pauperes et lætentur. Videant, quae sit pars eorum, qualis hereditas; non terrena, non caduca, sed incontaminata, immarcessibilis, conservata in cœlis. Videant et lætentur, quoniam ipsorum est regnum cœlorum. Ipsorum plane est, habendum et communicandum; hoc est, ut sibi habeant, et secum alios recipient, secundum hoc, quod scriptum est: *Facite robis amicos de mammona iniquitatis, ut eum defecris, recipient vos in æterna tabernacula (Luc. xvi).* Recipiuntur hic pauperes in domibus reficiendi ad menum eorum, sicut mendici et egeni, ut ex abundantia divitum inopia pauperum suppleatur. In regno

hi qui paupertatem amant, tum hi qui tolerant, tum etiam hi qui consolantur eam : quid sibi vult, quod regnum omnibus communicandum, iis solis remittitur, qui voluntariam amplectuntur paupertatem : si soli tales pauperes spiritu judicantur ? Ad hanc facit differentiam, quod non dicitur de eis : *Intrabunt in regnum cœlorum (Math. xxv)*; sed quod amplius videtur : *Ipsorum est regnum cœlorum*. Nam, cum omnes benedicti a Deo benedicendi percepturi sint regnum cœlorum, quod eis paratum est ab origine mundi, de omnibus quidem creditur, quod intrabunt in regnum cœlorum, de quibusdam tamen specialiter dicitur : *Talium est regnum cœlorum (Math. xix)*. Est et aliud, quod nos movere possit. Nam cum cæteræ promissiones in hac serie evang. lœæ distributionis in futurum differantur, haec tamen promissio nulla dilatione suspenditur, sed quasi jam exhibita monstratur ; ut magis videatur præsentis beneficii adeptio, quam futuræ retributionis exspectatio. Et de his qui persecutionem patiuntur propter justitiam, similis forma subjungitur. Nam et horum et illorum regnum cœlorum esse pronuntiantur ; quasi jam nunc redditæ sit merces sine mora, sine impedimento, sine dilatione. At mites nondum dicuntur possidere terram ; sed dicitur, *quia possidebunt terram*; et misericordes misericordiam consequentur ; et qui lugent consolabuntur; et qui esuriunt justitiam, saturabuntur; et pacifici filii Dei vocabuntur; et mundi corde Deum ridebunt (*Math. v*) ; sed hæc omnia in futuro. Hujus autem diversitatis aliqua ratio quærenda videtur. Forte istæ duæ justificationes, prima scilicet et ultima, quarum merces non differtur, perfectorum sunt, qui in camino paupertatis, vel igne persecutionis examinantur, sicut examinatur argenteum, et excoquuntur ad purum, qui ædificant super fundamentum aurum et argenteum et lapides pretiosos ; et hinc exeuntes, nec ligna, nec fenum, nec stipulam secum portant, quæ in illis ardeant ; sed mox ut hinc exierint, ad cœlum convolant, non dilati a regno, *quoniam ipsorum est regnum cœlorum*. Sine his autem virtutibus, quibus purgantur, quæ infirma sunt cæterarum virtutum, (universæ enim justitiae nostræ sicut pannus menstruatus (*Isa. LXIV*), quicunque boni inveniuntur, ex aliqua parte ædificare videntur super fundamentum, ligna, fenum, stipulam, quæ necesse est, ut in illis ardeant, salvandis quidem, sic tamen quasi per ignem. Nam et qui mundo corde sunt, quibus promittiuntur visio Dei, indigent tamen adhuc purgari. Quis enim gloriabitur easum se habere cor ?

De justificationibus martyrii.

Duo genera martyrii, alterum in carne, alterum in spiritu. His duabus justificationibus consummari videntur, cæterarumque virtutum perfectio, cum ad consummationem pervenerint, his merito ascribenda est ; quia ex his persiciuntur ; cum necesse sit, omnes justos vel in carne, vel in spiritu, pro Christo pati, ut perfectionis gloriam assequantur. Pauperes autem spiritu qui sint, plenius intelligitur, si spi-

A ritus a spiritu discernatur. Occasionem facilitiore intelligentie dat nobis Propheta, qui dicit : *Justa est Dominus his qui tribulato sunt corde, et humiles spiritu salvabuntur (Psal. XXXIII)*; et Apostolus, qui dicit : *Non accepimus si-iritum hujus mundi ; sed Spiritum, qui a Deo est (I Cor. II)*. Spiritus hujus mundi non incongrue intelligitur princeps hujus mundi, de quo et in alio loco idem Apostolus dicit : *Cum mortui essetis delictis et peccatis vestris, in quibus aliquando ambulastis secundum sæculum mundi hujus, secundum principem potestatis aeris hujus, spiritus, qui nunc operatur in filios diffiden:ia (Ephes. II)*. Illoc spiritu hujus mundi cum afflatur spiritus hominis mox et inflatur, et assimilatus ei a quo afflatur, potest et ipse dici spiritus hujus mundi, cum concupiscit ea quæ mundi sunt. Hic autem spiritus superbus est, et vanus, præsumptuosus, ambitiosus, alta semper sapiens, et humilius contemneus. At qui Spiritu Dei aguntur, quanto magis eo afflantur, tanto minus inflantur, et tanto magis humiliantur ; sicut pauperes spiritu, non alta sapientes, sed bellihius consentientes. Virtus itaque pauperum spiritu ex defectu spiritus et abundantia spiritus æstimanda est. Quanto enim minus habet quis de spiritu suo, tanto magis abundat in eo Spiritus Dei ; et quo amplius a spiritu suo deficit, eo abundantius secundum Spiritum Dei proficit. Unde si queratur, secundum quem spiritum prænuntientur pauperes spiritu, rectius videtur intelligi, secundum Spiritum Dei, qui pauperes facit et dicit, humiliat et sublevat. Nam quos facit pauperiores, hos facit et ditiones ; et quos humiliores, hos facit sublimiores, non secundum altum elationis, sed secundum culmen perfectionis. Si cui tamen videtur quasi per privationem dici : *Beati pauperes spiritu (Math. V)*, quasi minus habentes de spiritu, vel quasi deficientes a spiritu, suo videlicet, vel hujus mundi, sicut pauperes rebus dicuntur, qui substantiam rerum non habent : hoc sanæ doctrinæ non adversatur, sed per interpretationem cum superiori sententia ad eamdem fere reddit intelligentiam. Verumtamen, prior sententia præferenda videtur, quia humiles spiritu et pauperes spiritu, secundum eamdem rationem dici convenientius æstimantur. Humiles autem spiritu secundum habitum dicuntur, et non secundum privationem, hoc est secundum spiritum quem habent, et non secundum spiritum, quo carent. Quod autem ii, qui secundum Spiritum Dei proficiunt, a suo spiritu deficiunt, ostendit Propheta, qui ad Deum loquitur, dicens : *Auseres spiritum eorum et deficient, et in pulterem suum revertentur. Emittes Spiritum tuum, et creabuntur (Psal. CIII)*. Auster vices suas non peragit, dum a flatu suo aquilo non quiescit. Hic in sua lenitate non sibilat, dum in spiritu vehementi aquilo perdurat. Propter quod scriptum est : *Surge, aquilo, et veni, auster (Cant. IV)*.

De spiritu hominis.

Spiritus autem hominis tribus modis tumescit et grandescit in se; et æque tribus modis deficit et detumescit a se. Tumescit opinione vanâ, spe vanâ, cupiditatâ

vana, tribus his omnibus vanis. Tumor enim et inflatio vanitas est, et qui tumet inanis est et vacuus, tam plenus nihilo, quam plenus superbiæ vento.

De opinione falsa.

Tribus modis homo tumescit opinione vana, hoc est opinione falsa. De superbia enim spiritus sui sibi credens, nunc de Deo falsa confingit, nunc de se ipso superbe sentit, nunc adversus proximum incertæ suspicionis, vel malæ cogitationis locum invenit. De Deo quidem falsa opinio periculosissime admittitur. Nam quæ Dei sunt occulta et arcana, ex incerto humanæ opinionis ventilare non licet; nec aliud de Deo credere, quam ipse de se dignatus est revelare. Ipse enim sibi testis est, secretorum suorum conscientia eatenus habere voluit, quantum fidei conscientia se extendit, quæ de testimoniorum Scripturarum astruitur, et earum ratione subnixa, immobiliter statuitur et stabilitur. Scriptura enim sancta divinitus inspirata est. In ea scripta est nobis forma fidei; quidquid ultra queritur, non inveniatur. Omnis humana adinventio, quæ pietati fidei, formæ ne præscriptæ obviat, præsumptioni spiritus deputanda est. Nam spiritus præsumptionem sive inflationem sola curare potest humilitas fidei, quæ exsuffiat, quidquid inspiravit spiritus superbiæ, qui Deo semper adversatur, cui et Deus semper resistit, humilibus dans gratiam suam. Hæc autem humilitas fidei primas partes vendicat in virtute pauperum spiritu. Hæc dignam reverentiam verbis Dei exhibet; illis credula, illisque contenta. Quisquis perfecte hanc habet, non sibi credit, sed spiritum suum Deo credit, ut sit creditus cum Deo spiritus ejus. Sed et Deus se illi credit, committens illi tanquam fidi suo mysteria consilii sui; et spiritus hominis Spiritu Dei per inspiratam gratiam informatur, ut fidelis sit credendo fideli Deo, qui fidelis est in omnibus verbis suis. Et dum de corde nostro omnes erroris impietas per Spiritum Dei eliminantur, nihilque falsum vel indignum de Deo creditur, Spiritus sanctus reddit testimonium spiritui nostro, ut spiritus noster in hac parte nil in se retineat de se, sed sibi renuntians sequi abnegans, deficiat a se, ne quid opinari præsumat de Deo, quasi a se. Omnis enim opinio hominis de Deo, sicut pia est, si a Deo est; ita pia non est, si ab homine est. Bonus itaque defectus spiritus est, cum a sua opinione deficiens, nil circa Deum audet, cui non testimonium perhibeat in verbis Dei Spiritus Dei. Dicat ergo pauper spiritu, quoties meminerit Dei, et in hac meditatione delectatus fuerit: *Memor fui Dei, et delectatus sum: ei defecit spiritus meus* (*Psal. LXXVI*).

De opinione vana.

De se superbe sentit homo, cum bona quæ habet, vel habere videtur, sibi tribuit; et magnus in oculis suis, sese opinatur plus esse quam sit, et plus posse quam possit. Nihilominus de se superbe sentit, cum malis quæ patitur, indignum se judicat, vel cum mala, quæ facit, dissimulat, vel excusat,

A vel etiam laudans, laudanda putat. Contra proximum superba opinione tumescit, cum mala proximi in ira, sicut ex ira, gravius accusat, vel damnat, vel bona ejus ex invidia diminuendo extenuat. Tumor autem spiritus in judicio sui, vel proximi, sicut malus, ita defectus spiritus ab utroque tumor, laudabilis est; et ad illos pertinet, qui per humilitatem spiritus Deo placent, et sibi displicant.

De spe vana.

Spe vana tumescit spiritus hominis, cum de justitia sua nimis securus, supra merita sua in expectatione supernæ retributionis spem extendit. A præsumptione spei in expectatione supernæ retributionis spiritus hominis desclere debet; non per vehementiam extremæ desperationis, nec per pusillanimitatem molestissimæ trepidationis, sed per moderationem spe misti temperatique timoris. Spes enim sine timore, vanæ securitatis est, timor sine spe, perversæ desolationis est. Qui autem timore tristitiae absorptus est, ut de salute desperet, ut se dignum poena, et indignum misericordia judicet, et dicat: *Major est iniquitas mea, quam ut veniam merear* (*Gen. iv*); de hoc queri potest, si superbus est, qualis sit superbia ejus, quæ mentem non videtur in altum erigere, sed per nimiam dejectionem ad ima detrudere. Hoc autem auget questionem, ne dicatur superbus, quod, sicut scriptum est: *Initium omnis peccati suæ erbita est* (*Eccli. 5*). Et de pusillanimitate spiritus similis quæstio suboritur, de qua Propheta dicit: *Exspectabam eum, qui salvum me fecit a pusillanimitate spiritus, et tempestate* (*Psal. LIV*). Nam, cum desperatio vel pusillanimitas spiritus corruptio humilitatis esse videatur, nimiaque dejectio et immoderata depresso, mirum est, si quod elationi contrarium esse videtur, ad superbiam pertineat; vel si non pertinet, mirum æque videtur, quomodo initium omnis peccati superbia dicatur. Sei, quoniam nostri propositi non est hoc loco quæstiones ventilare, aliis relinquimus requirendum, utrum talis desperatio vel pusillanimitas spiritus ad superbiam peccatum pertineat, an tantum ad superbiam poenam. Nos autem ad pauperes spiritu accedamus, ad quos nec superbi pertinent, nec spiritu pusillanimis, nec desperati; sed distracti sunt a superbis pusillanimis spiritu et desperati.

De spe vana atque superbia.

Spe vana æque superbit et tumet, qui in se confidit, hoc est in virtute sua, vel sapientia, vel in eloquentia, vel in terrena substantia, vel in fama, vel in nobilitate sua, vel in hominum gratia, vel in quacunque causa: præterquam in solo Deo, qui solus liberare potest in tempore tribulationis; qui noui relinquunt sperantes in se, ad quem Propheta dicit: *Domine virtutum, beatus homo qui sperat in te* (*Psal. LXXXIII*). Et iterum: *Domine, spes mea a juventute mea* (*Psal. LXX*). Et iterum: *Deus auxili mei, et spes mea in Deo est* (*Psal. LXI*). Spes autem, cum humilietur in Deo ponitur, non confundit; quia Deus ve-

ritas est et nenenem fallit. *Maledictus autem, qui confidit in homine, et qui ponit carnem brachium suum (Jer. xvii).* Homo autem interdum cum potest liberare, non vult; interdum cum vult, non potest. Deus autem, sicut semper potest, ita et vult semper salvare sperantes in ipso, et non in se, nec superbe præsumentes de ipso, nec de se. Propheta dicit: *Qui confidunt in virtute sua, et multitudine divitiarum suarum gloriantur; frater non redimet (Psal. xlviij).* Ecce a gratia redemptionis alieni sunt, qui in se confidunt, et de se præsumunt.

De mala vel bona securitate.

Sunt nonnulli vana spe securi, qui adjiciunt peccatum super peccatum dicentes: *Miserationes Domini multæ sunt (Psal. xxi)*: qui de Dei misericordia sibi blandientes, et quasi in ea spem ponentes, tanto sunt superbiores, quanto securiores. Vera autem securitas timor Domini est. *Hic nempe timor magis securum facit, quam tumidum: quo carentes et misericordiam Dei sibi pollicentes ipsi se decipiunt, ut confundantur ab expectatione sua.* Non enim secure peccantibus, sed Deum timentibus, et peccare cessantibus, misericordia reprobatur. Consulamus Scripturarum testimonia super hæc. Prophetam dicit: *Secundum altitudinem cœli a terra, corroboravit misericordiam suam super timentes se (Psal. cxi).* Et: *Quomodo miseretur pater filiorum, misertus est Dominus timentibus se (ibid.).* Et in alio loco: *Prope timentes eum salutare ipsius (Psal. lxxxiv).* Et beatissima mater misericordiæ. *Misericordia, inquit, ejus a progenie in progenies, timentibus eum (Luc. 1).* Ecce quomodo conjunguntur timor Dei et misericordia Dei, ut sperari non debeat misericordia Dei sine timore Dei. Sicut enim periculosus est timor sine spe mittens in desperationem; sic perniciosa est spes sine timore pertrahens ad obstinationem. Propter quod in lege scriptum est: *Non accipies loco pignoris inferiorem et superiore molam (Deut. xxiv).* Superior quippe mola spes est, et inferior timor. Inter has cominolitur, quidquid salubriter mandatur. Altera autem sine altera inutilis est; et cum loco pignoris accipitur, altera per se nec danti nec accipienti valet. Pignus autem pro securitate accipitur, quia securum facit. Pignus autem quale sit, Apostolus docet dicens: *Qui unxit nos Deus, et signavit nos, et dedit pignus spiritus in cordibus nostris (II Cor. i).* Illoc ad Corinthios. Ad Ephesios autem sic: *Signati estis Spiritu promissionis sancto, qui est pignus hereditatis nostræ (Ephes. i).* Pignus ergo Spiritus sanctus est, qui nobis veram securitatem prestat in conjunctione timoris et sanctæ spei. Nam sine timore vana est securitas, sine spe nulla est securitas; in his vero simul vera est securitas. Timor ergo Dei spem comprimere debet, ut detumescat a præsumptione sua; ne inapescat in vanitate sua, et confundatur ab expectatione sua. Consequens enim est, ut spiritu hominis orando et sperando in Deum proficiat; sic autem præsumptione spei in se a se deficiat, ut dicere possit cum

PATROL CCIV.

A Propheta: *Voce mea ad Dominum clamavi, voce mea ad Dominum deprecatus sum. Effundo in conspectu ejus orationem meam, et tribulationem meam ante ipsum pronuntio. In defiendo ex me spiritum meum (Psal. cxli).* Et illud: *Velociter exaudi me, Domine; defecit spiritus meus (Psal. cxlii).* Dilatio exauditionis Deo non conceditur, sed velociter exaudire postulatur, cum in timore Dei spiritus hominis deficit; ut omnino non speret in se, non in virtute sua, non in sapientia, non in arte vel calliditate sua, non in omni facultate sua; sed in solo Deo et in eis quæ Dei sunt, quia Dei sunt. In bonis enim nostris, quia a Deo sunt, ut puta in fide et in operibus justitiae et misericordiæ, ita spes ponenda est post Deum, ut tota fiducia nostra a nobis abstractatur, quamvis nostra sint bona; et in eum projectatur, cuius ipsa sunt dona. Nam qui de donis Dei fiduciam in Deo ponendam ad se trahit, Deo injuriat. Et quoniam auxilium inde solet invocari, unde et sperari, qui a se sperat auxilium, magis se ipsum invocat, quam Deum. Propterea nondum dicere potest: *Velociter exaudi me, Domine, defecit spiritus meus.*

De cupiditate vel superbia.

Cupiditate vana grandescit animus duobus modis, amore scilicet utendi vel habendi quæ possidentur, vel desiderio possidendi quæ non habentur. Ipsum autem desiderium amor quidam est. Nam desiderare est quodam modo amare. Cupiditas autem est amor mundi, sicut caritas est amor Dei. Cupiditas querit quæ sua sunt, non quæ Iesu Christi: querit autem sic. Nunc per amorem terrenæ possessionis, nunc per amorem lubricæ fluxæque voluptatis, nunc per amorem dominationis, nunc per amorem ambitionis honoris, nunc per amorem admirationis, favoris et laudis. Hæc sunt quæ cupiditas contra Deum superbe et insatiablem querit. Hæc sunt quæ charitas propter Deum nobiliter, et ut illa dixerim, suo superbiendo contemnit. Habet enim charitas, si fas est dicere, superbiam suam, qua ipsam superbiam, et quidquid contra Deum superbum est, nobiliter contemnit. Hinc ad apostolos dictum est: *Fortitudinem gentium comedetis, et in gloria eorum superbietis (Izai. lx).* Deum propter contemnenda contemnere, et plus quam Deum contemnenda diligere, vilis est superbia, et confusione digna. Gloriam autem mundi propter Deum contemnere, nobilis est superbia. Nobilior autem, si ipsa confusio propter Christum inconsuibiliter contemnatur, qui proposito sibi gaudio sustinuit crucem confusione contempta (Hebr. xii). Melius est enim dignitates et honores in hoc mundo erubescere, quam crucem Christi, quam paupertatem Christi, quam humilitatem Christi. Qui erubuerit, inquit, me et meos sermones, hunc Filius hominis erubescet, cum venerit in maiestate sua, et sanctorum angelorum (Luc. ix). Non est servus major Domino suo (Joan. xiii). Quæ non erubuit Christus pro nobis, non sunt erubescenda pro

Chrig'o a nobis. Qui pudore retinetur ab imitatione vel æmulatione humilitatis Christi, nonnihil adhuc de suo spiritu habet.

Vanus est enim hujusmodi pudor, et quantum ab humilitate recedit, tantum et superbiam accedit. Sancta autem paupertas magis æstimanda est ex humilitate animi, quam ex tenuitate patrimonii. Pauperes spiritu magis dicendi sunt, qui non habent magnum sensum, quam qui habent exiguum censum. Nam qui superbe sentiunt, etsi rebus inopes sunt, ad pauperes spiritu minus pertinent, quam illi, qui sic habent, ut sint quasi non habentes. Sancta itaque paupertas inundum et quæ mundi sunt contemnens, habitis et habendis et desiderio habendi renuntians, et ab omni præsumptione spiritus sese temperans, Deo sic accepta est, ut dicat : *Beati sunt pauperes spiritu, quoniam ipsorum est regnum cœlorum* (Matth. v). Deo sic amabilis est et chara, ut qui pauper est, Deo pro se sollicito gloriari possit, et dicere : *Ego autem mendicus sum et pauper; Dominus sollicitus est mei* (Psal. xxxix). Si omnes honores divitium conferantur, quid hunc honorem æquare potest? Quis divitium præsumere audeat, ut dicat, ego plenus sum et opulentus, Dominus sollicitus est mei? Dives sufficit ipse sibi, nec indigere sibi videtur, ut Dominus sui sollicitudinem gerat. Vox pauperis et gloria pauperis haec est : *Inclina, Domine, aurem tuam, et exaudi me, quoniam inops et pauper sum ego* (Psal. lxxxv). Si accesserit pauper quispiam ad hominem prædivitem et præpotentem, et dicat : Inclina aurem tuam, et exaudi me, quis circumstantium hoc patienter ferat? Nonne ab omnibus expoliditur et exsibilatur? Nonne ab ipso potente superbio oculo respicitur et despicitur? Nonne de ipsa domo contumeliose extrudi et deturbari jubetur? Quis audeat dicere ad Dominum suum : Inclina aurem tuam? Quis hoc audeat ad Dominum dominantium? Quis nisi pauper, et pauper spiritu? Ejus nempe vox est : *Lætifica animam servi tui: quoniam ad te, Domine, animam meam levavi* (ibid.). Si saperet quæ sunt super terram, et non quæ sursum sunt, non dicaret, ad te, Domine, animam meam levavi. Pauperes ergo spiritu qui in inis cor suum non humiliant, sed ad coelestia desiderant, suspirant et æstuant; ibi animam suam ad Deum levant. Ibi cum Christo abscondita est vita eorum, ibi est oculus et amor eorum, ibi cor et thesaurus eorum. O felicem paupertatem, non solum in regno cœlorum, sed ipso regno cœlorum muneranda! O felicem paupertatem, quamvis mundo despicabilem, Deo tamen honorabilem! Parcer enim pauperi et inopi, et animas pauperum salvas faciet; et honorabile nonnunquam eorum coram illo (Psal. lxi). O infelices divitias, perpetua egestate mutandas! O miseram felicitatem æterna calamitate compensandam! Dives sepultus in inferno, et pauper in sinu Abrahæ requiescens (Luc. xvi), causam pauperis et divitis certa diffinitio decidunt. Cruciatum dives ardens et sitiens, et non accipit consolationem a paupere, quia pauperi non

A fecit consolationem, quia recepit bona in vita sua. Verum tamen ne desperent divites; attendant, quia Abraham dives fuit, in cuius sinu Lazarus requiebat. Sic autem attendant ad Abraham, ut divitias habeant sicut Abraham, habeant ex justis causis, habeant ad usus licitos, habeant ad gratiam hospitalitatis exhibendam, sicut Abraham. Denique habeant non sibi retinendas, sed pauperibus communicandas, a quibus recipientur in æterna tabernacula. Salus enim divitum gloria est pauperum. Beati enim pauperes spiritu, quoniam ipsorum est regnum cœlorum (Matth. v). Beati mites, quoniam ipsi possidebunt terram (ibid.).

Promissiones Dei variae sunt et differentes, secundum merita justorum, et justificationes eorum. Singulis enim justificationibus sua competit retinutio, et unaquæque virtus propriam habet laudem, propriamque mercedem, secundum dignitatem ordinis sui, et qualitatem generis sui. Mitibus terra possidenda promittitur. Virtus mitium mansuetudo est, ut verum sit quod Propheta dicit : *Mansueti autem hæreditabunt terram* (Psal. xxxvi). Si beati sunt miseres, beati utique sunt et mansueti. Audiant hoc mansueti, et letentur (Psal. xxxiii). Audiant, quia nunc sunt, vel futuri sunt beati; audiant, et unde beati. Quoniam ipsi possidebunt terram. Sunt, qui pugnant et litigant pro terra, homines immites premit et mitibus imperant. Cur non isti beati, quoniam possident terram? Imo quomodo beati, si devorabit eos terra? O terra, terra, terra, quanta vanitate diligeris a filiis hominum, qui sumpti sunt de terra, consumendi sunt a terra; et ipsi quid sunt, nisi terra? *Fili hominum usquequo gravis corde, et quid diligitis ranitatem* (Psal. iv) hujus mundi, ubi non est nisi concupiscentia oculorum, et superbia vitæ? Scilote quique terrigenæ, et filii hominum, quia non est nobis mauens hæreditas in terra, nisi gleba nostri corporis, quæ est terra de terra! Quid vult ergo sibi ista promissio: *Beati mites, quoniam ipsi possidebunt terram?* Quid sibi vult, quod mitibus Deus terram promittit, cum aliis regnum cœlorum promittat? Beati enim pauperes spiritu, quoniam ipsorum est regnum cœlorum (Matth. v). Quid terram promittit, qui terram monet contemnere? Nonne omnibus justis cœlum repromittitur, et peccatoribus pœnitentiam agentibus? Propter quod scriptum est :

Agite, et eniventiam, appropinquabit enim regnum cœlorum (Matth. iii). Nonne omnibus qui ad dexteram collocandi sunt, dicetur in fine : *Venite, benedicti Patris mei, possidete regnum, quod paratum est vobis ab origine mundi?* (Matth. xxv.) Nunquid igitur virtus mitium hujus mediocritatis est, meriti que tam tenuis, ut merces ei in terra constituantur? At laudem ejus, quanta sit, audiaquis mansuetudinis discenda exemplum Dominus in seipso proponit dicens : *Discite a me, quia mitis sum et humilis corde, et invenietis requiem animabus vestris* (Matth. xi). Et ubi requiescat Spiritus ejus ostendit dicens : *Super quem requiescerit Spiritus meus, nisi super humiliem et quietum, et trementem sermones meos?* (Ila.

venit, ut cum ea esset, et in ea, et ex ea, et sit per A necessarium. Illud communius, hoc restrictius. Humilitas sub exemplo, sine præcepto et sine consilio, a typho superbie et fastu arrogantiæ longius videtur abesse. Magnæ enim humilitatis indicium est, nullo cogente, nullo suadente, recte agentem sibi præferre; nec dignari quidquid dignum fuerit imitatione. Sæpe autem sine præcepto, consilio, et exemplo, occulto mentis instinctu aliquid boni percipitur, et in propositum sive votum assumitur, quæ est mira humilitas. Magnæ siquilem virtutis est, communi libertati renuntiare, et sanctæ necessitatæ sese subdere. Nonnunquam vero quod Deo dignoscitur esse acceptum, apud homines invenitur probosuim, et maledictioni obnoxium. Propterea quidam timore confusionis victi, sæpe perfectionis studium quod appetunt, erubescunt, et dum linguis hominum metuant, bona fugiunt quæ concupiscunt. Quidam vero justitiam et sanctitatem sic probant, et sic zelant, ut hominum maledictiones et opprobria contemnant; glriosum reputantes pro nomine Jesu contumeliam pati; et maiores divitias æstimant thesauris Ægypti improprium Christi. Hæc pars humilitatis quanto maledictiones hominum propter Deum minus veretur, tanto abundantiorem benedictionis gratiam apud Deum meretur. Hanc humilitatis partem nec Christus prætermisit: qui omnem justitiam implere volens, factus est pro nobis maledictum, sicut scriptum est: *Maledictus omnis qui pendet in ligno* (*Deut. xxii; Gal. iii*). Quomodo autem factus sit maledictum, ostendit, qui dicit: *Ab hominibus quidem reprobatus, a Deo autem electus* (*I Petr. ii*). Cui et illud concordat: *Maledicent illi, et tu benedices* (*Psal. cvni*). Æstimemus, ex his quæ dicta sunt, qualis fuerit humilitas hujus Virginis, quæ virginitatem suam sine legis præcepta sub legis maledicto consecravit, quia maledicta reputabatur, quæ non reliquisset semen in Israel. Si Deus in initio quibus benedixit, bis et dixit: *Crescite et multiplicamini* (*Gen. i*), dans eis gratiam secunditatis pro benedictione; quomodo ab hac benedictione aliena non est, quæ secunditatis expers est? Si secunditas benedictio est, quomodo sterilitas maledictio non est? Quid virginitate sterilis, quid infecundius, quid infructuosius? Nihil omnino. Sed ante virginem secundam. Nam virginitate secunda nihil fructuosius. Sanctimonia autem virginitatis supra legem est, quam nulla lex in præceptum redigit, sed evangelica perfectio in consilio formavit, Domino dicente: *Qui potest capere, capiat* (*Math. xix*); et Apostolo: *De virginibus præceptum Domini non habeo, consilium autem do* (*I Cor. vii*). Hujus itaque virginis propositum nullum præcessit legis præceptum; nullum ut quibusdam videtur, de lege consilium, nullum ex lege exemplum quod de mulieribus magis accipendum quam de viris. Nam Elias et Jeremias et Daniel virginitatis castimoniam servasse æstimantur. In mulieribus vero, vel ante legem, vel sub lege, exemplum servatæ virginitatis, Deoque dicatae, non oc-

Benedictio Virginis.

Post Deum auctorem tanti beneficij prima laus Virginis debetur, ut ab omnibus merito benedicatur. Propter quod ei ab angelo dicitur: *Benedicta tu in mulieribus* (*Luc. i*). Et ad eam Elizabeth: *Benedicta tu inter mulieres* (*ibid.*). Eva per superbiam et inobedientiae culpam sententiam maledictionis in se exceptit, et nos per eam maledictioni obnoxii sumus. Superbie enim maledictio debetur, quia Deus superbis resistit, humiliis autem dat gratiam (*I Petr. v*). Hinc scriptum est: *Initium omnis peccati superbia. Qui autem tenerit eam, adimplebitur maledictis* (*Eccli. x*). Maria autem sese humiliavit, et benedictionem meruit. Attendantur, ut possumus, quantum se humiliavit, et quam benedicta fuerit. Est quædam humilitas sub præcepto, est quædam sub consilio, quædam sub exemplo, quædam sub proposito vel voto, quædam sub maledicto. Præceptum imponit necessitatem, consilium excitat liberam voluntatem, exemplum provocat ad emulationem, sanctum propositum sive votum cumulat devotionem, maledictum adducit confusionem. Humilitas sub consilio major est, quæ est sub præcepto. Præcipimus aliena non rapere, monemur propria relinquere. Hoc majus bonum, illud tamen magis

B
C
D

humilitas sub exemplo, sine præcepto et sine consilio, a typho superbie et fastu arrogantiæ longius videtur abesse. Magnæ enim humilitatis indicium est, nullo cogente, nullo suadente, recte agentem sibi præferre; nec dignari quidquid dignum fuerit imitatione. Sæpe autem sine præcepto, consilio, et exemplo, occulto mentis instinctu aliquid boni percipitur, et in propositum sive votum assumitur, quæ est mira humilitas. Magnæ siquilem virtutis est, communi libertati renuntiare, et sanctæ necessitatæ sese subdere. Nonnunquam vero quod Deo dignoscitur esse acceptum, apud homines invenitur probosuim, et maledictioni obnoxium. Propterea quidam timore confusionis victi, sæpe perfectionis studium quod appetunt, erubescunt, et dum linguis hominum metuant, bona fugiunt quæ concupiscunt. Quidam vero justitiam et sanctitatem sic probant, et sic zelant, ut hominum maledictiones et opprobria contemnant; glriosum reputantes pro nomine Jesu contumeliam pati; et maiores divitias æstimant thesauris Ægypti improprium Christi. Hæc pars humilitatis quanto maledictiones hominum propter Deum minus veretur, tanto abundantiorem benedictionis gratiam apud Deum meretur. Hanc humilitatis partem nec Christus prætermisit: qui omnem justitiam implere volens, factus est pro nobis maledictum, sicut scriptum est: *Maledictus omnis qui pendet in ligno* (*Deut. xxii; Gal. iii*). Quomodo autem factus sit maledictum, ostendit, qui dicit: *Ab hominibus quidem reprobatus, a Deo autem electus* (*I Petr. ii*). Cui et illud concordat: *Maledicent illi, et tu benedices* (*Psal. cvni*). Æstimemus, ex his quæ dicta sunt, qualis fuerit humilitas hujus Virginis, quæ virginitatem suam sine legis præcepta sub legis maledicto consecravit, quia maledicta reputabatur, quæ non reliquisset semen in Israel. Si Deus in initio quibus benedixit, bis et dixit: *Crescite et multiplicamini* (*Gen. i*), dans eis gratiam secunditatis pro benedictione; quomodo ab hac benedictione aliena non est, quæ secunditatis expers est? Si secunditas benedictio est, quomodo sterilitas maledictio non est? Quid virginitate sterilis, quid infecundius, quid infructuosius? Nihil omnino. Sed ante virginem secundam. Nam virginitate secunda nihil fructuosius. Sanctimonia autem virginitatis supra legem est, quam nulla lex in præceptum redigit, sed evangelica perfectio in consilio formavit, Domino dicente: *Qui potest capere, capiat* (*Math. xix*); et Apostolo: *De virginibus præceptum Domini non habeo, consilium autem do* (*I Cor. vii*). Hujus itaque virginis propositum nullum præcessit legis præceptum; nullum ut quibusdam videtur, de lege consilium, nullum ex lege exemplum quod de mulieribus magis accipendum quam de viris. Nam Elias et Jeremias et Daniel virginitatis castimoniam servasse æstimantur. In mulieribus vero, vel ante legem, vel sub lege, exemplum servatæ virginitatis, Deoque dicatae, non oc-

vet carnem, et membra perurget ad obsequium suum in ministerio pietatis et salutis, in operibus Justitiae et misericordiae, in omnibus adimplendis, exsequendis, et perferrendis, quae auctoritas rationis ipsa voluntate consentiente vel facienda vel toleranda decreverit.

Quod si membra secundum carnem movere se corporint, voluntas rationi consentanea sua libertate utens obsistit, ne promoveantur, imperatque eis, ut in se conquiescant, et pacem habeant; et jam incipit terra possideri; quia animus humilis est et quietus, mitis et mansuetus, consentiens se a ratione possideri, ut terram possideat, et in ea potestatem habeat. Haec possessio terrae quasi quædam merces est mansuetudinis. Et qui secundum dictum modum mansueti sunt, incipiunt paci sibi restituiri, et in pace sua beatificari, quia pax hominibus bona voluntatis. Homo quidem primum a ratione discordans, et quasi a se recedens, cepit possessione terræ sua destitui, et in se exsulare, quasi extra se, et quasi in terra aliena, et in terra oblivionis, in regione dissimilitudinis. Post prævaricationem rediens ad cor, invenit se apud se; et ne careat se, ipse sibi redditur, et quasi in Jubileo anno possessio ei restituitur, ut requiescat sub vite sua, et sub fidelitate, et in pace terram possideat, quia mitis est. *Beati miles, quoniam ipsi possidebunt terram (Matth. xxvi).* Haec terra promissionis, terra quondam Chanaan, quam pollicitus est Deus Abrahæ, dum adhuc dederet in terra Chaldeorum, in terra aliena, ubi non cantatur canticum Domini, nec hymnus de canticis Sion. Haec est terra sancta, ubi secundum spirituales sensus et affectus habitat semen Abrahæ templum Domini, quo adoratur et colitur Deus: propter quod Apostolus dicit: *An nescitis, quia corpora vestra templum sunt Spiritus sancti? (I Cor. vi.)* Et iterum: *Templum enim Dei sanctum est, quod etsi ros (I Cor. iii).* Haec terra nondum plene possideatur, quia nondum plena mansuetudo in nostra voluntate invenitur. In nonnullis enim rationi reluctamur; et caro nobis in nonnullis reluctatur. Qualia facimus contra rationem, talia sentimus per carnem. Verumtamen voluntas ex parte rationi subiecta, ex parte habet sibi carnem subjectam; et ex parte tamen contradicentem et oblatrante. Sic D sunt enim iudicinali motus in corde vel in corpore nostro, sicut latratus canis, qui molestus est viatoribus magis latrato quam morsu. Latratus quidem molesti sunt, et suspecti, sed morsus noxi: et latratus valent ad custodiā et cautelam; nam interdum pro nobis latrant, et non semper contra nos; Deo ita dispensante, ut caute ambulēmus, ut ad vigilandum excitemur, ne unquam per securitatem obdormiamus in morte. Quod si canes latrant circa domum, nunquid non ideo in pace possidetur dominus? Et si contradictio aliqua est in carne nostra, non solum rationi, sed et nostræ voluntati contraria, nunquid non ideo possidemus terram? In eo possumus, nondum omnino ut volumus, sed ut pro-

A tempore possumus. Et in regno patrii letreculi inveniuntur, sed deprehensi aut suspenduntur, aut aliis suppliciis addicuntur, ut per judicium et justitiam sua pace regnum stabiliantur. Sine justitia enim non est pax in regno, non est pax in domo, non est pax in corde nostro, non est pax in carne nostra, non est pax in terra nostra. Justi enim hæreditabunt terram. Si in justitia possidetur terra, possidetur et in pace; nec sine justitia possidetur in pace. Propter quod scriptum est: *Justitia et pax osculatæ sunt (Psal. lxxxiv).* Haec terra quæ nondum plane possidetur, et tamen aliquo modo possidetur, tunc plane possidebitur, cum tota corruptione carnis per gloriam resurrectionis absumpta in nullo reluctabitur vel voluntas rationi, vel caro B voluntati. Erit hoc, cum totum semen Chanaan de terra exterminabitur, cum omnis maledictio Chanaan a nobis auferetur. Maledictus est enim Chanaan, et servituti subjectus; sed ipsa creatura liberabitur a servitute corruptionis in libertatem gloria filiorum Dei. Et tunc mansueti hæreditabunt terram, et delectabuntur in multitudine pacis. Et qui nunc sperant in Domino, et faciunt bonitatem, tunc inhabitabunt eam, et paucentur in divitiis ejus. Terra nimium prædivis erit et opulenta, fluens lacte et melle, utpote aliena ab omni malo pro mercede prioris obedientiæ. Virtus siquidem mansuetudinis hominis ad seipsum, ex patientia constat et obedientia, tum voluntatis ad rationem, tum carnis ad voluntatem. Ratio enim mansuetæ voluntati, et haec mansuetæ et edomitæ carni, nunc quædam dura imponit toleranda, et est ibi virtus patientiæ; quia patienter tolerantur; nunc aliqua bona facienda injungit, et est ibi virtus obedientiæ, quia humiliiter efficiuntur. Erit ergo lac consolationis per immunitatem mali merces patientiæ, eritque mel per plenitudinem omnis boni merces obedientiæ.

De mansuetudine hominis ad proximum. Beati miles quoniam ipsi hæreditabunt terram (Matth. v).

Mitibus terra promittitur, terra certe promissionis. Terra autem promissionis per significationem quatuor modis accipienda videtur. Primum quidem quoad universitatem fidelium terra promissionis est multitudo fidelium, in justitia fidei et obedientiæ, in qua Abraham placuit Deo, per totum mundum collecta, et in sinu Abrahæ in fine colligenda. Ilinc Abrahæ, juxta Apostolum, repromissum est ut hæres esset mundi (*Rom. iv*), quia multarum gentium Pater futurus. Secundum propriam spem singularum terra promissionis est in singulis terra cordis et corporis sui, unicuique in possessionem data, per mansuetudinem in pace possidenda. Tertio quoque promissionis terra est terra viventium, ubi societas est beatorum, ubi nemo moritur, ubi est Jerusalem illa, quæ ædificatur ut civitas, cuius participatio ejus in idipsum: non pertransibit per eam incircumcisus et inimodus: Chananæ non habitant ibi; hinc exclusi sunt maligni spiritus, non

est eis pars neque sors in terra sanctorum. Post sessio hujus terre mansuetus promittitur, quia beatæ societatis participatio mansuetudine acquiritur. Omnis quippe sancta societas pace stabilitur; pax vero sine mansuetudine non retinetur. Sicut enim jumentum inquietum in junctura non trahit, sed turbat; sic immansuetus in congregazione bonorum pacem turbat, fœdus amicitiae rumpit, vincula societatis solvit, proximo detrahit, adversus proximum opprobrium accipit; nunc pinguit, nunc litigat, nunc murmurat, nunc in disceptationibus cogitationum et suspicionibus de aliis judicat, sicut juvenus indomitus et cervicosus jugum detrectat; mens ejus præceps ad iram, oculus ad invidiam, lingua ad contumeliam; nec socialiter vivit, sepe a communione societatis studit sui singularitate se disjunxit; sibi perniciosus, aliis inquietus, negotium communis salutis suo exemplo non adjuvat, sed unitatem dissipat; et sicut pravus socius communiter impedit communem opus. Virtus autem mansuetudinis sicut ab omnibus his malis semper est aliena, ita paci familiaris semper est, et amica. Hujus autem virtutis proprium est, injuriam nec inferre nec referre; hoc est, non gratis nocere, nec vindictam expetere, hoc est, nec iniuricum esse, nec ultorem. Ambo autem, et inimicus et ulti, inimici Dei sunt: quos destruet ipse, ut ex ore infantium et lactentium perficiat laudem propter inimicos suos (*Psal. viii*). Qui sunt lactentes et infantes, nisi parvi, humiles, simplices, mites, mansueti, patientes, et non vincentes in malo bonum, sed vincentes in bono malum? Insensibilia non promittit, lactens lac sugit. Audi tamen infante loquente: Posui ori meo cuspidiam, cum consistaret peccator adversum me (*Psal. xxxviii*). Si maledicatur, non maledicit; si percutitur, non comminatur. Mutus est enim ad injuriam, et dicit: Factus sum, sicut homo non audiens, et non habens in ore suo redargutiones (*Psal. xxxvii*). Lactentibus vero dicitur: Deponentes omnem malitiam, et omnem dolum, et simulationes, et omnes detractiones; sicut modo geniti infantes rationabiles lac conepiscite, ut in eo crescat in salutem (*I Petr. ii*). In his enim beneplacitum est Domino, et exaltabit mansuetos in salutem. Nonne recte terra viventium est, ubi beatissima societas electorum promittitur mansuetis; qui in presenti societate bonorum per innocentiam et patientiam socialiter vivunt, servantes unitatem in vinculo pacis? Digna merces mansuetis quieta hujus possessio terræ, ubi beata societas pace firmatur, quæ sine mansuetudine non retinetur. Propter quod Propheta ad Deum dicit: Fiat pax in virtute tua (*Psal. cxxi*). Quam virtutem, Domine, quam rectius dixerim, quam eam, cuius exemplum in teipso proponis, dicens: Discite a me, quia misericordia sum et humilis corde? (*Matth. xi*). In mansuetudine itaque fit pax, et retinetur pax, ut in patientia primo posseamus animas nostras, mox transferendi ad regnum pacis, ubi quiesceterna preparata est quiete-

A tis, et abundantia in turribus tuis, Domine, tanquam in parvulis et humilibus. Si copiam lactis et mellis querimus, acceleremus gressus nostros ad terram hanc. Audivimus enim quod regio ista luctis sit et inellis abundans, utpote aliena ab omni malo pro mercede prioris innocentie, et plena omni bono pro mercede prioris patientie. Mansuetudo nempe hominis ad proximum ex innocentia constat et patientia; critique merces patientiae sicut mel, per omnem abundantiam boni.

De mansuetudine hominis ad Deum.

Si juxta quartum moenum terra promissionis in Christo, qui est suis promissionum, intelligimus, quærentibus quomodo semen Chanaan habitaverit in terra illa, difficile videbitur respondere. Nam quem locum inveniet maledictio, ubi habitat gratia plenitudo? Christus enim ex Maria virgine de Spiritu sancto conceptus, a peccatoribus segregatus, excelsior cœlis factus, sicut plenus fuit omni gratia, ita liber ab omni culpa. At tamen prius investigator sibi forte fideleriter satisfacere possit, si secundum non contendat, sed pie attendat unitatem capitilis et corporis Christi, et mortalitatis nostræ conditionem in Christo? Nam quia caput nostrum esse voluit, ut dilectis altius commendaret charitatem, quæ nos arctius tanquam membra sibi conjunxit, propter unitatem ineffabilem nos in se transfigurans, causam nostram agit apud Patrem, et dicit: Quare me dereliquisti? Longe a salute mea verba delictorum meorum (*Psal. xxi*). Tanquam sua dicit nostra delecta, et nobis imputanda, sed ab illo nobis non reputanda. Nostra quidem erant, et ab ipso aliena, qui non habuit conscientiam propriæ iniquitatis, et compassionem sensit alienæ calamitatis, ut nos reconciliaret Deo; qui non noverat peccatum, pro nobis peccatum fecit, ut nos efficeretur justitia Dei in illo. Christus nos redemit de maledicto legis, factus pro nobis maledictum, quia scriptum est: Maledictus homo, qui pendet in ligno (*Deut. xxi; Galat. iii*). Maledictio autem jam finem accepit, quia Christus resurgens ex mortuis jam non moritur, mors illi ultra non dominabitur (*Rom. vi*). Teneamus ergo terram promissionis, non terram a Danus usque Bersabee, non a flumine magno Euphrate usque ad flumen Ægypti; non a mari usque ad mare, et a flumine usque ad terminos orbis terrarum. Sed promissiones Abrahæ dictas intelligimus in Christo esse completas, cum Propheta dicente: Dominus pars hereditatis meæ et calicis mei, tu es qui restitus hereditatem meam mihi. Funes ceciderunt mihi in præclaris; etenim hereditas mea præclara est mihi. Benedic Domini, qui tribuit mihi intellectum (*Psal. xv*). In Christo ergo est hereditas nostra, et portio nostra, et secundum dispensationem naturæ pro nobis susceptæ, ibi est terra promissionis; terra, de qua dictum est: Benedixisti, Domine, terram tuam (*Psal. lxxxiv*): et de qua iterum scriptum est: Ut inhabebit gloria in terra nostra,

misericordia et veritas obviaverunt sibi (Psal. lxxxiv). Ut mansuetis Dominus daret terram hanc, ipse qui sedet super cherubim, venit mansuetus, sedens super asinum omni obedientia et patientia mansuetum: in quo Deus posuit et proposuit nobis exemplum mansuetudinis; ut in obedientia et patientia Christum sessorem et nos portemus, mansueti mansuetum. O confusio nobis, o pudor! Subjugate nuntium corripit-insipientiam nostram; et magister mansuetudinis asinus nobis constituitur, ut ab animali stolido sapientiam doceamus ipsis stolidiores. Vnde nobis, quia sic aberravimus, quia sic insatitati sumus in insipientia nostra. Et unde hoc homini, nisi quia in honore positus non intellexit: *comparatus est jumentis insipientibus, et similis factus est illis? (Psal. xlvi.)* Utinam hoc exemplo salubriter confundamur, ne de nobis dicatur: *Congnorit bos possessorum suum: et asinus præsepe domini sui. Israel autem me non cognovit! (Isa. 1.)* Exhibeamus ergo nos mansuetos Deo; nam suscipiens mansuetos Dominus, nos sub jugo et sub onere suo sibi mansuescere per obedientiam et per patientiam et præcipit et consultit. In his autem duabus virtutibus, obedientia videlicet et patientia, mansuetudo exhibetur, illa quæ est ad Deum. Obedientia implet quæ nobis mandantur facienda; patientia sustinet quæ a Deo imponuntur nobis toleranda. Obedientia non recalcitat, patientia non murmurat. Obedientia assistit in præceptis; patientia persistit in iudiciis. Obedientia jugum est sine jugo, quia servitatem eximit, et libertatem restituit. Patientia onus est sine onere; non enim onerat, sed relevat. Quidquid enim grave est impatientibus, per patientiam relevatur: in qua quasi in spirituali vehiculo omnia onera facilius portantur. Et sicut numerositas plumarum et pennarum avem quasi onerat, et tamen in altum levat; sic patientia tribulationem sursum erigit, non deorsum premit. Qui autem sub jugo et onere Christi mansuescunt, Deum mansuetum habent etiam in ira sua, qua hic corripit delinquentes, ne gravius judicentur. Hinc scriptum est: *Supervenit mansuetudo, et corripiemur (Psal. lxxxix).*

Per has itaque virtutes, obedientiam dico et patientiam, mansuetus sessor Christus a mansuetis portatur et sustinetur. Qua mercede? *Sustinentes autem Dominum, ipsi hereditabunt terram (Psal. xxvi).* Terram utique lacte et melle manantem; ubi Christus Deus et homo videbitur in gloria sua: dulciter et jucundius, in gloria gloriosæ divinitatis. Hanc tunc gloriam speculantes lacte et melle redundabunt; fluent enim rivi et lactis et mellis usque ad eos. Nam quomodo pervenirent ad eos, nisi fluarent? Quidquid eos delectabit in contemplata specie divinitatis, summæ pulchritudinis, summæque dulcedinis, dulce erit sicut mel. Tunc unicuique dicetur: *Mel invenisti, comedere quod satis est (Prov. xxv).* Ibi enim plena erit satietas, cum de torrente voluptatis

A replebuntur vasa misericordiae; cum servo dicetur: *Intra in gaudium Domini tui (Matth. xv), ut gaudie circumfusus, quoconque se vertat, in gaudio se inventiat, et gaudium circa se inveniat, et dicat: Hereditas mea super mel et favum (Eccl. xxiv).* Tunc bonum erit ei mel, qui multum comederit, et contemplator majestatis non opprimetur a gloria. Intervim vero non est horum ei qui multum comedit; quia scrutator majestatis opprimetur a gloria. Satisbor, ait Propheta, cum apparuerit gloria tua (Psal. xvi). Sed unde satiabitur, qui satiandi sunt? Si melle satiabitur, unde fuet mel? *De petra, inquit, melle satiarit eos (Psal. lxx).* *Petra autem erat Christus (I Cor. x).* Mel, ut aiunt, colligitur de floribus coelesti rore perfusis, propter quod secundum quodam dicuntur roseida mella, quasi de rose cadente collecta. Hinc et poeta dixit:

Protinus aerii mellis celestia dona,

(VIRGILIUS, *Georg. iv, 1.*)

sive dulcescat ros in floribus, sive flores ex rore, sive vicissim. Utinam nos flores simus, de illis quibus dicitur: *Florete flores (Eccl. xxxix);* et de quibus dicitur: *Fulcite me floribus (Cant. ii).* Et dulcescat in nobis, et nos in illo, ros Hermon, qui descendit in montem Sion, et consciatur in nobis mel, quale invenitur in terra promissionis; quo nunc prægustato, et post plenus prægustando, gustantes et videntes, quoniam suavis est Dominus, experti dicamus: *Quam magna multitudo dulcedinis tuæ, Domine, quam abscondit timentibus te, persecisti eis qui sperant in te (Psal. xxx).* Non solum mel abundant in terra promissionis, abundat et lac. Habet autem lac sementinam carnis originem, quo mater parvulos consolatur et alit ad vitam, qui sine lacte non haberent vitam. Ad hoc autem *Verbum caro factum est, et habitavit in nobis (Joan. i),* ut potemur a lacte, et satiemur ab umeribus consolationis ejus. Propter quod dicitur: *Quemadmodum mater consolatur filios suos; ita ego consolabor vos; et in Jerusalem consolabimini (Isai. lxvi).* In illa nempe Jerusalem cœlesti, ubi est visio pacis, ibi est lac consolationis. Quidquid enim delectabit manifestata gloria hominis Dei in Deo, blandietur intuentibus, et erit sicut lac, unde alantur ad vitam, et sine quo non haberent vitam illam, de qua dicit ad Patrem, ipse qui est vita. *Hec est autem vita æterna, ut cognoscant te solum verum Deum, et quem misisti Iesum Christum (Joan. xvii).*

Beati qui lugent, quoniam ipsi consolabuntur (Matth. vi).

Sapientia Dei, et sapientia hujus mundi, circa rerum estimationem judicia sua variant, et momenta rerum ad unius statuerunt momentum non ponderant. Sapientia enim mundi ea magni aestimat, quæ sapientia Dei abjecienda et contemnenda reputat. Mundi quoque sapientia suo iudicio reprobatur, quæ Dei sapientia pretiosa et magna judicatur. Dei sapientia dicit: *Beati pauperes spiritu, quoniam ipsorum est regnum celorum (Matth. vi).* Mundi sapientia dicit: *Beati divites, quia nunc dominantur in orbem terrarum. Sapientia Beidicit: Beati mites, quoniam ipsi possidebunt terram (ibid.).*

Mundi sapientia dicit: Beati bellatores et immates, quoniam ipsi possident terram. Sapientia Dei dicit: *Beati qui lugent, quoniam ipsi consolabuntur* (*ibid.*). Sapientia mundi dicit: Beati qui rident, quoniam ipsi jam nunc consolantur. Sapientia mundi divitias et risum et gaudium praesentis vitae probat et laudat et amat, quia praesentem afferunt consolationem; paupertatem et luctum odit et damnat, quia praesentem desolationem habent. Dei sapientia vite praesentis gaudia vana judicat et noxia, utpote vitiorum nutrimenta et impedimenta salutis. Paupertatem vero et luctum commendat et amat, tanquam purgatoria vitiorum, et interminabilis preparativa felicitatis. Sapientia Dei et sapientia hujus mundi sic suis iudiciis sese impugnat, ut vicissim sese iudicent, et ab invicem judicentur. Sapientia enim hujus mundi stulta est apud Deum; sapientia quoque Dei stulta est apud mundum. Verbum euum crucis percuntibus stultitia est. Verbum autem paupertatis et luctus secundum quemdam modum verbum crucis est. Nam paupertas, sive luctus, quedam erux est. Sapientia autem Dei justificata est a filiis suis, et filiis lucis. Filii autem hujus saeculi prudentiores sunt filii lucis in generatione sua. Propterea filii saeculi et filii lucis vicissim sese stultos reputant et insanos. Illi enim respiciunt ad vanitates et insanias falsas; hi stultitiam prædicationis, per quam decrevit Deus salvos facere credentes, pro luce amant, quam animalis homo non percipit: stultitia enim illi est, et non potest intelligere. Hæc autem alteratio inter Dei sapientiam, et eam quæ est hujus mundi, in cordibus multorum ipsius fidei fundamenta concutit, et in tantum invalescit, ut si fieri potest, moveantur etiam electi. Hinc unus justorum dicit: *Mei autem pene morti sunt pedes; pene effusi sunt gressus mei, quia zelavi super iniquos, pacem peccatorum ridens* (*Psal. LXXXVIII*). At cum intelligit in novissimis eorum, admiratur et dicit: *Quomodo facti sunt in desolationem! subito defecerunt, perierunt propter iniuriam suam* (*ibid.*). Judicio Salomonis risus condemnatur, et luctus convivio antefertur. Risum, inquit, reputavi errorem; et gaudio dixi: *Quid frustra diciperis?* (*Eccle. II.*) Et iterum: *Melius est ire ad domum luctus quam ad domum convivii* (*Eccle. VII*). Hæc Salomon: ecce plusquam Salomon hic qui dicit: *Beati qui lugent, quoniam ipsi consolabuntur* (*Math. V*). Luctum et luctum vanitas veritasque distinguit. Sunt qui lugent non lugenda, et ideo ipsi lugendi, quia vane lugent, sicut et vane credunt. Sunt qui pie et salubriter lugent, beati futuri, quod sic lugent, sicut ipse Dominus discipulis loquens ait: *Amen amen dico vobis, quia plorabis et fletibitis vos, mundus autem gaudebit; vos autem contristabimini; sed tristitia vestra vertetur in gaudium* (*Joan. XV*). Et Psalmista: *Euntes ibant et fabant mitterentes semina sua. Venientes autem venient cum exultatione, portantes manivulos suos* (*Psal. CXXV*). Hoc pio luctu quasi imbre gratiae cœlestis rigantur semina nostra, ut compluta uberiori surgant ad messem. Hæc est plu-

A via voluntaria, quam segregavit Deus hereditati suæ. In hac valle lacrymarum, in qua nati sumus, copiosa nobis suppetit causa lugendi, ubi totum quod occurrit, aut quod intra nos est, aut extra nos est, vix aliud est, quam lugendi materia. Adeo toti miseri sumus, in miseria nati, in miseria usque modo educati, in miseria deinceps victuri, in miseria demum morituri. Intus miseria pleni, foris miseria circumdati. Hinc quidam. *Repleta est, inquit, malis anima mea* (*Psal. LXXXVII*). Et: *Circumdeederunt me mala, quorum non est numerus* (*Psal. XXXIX*). Quid possumus inter hæc mala, nisi gemere, plangere, et dolere mala, quæ indesinenter sentimus; et desiderare bona, quæ nondum sentimus? Aut si modicum quid boni forte sentimus, hoc ipsum nos admonet miseriae nostræ, quod raro, quod tenuiter, quod non plene sentimus. Unde nobis hæc miseria tam multa, tam magna, nisi quia peccavimus cum patribus nostris, injuste egimus, iniquitatem fecimus? Visa autem nostræ et iniquitates nostræ fecerunt hæc nobis.

De prima causa lugendi.

Prima ergo lugendi causa est de malis commissis, et de bonis omissis. Mala quæ commisimus quis dinumeret? *Multiplicatae sunt, inquit, iniquitates meæ super capillos capitum mei* (*Psal. XXXIX*). Bona quæ perdidimus quis dinumeret? *Cogitavi, ait, dies antiquos, et annos aeternos in mente habui* (*Psal. LXXVI*). Nam et hos et illos perdidimus, dies scilicet antiquos, in quibus conditus fuit Adam bonus et beatus a Deo, ut posset nunquam mori, et annos aeternos, quibus donandus erat, si non peccasset, ut nunquam posset mori. Hæc quidem nos in Adam. At nos in nobis quanta bona præripimus nobis! Quanta bona potuimus facere, et non fecimus! Quot curricula temporum inaniter consumpsimus! Quam innumerabiles dies nobis male aut nihil agentibus fluxerunt, et in decursum labiles nos secum traxerunt! O ubi estis, fontes aquarum, ubi dñe estis, fontes lacrymarum, ut lugere queam damna vite meæ, et damna pariter innocentia meæ? Utinam aperiantur cataactæ cœli desuper! utinam dirumpantur fontes abyssi magnæ, et inundet diluvium aquarum multarum super terram cordis mei, ut dispercent qui habitant in ea, et proni in malum omnes sensus mei ab adolescentia mea! Et ecce defecerunt in vanitate dies mei, et anni mei cum festinatione. Et quis consolabitur me, nisi qui contristatur sicut et ego, unus et ipse paenitens, qui dicit: *Laboravi in gemitu meo?* (*Psal. VI*) Nam dum in his quæ mundi sunt gauderem ludens et ridens, et variis successibus applaudens, dum id agerem, ne gemere vel laborarem, sicut nunc expertus didici, vere tunc laboravi in gemitu meo. Nam quæ labore et gemitu commutanda sunt, vera testimatione quod valent hic sunt. Hæc enīm vere sunt, quod illis sunt, quibus obsunt. Hæc neunte seranox est, sero gementium: *Lassati sumus in via iniquitatis et perditionis, et ambulavimus vias difficiles* (*Sap. V*). Vulgo dici solet, parientis gemitus risus annothus

Dum ego ambularem ubi volebam, agens quo genitorem, non tamen ut gemerem, sed magis ne gemerem, quæ mihi, laboravi in gemitu meo. Nam quod cogitavi et volui, hoc labor est ante me. Tunc concepi dolorem et peperi iniquitatem: propter quod lavabo lectum doloris mei, in quo æger jacui, et immundus secundum immunditiam mulieris parturientis. Lectus doloris caro infirma, delectatio mala, conscientia mala, qui mihi lavandus est per secreta noctis silentia, ubi Deus videt in abscondito, et per singula delicta. Et quia divisam gero conscientiam, tum de malis quæ feci, tum de bonis, si quæ feci; lectum conscientiae lavans, in quo æger labore, stratum conscientiae ubi mihi stravi, ut ibi requiescerem, lacrymis meis rigabo. Lavabo maculas vitæ meæ, rigabo sterilitatem animæ meæ, si forte velut area compluta germinet. Nam innocentia pro parte malorum quæ non feci, et conscientia mea pro parte bonorum quæ feci, utraque mihi facta est infructuosa, per mala quæ feci. Ubi mihi sternere, ubi requiescere volo, ibi dolendi materiam, et lacrymandi causam invenio. Nam per ea quibus corruptus non sum: Quid dico, ubi corruptus non sum? Ubi enim incorruptus sum? Nam incorrupta mea sæpe sic existimo, ut magis ex his corrumpar. Quæ dum cogito, apud meinet, dico non sum sicut cæteri hominum, sicut ille vel ille; quia talis ego, et non ille. Et dum superius de me iudico, sæpe ambiguus sum, an plus dolere debeam incorrupta, quæ sic elevant, an peccata mea, quæ metitulose cogitata me humiliant.

De secunda causa lugendi.

Cum peccata lugens lugeo, et de remedio poenitentiae consolationem quero, adest et alia lugendi causa de temptationibus immissis, licet non admissis, quæ me undique circumvallant et circumciegunt, ut non appareat, ubi exitus pateat. Nam millia temptationum insurgunt in me; aliæ supra me, aliæ intra me, aliæ circa me, et omnes contra me; et cum una dereliquerit, mox alia apprehendit: et dum una cedit, altera succedit; et non est pax spiritui meo in medio earum. Nam quod video, quod audio, quod ago, quod cogito, quod volo, quod placet, quod displicet, denique totum quod vivo, tentatio mihi est, sicut scriptum est: *Tentatio est vita hominis super terram* (*Job vii.*). Inter has autem temptationes tam multas, tam malas, tam importunas, tam perplexas et inextricabiles, quibus me expedire non possum, sæpe vita ipsa mihi tædio est, et dum consolationem quero, magis eam invenio in sanctorum infirmitate, quam in propria virtute. Audio enim Paulum in medio temptationum ita coarctatum, ut clamare compellatur: *Infelix ego homo, quis me liberabit de corpore mortis hujus?* (*Rom. viii.*) O quanta consolatio Deo dispensante infirmitati nostræ provisa est! Nam infirmitates sanctorum interdum nos plus confortant, quam virtutes eorum. Virtutes desiderium accendunt, infirmitates spem erigunt. Cum Paulus, cui dictum est: *Virtus in infirmitate perficitur* (*II Cor. xii.*) ipse de se dicat, *Cum infirmor, tunc fortior sum*

A (*ibid.*). Possum et ego dicere: *Cum Paules infirmatur, ego fortior sum. Infirmitas ergo Pauli adjuvat me apud me, ut virtus ejus adjuvet me apud Deum, ut eripiat me a tentatione, animam meam de morte, oculos meos a lacrymis, pedes meos a lapsu.*

De tertia lugendi causa.

Præter mala, quæ nostram vitam maculant, et mala quæ nos ad culpam tentant, urgent nos alia, quæ culpam purgant. Alia recte dixerim, quia alia sunt genera temptationum, quibus resistitur non consentiendo, alia genera passionum et tribulationum, quibus exercemur tolerando. Et quoniamvis in eisdem rebus plerumque tentemur ad culpam, et exerceamur ad poenam, aliud tamen est, quod timemus in temptatione, aliud quod dolemus in tribulatione. Hic culpa in causa est, illiq[ue] poena. Habent autem et haec mala, quibus scilicet tribulamur, tædia sua et lacrymas suas. Testis et Elias, qui projecit se subter umbram unius juniperi, et petivit animæ suæ, ut moreretur, dicens: *Suffici mihi, tolle animam meam* (*III Reg. x.*). Testis et Paulus, qui et ipse dicit: *Supra modum gratias sumus, ita ut tarderet etiam virere* (*II Cor. i.*). Testis et Jonas, qui dicit: *Irascor usque ad mortem* (*Jon. iv.*). Et de tædiis sic dictum sit. Nam de gemitu vel lacrymis probat, qui dicit: *Omnis creatura ingemiscit et parturit usque adhuc. Non tantam illa, sed et nos ipsi primitias spiritus habentes, et ipsi intra nos gemimus* (*Rom. vii.*). Et Psalmista:

C *A fortitudine manus tuæ ego defeci in increpationibus, propter iniquitatem corripiisti hominem* (*Psal. xxxviii.*). Et de lacrymis adjungit: *Exaudi orationem meam. Domine, et depreciationem meam; auribus percipe lacrymas meas* (*ibid.*). Si autem haec lacrymæ omnium justorum sunt, quomodo contrarium non est: *Iabant gaudentes a conspectu concilii, quoniam digni habitu sunt pro nomine Jesu contumeliam pati?* (*Act. v.*) Et quod Paulus dicit: *In tribulatione gaudentes* (*Rom. xii.*); et quod Jacobus: *Omne gaudium existimate, fratres, cum in varie temptationes incideritis?* (*Jac. 1.*) Sed qui infirmi sunt, in tribulationibus dolent, qui autem perfecti sunt, etiam de tribulationibus gaudent, quod virtutis est; et tamen dolent, quod infirmitatis est. Neque enim nulla est infirmitas perfectorum. Nam virtus eorum in infirmitate perficitur (*II Cor. xii.*). Miro siquidem modo Deus sanctos suos de infirmitate confortat, et de virtute humiliat. Hinc justus ait: *Quia cinerem tanquam panem manducabam, et potum meum cum fletu miscebam* (*Psal. ci.*). Ac si diceret: *Memoria infirmitatis et conditionis meæ, qua me nremini cinerem et pulverem, panis mihi est et refectio mea, confortans et roboran me; potus spiritualis lætitiae, quod me lætitiat, non sine amaritudine est, quia gaudium dolore temperatum est. Si autem esset virtus sine infirmitate, esset et gaudium sine mœrore. Nunc autem et infirmitas prosecit ad virtutem, et hoc est, cinerem tanquam panem manducabam: et virtus humilitatis per infirmitatem, et*

hi qui paupertatem amant, tum hi qui tolerant, tum etiam hi qui consolantur eam: quid sibi vult, quod regnum omnibus communicandum, iis solis remittitor, qui voluntariam aniplectuntur paupertatem: si soli tales pauperes spiritu judicantur? Ad haec facit differentiam, quod non dicitur de eis: *Intrabunt in regnum cælorum* (*Math. xxv*); sed quod amplius videtur: *Ipsum est regnum cælorum*. Nam, cum omnes benedicti a Deo benedicendi percepturi sint regnum cælorum, quod eis paratum est ab origine mundi, de omnibus quidem creditur, quod intrabunt in regnum cælorum, de quibusdam tamen specialiter dicitur: *Taliū est regnum cælorum* (*Math. xix*). Est et aliud, quod nos movere possit. Nam cum ceteræ promissiones in hac serie evang. Lee distributionis in futurum differantur, haec tamen promissio nulla dilatione suspenditur, sed quasi iam exhibita monstratur; ut magis videatur præsentis beneficii adepto, quam futuræ retributionis exspectatio. Et de his qui perseruationem patiuntur propter justitiam, similis forma subiungitur. Nam et borum et illorum regnum cælorum esse pronuntiatur; quasi jam nunc redditæ sit merces sine mora, sine impedimento, sine dilatione. At mites nondum dicuntur possidere terram: sed dicitur, qui possidebunt terram; et misericordes misericordiam consequentur; et qui lugent consolabuntur; et qui esuriunt justitiam, saturabuntur; et pacifici filii Dei vocabuntur; et mundi corde Deum videbunt (*Math. v*); sed haec omnia in futuro. Hujus autem diversitatis aliqua ratio querenda videtur. Forte istæ duæ justificationes, prima scilicet et ultima, quarum merces non differtur, perfectorum sunt, qui in camino paupertatis, vel igne persecutionis examinantur, sicut examinatur argenti, et excoquuntur ad purum, qui ædificant super fundatum aurum et argentum et lapides pretiosos; et hinc exeunt, nec ligna, nec fenum, nec stipulam secum portant, que in illis ardeant; sed mox ut hinc exierint, ad celum convolant, non dilati a regno, quoniam ipsum est regnum cælorum. Sine his autem virtutibus, quibus purgantur, que infirma sunt ceterarum virtutum, (universæ enim justitiae nostræ sicut pannus menstruæ (*Isa. LXIV*), quicunque boni inveniuntur, ex aliqua parte ædificare videntur super fundamentum, ligna, fenum, stipulam, que necesse est, ut in illis ardeant, salvandis quidem, sic tamen quasi per ignem. Nam et qui mundo corde sunt, quibus promittitur visio Dei, indigent tamen adhuc purgari. Quis enim gloriabitur castum se habere cor?

De justificationibus martyrii.

Duo genera martyrii, alterum in carne, alterum in spiritu. His duabus justificationibus consummari videntur, ceterarumque virtutum perfectio, cum ad consummationem pervenerint, his merito ascribenda est; quia ex his perficiuntur; cum necesse sit, omnes justos vel in carne, vel in spiritu, pro Christo pati, ut perfectionis gloriam assequantur. Pauperes autem spiritu qui sunt, plenius intelligitur, si spi-

A ritus a spiritu discernatur. Occasionem facilitoris intelligentie dat nobis Propheta, qui dicit: *Juxta est Dominus his qui tribulato sunt corde, et humiles spiritu salvabuntur* (*Psal. XXXIII*); et Apostolus, qui dicit: *Non accepimus spiritum hujus mundi; sed Spiritum, qui a Deo est* (*I Cor. II*). Spiritus hujus mundi non incongrue intelligitur princeps hujus mundi, de quo et in alio loco idem Apostolus dicit: *Cum mortui essetis delictis et peccatis vestris, in quibus aliquid ambulastis secundum sæculum mundi hujus, secundum principem potestatis aeris hujus, spiritus, qui nunc operatur in filios diffiden:iae* (*Ephes. II*). Ille spiritu hujus mundi cuius afflatus spiritus hominis mox et inflatur, et assimilatus ei a quo afflatur, potest et ipse dici spiritus hujus mundi, cum concupiscit ea quæ mundi sunt. Hic autem spiritus superbus est, et vanus, presumptuosus, ambitiosus, alta semper sapiens, et humiliaria contenueus. At qui Spiritu Dei aguntur, quanto magis eo afflantur, tanto minus inflantur, et tanto magis humiliantur; sicut pauperes spiritu, non alta sapientes, sed humilius consentientes. Virtus itaque pauperum spiritu ex defectu spiritus et abundantia spiritus æstimanda est. Quanto enim minus habet quis de spiritu suo, tanto magis abundat in eo Spiritus Dei; et quo amplius a spiritu suo deficit, eo abundantius secundum Spiritum Dei proficit. Unde si queratur, secundum quem spiritum prouinentur pauperes spiritu, rectius videtur intelligi, secundum Spiritum Dei, qui pauperes facit et ditat, humiliat et sublevat. Nam quos facit pauperiores, hos facit et ditiores; et quos humiliiores, hos facit sublimiores, non secundum altum elationis, sed secundum culmen perfectionis. Si cui tamen videtur quasi per privationem dici: *Beati pauperes spiritu* (*Math. VI*), quasi minus habentes de spiritu, vel quasi deficiente a spiritu, suo videlicet, vel hujus mundi, sicut pauperes rebus dicuntur, qui substantiam rerum non habent: hoc sane doctrinæ non adversatur, sed per interpretationem cum superiori sententia ad eamdem fere reddit intelligentiam. Verumtamen, prior sententia præferenda videtur, quia humiles spiritu et pauperes spiritu, secundum eamdem rationem dici convenientius æstimantur. Humiles autem spiritu secundum habitum dicuntur, et non secundum privationem, hoc est secundum spiritum quem habent, et non secundum spiritum, quo carent. Quod autem ii, qui secundum Spiritum Dei proficiunt, a suo spiritu deficiunt, ostendit Propheta, qui ad Deum loquitur, dicens: *Ausères spiritum eorum et deficient, et in pulvrem suum revertentur. Emittes Spiritum tuum, et creabuntur* (*Psal. CIII*). Auster vices suas non peragit, dum a flatu suo aquilo non quiescit. Hic in sua lenitate non sibilat, dum in spiritu vehementi aquilo perdurat. Propter quod scriptum est: *Surge, aquilo, et veni, auster* (*Cant. IV*).

De spiritu hominis.

Spiritus autem hominis tribus modis tumescit et grandescit in se; et àque tribus modis deficit et detumescit in se. Tumescit in opinione vanâ, spe vanâ, cupiditate

tocum pœnitentia, quamvis cum lacrymis inquistisset illam (*Hebr. xi*). Et Judas pœnitentia datus retulit triginta argenteos (*Math. xxvii*); et Balac inutiliter ad justitiam compuncus est, dicens: *Moriatur anima mea morte justorum; et fiant novissima mea horum similius* (*Num. xxiii*). Mala itaque dolenda et timenda possunt mali dolere et timere; bona quoque spiritualia vel æterna sperare et desiderare; et horum spe vel desiderio, illorum vero dolore et timore ad lacrymas usque compungi, tanto sterilius quanto inanius. Quia nulli sufficit mala lugere, et bona sperare vel desiderare, nisi adjiciat peccata relinquere, et errata corrigere, et bona quibus bonus fiat apprehendere. Aliud est enim bona hæc sperare, vel desiderare, aliud habere. Nemo siquidem solum sperando vel desiderando, vel se habere opinando bona, quibus bonus sit, sed magis hæc habendo, bonus est. Multi enim pœnitentiam et peccatorum veniam, quibus mali esse desinant, vel se babere putant; vel habere posse cum voluerint, sperant; sic charitatem et humilitatem, cæteraque bona, quibus boni flant; sed vana est spes eorum, desiderium quoque et opinio eorum, et cor eorum vanum est. Propterea nonnunquam inutiliter compunguntur ad justitiam, sicut doni innoxie tentantur ad culpam. An non honos se pulant, qui de suis meritis superbius judicant, ut se cum Domino judicatores confidant? De qualibus scriptum est: *Cadent a latere tuo mille, et decem millia a dextris tuis* (*Psal. xc*). Qui ergo huiusmodi sunt, etsi in spe sua abundantius gaudeant; etsi desideriis et suspiriis et singultibus animæ lacrymis fluant, alieni tamen sunt a promissione hac: *Beati qui lugent, quoniam ipsi consolabuntur* (*Math. v*).

De peculiaribus bonorum lacrymis.

Spes autem justorum humilitate subnixa est, et desiderium charitate. De his autem, charitate scilicet et humilitate, quasi de fontibus Salvatoris, hauriuntur sanctorum aquæ lacrymarum. Pie enim plorat, qui post culpam salubriter compunctus, et in timore Dei humiliatus, iniquitatem detestatur; et semper dolet secisse, quod non consentit iterare. Haec sunt piæ lacrymæ, de quibus Psalmista dicit: *Exitus aquarum deduxerunt oculi mei, quia non custodierunt legem tuam* (*Psal. cxvii*). Pie plorat, qui desiderio spirituali et gaudio resolutus in lacrymas difflit et liquefacit, et recordatione desiderabilium suorum modo interius se effundit, ut dicere possit: *Hæc recordatus sum, et effudi in me animam meam; quoniam transibo in locum tabernaculi admirabilis usque ad domum Dei* (*Psal. liv*). Harum lacrymarum dulcedinem experta est illa amore languida, quia dicebat: *Anima mea liquefacta est, ut dilectus locutus est* (*Cant. iii*). Bene, ut dilectus locutus est, quæ dilectus est, quia locutus est. Cui enim dilectus est, mox ut locutus est, mollii sunt sermones ejus super oleum, et ipsi sunt jacula (*Psal. liv*). Vide, si non

A emollitur, si non liquefacta resolvitur ad sermones ejus quæ amat, cum scriptum sit: *Emitte verbum tuum, et liquefaciet ea; flabit Spiritus ejus et fluent aquæ* (*Psal. cxlvii*). Dilecto ergo loquente et Spiritu flante, deliquescit quæ amat, et fluent aquæ, quibus irrigatur hortus deliciarum, qui austro perflatur, ut fluent aromata illius. Et haec quidem lacrymæ mellifluæ sunt. Etenim cœli distillaverunt, stillicidia scilicet, quibus habitatur germinans, et pluviam voluntariam, quam segre gavit Deus hæreditati sue. Hæc autem pluvia sæpe a justis suspenditur, et cum habetur non retinetur; cum desideratur, non obtinetur. Sæpe enim derelicti pulsante infirmitate et virtute omnino delitescente, amaritudine replentur, tædio afficiuntur, B in malis tabescunt, et in siti exardescunt, et prohibetæ sunt pluviae de cœlo; neque ros neque plus via cadit super eos; et nisi Deus adjuverit eos, paulominus habitare incipit in inferno anima eorum. Sed quid mirum, si justi ad horam quasi in infernum descendant, ubi absinthio et aqua fellis potantur cum scire expediat, unde sint liberandi, ut plus gratulentur liberati; et superabundet consolatione eorum ad gloriam Dei? *Descendant, ieqnūt, usque ad abyssos; anima eorum in malis tabescet* (*Psal. cvi*). Sed nunquid obliviscetur misereris Deus? Absit! Nam cum spiritus Domini super mel duleis spe et desiderio illius hæreditatis, quæ est super mel et favum, mentem justorum afflaverit, et sua in æstimabili dulcedine omnia viscera et secreta languentis animæ impleverit, tunc a superveniente gratia internæ dulcedinis, intimæque suavitatis, totumquod amarum est in letitia cordis absorbebitur, et fluent aquæ lacrymarum sicut rivi mellis. Et suggestente matre Jesu: *Vinum non habent* (*Joan. ii*), aqua uæroris in vinum letitiae convertetur; sed, cum impletum fuerit, quod Jesus præcipit, dicens: *Implete hydrias aqua* (*ibid.*). Prius enim aportet hydrias aqua implere, hoc est, corda nostra largis lacrymarum perfusionibus plenius satiare, et pro commissis digne satisfacere, et lugenda sufficienter lugere, et sic consolationem intimæ devotionis, et gaudium in Spiritu sancto intra nos recipere, et tristitiam cordis nostri lætitia commutare. Nam C quia lugenda nondum digne deflevimus, ex hoc sæpe devotionis detrimenta sentimus; et quia nondum solvimus quod debeimus, id quod cupimus, tardius obtinemus. Sed cum potum dederit nobis Deus in lacrymis in mensura, adeptione bonorum quæ anxiæ desideramus, multimoda in presenti consolatione experiemur veram esse consolationem hanc: *Beati qui lugent, quoniam ipsi consolabuntur* (*Math. v*). Magis autem hoc experiemur et in futuro, quando Deus omnem lacrymam absterget ab oculis sanctorum (*Apoc. xxi*); quando replebitur gaudios nostrum, et lingua nostra exsultatione (*Psal. cxxv*), ad laudem et gloriam Domini nostri Iesu Christi, qui est super omnia Deus benedictus in sæcula. Amen

ritas est et neminem fallit. *Maledictus autem, qui confidit in homine, et qui ponit carnem brachium suum (Jer. xvii).* Homo autem interdum cum potest liberare, non vult; interdum cum vult, non potest. Deus autem, sicut semper potest, ita et vult semper salvare sperantes in ipso, et non in se, nec superbe præsumentes de ipso, nec de se. Propheta dicit: *Qui confidunt in virtute sua, et multitudine divitiarum suarum gloriantur; frater non redimet (Psal. xlviij).* Ecce a gratia redemptionis alieni sunt, qui in se confidunt, et de se præsumunt.

De mala vel bona securitate.

Sunt nonnulli vana spe securi, qui adjiciunt peccatum super peccatum dicentes: *Miserationes Domini multæ sunt (Psal. xxi)*: qui de Dei misericordia sibi blandientes, et quasi in ea spem ponentes, tanto sunt superbiores, quanto securiores. Vera autem securitas timor Domini est. Hic nempe timor magis securum facit, quam tumidum: quo carentes et misericordiam Dei sibi pollicentes ipsi se decipiunt, ut confundantur ab expectatione sua. Non enim secure peccantibus, sed Deum timentibus, et peccare cessantibus, misericordia reprobatur. Consulamus Scripturarum testimonia super hæc. Propheta dicit: *Secundum altitudinem cœli a terra, corroboravit misericordiam suam super timentes se (Psal. cx).* Et: *Quomodo miseretur pater filiorum, miserritus est Dominus timentibus se (ibid.).* Et in alio loco: *Prope timentes eum salutare ipsius (Psal. lxxxiv).* Et beatissima mater misericordiae. Misericordia, inquit, ejus a progenie in progenies, timentibus sum (Luc. 1). Ecce quomodo conjunguntur timor Dei et misericordia Dei, ut sperari non debeat misericordia Dei sine timore Dei. Sicut enim periculosus est timor sine spe mittens in desperationem; sic pernicioса est spes sine timore pertrahens ad obstinationem. Propter quod in lege scriptum est: *Non accipies loco pignoris inferiorem et superiorem molam (Deut. xxiv).* Superior quippe mola spes est, et inferior timor. Inter has comminolitur, quidquid salubriter mandatur. Altera autem sine altera inutilis est; et cum loco pignoris accipitur, altera per se nec danti nec accipienti valet. Pignus autem pro securitate accipitur, quia securum facit. Pignus autem quale sit, Apostolus docet dicens: *Qui unxit nos Deus, et signavit nos, et dedit pignus spiritus in cordibus nostris (II Cor. 1).* Hoc ad Corinthios. Ad Ephesios autem sic: *Signati estis Spiritu promissionis sancto, qui est pignus hereditatis nostræ (Ephes. 1).* Pignus ergo Spiritus sanctus est, qui nobis veram securitatem prestat in conjunctione timoris et sanctæ spei. Nam sine timore vana est securitas, sine spe nulla est securitas; in his vero simul vera est securitas. Timor ergo Dei spem comprimere debet, ut detumescat a præsumptione sua; ne inanescat in vanitate sua, et confundatur ab expectatione sua. Consequens enim est, ut spiritus hominis orando et sperando in Deum proficiat; sic autem præsumptione spei in se a se deficiat, ut dicere possit enim

PATROL CCIV.

A Propheta: *Voce mea ad Dominum clamavi, roce mea ad Dominum deprecatus sum. Effundo in conspectu ejus orationem meam, et tribulationem meam ante ipsum pronuntio. In deficiente ex me spiritum meum (Psal. cxli).* Et illud: *Velociter exaudi me, Domine; defecit spiritus meus (Psal. cxlii).* Dilatio exauditionis Deo non conceditur, sed velociter exaudire postulatur, cum in timore Dei spiritus hominis deficit; ut omnino non speret in se, non in virtute sua, non in sapientia, non in arte vel calliditate sua, non in omni facultate sua; sed in solo Deo et in eis quæ Dei sunt, quia Dei sunt. In bonis enim nostris, quia a Deo sunt, ut puta in fide et in operibus justitiae et misericordiae, ita spes ponenda est post Deum, ut tota fiducia nostra a nobis abstractatur, quamvis nostra sint bona; et in eum projectatur, cuius ipsa sunt dona. Nam qui de donis Dei fiduciam in Deo ponendam ad se trahit, Deo injuriat facit. Et quoniam auxilium inde solet invocari, unde et sperari, qui a se sperat auxilium, magis se ipsum invocat, quam Deum. Propterea nondum dicere potest: *Velociter exaudi me, Domine, defecit spiritus meus.*

De cupiditate vel superbia.

Cupiditate vana grandescit animus duobus modis, amore scilicet utendi vel habendi quæ possidentur, vel desiderio possidendi quæ non habentur. Ipsum autem desiderium amor quidam est. Nam desiderare est quodam modo amare. Cupiditas autem est amor mundi, sicut caritas est amor Dei. Cupiditas querit quæ sua sunt, non quæ Iesu Christi: querit autem sic. Nunc per amorem terrenæ possessionis, nunc per amorem lubricæ fluxæque voluptatis, nunc per amorem dominationis, nunc per amorem ambitionis honoris, nunc per amorem admirationis, favoris et laudis. Hæc sunt quæ cupiditas contra Deum superbe et insatiabiliter querit. Hæc sunt quæ charitas propter Deum nobiliter, et ut ita dixerim, suo superbiendi modo contemnit. Habet enim charitas, si fas est dicere, superbiam suam, qua ipsam superbiam, et quidquid contra Deum superbum est, nobiliter contemnit. Hinc ad apostolos dictum est: *Fortitudinem gentium comedetis, et in gloria eorum superbietis (Isai. lx).* Deum propter contemnenda contemnere, et plus quam Deum contemnenda diligere, vilis est superbia, et confusione digna. Gloriam autem mundi propter Deum contemnere, nobilis est superbia. Nobilior autem, si ipsa confusio propter Christum inconsuibiliter contemnatur, qui proposito sibi gaudio sustinuit crucem confusione contempta (Hebr. xii). Melius est enim dignitates et honores in hoc mundo erubescere, quam crucem Christi, quam paupertatem Christi, quam humilitatem Christi. Qui erubuerit, inquit, me et meos sermokes, hunc Filius hominis erubescet, cum venerit in maiestate sua, et sanctorum angelorum (Luc. ix). Non est servus major Domino suo (Joan. xiii). Quæ non erubuit Christus pro nobis, non sunt erubescenda pro

18

cedinls; quæ in delectatione justitiae interim percipitur. De qua delectatione per Prophetam dicitur : *In via testimoniorum tuorum delectatus sum, sicut in omnibus divitias* (*ibid.*). Futura autem satietas duas res desiderabiles complectitur, vitam æternam, et letitiam sempiternam. Justitia utramque acquirit et rependit. Nam de satietate vita æternæ scriptum est : *Longitudine dierum replebo eum* (*Psal. xc.*), haud dubium, quin justum. De satietate letitiae sempiternæ scriptum est : *Inebriabuntur ab ubertate domus tuæ: et torrente voluptatis potabis eos* (*Psal. xxxv.*), haud dubium quin justos. Justitia ergo, quæ

A vivificat et letificat, cibus est et potus. Cibus est et panis vitæ, cum vitam præstat, et in perpetuum conservat. Justitia enim acquisitio immortalitatis est. Potus est, et vinum letitiae, cum letitiam tribuit, et sine fine custodit. Beati ergo qui esuriunt et sitiunt justitiam; et beati qui desiderant vivere et letari, non in hoc seculo, sed in Christo. Consequentur enim satietatem, quando replebit in bonis desiderium eorum Dominus noster Jesus Christus, qui est super omnia Deus benedictus in sæcula. Amen.

TRACTATUS DECIMUS

Pone me ut signaculum super cor tuum, ut signaculum super brachium tuum; quia fortis est ut mors dilectio, dura quasi in'fernus æmulatio (*Cant. viii.*)

Amans nos Deus, et amari desiderans, signaculum formavit, habens imaginem amoris insculptam, quo cor nostrum pressius signavit, ut coimagoatum simili. udinem imaginis in se exciperet, et configuraliter exprimeret. Signaculum intellige, tu: in eo quod signat, tum in eo quod signatur. Nam eo quod signat, dicit Apostolus ad Romanos : *Abraham signum accepit circumcisionis, signaculum justitiae fidei, quæ est in præputio* (*Rom. iv.*). De eo vero quod signatur, idem dicit ad Corinthios : *Signaculum apostolatus mei vos estis in Domino* (*I Cor. ix.*). Et ad angelum divinæ similitudinis decore insignem per prophetam dicitur : *Tu signaculum similitudinis, plenus sapientia, et perfectus decore, in deliciis paradisi Dei fuisti* (*Ezech. xxviii.*). Christus autem et singul et signatus est. Hunc enim Pater signavit Deus. Hunc Pater sanctificavit, et misit in mundum. Hunc Pater singulari gratia a cæteris discrevit. **Tal**is enim decebat, ut esset nobis pontifex, sanctus, immaculatus, impollutus, segregatus a peccatoribus, et excelsior cœlis factus (*Hebr. vii.*). Per hunc et nos signavit Deus, sicut scriptum est : *Signatum est super nos lumen vultus tui, Domine* (*Psal. iv.*). Signavit autem in die conditionis nostræ, quando nos ad imaginem et similitudinem suam formavit. Signavit in die redēptionis nostræ, quando eos secundum suam imaginem reformavit. Iniquitas quippe et mors inter Deum et hominem diviserunt. Deus autem odit iniquitatem, et homo mortem. Homo instantum odit mortem, inquantum diligit vitam. Quid autem in vita dulcissimus est ipsa vita, quidve amabilissimus? Quid morte amarius, quid odibilis? Quid igitur iniquitate detestabilius, per quam vita jucunditas est perdenda, et moriendi necessitas est nobis imposta? Quid magis amari potest quam vita, maxime autem immortalis vita, et promissor et largitor ipsius Deus fons vitæ et ipse vita? Justitia autem, sicut scriptum est, acquisitio immortalitatis est. Proinde justitia diligenda est, non minus quam vita, per quam acquiritur, et sine qua

B non retinetur immortalis vita. Homo autem ab initio quodammodo immortalis erat, ut per justitiam conservatam posset non mori, in hac parte, sed ex parte Deo similis; nunc autem similis Iumentis insipientibus pro conditione moriendi, sed inferior obligatione peccati, et periculo pereundi, eisdem tanto nunc abjectior, quanto prius dignior. Iniquitas ergo æque odibilis est, ut mors, et magis quam ista mors. Expedit enim magis mori, quam peccare. Peccatum stimulus est mortis, et aculeus usque ad interitum vulnerans. Stipendum peccati mors est, et merces iniquitatis perditio. Peccatum injuria Dei est, in provocationem zeli, judicium mortis, sententia Dei est in condemnationem peccati. Homo vero peccator juste morti addicitur, et multis miseriis iram Dei expertus, vix de dilectione Dei vel tenuiter sperare poterat. Potuit enim ei sua cogitatio sugerere, ut diceret : Quomodo me credam a Deo diligi, qui sic me affligit? Quid boni ab eo sperem, qui indignationem suam super me effudit, et nec a morte mihi pepert? Si me diligenter, non sic tuo judicio me premeret; non in ira sua misericordiam contineret, sed indignationem quam demerui remitteret, veniam donaret, et a decreto mortis me absolveret. Visus quippe est Deus hominem odisse, cum iram inferret, cum sententiam mortis in eum ferret. Visus est dilexisse, cum per abolitionem peccati et mortis mortem sufferret. Mors ergo signum odii et amoris extitit; sed odii adversus culpam, quam homo commisit; amoris erga naturam, quam Deus condidit. Per mortem homini illatam effudit Deus iram et indignationem suam super omnes gentes, sicut scriptum est : *Calcaravi eos in furore meo; et conculeavi eos in ira mea* (*Isa. lxiii.*). Per mortem pro homine susceptam effudit Deus misericordiam et dilectionem suam super omnes gentes, sicut scriptum est : *Deus noster Deus salvos faciendi, et Domini Domini exitus mortis* (*Psal. lxvii.*). Ergo mors ira est et misericordia; judicium et beneficium, condemnatio et absolutio,

indignatio et reconciliatio. Deus autem reparacionis nostræ remedium sic dispensavit, et sic temperavit ut furorem suæ indignationis converteret in sacramentum redemptionis, et auxilium liberationis. Unde et dicit : *Salvavit mihi brachium meum; et indignatio mea ipsa auxiliata est vihi* (*Isa. lxiii*). Ergo ut omne os obstratur, et subditus fiat onnis mundus Deo, non dicat nunc onnis homo : Non me diligit Deus, qui mihi a morte non parcit; sed dicat potius, et obstupescat : O quam me diligit Deus, qui ut mihi parceret, sibi a morte non pepercit ! Compararemus ergo mortem cum dilectione; et apparebit, quia fortis est ut mors dilectio. De fortitudine mortis quis dubitet ? Quæ vis, quæ potestas, quæ dignitas, quæ nobilitas, quæ sapientia, quæ prudencia, quæ ars, quæ fraus, ei obsistere potest ?

Omnes debitores suos repetit, ab omnibus vegetal exigit, omnes involvit, nemini parcit, ubique terrarum regnat, omnes æquat, omnibus imperat, et expugnatores urbium ipsa inexpugnabilis expugnat. Hujus rei testes sunt, quotquot dormierunt in pulvere terræ, et sepulcra moriorum ipsa sunt testimonia hujus veritatis. Quique potentissimi et reges et principes, qui dederunt terrorem suum in terra viventium, et ipsi experti sunt, quid mors possit. Omnes mundi sapientes, qui astra cœli contemplati sunt, qui menses et dies supputabant, subito casu mortis præventi sunt, et in astutia sua comprehensi. In hoc autem gemina apparet fortitudo mortis, quodque potuit omnes rapere vel capere, potuit et omnes tenere, et non erat, qui de manu ejus posset eruere. Dilectio autem, qua nos dilexit Deus, vincula quibus mors a se captos constringebat, sua virtute dissolvit, ut non valeat nisi ad horam retinere, quos ad horam permittitur invadere. Christus enim resurrexit primitæ dormientium, fiduciam nobis resurgendi sacramento, et exemplo, et testimonio suæ resurrectionis, et verbo suæ promissionis confirmans.

Fortis est mors, quæ nos munere vitæ valet destruere. Fortis est dilectio, quæ ad usum melioris vitæ valet restituere. Fortis est mors, quæ nos exuvias hujus corporis potens est spoliare. Fortis est dilectio, quæ mortis spolia potens est diripere, non bisque resignare. Fortis est mors, cui non valet omnis homo resistere. Fortis est dilectio, ut ipsam valeat triumphare, aculeum ejus obtundere, contentionem sedare, victoriam confundere. Erit enim quando insultabitur, quando dicetur : *Ubi est mors aculeus tuus? Ubi est mors contentio tua?* (*I Cor. xv.*) Fortis est ut mors dilectio, quia mors mortis est Christi dilectio. Propter quod dicit : *Ego mors tua, o mors; mors tuus ero, inferne* (*Ose. xiii*). Dilectio quoque, qua a nobis diligitur Christus, et ipsa fortis est ut mors, cum sit ipsa quasi quadam mors, utpote veteris vitæ extincio, et vitiorum abolitio, et mortuorum operum depositio. Haec autem dilectio nostra ad Christum, quedam vicissim uero est, quamvis impar dilectionis ipsius quoad nos, et

A coimaginata similitudo. Ipse enim prior dilexit nos, et per exemplum amoris quod nobis proposuit, factus est nobis signaculum, quo efficiamur conformes imaginis ipsius, imaginem terreni deponentes, et imaginem cœlestis portantes, sicut dilecti sumus, sic et eum diligentes. In hoc enim nobis relinquit exemplum, ut sequamur vestigia ejus (*I Petr. ii*).

Propter quod dicit : *Pone me ut signaculum super cor tuum* (*Cant. viii*). Ac si diceret : Ama me, sicut amo te. Habe me in mente tua, in memoria tua, in desiderio tuo, in suspirio tuo, in gemitu et singultu tuo. Memento, homo, qualem te fecerim, quantum creaturis cœteris te prætulerim; quali dignitate te nobilitaverim, quomodo gloria et honore te coronaverim, quo modo paulo minus ab angelis te mino-

B raverim, quomodo sub pedibus tuis omnia subjicerim (*Psal. viii*). Memento, non solum quanta tibi fecerim, sed quam dura, quam indigna pro te pertulerim; et vide, si non inique agis contra me, si non amas me. Quis enim te sic amat, ut ego ? Quis te creavit, nisi ego ? Quis te redemit, nisi ego ? Quis defensor vitæ tuæ periculum duelli subiit, nisi ego ? Ut ergo vicissitudinem amoris mihi rependas, exere brachia, vires exerce; pone me ut signaculum super brachium tuum. Pugna pro me, sicut ego pro te. Ne mihi siulatoria adulatio blandiaris, ut dicas : Domine, amo te. Si auras ostende, quia auras. Ama, non verbo et lingua; sed opere et veritate. Ego vici mundum, pugnans pro te; sed adhuc mundus et

C princeps mundi adversatur tibi, adversatur et caro, ut cum his pugnes pro me, magis autem pro te. Tuum enim periculum vertitur, pugna est de anima tua, de salute tua; nec vinci poteris, nisi ex te; nec vincere, nisi ex me. Proinde non confidas in te, sed in me. Non enim in gladio tuo obtinebis hostem, et brachium tuum non salvabit te; sed dextera mea, et brachium meum, et illuminatio vultus mei. Si posueris me quasi signaculum super brachium tuum, tibi Victoria cedet. Sic pugna, non quasi aerem verberans; castiga corpus tuum, et in servitatem redige (*I Cor. ix*); ab omnibus abstine, sicut qui in agone contendit. Si tibi durum videtur hoc, quid accusari potes contra me ? Et ego custodivi vias duras. Si me velis æmulari, scito, quia dura est

D sicut infernus æmulatio. Oportet bibere calorem, quem ego bibi. Ego sitivi, et ego bibi, ego morte gustavi, ego ad inferna descendit; sed solutis doloribus inferni, resurrexi. Si tu per annulationis studium volens me imitari, te senseris gravari, et quasi in inferno cruciari, hoc est quod a te exigo, hoc est quod moneo, hoc est quod consulto, ut ad modicum crucieris, quasi in inferno, ne sine fine crucieris in inferno. Æmulatio enim quasi infernus est, similis loco penitentiæ; sed haec est via, quæducit ad introitum regni. Oportet enim haec pati, et sic ad vitam ingredi.

Hinc et martyres veri mei æmulatores, nunc complices regni; sed prius, abjectis corporibus et ossibus suis super terram morte, et prius morte contumelia affecti, dicentes : *Dissipata sunt eos*

nosta secus infernum (*Psal. cxi.*). Vide quomo lo me amaverunt, qui me secus infernum sequi voluerunt et ab inferno deglutiiri noluerunt. Si adversa patetis, et ob hoc aestimatione aliorum peccator et inferno proximus reputaris; habes, ut mecum dicere possis: *Repleta est malis anima mea, et vita mea inferno appropinquavit. Aestimatus sum cum descendentibus in lacum* (*Psal. lxxxvii.*) Pone me ut signaculum super cor tuum, ut me tota virtute diligas; pone me super brachium tuum, ut quae mihi placita sunt, tota dilectione perficias. Pone me super cor tuum, per affectum amoris; pone me super brachium, per effectum operationis. Habe me in exemplum et adiutorium pure sincereque diligendi; in exemplum et adiutorium bene operandi, et fortiter patiënti. Pone me super cor tuum, super omne quod cogitas, quod amas, quod tibi cordi est; ut omne quod charum est postponas, et me semper superponas, et me semper plus diligas; non solum quod extra te est, sed et plusquam quidquid intra te est. Denique plusquam te, ut te diligas propter me, non solum me propter te. Sit amor tui secundum me in summo cordis, sit amor mei supra summum cordis. Quoniam autem probatio dilectionis exhibilio est operis, pone me super brachium tuum. Sic pugnes, sic te exerceas operando pro me, ut opereris ex me. Ego sim spes tua, ego fiducia tua, ego fortitudo tua, ego patientia tua. Mihi dicas: *Domine, spes mea a juventute mea* (*Psal. lxx.*) Mihi dicas: *Diligam te, Domine, fortitudo mea* (*Psal. xviii.*) Mihi dicas: *Quoniam tu es patientia mea* (*Psal. lxx.*) Mihi dicas: *Deus meus, misericordia mea* (*Psal. lviii.*) Ne ponas carnem brachium tuum, sed mihi dicas: *Esto brachium nostrum in mane, et salus nostra in tempore tribulationis* (*Isa. xxxiii.*) Dilectionem exigo de corde tuo, in his quae intus sunt, simulationem, in his quae foris sunt. Sed ut scias an vera sit dilectio, fortitudinem animi attende; quae enim fortis non est et ut mors, vera dilectio non est. Attende primum ad dilectionem meam erga te, et mortem meam pro te. Cum ponerem animam meam pro te, non perseverantium malitia vel potentia, non mortis violentia animam meam extortis me invito, sed caritas ipsa me compulit, ipsa coegerit, ipsa mihi vim fecit. Quod potuit in aliis mors, hoc in me potuit dilectio, cui obsecuta est mors. Vide et in ceteris quid possit mors, quid possit dilectio, ut scias quia fortis est ut mors dilectio. Mors dividit charissima nomina, fœderaque junctissima, dividit et dilectio. Qui enim reliquerit dominum, vel fratres, aut sorores, aut patrem, aut matrem, aut uxorem, aut agros, propter nomen meum, centuplum accipiet, et vitam æternam possidebit (*Matth. xix.*) Dividit mors animam et carnem, dividit et dilectio. Qui enim non odit animam suam, non potest meus esse discipulus (*Luc. xiv.*) *Aemulatio vero in his quae foris sunt non apparet; quia vera est, si dura non est. Potest enim in prosperitate fingere, qui mecum non permanet in tentatione. Fortitudo ergo animi in divisione affe-*

*ctum, signum est dilectionis, quæ intus est. Du-
ritia vero tribulationis signum est simulationis, quæ
foris est. Hæc sunt signa a signaculo impressa.
Domine, qui dicis: Pone me ut signaculum super
cor tuum; fac quod jubes. Unde enim mihi, ut te
ponam super cor meum? Quomodo hoc possum? Verumtamen nisi hoc aliquo modo possem, sic ta-
men quasi per te, non mihi dices: Pone me. O di-
gnatio tua, Domine! o dignitas et libertas mea, Do-
mine! Non dignaris enim a servo tuo poni super
cor servi tui! et me tam dignum reputasti, et libe-
rum arbitrium mibi dedisti, quo possem reprobare,
quidquid tibi displicet, et eligere bonum, quod tibi
placet, et per electionem boni tibi placere vel adhæ-
rere, te participare, te in me habere, te supra me,
sicut dignus es, amare! Aufer a me, Domine, cor
lapideum, aufer cor coagulatum, aufer cor incircum-
cisum; da mihi cor novum, cor carneum, cor mun-
dum! Tu cordis mundator, et mundi cordis amator,
posside cor meum et inhabita, continens et implens,
superior summo meo et interior intimo meo! Tu
forma pulchritudinis et signaculum sanctitatis, signa
cor meum in imagine tua; signa cor meum sub mi-
sericordia tua, *Deus cordis mei, et pars Deus mea,*
in æternum (*Psal. lxxii.*) Amen.*

De miseria et egestate hominis ob culpam

Homo per culpan inobedientiae discedens a eo, reatus sui justissimam poenam luit. Deficiens enim ab incomutabili Deo, deficit et ipse in se, et per suos deficiendi gradus veterascit jugiter et senescit, donec novissima morte dissolvatur. Quod enim antiquatur et senescit, prope interitum est. Recedens homo a Deo, qui semper est unus et idem, divisus est ab ira vultus ejus; divisus autem in se, ne sili sit semper unus et idem, sed semper aliud atque aliud, et impletatur illud quod scriptum est: *Stultus ut luna mutatur* (*Ecli. xxvii.*) Ita enim a se dissidet et distat; ita dissentit et discordat, ut vix alter alteri magis contrarius queat inveniri, quam unus homo ipse sibi. Vult enim et non vult; idem vicissim odit et amat, tractat et retractat, probat et damnat, querit et abhicit, curat et negligit. Sæpe post comitum negotium cepti taedet, post factum facili poenitet; vota sua et desideria, studia et consilia, cogitationes et affectiones et intentiones, quasi semper sibi displicens, multipliciter mutat, et in his omnibus ipse mutatur. Sane, *vir duplex animo inconsans est in omnibus viis suis* (*Jac. 1.*) Quænam est pax ui- sero homini in tanta mutationum vicissitudine, iu- tanta inconstantis animi levitate? *Non est pax impio,* dicit Dominus (*Isa. lvii.*) Perversus animus Deo sibi contraire ipse sibi tortor est et tormentum; poenas a se semper exigit, et semper solvit; et qui Deo adversatur per reatum culpe, quasi Dei minister est in exactione poenæ. Vide, quomodo mali ab ira vultus Dei divisi sunt, qui etiam sibi in tantum ad versantur, ut sese persecuantur, quantum Deo con trarii, tantum etiam sibi, ut qui in sua voluntate pacem non inveniunt, quia in voluntate Dei offen-

est eis pars neque sors in terra sanctorum. Pos-
sessio hujus terræ mansuetis promittitur, quia
beatæ societatis participatio mansuetudine acquiri-
tur. Omnis quippe sancta societas pace stabilitur;
pax vero sine mansuetudine non retinetur. Sicut
enim iumentum inquietum in junctura non trahit,
sed turbat; sic immansuetus in congregazione bo-
norum pacem turhat, fodus amicitiae rumpit, vin-
culta societatis solvit, proximo detrahit, adversus
proximum opprobrium accipit; nunc pugnat, nunc
litigat, nunc murmurat, nunc in disceptationibus
cogitationum et suspicionibus de aliis judicant, sicut
juvenus indomitus et cervicosus jugum detrectat;
mens ejus præceps ad iram, oculus ad invidiam,
lingua ad contumeliam; nec socialiter vivit, sepe
a communione societatis studit sui singularitate
se disjungit; sibi perniciosus, aliis inquietus, ne-
gotium communis salutis suo exemplo non adjuvat,
sed unitatem dissipat; et sicut pravus socius com-
muniter impedi communem opus. Virtus autem man-
suetudinis sicut ab omnibus his malis semper est
aliena, ita paci familiaris semper est, et amica.
Hujus autem virtutis proprium est, injuriam nec
inserre nec referre; hoc est, nec gratis nocere, nec
vindictam expetere, hoc est, nec inimicum esse,
pec vultorem. Ambo autem, et inimicus et ulti, ini-
mici Dei sunt: quos destruet ipse, ut ex ore infan-
tium et lactentium persiccat laudem propter inimicos
auos (*Psal. viii*). Qui sunt lactentes et infantes, nisi
parvi, humiles, simplices, mites, mansueti, patien-
tes, et non vincentes in malo bonum, sed vincentes
in bono malum? Insans verba non promit, lactens
lac sugit. Audi tamen infantem loquentem: *Posui*
ori meo cus'odiam, cum consistaret præcator adversum
me (*Psal. xxxviii*). Si maledicunt, non maledicunt;
si percuntur, non comminatur. Mutus est enim ad
injuriam, et dicit: *Factus sum sicut homo non*
audiens, et non habens in ore suo redargutiones
(*Psal. xxxvii*). Lactentibus vero dicitur: *Deponentes*
omnem malitiam, et omnem dolum, et simulationes,
et omnes detractiones; sicut modo geniti infantes
rationabiles lac concupiscite, ut in eo crescat in
salutem (*I Petr. ii*). In his enim beneplacitum est
Domino, et exaltabit mansuetos in salutem. Nonne
recte terra viventium est, ubi beatissima societas
electorum promittitur mansuetis; qui in præsenti
societate bonorum per innocentiam et patientiam
socialiter vivunt, servantes unitatem in vinculo
pacis? Digna merces mansuetis quieta hujus posses-
sio terra, ubi beata societas pace firmatur, quæ
sine mansuetudine non retinetur. Propter quod
Propheta ad Deum dicit: *Fiat pax in virtute tua*
(*Psal. cxxi*). Quam virtutem, Domine, quam re-
ctius dixerim, quam eam, cuius exemplum in te ipso
proponis, dicens: *Discite a me, quia misericordia sum et*
humilis corde? (*Matth. xi*). In mansuetudine itaque
fit pax, et retinetur pax, ut in patientia primo pos-
sideamus animas nostras, mox transferendi ad re-
gnum pacis, ubi quies æterna preparata est quiet-

A tis, et abundantia in turribus tuis, Domine, tan-
quam in parvulis et humilibus. Si copiam lactis et
mellis querimus, acceleremus gressus nostros ad
terram hanc. Audivimus enim quod regio ista laetis
sit et mellis abundans, utpote aliena ab omni malo
pro mercede prioris innocentiae, et plena omni bono
pro mercede prioris patientiae. Mansuetudo nempe
hominis ad proximum ex innocentia constat et pa-
tientia; critque merces patientiae sicut mel, per
omnem abundantiam boni.

De mansuetudine hominis ad Deum.

Si juxta quartum modum terra promissionis in
Christo, qui est finis promissionum, intelligimus,
quærentibus quomodo semen Chanaan habitaverit
in terra illa, difficile videbitur respondere. Nam
quem locum inveniet maledictio, ubi habitat gratia
plenitudo? Christus enim ex Maria virgine de Spi-
ritu sancto conceptus, a peccatoribus segregatus,
excelsior cœlis factus, sicut plenus fuit omni grati-
tia, ita liber ab omni culpa. At tamen prius investi-
gator sibi forte fideleri satisfacere possit, si secum
non contendat, sed pie attendat unitatem capitis
et corporis Christi, et mortalitatis nostræ condicio-
nen in Christo? Nam quia caput nostrum esse vo-
luit, ut dilectis altius commendaret charitatem, qua
nos arctius tanquam membra sibi conjunxit, pro-
pter unitatem ineffabilem nos in se transfigurans,
causam nostram agit apud Patrem, et dicit: *Quare*
me dereliquisti? Longe a salute mea verba delictorum
meorum (*Psal. xxi*). Tanquam sua dicit nostra de-
licia, et nobis imputanda, sed ab illo nobis non re-
putanda. Nostra quidem erant, et ab ipso aliena,
qui non habuit conscientiam propriæ iniquitatis, et
compassionem sensit alienæ calamitatis, ut nos re-
conciliaret Deo; qui non noverat peccatum, pro
nobis peccatum fecit, ut nos efficeremur justitia
Dei in illo. Christus nos redemit de maledicto legis,
factus pro nobis maledictum, quia scriptum est:
Maledictus homo, qui pendet in ligno (*Deut. xxii*;
Galat. iii). Maledictio autem jam finem accepit,
quia Christus resurgens ex mortuis jam non mori-
tur, mors illi ultra non dominabitur (*Rom. vi*). Te-
nemus ergo terram promissionis, non terram a Dan
usque Bersabee, non a flumine magno Euphrate
usque ad flumum Ægypti; non a mari usque ad
mare, et a flumine usque ad terminos orbis terra-
rum. Sed promissiones Abrahæ dictas intelligimus
in Christo esse completas, cum Propheta dicente:
Dominus pars hereditatis meæ et calicis mei, tu es
qui restitues hereditatem meam mihi. Funes cecide-
runt mihi in præclisis; etenim hereditas mea præ-
clara est mihi. Benedic Dominum, qui tribuit mihi
intellectum (*Psal. xv*). In Christo ergo est hereditas
nostra, et portio nostra, et secundum dispensatio-
nem naturæ pro nobis susceptæ, ibi est terra pro-
missionis; terra, de qua dictum est: *Benedixisti,*
Domine, terram tuam (*Psal. lxxxiv*): et de qua ite-
rum scriptum est: *Ut inhabet gloria in terra nostra,*

*em. sc. am : Multe enim tribulationes iustorum (Psal. xxxviii). Portant mali crucem suam, nonnunquam volentes, et laeti, et hilares. Nam pro rebus vanis, quas vanissime amant, querendi, angendis, conservandis, sponte suscipiunt labores multos et magnos, tribulationes militas et malas. Sed quia malunt pati pro mundo, quam pro Christo, inanis est eorum patientia; et apud Deum nec nomen meritum habent, nec spem praemii. Contrito enim et infelicitas in rebus eorum, et rebus pacis non cognoverunt (Rom. viii). Hi quidem felices essent, si converterent ad veritatem, quod disponunt ad vanitatem. Nunc autem sponte miseri sunt: et tanto miseriiores, quanto se extimant beatiores. Nam quia beatos se putant, miseriam quam sponte perferunt, non vident, sicut Ephraim vitula docta diligere tritaram (Ose. x). Propter spem inanis paleae diligit vitula laborem tritare. Recte assimilatur generatio haec jumentis insipientibus, equo et mulo, quibus non est intellectus; quorum maxilla in camo et freno constringuntur, quia non approximant ad te, Deus, qui in ignem dejectiles eos in misericordia non subsistunt (Psal. xxxi). De miseriis ad miseras currunt, et supplicia supplicia mercantur. Tu, Domine, servabilis nos, et custodies nos a generatione hac in aeternum (Psal. xi). Portant nulli nonnunquam crucem suam in oneris. Flagellati enim a Deo contra stimulum calentur et murmurant, suo judicio esse excusant, et Dei justitiam accusant, et sicut serpentes prensi queruli sibilant; alii qui similia non patientur, meliores se judicant, et talibus flagellis indignos se extiment. De qualibus scriptum est. *Præcordia fatus, sicut rota planstri (Ecccl. xxix);* senum portat, et murmurat. Murmuratio planstri onus non relevat, murmurat, sed nihilominus portat. Sic et fatus onero tribulationis pressus per impatientiam ipsa sibi sarcina est; et vere senum est, quod hodie est, et eras in ciborum mittitur (Matth. vi). Fatus fatura loquitur, et os stultorum ebullit stultitiam. Quid autem stultus est, quem in adversis esse extollere, et in carnum os suum ponere, et in ipsa infirmitate infirmitatem suam non cognoscere, et ira Dei iram provocare? Quanto rectius annuntiant, qui cum beato Job dicunt: *Sicut Domino placuit, ita factum est; sit nomen Domini benedictum?* (Job i). De talibus scriptum est: *Adhuc multiplicabuntur in senecta uberi, et bene patientes erunt, ut annuntient, quoniam regens Dominus Deus noster et non est iniquitas in eo* (Psal. xc).*

De veteri homino terreno, carnali, animali.

Crux quam portant mali, sive volentes, sive violentes a sinistris est; crux digna cruce dignis. In hac cruce vetus homo crucifigitur. Apostolus enim de cruce Christi prælocutus, subintulit: *Vetus homo noster simul crucifixus est* (Rom. vi), ostendens simul cum Christo, hoc est pro Christo, veterum hominem crucifigendum esse. Vetus homo ergo, nisi ille qui sit: *Invecerari inter omnes*

A inimicos meos? (Psal. vi.) Qui sunt inimici ejus, inter quos veteravit, nisi domestici ejus? Novus certe homo eosdem habet domesticos et amicos, qui sunt cives sanctorum et domestici Dei. Nam et ego inveteravi inter omnes inimicos meos. Nec solum inimicos illos loquor, qui extra me sunt, inter quos habitavi cum habitantibus Cedar; sed illos inimicos magis nunc dico, qui in me sunt, qui inhabitant terram cordis mei, et terram carnis mea. Nam Charanæ, et Jelusæ, et Pherezæ habitant ibi, et inimici facti sunt mihi. Et ego ipse tanquam homo malus et vir iniquus, mihi meipsi inimicus sum, ut recte sicut pro me, ita et contra me orare possim, et dicere: *Eripe me, Domine, ab homine malo, a rivo iniquo eripe me* (Psal. cxxxix). Eripe me Domine a me. Non est enim, Domine, quem timere debeam post te, quantum me. quis enim ita insidiatur animæ meæ, ut ego? quis ita adversatur saluti meæ, ut ego? quis ita ingenirosus est in exitium meum, ut ego? qui ita seductio blanditur mihi, ut peream, sicut ego? quis ita querit animam meam, ut auferat eam? quis pretium meum cogitat repellere? quis, Domine, præcizram illam hereditatem a te repromissam, molitor mihi auferre, ita ut ego? quis odit animam meam odio iniquo, plusquam ego? et ego quidem gratis. Quid enim mihi mali fecisti, anima mea? Tuum est, quod vivo; tuum est, quod audio; quod video, quod vigeo, quod valeo; tuum est, quod sentio, quod intelligo, quod sapio; si tamen sapio, et non magis despicio. Nonne ingratus sum, nonne malignus, et malevolus sum, quia iniquitatem diligo, et te odi? qui enim diligit iniquitatem, odit animam suam (Psal. x). O anima mea, nonne iniquitas magna est, si ego odi te diligenter me? *Quod si odi te, quomodo non odi me?* Nonne tu es anima mea, et vita mea, imo quid es nisi anima mea, et vita mea? quo jure possum te non amare, vita mea, et unica mea? *Var mihi, si mea culpa peritura es semper, et ego semper tecum.* Si peritura es, cui rectius imputare possum, quam mihi? Si peritus es tu ego, quod avertat Deus, cui imputem, mihi, an tibi? Si mihi, et tibi, var pariter et mihi et tibi. Si culpa tua malus sum, et dignus perire, qua ratione possum amare te causam perditionis meæ? Si sic mihi futurum erat, melius mihi esset si natus non fuisset. Quid mihi consilii superest, antequam peream, ut non peream? Nam si semel periero, quod absit! quid ultra potero, nisi tantum perire? Domine Deus, ex tunc ira tua; ex tunc non est consilium, non est prudentia, non est sapientia, non est ratio; perire perseverabit, quem semel perire contigerit. Scio quid faciam, antequam peream, imo ne peream. Clamabo ad Deum Altissimum, Deum qui beneficit mihi (Psal. lvi). Altissimus est Deus, et ego in profundo sum iniquitatis; clamore valido opus est, alioqui non audiet me, quia Altissimus est. Dicam iniquitates meas Deo, qui gratis sanctificat impium. Confitebor domino,

quoniam bonus (*Psal. cxvii*). Sicut paenitens dolore A compunctus loquar in amaritudine animæ meæ; dicam Deo: *Noli me condemnare* (*Job x*). Ipse me iudicabo, ipse me condemnabolo. Noli tu, Domine, me condemnare. Sine me laborare in hac parte. Semel laborasti pro salute nostra, laborem et dolorrem considerans, ut traderes nos in manus tuas. Bone Jesu, non est res cui nominis, damnare dabantem se, perdere judicantem se. Salvatorem te vocat mundus, non perditorem. Tu quidem malos male perdes; sed perseverantes in malitia sua. Ego tñlo perseverare in ea. *Dic ergo anima mea : Salutis tua ego sum* (*Psal. xxxiv*). Anima mea, quamvis multum sis rea, et pro multo reatu multum pavida, nonne tibi arridet spes venie in dulcissimo nomine benignissimi Jesu? Quid mœrore consumeris? quid in amaritudine tabescis? Nunquid consiliarius non est tibi? *Nunquid resina non est in Galaad, aut medicus non est ibi?* (*Jer. viii*.) Quare tristis es, anima mea, et quare conturbas me? Spera in Deo, quoniam adhuc confitebor illi, salutare rultus mei et Deus meus (*Psal. xli*). Dum me consolari desidero in soliloquio meo, suspendium elegit anima mea, et mortem ossa mea. Tædet enim animam meam vita meæ. Nec mirum. Vita quippe mea mala est, et ego vetus homo sum, et morti vicinus; homo malus, et vir iniquus; homo terrenus, portans imaginem terreni; homo carnalis venundatus sub peccato; homo animalis, non percipiens ea quæ sunt spiritus Dei (*I Cor. ii*); homo reus mortis, et cruce dignus; nec una tantum cruce. Alia enim crux debetur terreno, alia carnali homini, alia animali. Et ego unus homo omnes isti; et omnes isti in me uno; et adversum me omnes cogitationes meæ in malum. Inhabitabunt et abscondent, ipsi calcaneum meum observabunt (*Psal. lv*). O dura et gravis, o misera et miserabilis huinana conditio! Inimici enim nostri vivunt, et confirmati sunt super nos; et inimici nostri ipsi nos sumus, terreni, carnales, animales; nec pax, nec securitas est nobis a nobis, donec in cruce appensi simul cum Christo crucifigamur, ut in nobis destruatur corpus peccati, ut ultra non serviamus peccato, sed peccatis mortui justitiae vivamus (*I Petr. ii*); et sine timore de manu inimicorum nostrorum liberati, serriamus illi, in sanctitate et justitia coram ipso, omnibus diebus nostris (*Luc. i*). *De homine terreno.*

Primo crucifigendum est in nobis terrenus homo, deinde carnalis, postea animalis; deinde induendus est homo, qui secundum Deum creatus est. Apostolus de terreno homine loquens, sic ait: *Primus homo de terra terrenus, secundus homo de cælo caelestis* (*I Cor. xv*). Et iterum: *Sicut portavimus imaginem terreni, portemus et imaginem caelestis* (*ibid.*). Terrenus ergo vetus homo est. Capit enim a diebus prævaricationis Adæ. Hujus imaginem portant, qui terrena sapiunt, qui tantum cogitant quæ sunt mundi, quomodo placent mundo, qui nimis amant terrenam substantiam et terrenam gloriam. Quæ sit autem imago ter-

reni hominis, Psalmista ostendit, dicens: *Homo vanitatis similis est* (*Psal. cxliii*). Homo siquidem aversus a Deo, vana diligens et vana faciens, ipse quoque vanus, imo ipsa vanitas efficitur. Qualia sunt opera ejus, talis et ipse opifex. Qualis est homo extra se, in opere quod facit, talis est apud se in corde, ubi facienda disponit. In opere enim suo quasi in speculo auctor exprimitur. Erat autem in homine ante peccatum imago, scilicet Dei, qui est veritas. Post peccatum vero deformata est in homine imago veritatis, et repicta est in eo imago vanitatis. Vanitati enim similis factus est, et quia in veritate non stetit, dies ejus sicut umbra prætereunt. In imagine enim pertransit homo (*Psal. xxxviii*). Nonne vides quomodo terrenus B homo avaritiam sectatus, postposita imagine Dei, cupit amare imaginem nummi, cuius pretium in errore et stufo hominum opinione consistit? Numnum autem imaginem et superscriptionem hominis continentem, quasi ad imaginem et similitudinem hominis facit homo, mutans imaginem incorruptibilis Dei in similitudinem corruptibilis hominis, serviens potius creaturæ quam Creatori, per errorem philargyriæ quæ est idolorum servitus (*Ephes. v*). Quid sunt enim argentum et aurum, publicæ monetæ charactere signata, nisi quædam simulacra regum, et opera manuum hominum? Illi sunt, avare, hi sunt dii tui, quos toto corde, tota anima, tota mente diligis, quos præcipuo honore colis, in quibus confidis, in quibus totam spem in omni necessitate ponis. Ubi enim est thesaurus tuus, ibi est et cor tuum (*Matth. vi*). Erit autem tempus, quando dicetur talibus: *Ubi sunt dñs eorum, in quibus habebant fiduciam?* de quorum victimis comedebant adipes et bibebant vivum libaminum. Surgant et opitulentur vobis, et in necessitate vos protegant (*Deut. xxxii*). Conversatio autem terreni hominis non in cœlis est, sed in terra. Non enim respicit cœlum, sed oculos suos statuit declinare in terram; terram lingit, terram comedit omnibus diebus vitæ suæ; conglutinatus est in terra venter ejus; infixus est in limo profundus, et non est substantia. Non enim statuit supra petram pedes suos. Semper intrat in inferiora terræ, donec D deglutiatur a terra, sicut Dathan et Abiron; pro terra litigat, pro terra pugnat, donec fodatur peccatori fovea, et donec obruatur terra resolvens; in terram, qui factus est de terra. Verumtamen tota vita sua superbit in gloriam suam. Alienæ felicitati invidet, tam alienus a charitate, quam plenus cupiditate. Non est benignus, non est patiens; sed est ambitiosus, et æmulatur, et agit perperam, quærit quæ sua sunt, non quæ Jesu Christi. Cor ejus grave est; diligit vanitatem, et quærit mendacium; os ejus abundat malitia, lingua ejus concinnat dolos. De terra est, et de terra loquitur. Egestatem semper timet, et ad cautelam futuri temporis sicut semper serval augenda, ita semper augæservanda. In omnem casum superventuræ necessitatibus

tis sibi prospicit; odore lucri semper replentur nares ejus, et dextera muneribus. Omnem artem augendi quæstus prudentiam vocat; paupertati insultat; in illius æstimatione paupertatis nomen probro ducitur. Omnes res suas in tuto collocat; spem longioris vitæ semper sibi promittit, donec dicatur ei: *Stulte, hac nocte animaga tuam repeatent a te; ea autem quæ parasti, cujus erunt?* (Luc. xii.) Hic ergo cum interierit, non sumet omnia, nec descendet cum eo gloria ejus (Psal. xlviii). Hic homo amicus mundi est, et inimicus Dei constituitur. Hic est enim, qui contra Christum clamat, dicens: *Tolle, tolle, crucifige eum* (Joan. xix). Terreni nempe erant, qui dicebant: *Si dimittimus eum sic, omnes credent in eum; et venient Romani et tollent nostrum locum et gentem* (Joan. xi). Nondum invidia terreni hominis contra Christum quievit. Persequitur enim Christum in nobis, ne vivat Christus in nobis. Si quis igitur Christi est, armet se zelo vindictæ contra persecutores Christi. Clamemus ad alterutrum pro Christo contra inimicum Christi: *Tolle, tolle, crucifige eum. Sed quam accusationem afferemus adversus hominem hunc? Ecce homo, qui non posuit Deum adjutorem suum, sed speravit in multitudine divitiarum suarum, et prævaluit in vanitate sua* (Psal. li). Tolle, tolle, crucifige eum. Si hunc dimittis, non es amicus Dei. Sicut fecit, sic fiat ei. Crucifixit, crucifigatur. Dignus est enim cruce, et reus est mortis. Quenam, inquis, est crux hominis istius? *Æstimo, quia contemptus mundi.* Quæquidem crux quasi ex duobus lignis aptatur, contemptu scilicet terrenæ substantiæ et contemptu terrene gloriæ. Amat nempe terrenus homo duas res; quia confidit in virtute sua, et in multitudine divitiarum suarum gloriatur. In mundo confidit; liberet eum, si potest. A contemploribus mundi extendatur in cruce, et totus extendatur in longum et in latum. In contemptu terrenæ gloriæ, hoc est in voluntaria vilitate, extendatur altitudo ejus. Hæc est autem altitudo ejus, terrena gloria, in qua querit exaltari. In contemptu terrenæ substantiæ, hoc est in voluntaria paupertate, extendatur latitudo ejus. Hæc est enim latitudo ejus, terrena substantia, in qua querit, sive ad dexteram, sive ad sinistram, dilatari. In hac cruce appendatur terrenus homo: hic extendatur, et extensus moriatur, et mortuus sepeliatur, et non adjiciat, ut resurgat; sed destruat eum Deus in finem, et evellet eum de tabernaculo suo, et radicem suam de terra viventium (Psal. li) et dispereat de terra memoria illius; *pro eo quod non est recordatus facere misericordiam, et persecutus est hominem inopem et mendicem* (Psal. cviii).

De homine carnali.

Est alia crux, in qua appendendus est homo carnalis. Nam, quamvis idem homo sit terrenus et carnalis, secundum causam nominis tamen et differentiam amoris aliquid interesse videtur. Apostolus de lege peccati, quæ est in membris, loquens, inter-

A crætera sic dicit: *Ego carnalis sum venundatus sub peccato* (Rom. vii). Qui venundatus sub peccato est, servus aliquo modo, et non plene liber est. Non enim quod vult bonum, hoc facit, sed quod non vult malum, hoc agit. Et si malum penitus vult, et malum facit, jam servus est peccati, quia ipse facit peccatum. *Omnis enim qui facit peccatum, servus est peccati* (Joan. viii), jam plene venundatus est sub peccato, pro consensu voluntatis accipiens numerum illicitæ delectationis. Passiones siquidem peccatorum operantur in membris nostris, ut fructificant morti: et has quidem passiones nos omnes, sive boni, sive mali, communiter, quamvis non æqualiter, sentimus; sed non omnes his consentimus. Qui autem sentit, et non consentit, non omnino immunis est a culpa. Malum enim quod non vult, illud facit. Nam sentiendo passionem concupiscentiae, malum concupiscit, et nou vult concupiscere malum. Facit itaque malum, quod non vult; nam malum concupiscere, malum est. Qui autem concupiscit malum, et non consentit, malum facit quodammodo, in quantum concupiscit malum: et, quia non consentit, aliquo modo non operatur illud; quia tentatus a concupiscentia, quasi invitus patitur quod pati non vult. Hinc Apostolus concupiscens et non consentiens, utrumque dicit, se facere malum, quod non vult, et se non operari illud. *Quod nolo, inquit, malum, illud facio*, hoc est concupisco, et concupiscere nolo. *Et jam non ego operor illud, sed quod habitat in me peccatum* (Rom. vii); quasi diceret: Concupiscere nolo, et concupiscentie non consentio; sed legem peccati quæ est in membris meis, invitus sentio. Movetur enim in me, ita ut a me sentiatur; sed non me intantum movet ut ei consentiatur. Iustus itaque cum tentatur a concupiscentia sua, aliquam habet excusationem, quamvis non sufficiat, ut omnino immunis sit a culpa. Requisitus enim cur titillationem carnis in carne sentiat, cum non consentiat, habet quod respondeat. Jam non ego operor illud, sed quod habitat in me peccatum. Sentire autem vel non sentire passiones membrorum, nos semper est in nostra potestate; consentire autem sic est in nostra potestate sicut non est sine nostra voluntate. Aliquando vero qui sentit, et non consentit, fixum habet in corde omnino non consentire; et in desiderio habet, tentationem omnino non sentire: sed quod sentit, infirmitatis est; quod non consentit, virtutis est; quod desperat omnino non sentire, studium pacis et securitatis est. Aliquando vero qui dispositum habet non consentire, vult tamen hujusmodi passionem sentire, quia ex ipsa tentatione aliquis proventus speratur et expectatur. Tanto enim Victoria gloriosior existimat, quanto validior fuerit tentatio, cui resistitur. Propterea nonnulli volunt sentire, qui non volunt consentire, ut non consentientes sentiant, et tentati resistant. Periculosem est autem hujusmodi tentationem spongia appetere, et etiam venientem, qualenus datur, non

hoc est, poculum meum cum fletu miscebam. Sic quidem sic fieri oportet. Nam modicum vinum nobis necessarium, propter frequentes infirmitates (1 Tim. v). Et si vinum temperatum non esset, quis ebrius non esset? quis caput non doleret? quis spiritum vertiginis non haberet, quem miscuit Dominus in medio Aegypti? Expedit ergo, ut poculum fletu misceatur, ut gaudium mærore temperetur, ut virtus in infirmitate humilietur.

De quarta lugendi causa.

Si autem adeo grave est, quod nunc urget, ut lacrymas extorqueat, quanto magis lacrymas elicat, quod in posterum terret? Illud enim æternum est, hoc transitorium. Hoc vix, sed quoquomodo tolerabile, illud omnino intolerabile. Quis enim poterit habitare cum igne devorante aut quis habebit cum ardoribus sempiternis? (Isa. xxxiii.) Quid ergo mirum, si timor iste habeat luctum suum? Quis enim sapiens, et non desiderat extinguere lacrymis ignem inextinguibilem? In me transierunt, ait justus, iræ lue (Psal. lxxxvii). Hoc ad pœnam transitoriam, quæ nunc urget; et terrores tui conturbaverunt me (ibid.), hoc ad æternam, quæ plus terret. Et beatus Job: Sagittæ, inquit, Domini in me sunt; quarum indignatio ebit spiritum meum; et terrores militant contra me (Job vi). Quid dicit, Sagittæ Domini in me sunt, hoc est in me transierunt iræ tuae: quod dicit, terrores militant contra me, hoc est terrores tui conturbaverunt me. Hanc mæroris causam insinuat Propheta, cum dicit: Poculum meum cum fletu miscebam; a facie indignationis tuae, quia elevans allisisti me (Psal. ci). Vide quæ sit elevatio, et quæ sit allisio. Homo ad imaginem et similitudinem Dei factus, qua rationis capax est, ideo et beatitudinis particeps esse potest. Haec est elevatio. Sed quia potest salvare, et damnari haec est allisio. At bruta animantia cum non possint salvare, nec possunt damnari, nec rationem tenentur reddere, quæ non sunt naturæ rationem habere. Hæ quatuor cause mæroris, prima de timore peccatorum quæ fecimus; secunda de periculo temptationum quas sustinemus; tertia de pondere tribulationum, quo nunc urgemur; quarta de judicio damnationis, quo terremur; a Propheta, sed alio ordine nobis insinuantur: Circumdederunt me dolores mortis, et torrentes iniquitatis conturbaverunt me. Dolores inferni circumdederunt me; præoccupaverunt me laquei mortis (Psal. xvii). Dolores quippe mortis sunt dolores in morte et ante mortem, qui mortem indesinenter accelerant, et sicut præambuli mortis canemper nobis nuntiant. Responsum enim mortis habemus in nobis. Torrentes iniquitatis, inundantes impetus peccatorum, quæ sicut torrentes in præcipitum semper vadunt, et nos secum trahunt. Dolores inferni, qui sint, ipso eorum nomine manifestum est. Laquei mortis tentationes sunt, quas more aucupis vel venatoris ad capiendas animas parat is qui tentat. Hæ quatuor mensuræ sunt, vel quatuor hydriæ, quibus si addantur duæ, erunt

A sex hydriæ, et lapideæ, et singulæ capientes metretas binas vel ternas, secundum purificationem Judæorum (Joan. ii). Judæi nempe sunt pœnitentes et confessores, qui suis lacrymis purificationem Judæorum insinuant, quibus et potus datur in lacrymis in mensura (Psal. lxxix). Et quoniam supplicia temporalia vel æterna nobis metuenda sunt et lugenda, pro temptationibus admissis, et peccatis commissis, quæ voluntate et opere fecimus, interdum autem et consuetudine, idcirco singulæ istæ hydriæ metretas capiunt binas vel ternas. Et si sola voluntate quis peccat, et pœnitentia compunctus inde lugendi causam assumat, nec his desunt metretæ binæ vel ternæ. Nam appetitus et consensus et consentiendi delectatio si adhibeatur, hunc vel illum numerum efficiunt. Lapide autem sunt, aut pro duritia cordis hactenus lapidei, aut pro firmitate melioris propositi, quæ pie lugentibus necessaria est. Nam de duritia cordis per prophetam a Domino dicitur: Auferam cor lapideum de carne restra (Ezech. i). De firmitate vero mentis dicitur: Posui faciem meam ut petram durissimam (Isa. l.).

De quinta lugendi causa

Lacrymæ autem nostræ ex prædictis quatuor causis obortæ, amaræ nobis semper sunt, vel sicut aquæ insipidæ, utpote quæ de odio aut tædio dolore aut timore procedunt; et eorum sunt, quæ nobis odio sunt, et tædio, dolori vel timori. His enim affectus erat, qui dicebat: Heu mihi, quia involutus meus prolongatus est! (Psal. cxix.) Sed, sicut istæ descendunt de odio malorum, sic quedam sunt lacrymæ dulciores, quæ erumpunt ex desiderio bonorum. Bona autem nunc dicimus, ea quæ spiritualia sunt, et bonum faciunt; vel æterna sunt, et beatum faciunt. Utraque autem bona nobis desiderio sunt, et utrumque desiderium suas lacrymas habet. Sæpe enim compungimur desiderio boni, quod nos justificet in via, sæpe desiderio boni, quo beatificemur in patria. Utraque autem nobis a Deo repromissa sunt, et cuim lacrymis et genitibus inenarrabilibus postulanda. Hinc Propheta: Posuisti, inquit, lacrymas meas in conspectu tuo, sicut et in promissione tua (Psal. lv). Et: Quando veniam, et apparebo ante faciem Dei? Fuerunt mihi lacrymæ meæ panes die ac nocte (Psal. xli). Justitia autem nostra in affectu bonæ voluntatis est, aut in affectu operis, sicut incipientibus, aut in usu bonæ consuetudinis, sicut exercitatis. At præ singulis his sua merces speratur, desideratur et exspectatur. Ergo et hæ hydriæ singulæ capiunt metretas binas vel ternas. Omnes autem hæ lacrymæ, quæ de tædio malorum, sive ex desiderio bonorum manant, communes possunt esse bonis et malis. Nam pro omnibus his causis compunguntur boni, compunguntur et mali. Plorant boni, plorant et mali; sed salubriter boni, inutiliter mali. Nam Esau, ut Apostolus testatur, Capiens hereditatem promissionem, reprobatus est. Non enim invicil

In nobis. Quando autem infirmitas sentitur in nobis, cui non consentitur a nobis, destruitur corpus peccati, ut ultra non serviamus peccato.

Si per corpus peccati recte intellegitur consensus peccati, tunc corpus peccati vere destruitur, cum tentanti concupiscentiae non consentitur. Carnalis autem homo, quia homo peccati est, et alius perditionis, habens corpus peccati, cui concupiscentia est quasi pro anima ejus, et consensus quasi pro corpore: et cum concupiscentiae plene consentitur, quasi corpus peccati vivificatur, et jam peccato servitur. Forte alicui videbitur concupiscentia, cum ad carnem illam, scilicet quae concupiscit adversus spiritum, pertineat, magis carni similianda; consensus vero magis animae quam carni. Consensus enim in voluntate est, et voluntas consentiens in anima. In spirituali quidem homine sic est, in quo sensualitas ratione regitur, et suo superiori quasi inferior subjicitur. In carnali autem homine non sic; versa enim vice, et perverso ordine voluntas spiritus concupiscentiae carnis et consentiendo subjicitur, et inferio: inventitur quae consensu, quam cui consentit. Concupiscentia enim movet animam, ut sentiat quod prius non sentiebat: cum vero mota sentit, commota consentit, a sua dignitate degenerat, et locum suum deserens inferiori suo se subjicit, et quasi inde vivificatur, unde movetur; nec jam agit ut spiritus, sed patitur ut caro. Unde et corpori non immerito assimilatur. Per legem vero disciplinae consensus refrenatur, et corpus peccati destruitur, caro castigatur, ut non mens carni in lege carnis subjiciatur, sed a carne in lege mentis menti serviatur. Hinc Apostolus ait: *Ego custigo corpus meum, et in servitatem redigo (I Cor. ix).* De carnali autem homine haec dicta sunt.

De animali homine.

Animalis autem homo quis sit, ex verbis Apostoli innotescere potest; ait enim sic: *Animalis homo non percipit ea que sunt spiritus Dei. Stultitia enim est illi, et non potest intelligere, quia spiritualiter examinatur. Spiritualis autem judicat omnia: et ipse a nomine judicatur (I Cor. ii).* Carnalis homo a terreno homine amoris proprietate differre videtur. Amat enim ille terram, amat hic opera carnis. Animalis autem homo vel sensu vel affectu cognoscitur. Animalis est sensu, qui non sapit ea que sunt spiritus Dei. Animalis est affectu, cui non sapiunt ea quae sunt spiritus Dei. In spiritualibus enim animalis hominis examinatio fit; ibi examinatur, quisquis animalis est. Audit animalis homo verba Dei, et forte non intelligit, quia animalis est; aut si forte intelligit, statim aut tadio, aut odio, aut contemptu, aurem avertit. Stultitia enim est illi, quia animalis est. Hinc Apostolus ait: *Verbum crucis pereuntibus stultitia est (I Cor. i).* Illi quippe, qui crucem non credit, verbum crucis stultitia est, quia animalis est sensu, in vanitate sui sensus ambulans, et obscuratum habens intellectum. Illi vero, qui crucem credit, et exemplum crucifixi non imitantur, verbum crucis pro Chri-

A sto tollendae stultitia est, quia ejusmodi animalis est, non jam sensu, sed affectu; qui animalis est sensu, ignorat et errat, in tenebris ambulat, necit quo vadat, obscuratum est insipiens cor ejus; sapientiam Dei in mysterio absconditam stultitia reputat; sapientiam hujus mundi, quae stultitia est apud Deum, prudentiam vocat; aliud pro alio probat; bonum dicit malum, et malum bonum; ponit tenebras lucem, et lucem tenebras; ponit dulce in amarum, et amarum in dulce. Qui animalis est affectu, sine affectione est, divini amoris affectum in se non sentit. Duro enim et indomabili et insensibili corde aut tepet, aut riget, aut torpet, aut stupet; spiritualis militiae exercitia aut odit, aut fastidit, aut contemnit, aut negligit. In principio vigiliorum B scarum non consurgit ante conspectum Domini Dei sibi; cor suum sicut aquam non effundit; ignitas compunctiones, et arcana jubilationes in corde non sentit; non ambolet sanctis suspiriis, non extuat piis desideriis; non in lege Dei delectatur, non sanctis meditationibus inflammatur, non contemplationes suspenditur; non sedet solitarius et tacitus, ut elevet se super se; non petit ut accipiat, non querit ut inveniat, non pulsat ut aperiatur illi: divinis laudibus non occupatur, non loquitur sibimet in psalmis et hymnis et eanticis spiritualibus inter cantantes et psallentes in cordibus suis Domino: Sicut aeger languet stomacho, et ore amaricato fastidit cibam spiritualem, cibum qui non perit, qui permanet in vitam eternam. Omne escam abominatur anima illius; appropinquavit enim usque ad portas mortis. Homo animalis magis secundum animam, quam secundum corpus agnoscitur. Animale enim corpus habent in hac mortali carne degentes, non sohni animales, sed et spirituales. Corpus enim nostrum secundum praesentem statum hoc accipit: b anima, ut sensisseetur ab ea, sicut cetera animalium corpora. Sua mole pressum grave est et ponderosum, variis passionibus et corruptionibus obnoxium; necessitate moriendi astrictum, et ut modico tempore vival, alimentis, fomentis et medicamentis indigens; nunc proficiens, nunc deficiens, et in ipso sae profectu in defectum vergens, sicut vetus vestimentum, quod dum sarcitur, magis magisque veterascit et alteritur. Apostolus vero dicit: *Si est corpus animale, est etiam corpus spirituale (I Cor. xv).* Non est credendum, id eum dubitando dixisse. Non enim era Apostolo incertum, quod nulli debet venire in dubium. Constat enim, corpus esse animale; et constare debet, corpus esse spirituale. Alterum docet ipsorum experientia, et communis infirmitas nostra; alterum suadet conscientia fidei, et exemplum resurrectionis Iesu Christi: sed non prius quod spirituale, sed quod animale, delude quod spirituale.

Erit autem corpus nostrum spirituale, cum corruptibile hoc induerit incorruptelam; quando quod mortale est, absorbebitur a vita; quando consummabitur tabernaculum nostrum; quando teroplum Dei, quod nos sumus, dedicabitur, et coronis aureo-

facies templi ornabitur; quando caro nostra quasi ænea solidabitur, et quasi petra firmissima durabitur, ad omnem causam læsionis et violentiam passionis, et vim tentationis impenetrabilis et inaccessibilis. Erit autem corpus spirituale sua virtute gloriosum, leve et agile: non jam cibo indigens, ut post peccatum et ante peccatum; sed ab omni servitio corruptionis et necessitatis liberum; non in spiritus naturam versum, sed in summa libertate absque omni eo tradictione spiritui subjectum. Interim autem corpus animale communiter habent homo animalis et homo spiritualis: et magis secundum statum mentis quam corporis alter ab altero discernitur. In corde enim animalis homo a spirituali spiritualiter crucifigitur. Crux autem est æmulatio Dei secundum scientiam. Scientia enim et æmulatio arma sunt militiae nostræ, non carnalia, sed potentia Deo, ad destructionem munitionum; quibus nos armamur, destruentes consilia et omnem altitudinem extollentes se adversus scientiam Dei, et in captivitatem redigentes omnem intellectum in obsequium Christi (II Cor. x). Adverte in illis verbis Apostoli altitudinem adversus scientiam Dei extolli. Quæ est autem hæc altitudo, nisi de qua dicitur: *Noli altum sapere?* (Rom. xi.) Hæc est altitudo animalis hominis, qui in vanitate sui sensus ambulat. Altitudo autem crucis scientia Dei est, quæ in captivitatem redigit omnem intellectum in obsequium Christi. Latitudo vero animalis hominis animalis est affectus. Vagatur enim per illicita in via lata, quæ dicit ad perditionem. Latitudo vero crucis est affectus devotionis in latitudine charitatis. Sunt autem nonnulli, qui æmulationem Dei habent, non secundum scientiam; alii autem scientiam Dei habent, et non æmulationem. Verum, ut ex duobus lignis crucis statuta compingatur, jungenda est scientiæ æmulatio, et scientia æmulationi; ne sit indiscreta devotio, vel indevota discretio. Mundum siquidem animal est, quod et ruininat, et ungulain fundit. Indiscreta devotio a ten-

tatione rerum impossibilium plerunque Deum tentat, et ignorantia rerum utilium aut præsumnit, quod non expedit, aut quod expediat, prætermittit. At indevota discretio licet non erret in cognitione rerum utilium, errat tamen in electione. Videt meliora, probatque, deteriora sequens. Non minor error est eligere quod est deteriorius, quam ignorare quod melius. Sua sententia sese condemnat, qui electione probat quod iudicio reprobatur; et in alterutra parte stultitiae se arguit, qui estra necessitatis violentiam aliter eligit, et aliter sentit. Ad aliquam visibilem speciem contemplandam non sufficit interior lux oculorum sine adminiculo lucis exterioris, sicut nec ista versa vice sine illa lux lucem adjuvat, ut res visibilis videri queat. Non videt oculus clausus in meridie; non videt oculus apertus in tenebrosa nocte. Habet aliquid huic simile discretio sine devotione, aut devoutio sine discretione. Ad contemplandum speciem invisibilis Dei perduci desideramus et speramus. Duo oculi necessarii nobis sunt, quos illuminari a Domino petit, qui dicit: *Illumina oculos meos, ne unquam obdormiam in morte* (Psal. xxi). Oculus discretionis sine luce devotionis, aut oculus devotionis sine luce discretionis, minus videt: scilicet oculus qui in luce clauditur, vel in tenebris aperitur. Jungenda est ergo discretio devotioni, et devoutio discretioni, ut abundet in nobis charitas cum scientia, et scientia cum charitate, juxta consilium Apostoli dicentis: *Charitas vestra magis ac magis obundet in scientia et in omni sensu; ut probabis potiora, ut sitis sinceri, et sine offensione in die Christi* (Philip. i). Qui vero scientiam habet et charitatem non habet, hic infatuatus est a scientia sua. Sincera charitate enim nec magnitudo scientiæ, nec contemptus mundi, nec castigatio disciplinae, ante conspectum Dei aliquid est. Sola charitas gloriam crucis sibi vindicat, per quam nos gloriari oportet in cruce Domini Iesu Christi, qui est super omnia diligendus et benedicendus in sæcula sæculorum. Amen.

TRACTATUS DUODECIMUS

SEU EXHORTATIO AD SACERDOTES.

In illud Act. xx: *Attendite vobis et universo gregi, etc.*

Attendite vobis et universo gregi; in quo vos Spiritus sanctus posuit episcopos regere Ecclesiam Dei, quasi acquisivit sanguine suo. Apostolicus sermo ad vos dirigitur, o sacerdotes Domini, ministri Dei nostri. Vobis dicitur: Attendite vobis et universo gregi. Primum vobis, deinde gregi. Habenda est ratio salutis propriæ, his qui negotiorum procurant salutis alienæ. Castigatis moribus decet eos vivere, quibus credita est censura moralis disciplinæ. A se debent incipere, et sese non negligere quos primum oportet pro se rationem reddere. Attendite, inquit, vobis.

De attendite, quid estis secundum naturam infirmæ conditionis, quid secundum functionem injunctæ legationis, quid secundum dignitatem acceptæ potestatis, quid secundum humilitatem debitæ servitutis. Attendite, quid estis cum aliis, quid propter alios, quid supra alios, quid denique infra alios: Cum aliis quidem quid estis, nisi homines similes aliis, passibiles, in peccatis concepti, morienti necessitate astrikti, etsi per gratiam de peccatis liberati, nondum tentationibus inaccessibles, nondum insuperabiles? Nam et tentari potestis adhuc, et a tentati-

nibus superari, utpote infirmitate circumdati, ut possitus compati infirmitatibus alienis. Tales enim decet esse pontifices, qui norint esse compassibiles, eo quod sint et ipsi passibles. Ergo, quia homines estis, infirmi estis, sicut homines, secundum naturam infirmæ conditionis. Secundum functionem iunctæ legationis propter alios, angeli pacis estis, in quibus pœnitus Deus verbum reconciliationis, ut cum Apostolo dicere positis : *Pro Christo legatione fungimur, tanquam Deo exhortante per nos. Obsecramus pro Christo, reconciliamini Deo (II Cor. vi).* Nam quod angeli sitis, Malachias ostendit, cum ait : *Læbia sacerdotis custodiunt scientiam, et legem requirent ex ore ejus, quia angelus Domini exercituum est (Malac. 11).* Si autem angeli estis, in cœlis est conversatio vestra. Non enim estis in carne, sed in spiritu; sicut administratorii spiritus in ministerium missi, propter eos qui hereditatem capiunt salutis. Missi autem a Deo, qui facit angelos suos spiritus, et ministros suos ignem urentem. Et vos quidem sicut ministri Dei, non solum sicut ignis ardens, sed et ignis urens recte nuncupamini; ardentes sicut seraphim, sicut vicini Deo, et urentes, et illuminantes subditorum corda, ut calore igniti eloquii pariter ardeant, et a calore ejus non se abscondant. Deputati estis singuli ad custodiam multorum, et nemo subditorum sine angelo custode est, qui præsus ei, et custodiat eum in omnibus viis suis; sicut deo ad virum justum Propheta loquitur, dicens : *Quoniam angelis suis mandavit de te, ut custodian te in omnibus viis tuis (Psal. xc).* Verumtamen, cum sacerdotes Domini pro similitudine officii angelis assimilari, angelique possint dici; sicut honorum angelorum semper est societas affectanda, sic malorum angelorum similitudo semper est fugienda. Malè nempē sacerdotes cum boni angeli non sint, malis angelis rectius comparantur, qui de cœlo lapsi in veritate non steterunt, et honorem angelicæ dignitatis perdiderunt. Cœlestis autem conversatio sanctorum sacerdotum si cœlo comparari potest, nonne qui de sublimi vitæ sacerdotibus dignæ, ad indignam vilioris vitæ dejecti sunt, sic corruisse videntur, sicut angeli cadentes de cœlo? Qui etsi in illo sublimi culmine virtutum nunquam fuerunt, locum tamen nihilominus illum perdiderunt, quem habere potuerunt et debuerunt, sed non meruerunt. Inde enim excidisse videntur, ubi essent, si mali non essent; et ubi sunt, qui tales non sunt. Pròpterea ad eos tanquam homines, nec jam angelorum nomine dignos, pertinere videtur illa prophetica comminatio : *Vos autem sicut homines moriemini; et sicut unus de principiis cadetis (Psal. LXXXI).* Cecidit unus de principiis cui multi adhæserunt, sicut una membra uni capiti. Ne ergo et vos cadatis, sicut unus de principiis, at: endite, quia non solum angeli estis propter alios, sed et dii estis supra alios; et hoc secundum dignitatem acceptæ potestatis. Bene ergo Propheta comminaturus malis ruinam eum angelis malis, de bonis præmisit : *Ego dixi :*

A *Dii estis; et filii Excelsi omnes (Psal. LXXXI).* Potestas vestra de cœlo est, an ex hominibus? Non ex hominibus, sed ex Deo est. Quis enim potest peccata dimittere, nisi solus Deus? Et tamen vobis data est potestas diuinitendi peccata, quia Deus deorum Dominus locutus est, et dixit : *Quæcumque solerit super terram, erunt soluta et in cœlis (Matth. xxviii).* In hac autem potestate vestra Deus repræsentatur in terra a vobis, qui repræsentatione unius veri Dei dii nuncupamini et dii estis, ut per vestrum ministerium Deus semper præsens sit querentibus eum, non solum præsentia majestatis, sed repræsentatione suæ auctoritatis et potestatis. Attendite, quantus honor debeatur illi a vobis, qui tam honorabile nomen dedit vobis. In hoc enim nomine timendi estis et honorandi. Timendi ut judices, honorandi ut patres. Timendi pro potestate, honorandi pro sanctitate. Si cui vestrum sanctitas deest, quod absit! timeat ille, quoniam Deus judex est. Timeat, quoniam Deus stetit in medio deorum, in medio autem deos dijudicat. Dum enim discernit cœlestis reges, hoc est qui se et alias regere debent, deos dijudicat. Novit enim qui sunt ejus, nec latere possunt ante oculos ejus, qui querunt quæ sua sunt, non quæ Iesu Christi. Nam, qui amant primos recubitus in cœnis, et primas cathedras in synagogis, et salutationes in foro, et vocari ab hominibus Rabbi, qui sunt mercenarii, qui sunt fures et latrones; qui non intrant per osium, qui sunt nummularii, qui vendunt columbas in templo, qui sunt canes muti, qui sunt operarii mali, qui sunt percussores, qui litigiosi, qui non sobrii vel casti, totum hoc genus deorum inter falsos deos computandum videtur. Simulacra eum saeculum sunt, et sicut imagines deorum aut idola abominationum in templo. Quemadmodum enim unius veri Dei cultus per idolatriam idolo in lebile exhibetur, ita honorem diis, id est sanctis sacerdotibus debitum, indebitè sibi usurpat, qui sili sumunt honorem, non vocati a Deo tanquam Aarōn. Ad hoc pertinere videtur, quod scriptum est : *Qui honorem tribuit insipienti, sicut qui lapidem miti in acervum Mercurii (Prov. xxvi).* Verumtamen in quocumque sacerdote sanctum est ministerium, et honorabile sacerdotii sacramentum : nec licet nobis **C** christos Domini tangere, et judices a Deo constitutos judicare. Est qui querat et judicet. Deus est enim qui deos dijudicat. Omnia quidem vitia per se et in se publicæ reprehensioni sunt obnoxia, utpote divino judicio prædamnata; sed non passim permititur personas pro ipsis vitiis, vel vitia in ipsis personis, palam arguere, vel publice condemnare. Vos autem sacerdotes Domini, qui sicut decet Christi ministros, potestati divinae reverentiam exhibetis, in omni justitia et sanctitate attendite dignitatem vestram, quanta sit. Nam plusquam homines estis, quia angeli Dei, et quasi messores angelorum, ut tollatis de regno ejus omnia scandala. Adhuc autem plusquam angelis estis, quia dii sicut nomine, ita et honore præcelsi.

Attendistis dignitatem, et quia supra alios estis; A ostendite nunc, et iterum dico, attendite humilitatem vestram, et servitutis necessitatem, et quid infra alios estis. Si vultis audire, dicat prius Propheta, ne vobis contumeliosus videar, quid estis; qui ad Dominum loquens ait: *De fructu operum eorum satiabitur terra, producens senum jumentis, et herbum scribitu hominum* (Psalm. ciii). Ecce quid estis. Jumenta et servitus hominum. De tam alto in tam imum devoluti estis, sicut scriptum est: *Ascendunt usque ad caelos, et descendunt usque ad abyssos* (Psalm. cxv). Nam et in alio loco scriptum est: *Gigantes genuunt sub aquis, et qui habitant cum eis* (Job. xxvi). Vos sicut gigantes procerioris statuere præ cæteris secundum præminentiam dignitatis, sub aquis populorum gemitis, multiplici cura et sollicitudine degravati. Sicut exaltati sunt cœli a terra, sic exaltati sunt dii a jumentis, id est vos a vobis. Vos dii rectores animalium, inter cætera quæ attendenda sunt, hoc summopere attendite, quan sit res difficilis animas regere, et moribus singulorum servire, omnibus sese conformare, ut nihil differant a servis, cum sint domini omnipotens. Propter quod qui major est in vobis ut fiat sicut junior, non confunditur vocari servus servorum Dei. Hujus servitutis legem ostendens Apostolus, quæ sit, dicit: *Cum liber essem ex omnibus, omnium me servum feci. Omnibus omnia factus sum, ut omnes sacerdos siros* (I Cor. ix). Ad rationem hujus servitutis demonstrandum pertinet etiam, quod scriptum est: *Quoniam magnus es, humilia te in omnibus* (Eccli. iii). Ac si diceret: Secundum magnitudinem dignitatis, aqua sit mensura humilitatis. Humilitas in honore, honor est ipsius honoris, et dignitas dignitatis. Omnis dignitas ipso dignitatis nomine indigna est, si humilia dedigetur. Humilitas enim sicut causa, ita est et custodia honoris, Omnis siquidem honoris promotio, quæ cum suo ordine procedit, ab humilitate incipit, et exaltatione consummatur. Nam qui se humiliat, exaltabitur, duamodo se non humiliet, ut exaltetur, sed magis se humiliet, ne exaltetur. Dico in mundo exaltetur autem in Deo. Nam qui vere humiliis est, non ambit honorem; cum honorem accipit, non per ambitionem rapit honorem, sed propter humilitatem rapitur ad honorem, ne sit ipse prædo honoris, sed quasi præda ipsius honoris. Humilitas enim sine honore ipsa sibi sufficit ad honorem; honor autem sine humilitate sese perducit ad confusionem. Sicut ergo humilitas digne prævenit honorem, et sic et digne custodit. Videant itaque qui in honore sunt, ut se humiles in omnibus exhibeant exemplo Christi; qui sicut magister humilitatis, cum esset præcessor, factus est sicut ministrator; cum esset primus, factus est quasi novissimus, inclinans se usque ad pedes discipulorum. Exemplo humilitatis sicut mole gravi premit vos Christus usque ad humiliam, ut subdit sitis etiam subditis. Hoc ergo segnitate in vobis, quod ei in Christo Jesu. Cum esset

A ille Deus in forma Dei, semetipsum exinanivit formam servi accipiens. Et vos dii estis, exinanite vosmetipos, et servilem formam assumite, ut interiu officiamini sicut homines propter homines, infirmi propter infirmos, oianum necessitates et infirmitates in vobis ipsis suscientes, sicut ille qui dicit: *Quis infirmatur, et ego non infirmor? Quis scandalizatur, et ego non ueror?* (II Cor. xi.) Oportet vos omnibus plus laborare, quia pro omnibus. Propter quod non solum servi hominum estis, sed et servitus hominum, sicut boves triturantes; sicut jumenta, que necessitatibus hominum laborando deserviunt. Terra plebius subjectarum, si datum queritis, senum et herbam vobis producit in temporibus, quæ vobis debentur, et quæ habetis et possidetis. Si fructum queritis, et non datum, cum Apostolo dicente: *Non querero datum, sed querero fructum* (Philip. iv), abundare debet fructus justitiae in terra vestra, sicut in agricultura Dei. Per ministerium vestrum, senum et herba vobis debentur; at vos quid debeatis? Primum quidem omnia vestra, deinde vosmetipos, totum quod potestis, totum quod estis. Denique animas vestras pro animalibus vobis commissis, et libertissime, sicut ille, qui dicit: *Libertissime impendam, et superimpendar ipse pro animalibus restis* (II Cor. xii). Ergo debitores estis, non quasi uni parti gregis commissi, sed universo gregi; sicut universis, ita et singulis, sapientibus et insipientibus. Pro omnibus enim reddenda est ratio. Propterea universo gregi attendite, in quo vos Spiritus sanctus posuit. Ad illos enim pertinet hic sermo, qui non sibi sumunt bonorem, sed vocati sunt a Deo tanquam Aaron. Hi enim cum spiritu hujus mundi aguntur, a Spiritu sancto positi non sunt, nec a Deo electi sunt sicut Aaron, quem elegit ipsum; sed ipsi vocaverunt nomina sua in terris suis. Quenam sunt illa? Nomina forte bonorum, nomina dignitatum. Archidiaconus, episcopus, archiepiscopus, cæteraque similia, magna nomina sunt. Multi haec nonnuna nondum habentes, et habere cupientes, nondum sua, vocaverunt quasi ad se, ut essent sua. Vocaverunt autem clamore valido, forte obsequiis, forte muneribus, forte assentationibus, vel aliis modis, quibus vocare solent, qui ad haec vocati non sunt. Illi sunt quos agitat spiritus hujus mundi, spiritus vertiginis. Ilos Deus non vocavit, et ideo non justificavit, nec glorificabit. Nam ab hominibus gloriam querunt, non gloriam quæ ex Deo est. Etsi coram hominibus gratiosi et gloriosi inveniantur, coram Deo confusi sunt, quoniam Deus sprevit eos. Vos autem non sic, quos Spiritus sanctus posuit episcopos regere Ecclesiam Dei. Nomen vestrum et causa nominis vos admonet officii vestri, ut nihil negligenter agatis in cura vobis commissa; sed satis superque attenti et intenti sitis regere Ecclesiam Dei. In hoc posuit vos Spiritus sanctus. Hoc est enim officium vestrum, secundum geminum regendi modum dirigere et corriger in justitia et iudicio;

nostra secūs infernum (*Psal. cxl*). Vide quomo lo me amaverunt, qui me secus infernum sequi voluerunt et ab inferno deglutiri noquerunt. Si advera patris, et ob hoc aestimatione aliorum peccator et inferno proximus reputaris; habes, ut tecum dicere possis: *Repleta est malis anima mea, et vita mea inferno appropinquavit. Aestimatus sum cum descendebus in lacum* (*Psal. lxxxvii*). Pone me ut signaculum super cor tuum, ut me tota virtute diligas; pone me super brachium tuum, ut quae mihi placita sunt, tota dilectione perficias. Pone me super cor tuum, per effectum amoris; pone me super brachium, per effectum operationis. Habe me in exemplum et adjutorium pure sincereque diligendū; in exemplum et adjutorium bene operandi, et fortiter patienti. Pone me super cor tuum, super omne quod cogitas, quod amas, quod tibi cordi est; ut omne quod charum est postponas, et me semper superponas, et me semper plus diligas; non solum quam quod extra te est, sed et plusquam quidquid intra te est. Denique plusquam te, ut te diligas propter me, non solum me propter te. Sit amor tui secundum me in summo cordis, sit amor mei supra summum cordis. Quoniam autem probatio dilectionis exhibitio est operis, pone me super brachium tuum. Sic pugnes, sic te exerceas operando pro me, ut opereris ex me. Ego sim spes tua, ego fiducia tua, ego fortitudo tua, ego patientia tua. Mihi dicas: *Domine, spes mea et juventute mea* (*Psal. lxx*). Mihi dicas: *Diligam te, Domine, fortitudo mea* (*Psal. xvii*). Mihi dicas: *Quoniam tu es patientia mea* (*Psal. lxx*). Mihi dicas: *Deus meus, misericordia mea* (*Psal. lviii*). Ne ponas carnem brachium tuum, sed mihi dicas: *Esto brachium nostrum in mane, et salus nostra in tempore tribulationis* (*Isa. xxxiii*). Dilectionem exigo de corde tuo, in his quae intus sunt, æmulationem, in his quæ foris sunt. Sed ut scias an vera sit dilectio, fortitudinem animi attende; quæ enim fortis non est et ut mors, vera dilectio non est. Attende primum ad dilectionem meam erga te, et mortem meam pro te. Cum ponerem animam meam pro te, non perseverantium malitia vel potentia, non mortis violentia animam meam extortis me invito, sed caritas ipsa me compulit, ipsa coegit, ipsa mihi vim fecit. Quod potuit in aliis mors, hoc in me potuit dilectio, cui obsecuta est mors. Vide et in ceteris quid possit mors, quid possit dilectio, ut scias quia fortis est ut mors dilectio. Mors dividit charissima nomina, foederaque junctissima, dividit et dilectio. Qui enim reliquerit dominum, rel fratres, aut sorores, aut patrem, aut matrem, aut uxorem, aut agros, proprios nomen meum, centuplum accipiet, et vitam æternam possidebit (*Matth. xix*). Dividit mors animam et carnem, dividit et dilectio. Qui enim non odit animam suam, non potest meus esse discipulus (*Luc. xiv*). Æmulatio vero in lis quæ foris sunt non appetet; quia vera est, si dura non est. Potest enim in prosperitate fingere, qui tecum non permanet in tentatione. Fortitudo ergo animi in divisione affe-

A ctum, signum est dilectionis, quæ intus est. Duria vero tribulationis signum est æmulationis, quæ foris est. Haec sunt signa a signaculo impressa. Domine, qui dicis: *Pone me ut signaculum super cor tuum; fac quod jubes*. Unde enim mihi, ut te ponam super cor meum? Quomodo hoc possum? Verumtamen nisi hoc aliquo modo possem, sic tamen quasi per te, non mihi dices: *Pone me*. O dignatio tua, Domine! O dignitas et libertas mea, Domine! Non deditur enim a servo tuo poni super cor servi tui! et me tam dignum reputasti, et liberum arbitrium mihi dedisti, quo possem reprobare, quidquid tibi displaceat, et eligere bonum, quod tibi placet, et per electionem boni tibi placere vel adhædere, te participare, te in me habere, te supra me, sicut dignus es, amare! Aufer a me, Domine, cor lapideum, aufer cor coagulatum, aufer cor incircumcisum; da mihi cor novum, cor carneum, cor mundum! Tu cordis mundator, et mundi cordis amator, posside cor meum et inhabita, continens et implens, superior sunnus meo et interior intimo meo! Tu forma pulchritudinis et signaculum sanctitatis, signa cor meum in imagine tua; signa cor meum sub misericordia tua, *Deus cordis mei, et pars Deus mea*, in æternum (*Psal. lxxii*). Amen.

De miseria et egestate hominis ob culpam

B Homo per culpan inobedientiae discedens a eo, reatus sui justissimam poenam luit. Deficiens enim ab incommutabili Deo, deficit et ipse in se, et per suos deficiendi gradus veterascit jugiter et senescit, donec novissima morte dissolvatur. Quod enim antiquatur et senescit, prope interitum est. Recedens homo a Deo, qui semper est unus et idem, divisus est ab ira vultus ejus; divisus autem in se, ne sibi sit semper unus et idem, sed semper alius atque alius, et impletatur illud quod scriptum est: *Sicut luna mutatur* (*Ecclesi. xxvii*). Ita enim a se dissentit et distat; ita dissentit et discordat, ut vix alter alteri magis contrarius queat inventari, quam unus homo ipse sibi. Vult enim et non vult; idem vicissim odit et amat, tractat et retractat, probat et damnat, querit et abjicit, curat et neglit. Sæpe post cœplum negotium cœpli tædet, post factum facti pénitet; vota sua et desideria, studia et consilia, cogitationes et affectiones et intentiones, quasi semper sibi displicens, multipliciter inutat, et in his omnibus ipse mutatur. Sane, *vix duplex animo inconstans est in omnibus viis suis* (*Jac. 1*). Quænam est pax misero homini in tanta mutationum vicissitudine, in tanta inconstantia animi levitate? *Non est pax impio, dicit Dominus* (*Isa. lvii*). Perversus animus Deo sibiique contrarius ipse sibi tortor est et tormentum; poenas a se semper exigit, et semper solvit; et qui Deo adversatur per reatum culpæ, quasi Dci minister est in exactione poenæ. Vide, quomodo mali ab ira vultus Dei divisi sunt, qui etiam sibi in tantum aduersantur, ut sese persecuantur, quantum Deo conterrii, tantum etiam sibi, ut qui in sua voluntate pacem non inveiolunt, quia in voluntate Dei offen-

dunt. Sed nunquid soli mali divisi sunt? Quid mens **A** justi, quæ in rerum temporalium dispensatione occupata est, et multitudine curarum distreta, et ideo Deo minus intenta, nonne et ipsa divisa est? Nonne ad Martham dicitur: *Martha, Martha sollicita es, et turbaris erga plurima?* (Luc. x.) Quid sibi vult ista congettatio? Anne satis non erat dicere semel, Martha; nisi per repetitionem diceretur, Martha, Martha? An divisionem significat ista repetitio? Martha, inquit semel, et iterum Martha. Martha certe divisa, Martha sollicita, Martha turbata; turbata per providentiam futuri temporis, turbata per curam instantis necessitatis. Sollicita es, et turbaris erga plurima. Plurima quidem turbant, miseri enim hominis plurimæ sunt necessitates. Misericordia quippe semper necessitas cohaeret, et semper indiget qui miser est. Necessitates vero hominis tam multæ sunt et variae, tam inextricabiles et perplexæ, ut in tota vita hominis expediti nullatenus possint. Rerum et temporum indefessa mutatio semper novam afferit necessitatem, novamque parit sollicitudinem; et dum una necessitas decedit, altera succedit. Altera enim necessitas alteram ad se trahit; et, dum sequens extrudit præcedentem, ipsa se intrudit in alteram sequentem; et, dum uni occurritur et succurritur, alia mox suboritur. Sicut qui mutuum ab alio accipit, et alii solvit, inde se obligat, unde se liberat. Scilicet in tota vita hominis dum nodus necessitatis solvit, aliis stringitur; et miser homo qui se semper solvere nittitur, semper seipsum ligare ingeniose molitur. Vitæ siquidem hominis stratæ sunt spinis. In hunc modum necessitas semper fugitur, et semper offenditur; et pro vitanda necessitate abundantia semper queritur, et egestas invenitur. Nam de ipsis divitibus, qui in multitudine divitiarum suarum gloriantur, quid aliud sentiendum est, nisi quod Scriptura loquitur: *Dives eguerunt et esurierunt?* (Psal. xxxiii.)

Semper enim qui multa habent, multis indigent; et ubi sunt multæ divitiae, multi sunt qui comedunt

B eas; et saepe qui extorquent ab invitis, similia patinuntur inviti; saepe et nolentes dant, que accipiunt a nolentibus. At qui divitias habent, nec dispensant, quia eas semper servatas esse volunt, ne egeant, hi magis agent; quia et his quæ habent, et his quæ non habent, æque agent. Morbus enim illorum suo remedio semper angetur, et irremediabilis est eorum necessitas, quorum inexplorabilis est cupiditas. Necessitates has, quas patientur homines miseri et miserabiles, facit amor rerum non necessariarum; qui in multis non necessariis consolationem querunt et non inveniunt. *Porro unum est necessarium* (Luc. x.). Vere unum est necessarium, sine quo nihil est necessarium, unum summum et commune bonum. Illoc unum omnibus potest sufficere, sine quo non omnia uni possunt sufficere. Propter hoc unum Petrus reliquit omnia, ut in uno haberet omnia, ne carens uno, nec unum haberet, nec omnia. *Unam,* inquit, *petii a Domino, hanc requiram* (Psal. xxvi).

C Qui haec unam inquirit, non minuetur omni bono. Qui haec unam non habet, seipso caret, et inopemtis nec rationem suam possidet, nec eorum suu in potestate sua habet. Qui autem mentis inops est, quid habet, cum seipsum non habeat, vera ratione nihil, nisi peccata habet; miro Dei iudicio agitur, ut iniquus, qui sua estimatione multa habet. Huius vero sit vacuus, ubi sibi videtur plenus; et unde sperat abundantiam, inde patiatur egestatem. Non potest solvi Scriptura, quæ de Deo loquitur, dicens: *Esurientes implevit bonis et dirites dimisit inanes* (Luc. i). Et alibi Scriptura de divitibus dicit: *Dormierunt somnum suum, et nihil incenerunt omnes vivi divitiarum in manibus suis* (Psal. lxxv). Si divites dormiunt somnum suum, et somniant se multa habere in manibus suis, nihil tamen divitiorum habentes; et si vanâ opinione deluduntur, ut bonos se existiment, cum miseri sint, nunquid sane mentis sunt?

TRACTATUS UNDECIMUS

De verbis Apostoli, Vetus homo noster crucifixus est, etc.

Vetus homo noster crucifixus est, ut destruatur corpus peccati, ut ultra non serviamus peccato (Rom. vi). De triplici cruce: *Christus passus est pro nobis, relinquentes nobis exemplum, ut sequamur vestigia ejus* (I Petr. ii). Passus est autem in cruce, ut per mysterium crucis virtus patientiae confirmetur in nobis. Nos enim pati oportet, ut digna factis recipiamus. Unde et nobis crux portanda imponitur a Christo, qui ait: *Qui vult venire post me, abneget semetipsum, et tollat crucem suam, et sequatur me* (Luc. ix; Matth. xvi). Suam, inquit, crucem tollat, non meam. Est enim crux Christi corpore dedicata, quam solus Christus ascendit, solus inter mortuos

D liber; qui nec peccato obligatus, nec debito mortis astrictus erat: in quo is qui habebat mortis imperium, nihil omnino habebat; sed *oblatus est, quia ipse voluit* (Isa. lxxii). Crux itaque Christi crux innocentis est et justi, non per crucem mundati aut justificati, sed per crucem mundantis et justificantis. Est alia crux, non hominis Dei, sed hominis rei, murmurantis et impatienter patientis. Est adhuc alia crux hominis rei, sed paenitentis et consistentis et audiens: *Hodie mecum eris in paradiso* (Luc. xxii). A necessitate crucis tollendæ nemo absolvitur, nemo excusat. Portant mali crucem suam: *Multa enim flagella peccatoris* (Psal. xxxi). Portant et boni cra-

cem suam : *Multæ enim tribulationes justorum (Psal. xxxiii).* Portant mali crucem suam, nonnunquam volentes, et leti, et hilares. Nam pro rebus vanis, quas vanissime amant, querendis, augendis, conservandis, sponte suscipiunt labores multos et magnos, tribulationes militas et malas. Sed quia malunt pati pro mundo, quam pro Christo, inanis est eorum patientia; et apud Deum nec nomen merit habent, nec spem præmii. *Contritio enim et infelicitas in viis eorum, et vias pacis non cognoverunt (Rom. iii).* Hi quidem felices essent, si converterent ad veritatem, quod disponunt ad vanitatem. Nunc autem sponte miseri sunt: et tanto miseriiores, quanto se estimant beatiores. Nam quia beatos se putant, miseriam quam sponte perferunt, non vident, sicut Ephraim vitula docta diligere tritaram (Ose. x). Propter spem inanis paleæ diligit vitula laborem tritare. Recte assimilatur generatio hæc jumentis insipientibus, equo et mulo, quibus non est intellectus; quorum maxillæ in camo et freno constringuntur, quia non approximant ad te, Deus, qui in ignem dejicies eos in miseris non subsistent (Psal. xxxi). De miseriis ad miseras currunt, et suppliciis supplicia mereantur. *Tu, Domine, servabis nos, et custodies nos a generatione hac in æternum (Psal. xi).* Portant mali nonnunquam crucem suam in angaria. Flagellati enim a Deo contra stinulum calcitrant et murmurant, suo judicio sese excusant, et Dei justitiam accusant, et sicut serpentes pressi queruli sibilant; alii qui similia non patiuntur, meliores se judicant, et talibus flagellis indignos se estimant. De qualibus scriptum est, *Præcordia fatui, sicut rota planari (Eccli. xxxiii);* fenum portat, et murmurat. Murmuratio plaustri onus non relevat, murmurat, sed nihilominus portat. Sic et fatuus onere tribulationis pressus per impatiens ipse sibi sarcina est; et vere fenum est, quod hodie est, et cras in elibanum mittitur (Matth. vi). Fatuus fatua loquitur, et os stultorum ebullit stultitiam. Quid autem stultus est, 'quam in adversis sese extollere, et in cœlum os suum ponere, et in ipsa infirmitate infirmitatem suam non cognoscere, et ira Dei iram provocare? Quanto rectius annuntiant, qui cum beato Job dicunt: *Sicut Domino placuit, ita factum est; sit nomen Domini benedictum? (Job 1).* De talibus scriptum est: *Adhuc multiplicabuntur in senecta uberi, et bene patientes erunt, ut annuntient, quoniam rectus Dominus Deus noster et non est iniqitas in eo (Psal. xcii).*

De veteri homine terreno, carnali, animali.

Crux quam portant mali, sive molentes, sive violentes a sinistris est; crux digna cruce dignis. In hac cruce vetus homo crucifigitur. Apostolus enim de cruce Christi prælocutus, subintulit: *Vetus homo noster simul crucifixus est (Rom. vi), ostendens simul cum Christo, hoc est pro Christo, veteri hominem crucifigendum esse. Vetus homo quis est, nisi ille qui ait: Inveteravi inter omnes*

A *inimicos meos? (Psal. vi.) Qui sunt inimici ejus, inter quos veteravit, nisi domestici ejus? Novus certe homo eosdem habet domesticos et amicos, qui sunt cives sanctorum et domestici Dei. Nam et ego inveteravi inter omnes inimicos meos. Nec solum inimicos illos loquor, qui extra me sunt, inter quos habitavi cum habitantibus Cedar; sed illos inimicos magis nunc dico, qui in me sunt, qui inhabitant terram cordis mei, et terram carnis meæ. Nam Chanææ, et Jebusæ, et Pherezæ habitant ibi, et inimici facti sunt mihi. Et ego ipse tanquam homo malus et vir iniquus, mihi eclipsi inimicus sum, ut recte sicut pro me, ita et contra me orare possim, et dicere: Eripe me, Domine, ab homine malo, a viro iniquo eripe me (Psal. cxxxix).*

B *Eripe me Domine a me. Non est enim, Domine, quem timere debeam post te, quantum me. Quis enim ita insidiatur animæ meæ, ut ego? Quis ita adversatur saluti meæ, ut ego? Quis ita ingeniatus est in exitium meum, ut ego? Qui ita seductorie blanditur mihi, ut peream, sicut ego? Quis ita querit animam meam, ut auferat eam? Quis pretium meum cogitat repellere? Quis, Domine, præclarum illam hæreditatem a te reprobriam, molitur mihi auferre, ita ut ego? Quis odit animam meam odio iniquo, plusquam ego? Et ego quidem gravis. Quid enim mihi mali fecisti, anima mea? Tuum est, quod vivo; tuum est, quod audio; quod video, quod vigeo, quod valeo; tuum est, quod sentio, quod intelligo, quod sapio; si tamen sapio, et non magis desipio. Nonne ingratus sum, nonne malignus, et malevolus sum, quia iniuriam dingo, et te odi? Qui enim diligit iniuriam, odit animam suam (Psal. x). O anima mea, nonne iniurias magna est, si ego odi te diligentem me? Quod si odi te, quomodo non odi me? Nonne tu es anima mea, et vita mea, imo quid es nisi anima mea, et vita mea? Quo jure possum te non amare, vita mea, et unica mea? Vix mihi, si mea culpa peritura es semper, et ego semper tecum. Si peritura es, cui rectius imputare possum, quam mihi? Si peritus sum ego, quod avertat Deus, cui imputem, mihi, an tibi? Si mihi, et tibi, vix pariter et mihi et tibi. Si culpa tua malus sum, et dignus perire, qua ratione possum amare te causam perditionis meæ? Si sic mihi futurum erat, melius mihi esset si natus non fuisset. Quid mihi consilii superest, antequam peream, ut non peream? Nam si semel periero, quod absit! quid ultra potero, nisi tantum perire? Domine Deus, ex tunc ira tua; ex tunc non est consilium, non est prudentia, non est sapientia, non est ratio; perire perseverabit, quem semel perire contigerit. Scio quid faciam, antequam peream, imo ne percram. Clamabo ad Deum Altissimum, Deum qui beneficit mihi (Psal. Lvi). Altissimus est Deus, et ego in profundo sum iniurias; clamore valido opus est, alioqui non audiet me, quia Altissimus est. Dicam iniurias meas Deo, qui gratis sanctificat inpium. Confitebor Domino,*

quoniam bonus (*Psal. cxvi*). Sicut paenitens dolore compunctus loquar in amaritudine animæ meæ; dicam Deo: *Noli me condemnare* (*Job x*). *Ipsæ me iudicabo, ipse me condemnabo*. *Noli tu, Domine, me condemnare*. Sine me laborare in hac parte. Semel laborasti pro salute nostra, labore et dolorem considerans, ut traderes nos in manus tuas. Bone Jesu, non est res tui nominis, damnum dare dominantem se, perdere judicantem se. Salvatorem te vocat mundus, non perditorem. Tu quidem malos male perdes; sed perseverantes in malitia sua. Ego nolo perseverare in ea. *Dic ergo anima mea: Salus tua ego sum* (*Psal. xxxiv*). Anima mea, quamvis multum sis rea, et pro multo reatu multum pavida, nonne tibi arridet spes venie in dulcissimo nomine benignissimi Jesu? Quid macerore consumeris? quid in amaritudine labescis? Nunquid consiliarius non est tibi? *Nunquid resina non est in Galaad, aut medicus non est ibi?* (*Jer. viii*) Quare tristis es, anima mea, et quare concurbas me? Spera in Deo, quoniam adhuc confitebor illi, salutare ratus mei ei Deus meus (*Psal. xl*). Dum me consolari desidero in soliloquio meo, suspendium elegit anima mea, et mortem ossa mea. Tædet enim animam meam vita mea. Nec mirum. Vita quippe mea mala est, et ego vetus homo sum, et morti vicinus; homo malus, et vir iniquus; homo terrenus, portans imaginem terreni; homo carnalis venundatus sub peccato; homo animalis, non percipiens ea quæ sunt spiritus Dei (*I Cor. ii*); homo reus mortis, et cruce dignus; nec una tantum cruce. Alia enim erit debetur terreno, alia carnali homini, alia animali. Et ego unus homo omnes isti; et omnes isti in me uno; et adversum me omnes cogitationes meæ in malum. Inhabitabunt et abscondent, ipsi calcaneum meum observabunt (*Psal. lv*). O dura et gravis, o misera et miserabilis humana conditio! Inimici enim nostri vivunt, et confirmati sunt super nos; et inimici nostri ipsi nos sumus, terreni, carnales, animales; nec pax, nec securitas est nobis a nobis, donec in cruce appensi simul cum Christo crucifigamur, ut in nobis destruatur corpus peccati, ut ultra non serviamus peccato, sed peccatis mortui justitiae vivamus (*I Petr. ii*); et sine timore de manu inimicorum nostrorum liberati, serviamus illi, in sanctitate et justitia coram ipso, omnibus diebus nostris (*Luc. i*).

De homine terreno.

Primo crucifigendus est in nobis terrenus homo, deinde carnalis, postea animalis; deinde induendus est homo, qui secundum Deum creatus est. Apostolus de terreno homine loquens, sic ait: *Primus homo de terra terrenus, secundus homo de cælo cælestis* (*I Cor. xv*). Et iterum: *Sicut portavimus imaginem terreni, portemus et imaginem cælestis* (*ibid.*). Terrenus ergo vetus homo est. Capit enim a diebus prævaricationis Adæ. Hujus imaginem portant, qui terrena sapiunt, qui tantum cogitant quæ sunt mundi, quonodo placent mundo, qui nimis amant terrenam substantiam et terrenam gloriam. Quæ sit autem imago ter-

reni hominis, Psalmista ostendit, dicens: *Homo vanitatis similis est* (*Psal. cxliii*). Homo siquidem aversus a Deo, vana diligens et vana faciens, ipse quoque vanus, imo ipsa vanitas efficitur. Qualia sunt opera ejus, talis et ipse opifex. Qualis est homo extra se, in opere quod facit, talis est apud se in corde, ubi facienda disponit. In opere enim suo quasi in speculo auctor exprimitur. Erat autem in homine ante peccatum imago, scilicet Dei, qui est veritas. Post peccatum vero deformata est in homine imago veritatis, et cœpientia est in eo imago vanitatis. Vanitati enim similis factus est, et quia in veritate non stetit, dies ejus sicut umbra prætereunt. In imagine enim pertransit homo (*Psal. xxxviii*). Nonne vides quonodo terrenus homo avaritiam sectatus, postposita imagine Dei, cœpit amare imaginem nummi, cuius pretium in errore et stufo hominum opinione consistit? Nummum autem imaginem et superscriptionem hominis continentem, quasi ad imaginem et similitudinem hominis facit homo, mutans imaginem incorruptibilis Dei in similitudinem corruptibilis hominis, servios potius creature quam Creatori, per errorem philargyriæ quæ est idolorum servitus (*Ephes. v*). Quid sunt enim argentum et aurum, publicæ monetæ charactere signata, nisi quædam simulacra regum, et opera manuum hominum? Ili sunt, avare, hi sunt dii tui, quos toto corde, tota anima, tota mente diligis, quos præcipuo honore colis, in quibus confidis, in quibus totam spem in omni necessitate ponis. Ubi enim est thesaurus tuus, ibi est et cor tuum (*Matth. vi*). Erit autem tempus, quando dicetur talibus: *Ubi sunt dii eorum, in quibus habebant fiduciam?* de quorum victimis comedebant adipes et bibebant vinum libaminum. Surgant et opitul'entur vobis, et in necessitate vos protegant (*Deut. xxxii*). Conversatio autem terreni hominis non in cœlis est, sed in terra. Non enim respicit cœlum, sed oculos suos statuit declinare in terram; terram lingit, terram comedit omnibus diebus vitæ suæ; conglutinatus est in terra venter ejus; insitus est in limo profundi, et non est substantia. Non enim statuit supra petram pedes suos. Semper intrat in inferiora terra, donec degrediatur a terra, sicut Dathan et Abiron; pro terra litigat, pro terra pugnat, donec fodiat peccatori fovea, et donec obruatur terra resolvens: in terram, qui factus est de terra. Verumtamen tota vita sua superbit in gloriam suam. Alienæ felicitati invidet, tam alienus a charitate, quam plenus cupiditate. Non est benignus, non est patiens; sed est ambitiosus, et æmulatur, et agit perperam, querit quæ sua sunt, non quæ Jesu Christi. Cor ejus grave est; diligit vanitatem, et querit mendacium; os ejus abundat malitia, lingua ejus concinnat dolos. De terra est, et de terra loquitur. Egestatem semper timet, et ad cautelam futuri temporis sicut semper servat angenda, ita semper auger servanda. In omnem casum superventuræ necessita-

tis sibi prospicit; odore lucri semper replentur nares ejus, et dextera muneribus. Omnem artem augendi quæstus prudentiam vocat; paupertati insultat; in illius æstimatione paupertatis nomen probro ducitur. Omnes res suas in tuto collocat; spem longioris vitæ semper sibi promittit, donec dicatur ei: *Stulte, hac nocte animaga tuam repeatent a te; ea autem quæ parasit, cuius erunt?* (Luc. xii.) Ille ergo cum intericerit, non sumet omnium, nec descendet cum eo gloria ejus (Psal. xlviij). Ille homo amicus mundi est, et inimicus Dei constituitur. Hic est enim, qui contra Christum claimat, dicens: *Tolle, tolle, crucifige eum* (Joan. xix.). Terreni nemperant, qui dicebant: *Si dimittimus eum sic, omnes credent in eum; et venient Romani et tollent nostrum locum et gentem* (Joan. xi.). Nondum invidia terreni hominis contra Christum quievit. Persequitur enim Christum in nobis, ne vivat Christus in nobis. Si quis igitur Christi est, armet se zelo vindictæ contra persecutores Christi. Clamemus ad alterutrum pro Christo contra inimicum Christi: *Tolle, tolle, crucifige eum. Sed quam accusationem afferemus adversus hominem hunc? Ecce homo, qui non posuit Deum adjutorem suum, sed speravit in multitidine divitiarum suarum, et prævaluit in vanitate sua* (Psal. li). Tolle, tolle, crucifige eum. Si hunc dimittis, non es amicus Dei. Sicut fecit, sic fiat ei. Crucifixi, crucifigatur. Dignus est enim cruce, et reus est mortis. Quænam, inquis, est crux hominis istius? Æstimo, quia contemptus mundi. Quæquidem crux quasi ex duobus lignis aptatur, contemptu scilicet terrenæ substantiæ et contemptu terrene gloriæ. Amat nempe terrenus homo duas res; quia confudit in virtute sua, et in multitidine divitiarum, anarum gloriatur. In mundo confudit; liberet eum, si potest. A contemploribus mundi extendatur in cruce, et totus extendatur in longum et in latum. In contemptu terrenæ gloriæ, hoc est in voluntaria vilitate, extendatur altitudo ejus. Hæc est autem altitudo ejus, terrena gloria, in qua querit exaltari. In contemplu tñrenæ substantiæ, hoc est in voluntaria paupertate, extendatur latitudo ejus. Hæc est enim latitudo ejus, terrena substantia, in qua querit, sive ad dexteram, sive ad sinistram, dilatari. In hac cruce appendatur terrenus homo: hic extendatur, et extensus moriatur, et mortuus sepeliatur, et non adjiciat, ut resurgat; sed destruat eum Deus in ñm, et eveliat eum de tabernaculo suo, et radicem suam de terra viventium (Psal. li) et dispereat de terra memoria illius; *pro eo quod non est recordatus facere misericordiam, et persecutus est hominem inopem et mendicem* (Psal. cviii).

De homine carnali.

Est alia crux, in qua appendendus est homo carnalis. Nam, quævis idem homo sit terrenus et carnalis, secundum causam nominis tam et differentiam amoris aliquid interesse videtur. Apostolus de lege peccati, quæ est in membris, loquens, inter-

A cetera sic dicit: *Ego carnalis sum venundatus sub peccato* (Rom. vii). Qui venundatus sub peccato est, servus aliquo modo, et non plene liber est. Non enim quod vult bonum, hoc facit, sed quod non vult malum, hoc agit. Et si malum penitus vult, et malum facit, jam servus est peccati, quia ipse facit peccatum. *Omnis enim qui facit peccatum, servus est peccati* (Joan. viii), jam plene venundatus est sub peccato, pro consensu voluntatis accipiens numinum illicitæ delectationis. Passiones siquidem peccatorum operantur in membris nostris, ut fructifcent morti: et has quidem passiones nos omnes, sive boni, sive mali, communiter, quamvis non æqualiter, sentimus; sed non omnes his consentimus. Qui autem sentit, et non consentit, non omnino immunis est a culpa. Malum enim quod non vult, illud facit. Nam sentiendo passionem concupiscentiæ, malum concupiscit, et non vult concupiscere malum. Facit itaque malum, quod non vult; nam malum concupiscere, malum est. Qui autem concupiscit malum, et non consentit, malum facit quodammodo, in quantum concupiscit malum: et, quia non consentit, aliquo modo non operatur illud; quia tentatus a concupiscentia, quasi invitus patitur quod pati non vult. Hinc Apostolus concupiscens et non consentiens, utrumque dicit, se facere malum, quod non vult, et se non operari illud. *Quod nolo, inquit, malum, illud facio*, hoc est concupisco, et concupiscere nolo. *Et jam non ego operor illud, sed quod habitat in me peccatum* (Rom. vii); quasi diceret: Concupiscere nolo, et concupiscentie non consentio; sed legem peccati quæ est in membris meis, invitus sentio. Moveret enim in me, ita ut a me sentiatur; sed non me instantum moveat ut ei consentiatur. Iustus itaque cum tentatur a concupiscentia sua, aliquam habet excusationem, quanvis non sufficiat, ut omnino immunis sit a culpa. Requisitus enim cur titillationem carnis in carne sentiat, cum non consentiat, habet quod respondeat. Jam non ego operor illud, sed quod habitat in me peccatum. Sentire autem vel non sentire passiones membrorum, non semper est in nostra potestate; consentire autem sic est in nostra potestate sicut non est sine nostra voluntate. Aliquando vero qui sentit, et non consentit, fixum habet in corde omnino non consentire; et in desiderio habet, tentationem omnino non sentire: sed quod sentit, infirmitatis est; quod non consentit, virtutis est; quod desiderat omnino non sentire, studium pacis et securitatis est. Aliquando vero qui dispositum habet non consentire, vult tamen hujusmodi passionem sentire, quia ex ipsa tentatione aliquis proventus speratur et expectatur. Tanto enim Victoria gloriosior existimat, quanto validior fuerit tentatio, cui resistitur. Propterea nonnulli volunt sentire, qui non volunt consentire, ut non consentientes sentiant, et tentati resistant. Periculosum est autem hujusmodi tentationem sponte appetere, et etiam venientem, quatenus datur, non

statim repellere. Securius est enim non tentari, quam cum tentatione congregari. Varius est enim eventus belli, et ancesps est Victoria sub discrimine pugnandi. Hinc nos Dominus sic docet orare, dicentes: Ora, ne intretis in temptationem (Matth. xxvi). Nam, quod Propheta dicit: Proba me, Domine, et tenta me (Psal. xxv), ad illam temptationem pertinet, qua tentantur justi a Deo, qui tentat electos suos, ut inveniat illos dignos se. Qui autem a carne tentatur, et tentationi cedit, hic est qui passiones sentit, et omnino consentit; tanto magis carnalis homo est, quanto magis curam carnis in desideriis perficit, non spiritui consentiens contra carnem; sed carni acquiescens, quae concupiscit adversus spiritum. Homo iste amat vinum et pinguia, otium, et securitatem, et saturitatem; indui purpura et byssum, epulari quotidie splendide, quaecunque desiderant oculi ejus, non negantur eis. Omnia desideria sua in impetu voluntatis relaxat. Quidquid deliciis carnis non servit, vanum reputat: et hanc ratus est partem suam, si fruatur bonis suis in vita sua; nihilque amplius habet de universo labore suo, quo laborat sub sole. Quis sit finis carnalis hominis, in parabola evangelica de divite et paupere ostenditur, ubi dicitur: Mortuus est autem dires, et sepultus est in inferno (Luc. xvi). Et de Babylone scriptum est: Quantum exaltavit se, et in deliciis fuit, tantum date ei tormentum et luctum (Apoc. xviii). Melius ergo nobis est, hujusmodi hominem in interitum carnis tradere morti, quam cum ipso trahi in puteum interitus. Mortificanda est itaque caro nostra et crucifigenda, ut destruatur corpus peccati, juxta vocem Prophetarum dicentis ad Dominum: Confige timore tuo carnes meas (Psal. cxviii). Quoniam vero ad carnalem hominem dictum est: Tu vero odisti disciplinam (Psal. li), nulla dignior crux invenitur quam austertas regularis disciplinae, qua crucifigatur carnalis homo, cui cruciatus est disciplina, quam odit. Regularis disciplina crux est, quae ex legibus abstinentiae et continentiae, quasi ex duobus lignis exstruktur. Abstinentia enim gulam temperat, et lex continentiae in omnibus sensibus mentis et corporis luxum frenat; et in his est omnis carnalis homo.

Item unde supra.

Luxuria in nobis frenari, et gula temperari sic possunt, ut passionibus peccatorum quae habitant in membris nostris non consentiantur; non sic autem, ut lex quae est in membris nostris, omnino non sentiatur. Concupiscentia enim, quae nobis innata est et connata, longo usu disciplinae et assiduitate spiritualis exercitationis in viris justis debilitari potest et infirmari, ne prævaleat; omnino autem extirpari non potest; salva tamen spiritus Dei libertate, cuius gratia nulla lege constringitur, quo minus possit vel abundare, vel superabundare, in quibus velit et quantum velit. Sed, sicut gentes in medio filiorum Israel derelictæ sunt, ut erudiret in eis Dominus Israelem, nec poterat Iesus ejici de Jerusalem; sic concupiscentia carnis in terra corporis vel cor-

A dis nostri semper habitat, ut erudiamur in ea; et nunquam nobis hostis doest, contra quem pugnemus. *Militia est enim rita hominis super terram (Job. vii).* Ilæc autem concupiscentia infirmitas nostra est, quæ jugiter repræsentat nos nobis, ne simus fidentes in nobis. Ostendit enim nobis, quales simus ipsi in nobis, et a nobis. Qui autem ab infirmitate tentatur et vincitur, supra modum infirmus ipse invenitur: nam ipsa infirmitate qua vincitur, infirmior esse convincitur. At is qui ab infirmitate tentatur, et non vincitur, ex ea parte infirmus est, qua infirmitates sentit; ex ea vero parte virtutem sibi adeasse sentit, qua infirmitati non consentit. *Nam virtus in infirmitate perficitur (II Cor. xii).* Si cui autem sanctorum desuper datum est, sicut de beatissima Virgine, maxime post supervenientem Spiritum pie creditur, in hac mortali carne nullam mali concupiscentiam omnino sentire; sicut est hæc vel rara, vel singularis gratia, ita et rara, vel singularis gloria. Si quis autem talis est, non jam pugnat, sed triumphat, sed regnat, habens pacem super pacem, pacem a consensu, pacem a sensu; non jam accinctus in prælio, sed discinctus in triumpho. *Non glorietur, inquit rex Israel, accinctus æque ut discinctus (III Reg. xx).* Sed quis gloriabitur castum se habere cor? Si dixerimus, quia peccatum non habemus, ipsi nos seducimus, et veritas in nobis non est (I Joann. i). Sicut vero confusione dignus est, qui ab infirmitate vincitur, sic qui infirmitatem vincit, inglorius esse videtur. Quid est enim infirmitas, nisi quod dicitur? quid est nisi infirmitas, nisi debilitas, nisi imbecillitas? Quæ vero gloria est aut quæ virtus infirmitatem vincere? Magna quidem gloria est, et magna virtus est si, cum sinus infirmitatem ipsa infirmiores, infirmitatem vincimus. Verum hæc gloria, hæc virtus nostra non est, sed Domini virtutum, qui est rex glorie, qui glorificatur in electis suis, et mirificat misericordias suas in infirmitatibus sanctorum, ad quem et dicitur: Quoniam gloria virtutis eorum tu es (Psal. lxxxviii). Si pensemus, quid possimus a nobis, qui nec ipsi infirmitati resistere nostris viribus sufficiamus, nulla est omnino virtus nostra. Sed Propheta dicit: In Domino sperans non infirmabor (Psal. xxv). Et iterum: Dominus fortitudo plebis sue (Psal. xxvii). Si autem Deus noster virtus nostra est, et fortitudo nostra, major est virtus nostra, quam nos ipsi sumus; imo nos ipsi quid non possumus in eo qui omnia potest? In omnipotenti virtute quid non possumus? Omnia, inquit Paulus, possum in eo qui me confortat (Philip. iv). Cum ergo infirmitas vincitur, quia fortitudo nostra non est, nec laus nostra est; quia virtus nostra non est, nec gloria nostra est. Rectissime ei ascribitur gloria, cuius virtute obtinetur victoria. Dominus enim virtutum ipse est rex glorie (Psal. xxii). Dominus gloriosus in triumpho, Dominus potens in prælio. Ille Propheta dicit: Fortitudo mea et laus mea Dominus (Psal. cxvii); fortitudo in pugna, laus in victoria. Dominus enim est, qui pugnat pro nobis; Dominus est, qui vincit.

In nobis. Quando autem infirmitas sentitur in nobis, cui non consentitur a nobis, destruitur corpus peccati, ut ultra non serviamus peccato.

Si per corpus peccati recte intelligitur consensus peccati, tunc corpus peccati vere destrutor, cum tentanti concupiscentiae non consentitur. Carnalis autem homo, quia homo peccati est, et filius perditionis, habens corpus peccati, cui concupiscentia est quasi pro anima ejus, et consensus quasi pro corpore: et cuin concupiscentiae plene consentitur, quasi corpus peccati vivificatur, et jam peccato servitur. Forte alicui videbitur concupiscentia, cum ad carnem illam, scilicet quæ concupiscit adversus spiritum, pertineat, magis carni similianda; consensus vero magis animæ quam carni. Consensus enim in voluntate est, et voluntas consentiens in anima. In spirituali quidem homine sic est, in quo sensualitas ratione regitur, et suo superiori quasi inferior subjicitur. In carnali autem homine non sic; versa enim vice, et perverso ordine voluntas spiritus concupiscentiae carnis et consentiendo subjicitur, et inferio: inventur quæ consintit, quam cui consentit. Concupiscentia enim movet animam, ut sentiat quod prius non sentiebat: cum vero mota sentit, commota consentit, a sua dignitate degenerat, et locum suum deserens inferiori suo se subjicit, et quasi inde vivificatur, unde moveatur; nec jam agit ut spiritus, sed patitur ut caro. Unde et corpori non immerito assimilatur. Per legem vero discipline consensus refrenatur, et corpus peccati destruitur, caro castigatur, ut non mens carni in lege carnis subjiciatur, sed a carne in lege mentis menti serviatur. Hinc Apostolus ait: *Ego castigo corpus meum, et in servitatem redigo (I Cor. ix).* De carnali autem homine haec dicta sunt.

De animali homine.

Animalis autem homo quis sit, ex verbis Apostoli innotescere potest; ait enim sic: *Animalis homo non percipit ea quæ sunt spiritus Dei. Stultitia enim est illi, et non potest intelligere, quia spiritualiter examinatur. Spiritualis autem judicat omnia: et ipse a nemine judicatur (I Cor. ii).* Carnalis homo a terreno homine amoris proprietate differre videtur. Amat enim ille terram, amat hic opera carnis. Animalis autem homo vel sensu vel affectu cognoscitur. Animalis est sensu, qui non sapit ea quæ sunt spiritus Dei. Animalis est affectu, cui non sapiunt ea quæ sunt spiritus Dei. In spiritualibus enim animalis hominis examinatio fit; ibi examinatur, quisquis animalis est. Audit animalis homo verba Dei, et forte non intelligit, quia animalis est; aut si forte intelligit, statim aut tædio, aut odio, aut contemptu, aurem avertit. Stultitia enim est illi, quia animalis est. Hinc Apostolus ait: *Verbum crucis perentibus stultitia est (I Cor. i).* Illi quippe, qui crucem non credit, verbum crucis stultitia est, quia animalis est sensu, in vanitate sui sensus ambulans, et obscuratum habens intellectum. Illi vero, qui crucem credit, et exemplum crucifixi non imitantur, verbum crucis pro Chri-

A sto tollenda stultitia est, quia ejusmodi animalis est, non iam sensu, sed affectu; qui animalis est sensu, ignorat et errat, in tenebris ambulat, nescit quo vadat, obscuratum est insipiens cor ejus; sapientiam Dei in mysterio absconditam stultitiam reputat; sapientiam hujus mundi, quæ stultitia est apud Deum, prudentiam vocat; aliud pro alio probat; bonum dicit malum, et malum bonum; ponit tenebras lucem, et lucem tenebras; ponit dulce in amarum, et amarum in dulce. Qui animalis est affectu, sine affectione est, divini amoris affectum in se non sentit. Duro enim et indomabili et insensibili corde aut tepet, aut riget, aut torpet, aut stupet; spiritualis militia exercitia aut odit, aut fastidit, aut contemnit, aut negligit. In principio vigilarum

B scarum non consurgit ante conspectum Domini Dei sibi; cor suum sicut aquam non effundit; ignitas compunctiones, et arcana jubilationes in corde non sentit; non anhelat sanctis spiriis, non extuat priis desideriis; non in lege Dei delectatur, non sanctis meditationibus inflammatur, non contemplationes suspenditur; non sedet solitarius et tacitus, ut clevet se super se; non petit ut accipiat, non querit ut inveniat, non pulsat ut aperiatur illi: divinis laudibus non occupatur, non loquitur sibi in psalmis et hymnis et canticis spiritualibus inter cantantes et psallentes in cordibus suis Domino. Sicut aeger languet stomacho, et ore amaricato fastidit cibum spiritualem, cibum qui non perit, qui permanet in vita æternam. Omne escam abominatur anima illius; appropinquavit enim usque ad portas mortis. Homo animalis magis secundum animalia, quam secundum corpus agnoscitur. Animale enim corpus habent in hac mortali carne degentes, non solum animales, sed et spirituales. Corpus enim nostrum secundum præsentem statum hoc accipit. b anima, ut sensibiliter ab ea, sicut cetera animalium corpora. Sua mole pressum grave est et ponderosum, variis passionibus et corruptionibus obnoxium; necessitate moriendi astrictum, et ut modico tempore vivat, alimentis, fomentis et medicamentis indigens; nunc proficiens, nunc deficiens, et in ipso sae profecta in defectum vergens, sicut vetus vestimentum, quod dum sarcitur, magis magisque veterascit et atteritur. Apostolus vero dicit: *Si est corpus animale, est etiam corpus spirituale (I Cor. xv).* Non est credendum, id eum dubitando dixisse. Non enim era: Apostolo incertum, quod nulli debet venire in dubium. Constat enim, corpus esse animale; et constare debet, corpus esse spirituale. Alterum docet ipsa rerum experientia, et communis infirmitas nostra; alterum suadet conscientia fidei, et exemplum resurrectionis Iesu Christi: sed non prius quod spirituale, sed quod animale, deinde quod spirituale.

Erit autem corpus nostrum spirituale, cum corruptibile hoc induerit incorruptelam; quando quod mortale est, absorbebitur a vita; quando consummabitur tabernaculum nostrum; quando templum Dei, quod nos sumus, dedicabitur, et coronis aureis

facies templi ornabitur; quando caro nostra quasi senea solidabitur, et quasi petra firmissima durabitur, ad omnem causam lesionis et violentiam passionis, et vim tentationis impenetrabilis et inaccessibilis. Erit autem corpus spirituale sua virtute gloriosum, leve et agile: non iam cibo indigens, ut post peccatum et ante peccatum; sed ab omni servitute corruptionis et necessitatis liberum; non in spiritu naturam versus, sed in summa libertate absque omnino tradictione spiritui subjectum. Interim autem corpus animale communiter habent homo animalis et homo spiritualis: et magis secundum statum mentis quam corporis alter ab altero discernitur. In corde enim animalis homo a spirituali spiritualiter crucifigitur. Crux autem est æmulatio Dei secundum scientiam. Scientia enim et æmulatio arma sunt militiae nostræ, non carnalia, sed potentia Deo, ad destructionem munitionum; quibus nos armamur, destruentes consilia et omnem altitudinem extollentes se adversus scientiam Dei, et in captivitatem redigentes omnem intellectum in obsequium Christi (II Cor. 2). Adverte in illis verbis Apostoli altitudinem adversus scientiam Dei extollit. Quæ est autem hæc altitudo, nisi de qua dicitur: *Noli altum sapere?* (Rom. xi.) Hæc est altitudo animalis hominis, qui in vanitate sui sensus ambulat. Altitudo autem crucis scientia Dei est, quæ in captivitatem redigit omnem intellectum in obsequium Christi. Latitudo vero animalis hominis animalis est affectus. Vagatur enim per illicita in via lata, quæ ducit ad perditionem. Latitudo vero crucis est affectus devotionis in latitudine charitatis. Sunt autem nonnulli, qui æmulationem Dei habent, non secundum scientiam; alii autem scientiam Dei habent, et non æmulationem. Verum, ut ex duobus lignis crucis statuta compingatur, jungenda est scientia æmulatio, et scientia æmulationi; ne sit indiscreta devotio, vel indevota discretio. Mundum siquidem animal est, quod et ruinat, et ungulam fundit. Indiscreta devotio a ten-

A tatione rerum impossibilium plerumque Deum tentat, et ignorantia rerum utilium aut presunxit, quod non expedit, aut quod expedit, prætermittit. At indevota discretio licet non erret in cognitione rerum utilium, errat tamen in electione. Videt meliora, probatque, deteriora sequens. Non minor error est eligere quod est deterior, quam ignorare quod melius. Sua sententia sc̄e condemnat, qui electione probat quod judicio reprobatur; et in alterutra parte stultitiae se arguit, qui extra necessitatis violentiam aliter eligit, et aliter sentit. Ad aliquam visibilem speciem contemplandam non sufficit interior lux oculorum sine adminiculo lucis exterioris, sicut nec ista versa vice sine illa lux lucem adjuvat, ut res visibilis videri queat. Non videt oculus clausus in meridiis; non videt oculus apertus in tenebrosa nocte. Habet aliquid huic simile discretio sine devotione, aut devotio sine discretione. Ad contemplandam speciem invisibilis Dei perduci desideramus et speramus. Duo oculi necessarii nobis sunt, quos illuminari a Domino petit, qui dicit: *Illumina oculos meos, ne unquam obdormiam in morte* (Psal. xxi). Oculus discretionis sine luce devotionis, aut oculus devotionis sine luce discretionis, minus videt: s. 12 oculus qui in luce clauditur, vel in tenebris aperitur. Jungenda est ergo discretio devotioni, et devotio discretioni, ut abundet in nobis charitas cum scientia, et scientia cum charitate, juxta consilium Apostoli dicentis: *Charitas vestra magis ac magis abundet in scientia et in omni sensu; ut probetis potiora, ut sitis sinceri, et sine offensione in die Christi* (Philip. 1). Qui vero scientiam habet et charitatem non habet, hic infatuatus est a scientia sua. Sins charitate enim nec magnitudo scientiae, nec conuenit in mundo, nec castigatio disciplinae, ante conspectum Dei aliud est. Sola charitas gloriæ crucis sibi vindicat, per quam nos gloriari oportet in cruce Domini Iesu Christi, qui est super omnia diligendus et benedicendus in sæcula sæculorum. Amen.

TRACTATUS DUODECIMUS

SEU EXHORTATIO AD SACERDOTES.

In illud Act. xx: *Attendite robis et universo gregi, etc.*

Attendite vobis et universo gregi; in quo vos Spiritus sanctus posuit episcopos regere Ecclesiam Dei, quare acquisivit sanguine suo. Apostolicus sermo ad vos dirigitur, o sacerdotes Domini, ministri Dei nostri. Vobis dicitur: Attendite robis et universo gregi. Primum vobis, deinde gregi. Habetur est ratio salutis propriæ, his qui negotium procurant salutis alienæ. Castigatis moribus decet eos vivere, quibus credita est censura moralis disciplinæ. A se debent incipere, et sese non negligere quos primum operari pro se rationem reddere. Attendite, inquit, vobis.

D Attendite, quid estis secundum naturam infirmæ conditionis, quid secundum functionem injunctæ legationis, quid secundum dignitatem acceptæ potestatis, quid secundum humilitatem debitæ servitutis. Attendite, quid estis cum aliis, quid propter alios, quid supra alios, quid denique infra alios: Cum aliis quidem quid estis, nisi homines similes aliis, passibiles, in peccatis concepti, morienti necessitate astricti, etsi per gratiam de peccatis liberati, nondum tentationibus inaccessibles, nondum insuperabiles? Nam et tentari potestis adhuc, et a tentati-

nibus superari, utpote infirmitate circumdati, ut possitis compati infirmitatibus alienis. Tales enim decet esse pontifices, qui norint esse compassibiles, eo quod sint et ipsi passibiles. Ergo, quia homines estis, infirmi estis, sicut homines, secundum naturam infirmæ conditionis. Secundum functionem iunctæ legationis propter alios, angeli pacis estis, in quibus posuit Deus verbum reconciliationis, ut cum Apostolo dicere possitis: *Pro Christo legatione fungimur, tanquam Deo exhortante per nos. Obscuramus pro Christo, reconciliamini Deo (II Cor. vi).* Nam quod angeli sitis, Malachias ostendit, cum ait: *Lobia sacerdotis custodiunt scientiam, et legem requirent ex ore ejus, quia angelus Domini exercituum est (Malac. ii).* Si autem angeli estis, in cœlis est conversatio vestra. Non enim estis in carne, sed in spiritu; sicut administratorii spiritus in ministerium missi, propter eos qui hereditatem capiunt salutis. Missi autem a Deo, qui facit angelos suos spiritus, et ministros suos ignem urentem. Et vos quidem siquit ministri Dei, non solum sicut ignis ardens, sed et ignis urens recte nuncupamini; ardentes sicut seraphim, sicut vicini Deo, et urentes, et illuminantes subditorum corda, ut calore igniti eloquii pariter ardeant, et a calore ejus non se abscondant. Deputati estis singuli ad custodiam multorum, et nemo publicorum sine angelo custode est, qui prasit ei, et custodiat eum in omnibus viis suis; sicut de Deo ad virum justum Prophetæ loquitur, dicens: *Quoniam angelis suis mandavit de te, ut custodian te in omnibus viis tuis (Psal. xc).* Verumtamen, cum sacerdotes Domini pro similitudine officii angelis assimilari, angelique possint dici; sicut bonorum angelorum semper est societas affectanda, sic malorum angelorum similitudo semper est fugienda. Malum tempore sacerdotes cum boni angelii non sint, malis angelis rectius comparantur, qui de cœlo lapsi in veritate non steterunt, et honorum angelicæ dignitatis perdidérunt. Cœlestis autem conversatio sanctorum sacerdotum si cœlo comparari potest, nonne qui de sublimi vitæ sacerdotibus dignæ, ad indigna vilioris vitæ dejecti sunt, sic corruisse videntur, sicut angeli cadentes de cœlo? Qui etsi in illo sublimi culmine virtutum nunquam fuerunt, locum tamen nihilominus illum perdidérunt, quem habere potuerunt et debuerunt, sed non meruerunt. Inde enim excidisse videntur, ubi essent, si mali non essent; et ubi sunt, qui tales non sunt. Propterea ad eos tanquam homines, nec jam angelorum nomine dignos, pertinere videtur illa prophetica comminatio: *Vos autem sicut homines moriemini; et sicut unus de principibus cadetis (Psal. lxxxii).* Cecidit unus de principibus cui multi adbaserunt, sicut unus de principibus, attendite, quia non solum angeli estis propter alios, sed et dii estis supra alios; et hoc secundum dignitatem acceptæ potestatis. Bene ergo Prophetæ comminaturus malis ruinam quoniam angelis malis, de bonis præmisit: *Ego dixi:*

A *Dii estis; et filii Excelsi omnes (Psal. lxxxii).* Potestas vestra de cœlo est, an ex hominibus? Non ex hominibus, sed ex Deo est. Quis enim potest peccata dimittere, nisi solus Deus? Et tamen vobis data est potestas dimittendi peccata, quia Deus deorum Dominus locutus est, et dixit: *Quocunque solveritis super terram, erunt soluta et in cœlis (Matth. xviii).* In hac autem potestate vestra Deus representatur in terra a vobis, qui representatione unius veri Dei dii nuncupamini et dii estis, ut per vestrum ministerium Deus semper præsens sit quærentibus eum, non solum præsentia majestatis, sed representatione sue auctoritatis et potestatis. Attendite, quantus honor debeatur illi a vobis, qui tam honorabile nomen dedit vobis. In hoc enim nomine timendi estis et honorandi. Timendi ut judges, honorandi ut patres. Timendi pro potestate, honorandi pro sanctitate. Si cui vestrum sanctitas deest, quod absit! timeat ille, quoniam Deus judex est. Timeat, quoniam Deus stetit in medio deorum, in medio autem deos dijudicat. Dum enim discernit cœlestis reges, hoc est qui se et alios regere debent, deos dijudicat. Novit enim qui sunt ejus, nec latere possunt ante oculos ejus, qui querunt quæ sua sunt, non quæ Iesu Christi. Nam, qui amant primos recubitus in cœnis, et primas cathedras in synagogis, et salutationes in foro, et vocari ab hominibus Rabbi, qui sunt mercenarii, qui sunt fures et latrones; qui non intrant per osium, qui sunt nummularii, qui vendunt columbag in templo, qui sunt canes muti, qui sunt operarii mali, qui sunt percussores, qui litigiosi, qui non sobrii vel casti, totum hoc genus deorum inter falsos deos computandum videtur. Simulacra enim sacerdotum sunt, et sicut imagines deorum aut idola abominationum in templo. Quemadmodum enim unius veri Dei cultus per idolatriam idolo in lebite exhibetur, ita honorem diis, id est sanctis sacerdotibus debitum, indebitate sibi usurpat, qui sili sunt honorem, non vocati a Deo tanquam Aaron. Ad hoc pertinere videtur, quod scriptum est: *Qui honorem tribuit insipienti, sicut qui lapidem mittit in acervum Mercurii (Prov. xxvi).* Verumtamen in quocunque sacerdote sanctum est ministerium, et honorabile sacerdotii sacramentum: nec licet nobis christos Domini tangere, et judges a Deo constitutos judicare. Est qui querat et judicet. Deus est enim qui deos dijudicat. Omnia quidem vitia per se et in se publicæ reprehensioni sunt obnoxia, utpote divino iudicio prædamnata; sed non passim permititur personas pro ipsis vitiis, vel vitia in ipsis personis, palam arguere, vel publice condemnare. Vos autem sacerdotes Domini, qui sicut decet Christi ministros, potestati divinæ reverentiam exhibetis, in omni justitia et sanctitate attendite dignitatem vestram, quanta sit. Nam plusquam homines estis, quia angeli Dei, et quasi messores angeli, ut tollatis de regno ejus omnia scandala. Adbuc autem plusquam angeli estis, quia dii sicut nomine, ita et honorare præcelei.

Attendistis dignitatem, et quia supra alios estis; attendite nunc, et iterum dico, attendite humilitatem vestram, et servitutis necessitatem, et quid infra alios estis. Si vultis audire, dicat prius Propheteta, ne vobis contumeliosus videar, quid estis; qui ad Dominum loquens ait: *De fructu operum tuncrū satiabitur terra, producens fenum jumentis, et herbum scribenti hominum* (Psal. ciii). Ecce quid estis. Jumenta et servitus hominum. De tam alto in tam imum devoluti estis, sicut scriptum est: *Ascendant usque ad caelos, et descendunt usque ad abyssos* (Psal. cxi). Nam et in alio loco scriptum est: *Gigantes gerunt sub aquis, et qui habitant cum eis* (Job. xxvi). Vos sicut gigantes proceroris stature praeceteris secundum præminentiam dignitatis, sub aquis populorum gemitis, multiplici cura et sollicitudine degravati. Sicut exaltati sunt coeli a terra, sic exaltati sunt dii a jumentis, id est vos a vobis. Vos dii rectores animarum, inter cetera que attendenda sunt, hoc summopere attendite, quoniam res difficilis animas regere, et moribus singulorum servire, omnibus sese conformare, ut nihil differant a servis, cum sint domini omnipotens. Propter quod qui major est in vobis ut si sit junior, non confunditur vocari servus servorum Dei. Hujus servitutis legem ostendens Apostolus, quae sit, dicit: *Cum liber esset ex omnibus, omnium me servum feci. Omibus omnia factus sum, ut omnes facerem similes* (I Cor. ix). Ad rationem hujus servitutis demonstrandam pertinet etiam, quod scriptum est: *Quanto magnum es, humilia te in omnibus* (Eccli. iii). Ac si dicaret: Secundum magnitudinem dignitatis, aqua sit mensura humilitatis. Humilitas in honore, honor est ipsis honoris, et dignitas dignitatis. Omnis dignitas ipso dignitatis nomine indigna est, si humilia dedignetur. Humilitas enim sicut causa, ita est et custodia honoris. Omnis siquidem honoris promotio, quae cum suo ordine procedit, ab humilitate incipit, et exaltatione consummatur. Nam qui se humiliat, exaltabitur, dummodo se non humiliet, ut exaltetur, sed magis se humiliet, ne exaltetur. Dico in mundo exaltetur autem in Deo. Nam qui vere humiliis est, non ambit honorem; cum honorem accipit, non per ambitionem rapit honorem, sed propter humilitatem rapitur ad honorem, ne sit ipse praedator honoris, sed quasi praedator ipsius honoris. Humilitas enim sine honore ipsa sibi sufficit ad honorem; honor autem sine humilitate sese perducit ad confusionem. Sicut ergo humilitas digne prævenit honorem, et sic et digne custodit. Videant itaque qui in honore sunt, ut se humiles in omnibus exhibeant exemplo Christi; qui sicut magister humilitatis, cum esset precessor, factus est sicut ministrator; cum esset primus, factus est quasi novissimus, inclinans se usque ad pedes discipulorum. Exemplo humilitatis sicut sicut mole gravi premit vos Christus usque ad humiliam, ut subdit sitis etiam subditis. Hoc ergo sentite in vobis, quod et in Christo Jesu. Cum esset

A ille Deus in forma Dei, semel ipsum exinanivit formam servi accipiens. Et vos dii estis, exinanite vosmetipos, et servilem formam assumite, ut interim efficiamini: sicut homines propter homines, infirmi propter infirmos, ocanum necessitates et infirmitates in vobis ipsis suscipientes, sicut ille qui dicit: *Quis infirmatur, et ego non infirmor? Quis scandalizatur, et ego non ueror?* (II Cor. xi.) Oportet vos omnibus plus laborare, quia pro omnibus. Propter quod non solum servi hominum estis, sed et servitus hominum, sicut boves triturantes; sicut jumenta, que necessitatibus hominum laborando deserviant. Terra plebeium subjectarum, si datum queritis, fenum et herbam vobis producit in temporibus, quem vobis debentur, et quem habetis et possidetis. B Fructum queritis, et non datum, cum Apostolo dicente: *Non quero datum, sed quero fructum* (Philip. iv), abundare debet fructus justitiae in terra vestra, sicut in agricultura Dei. Per ministerium vestrum, fenum et herba vobis debentur; at vos quid debetis? Primum quidem omnia vestra, deinde vosmetipos, totum quod potestis, totum quod estis. Denique animas vestras pro animabus vobis commissis, et libentissime, sicut ille, qui dicit: *Libentissime impendam, et superimpendar ipse pro animabus res r's* (II Cor. xii). Ergo debitores estis, non quasi uni parti gregis commissi, sed universo gregi; sicut universis, ita et singulis, sapientibus et insipientibus. Pro omnibus enim reddenda est ratio. Propterea universo gregi attendite, in quo vos Spiritus sanctus posuit. Ad illos enim pertinet hic sermo, qui non sibi sumunt bonorem, sed vocati sunt a Deo tanquam Aaron. Hi enim cum spiritu hujus mundi aguntur, a Spiritu sancto positi non sunt, nec a Deo electi sunt sicut Aaron, quem elegit ipsum; sed ipsi vocaverunt nomina sua in terris suis. Quidam sunt illa? Nomina forte bonorum, nomina dignitatum. Archidiaconus, episcopus, archiepiscopus, ceteraque similia, magna nomina sunt. Multi haec nomina nondum habentes, et habere cupientes, nondum sua, vocaverunt quasi ad se, ut essent sua. Vocaverunt autem clamore valido, forte obsequiis, forte munieribus, forte assencionibus, vel aliis modis, quibus vocare solent, qui ad haec vocati non sunt. C Illi sunt quos agitat spiritus hujus mundi, spiritus vertiginis. Illos Deus non vocavit, et ideo non justificavit, nec glorificabit. Nam ab omnibus gloriam querunt, non gloriam quae ex Deo est. Etsi coram omnibus gratiosi et gloriosi inveniantur, coram Deo confusi sunt, quoniam Deus sprevit eos. Vos autem non sic, quos Spiritus sanctus posuit episcopos regere Ecclesiam Dei. Nomen vestrum et causa nominis vos adiunget officii vestri, ut nihil negligenter agatis in cura vobis commissa; sed satis superque attenti et intenti sitis regere Ecclesiam Dei. In hoc posuit vos Spiritus sanctus. Hoc est enim officium vestrum, secundum geminum regendi modum dirigere et corrigere in justitia et iudicio;

bis enim virtutibus sedes Dei aut præparatur, aut corrigitur, sicut scriptum est : *Justitia et judicium præparatio sedis tuæ (Psalm. lxxxviii)*. Et alibi. *Justitia et judicium correctio sedis ejus (Psalm. xcvi)*. Cathedra enim vestra, sive sedes vestra plebs subiecta est, cui præsidentis, sed ad tempus: sicut vicarii Christi, qui vobis præsedit, [et in eis sedet, sicut] in sede sua, et vos in illis sicut in sede vestra, sed magis illius. Ergo sedetis sicut sedes in judicio, quia justitia et judicium præparatio sedis ejus. Per vestram enim justitiam et vestrum judicium præparanda est sedes Dei in directione virtutum, gratia ipsius cooperante, cui dicitur : *Tu parasti directio-nes (Psalm. xcvi)*. Per vestram justitiam vestrumque judicium præparanda est sedes Dei, in his qui nondum sessibiles se Deo sessori præbuerunt; hoc est in his qui nondum Deo per obedientiam subjecti esse cœperunt: præparanda est et in iis qui cœperunt, ne deficiant, sed magis et proficiant, donec quæ bene inchoata sunt perficiant: præparanda est et in iis qui lapsi sunt, ut Deo juvante erigantur, quia Dominus supponit manum suam. Ad vestram justitiam vestrumque judicium oculi omnium respiciunt. Inde pendet salus subditorum et vita multorum. Vita vestra speculum est sanctitatis, honestatis exemplum, justitiae signaculum; personæ multarum fa-

A cierum quæ sunt in Ecclesia, ibi vident aut sue pulchritudinis gratiam, aut deformitatis maculam. Ibi vident quid imitari debeant, et cui conformari cupiant, designatur vita subditorum sicut cera mollior, ut imaginem accipiat signo sanctitatis expressam. Diligit ergo justitiam, qui judicatis terram. Si Christum diligitis, et justitiam diligite. Ipse enim factus est nobis sapientia a Deo et justitia, quando, cum non nosset peccatum, factus est pro nobis peccatum, ut nos efficeremur gratia Dei in ipso. Christus factus est hostia pro peccato, et sicut bonus pastor animam suam posuit pro ovibus suis, vobis relinquens exemplum, ut sequamini vestigia ejus. Christus Ecclesiam sanguine suo acquisivit, ad ostensionem nimirum charitatis suæ qua dilexit eam, B sanguinem suum pro ea fudit, et sic charitatem effudit. Hanc sic acquisitam, tam charam atque dilectam vobis communendavit, vobis communis, quasi consilens de vobis, ut per vos consilat in ea cor viri sui. Propterea, sicut diligit Christum, et sicut de vobis confidere potest, sic custodite sponsam ejus in fide vestra, zelantes eam, non vobis, sed illi; ut exhibeatis eam virginem castam sponso suo Domino nostro Jesu Christo, qui est super omnia Deus benedictus in sæcula. Amen.

TRACTATUS DECIMUS TERTIUS

SEU SERMO

De verbis illis : *Charitas Dei diffusa est in cordibus nostris per Spiritum sanctum, qui datus est nobis. (Rom. v.)*

Charitas Dei, qua nos dilexit ante mundi constitutionem, et elegit in dilecto Filio suo, ipsa est fons et origo omnium bonorum, quæ nobis collata sunt in die creationis nostræ et in die redemptionis nostræ, et in die justificationis et sanctificationis nostræ: insuper autem et eorum, quæ nobis conferenda sunt in die glorificationis nostræ, quanlo glorificabitur in nobis Deus, et nos in illo. Non tecum dilexit nos Deus, non mediocriter, non exiliter, sed plenius, sed pinguis, non simulate, non sicut, sed pure et sincere; non specientus, non forinsecus, quasi in superficie, sed intrinsecus et medullitus; non verbo et lingua, sed opero et veritate. Si habitudine attendis, pinguis est ista charitas et medullata. Omnes enim miserationes Dei super nos unde processerunt, nisi de inolita ejus benignitate? nisi de mera liberalitate? nisi de pura gratia? nisi de plenissima benevolentia? Quidquid enim possunt merita nostra, hoc ipsius est gratia; et quod supra merita est, haec est gratia super gratiam, utpote cumulans et cumulatior gratia. Si dimensionem queris hujus charitatis, quia magna est, apud illum quidem mensurabilis est; apud nos immensa et immensurabilis. Si quo autem modo possumus comprehendere cum omnibus sanctis, quæ sit

C dimensio ejus, quanta tamen sit, comprehendendi vix potest, aut omnino non potest: supra id enim quod possumus, aut dicere, aut cogitare, alta est et profunda, longa nihilominus et lata.

DAltitudo ejus sublimitas gloriæ, quam præparavit Deus diligentibus se, hoc est, *quod oculus non vidit, nec auris audivit, nec in cor hominis ascendit (Isa. LXIV)*. Profunditas ejus exinanitio unigeniti Filii Dei, et inclinatio tantæ majestatis de sinu Patris usque ad opprobrium crucis; de principio vitæ usque ad finem vitæ, a summo ad imum, de cœlo usque ad infernum, a fine usque ad finem. Quis autem sufficit cogitare finem et finem? Quis potest comprehendere de quam alto venit, aut quantum intersit inter summum unde descendit et imum quo descendit? Altitudo ergo hujus charitatis est hominis proiectio, profunditas ejus Dei est inclinatio, et, ut dictum est, a summo usque ad imum, ab initio usque in finem. At longitudine ejus siue initio et in fine. Nam dilectio ejus erga nos sicut nec desinit, sic nec incipit. *Misericordia enim ejus ab eterno et usque in eternum, super timentes eum (Psalm. cxii)*. Latitudo ejus ampla est et diffusa, communis et generali utilitate benevolentiae ipsius et beneficentiae. *Omnis enim homines vult salvos fieri, et ad agnitionem veritatis venire (I Tim. ii)*, quod bene-

voleatice est. *Et proprio Filio suo non pepercit; sed pro omnibus nobis tradidit illum.* (Rom. viii), quod beneficentiae est. Beneficentia autem ejus eo major testimanda est, quo non solum ad omnes, sed et per omnia extenditur. Qui enim proprium Filium nobis delit, quomodo non etiam cum illo omnia nobis donavit? (*Ibid.*) Haec autem charitas ante mundi constitutionem in consilio et proposito Dei clausa fuit, sed ordine suo revelata est, profusa et effusa, infusa et diffusa. Largiter quidem profusa est, quando Deus ad imaginem et similitudinem suum hominem creavit; largius et abundantius effusa est, quando per mortem unigeniti Filii sui hominem redemit. Infusa vero est, quando cor hominis ad tantam excellentiam charitatis intelligentiam per gratiam fidei illuminavit. At tunc diffusa est, quando aemulationis proposito, et imitationis desiderio, et vicarice dilectionis studio ampliati cordis latitudinem implevit. Haec est diffusio, qua speciem nostram confirmat, ut non nobis timenda sit confusio. *Spes,* inquit Apostolus, *non confundit: quia charitas Dei diffusa est in cordibus nostris* (Rom. v), quae Dei est a. l. nos. Hanc enim illo in loco commendat Apostolus; sed per hanc diffusam diffusa est et illa in cordibus nostris, quae est a nobis ad ipsum. Sié autem diffusa est haec per illam, et in illa, sicut lux oculorum qui a sole illuminantur, diffunditur in luce, per quam illuminantur.

Audi attentius hujus comparationis similitudinem, ut de corporali luce ad spiritualem ratio ducatur. Est lux illuminans, qua quid videat vel videatur. Est lux illuminata, ut videat eujusque rei species; est lux illuminata ut videat. Lux illuminans, ut quid videat vel videatur, est lux ista solis, quae in ipsa palpetra diluculi insunditur, ut ipsa primum videatur; deinde latius diffunditur, ut in ipsa videantur variae rerum species, quae cum coloribus et formis et figuris suis oculis nostris exhibentur. Lux illuminata ut videatur, istae sunt visibilium species quae, dum in tenebris sunt, ibi videri non possunt; sic quasi tenebrae sunt indistincta confusione informes: quando autem in luce sunt, quasi quedam lux sunt illuminata, ut videri possit. Nam, ut Apostolus ait: *omne quod manifestatur, lux est* (*Ephes. v*). Sic autem visibilis species videtur in luce, simul videatur lux in spiritu; et tanto clarius, quanto clarior est lux, quam species. Lux illuminata ut videat lux est oculorum, quae late diffunditur in luce diffusa, cum late patent oculis, quae luce diffusiore illustrantur. Lux autem spiritualis, quae oculos nostros illuminat, charitas Dei est ad nos. Beneficia autem Dei multa et magna nobis exhibita et prærogata, lucem charitatis quasi in se excipiunt, et oculos nostros ostendunt. In ipsis enim appareat, quantum diligit, et diligi debet a Deus. Nam, dum magnitudo beneficiorum ejus ante oculos nostros se expandit, immensa Dei charitas late patens palam innotescit; et in ejus contemplatione aspectus quoque mentis nostræ

Alatius se diffundit; et, dum charitas qua nos diligit Deus secundum dignam estimationem beneficiorum ejus altius cogitatur, imis sensibus intimata dulcescit, et mira suavitate mutui amoris cor afficit, amplius illud et dilatans, ut Dei capax efficiatur: cuius charitati secundum vicissitudinem amoris se coaptat et conformat, secundum altum et profundum, longum quoque et latum. Alta est cuim charitas ad Deum, cum altitudo speratur, et sublimitas gloriæ desideratur, non in hoc sæculo, sed in Deo, qui dicit: *Cum exaltatus fuero a terra, omnia traham ad me ipsum* (*Joan. xii*). Cui et sponsa dicit: *Trahe me post te* (*Cant. i*). Profunda est, cum propter Deum veritas ambitur; et abjectio eligitur, exemplo illius qui dicit: *Elegi abjectus esse* (*Psal. LXXXIII*); ubi ostenditur, quod nolit eligi ad honorem, qui ipse sibi elegit affectionem. Longa est charitas, quæ perseverat usque in finem, imo magis sine fine. Charitas enim nunquam excedit. Lata est, quæ memor benevolentiae et beneficentiae Dei, inter adversa et prospera in ipso semper delectatur, in ipso lætatur, illi jubilat semper et exultat, tam lata quam læta, sine angustia pusillanimiatis et murmurantis. Charitatis quippe latitudo ipsa est cordis dilatatio, quæ et ipsa est justitiae delectatio. Hanc diffusionem charitatis in dilatatis cordibus nostris operatur charitas Dei, Patris scilicet vel Filii, operatur autem per Spiritum a sanctum, qui datus est nobis; qui et ipse Patris et Filii amor est, amborum connexio. Ut cetera Dei beneficia ad præsens reticeantur, quantum est ad exigendam a nobis charitatem, quod unigenitum Filiu suum dedit nobis, ut nos in eo sibi gratificaret, nec non et Spiritum sanctum, qui cor nostrum prepararet, quo cum Filio et Spiritu sancto Pater ipse veniret, et apud nos mansionem ficeret! Divisiones quilibet gratiarum sunt, et in his omnibus charitas superexcedit: cuius diffusio per Spiritum sanctum fieri, et ipse Spiritus dari non frustra dicitur, non sine causa. Magnum et eximium est gratiae munus, cum quo seipsum dat ipse munieris auctor, non sustinens dividi ab hoc suo munere, vel hoc munus a se. Qui ergo charitatem accipit in numero, recte in Deo gloriari potest, et dicere: *Charitas Dei diffusa est in cordibus nostris, per Spiritum sanctum, qui datus est nobis* (Rom. viii). At qui sermonem sapientia habet, vel sermonem scientiarum, vel genera linguarum, vel interpretationem sermonum, vel gratiam cuiuspiam administrationis, vel operationis, quamvis haec dona sint Spiritus sancti; tamen, si charitatem non habet, tam non habet Spiritum sanctum in se, quam verum est illud, quod scriptum est: *Spiritus sanctus disciplinas effugiet factum* (*Sap. i*). Charitas autem contraria modis cor nostrum et angustat et dilatat. Sæpe sentire potes quomodo stomachus ad cibos abominabiles, quos respuit, se angustat et arcat. Vix enim strictis fauibus ingreditur, quo non libenter accipitur, Nihilominus sentire potes, quomodo

a. i cibos desiderabiles se relaxat et dilatat, et qua facilitate glutitur quod cum magna aviditate percepitur. Sic et charitas ad sæcularia desideria quæ non recipit, cor angustat, ad quæque salubria et sancta voluntatem dilatat, et libertatem desiderii sui relaxat. Cupiditas vero ad hæc transitoria se dilatat, quantum se ad cœlestia coaret; et quantum cor magis retrahit, tantum ad minima constringit. Magna autem et ampla sunt quæ aeterna sunt; parva vero sunt, quæ angustia temporis mox clauduntur, et brevi voluptate cito finiuntur. Habet autem cupiditas suam altitudinem per affectatum

A honorum ambitionem; habet suam profunditatem per simulatam humilitatem, vel affectatam exaltationem; habet et longitudinem, per irrevocabilem continuationem; habet et latitudinem per inexplicabilem capacitatem. Nos igitur, qui mundo renuntiamus, qui non spiritum hujus mundi accepimus, sed spiritum qui ex Deo est, ut charitas Dei in cordibus nostris diffusa permaneat, sicut decet religionem nostram, diligamus Deum toto corde, tota anima, tota virtute, eodem Spiritu intus operante, qui est super omnia Deus benedictus in secula. Amen,

TRACTATUS QUARTUS DECIMUS

SEU SERMO

De verbis illis: Introduxit me in cellam vinariam, ordinavit in me charitatem; fulcite me floribus, stipate me malis; quia amore langueo (Cant. ii).

Amor languor est et infirmi animi passio. Ad quam veritate in asserendam si indigna et minus idonea videtur auctoritas poetæ, qui dicit :

Hei mihi, quod nullis amor est medicabilis herbis : apud religiosas mentes sufficere debet vox sponsæ, quæ loquitur quod sentit, et dicit : Amore langueo. Videamus ergo an omnis amor languor sit. Est naturalis amor, quo parentes se diligunt et liberi; et in brutis animalibus vim suam obtinet. Nam et haec super fetus suos varie afficiuntur. Ursæ quippe catulis suis blande murmurat, et gallina super pullos suos infirmatur. Quid nisi amor efficit, ut plangeret Jacob, et diceret : Fera pessima comedit filium meum, bestia devoravit Joseph? (Gen. xxxvii.) Quid nisi amor impulit David, ut plangeret, dicens : Fili mi Absalon, Absalon fili mi; quis mihi det, ut ego moriar pro te, Absalon, fili mi, fili mi Absalon? (II Reg. xix.) Est socialis amor, quo amicitiae foeda junguntur: quo quidem amore David et Jonathas sese dilexerunt, cuius dolore cruciabatur David, cum diceret : Doleo super te, frater mi, Jonatha, decore nimis, et amabilis super amorem mulierum : et sicut mater unicum amat filium, ita te diligebum (II Reg. i). Est conjugalis amor, quo sese caste diligunt sponsus et sponsa, qui plerunque amari separantur, quam dulcius copulantur. Est incestus amor, vel alias impudicus. Habet hic amor passiones suas, et dolorum angustias. Probat Ammon diligens Thamar, cui locutus est Jonathas : Quare sic macie attenuaris, fili regis, per singulos dies? (II Reg. xiii.) Probat et Sichem, qui Dinam dilexit, et agglutinata est animæ ejus anima illius. Est vanus amor, amor hujus mundi, quo diligitur quod ad vitam beatam obesse potest, et prodesse non potest. Quem amorem coarguit Prophetæ dicens : Fili hominum, usquequo gravi corde, ut quid diligitis vanitatem? (Psal. iv.) Illic vanus amor, sicut et impudicus amor, non solum languor est, sed et vitium animæ, et mors. Est sanctus amor, quo Deus vere, caste pureque diligitur, qui et ipse languor est. Hoc enim ansie laborat, quæ dicit : Amore langueo.

B Sed, si amor Dei charitas est, et charitas virtus est, et inter virtutes summa est, quomodo amor Dei languor est? An amor Dei vel charitas infirmitas est? Et virtus languor, et sanitas mortis et medicina. Quomodo sanitas vel medicina non est, per quam ab ægritudine curata est? De qua scriptum est : Dimissa sunt ei peccata multa, quoniam dixit multum (Luc. vii). Quomodo charitas sanitas non est, quæ languentis animæ vulnera curat, et operit multitudinem peccatorum? Si autem charitas sanitas est, quomodo languor est? Et si languor, quomodo incurabilis languor non est, cum scriptum sit : Charitas nunquam excidit? (I Cor. xiii.) An amor aliter habetur in desiderio utendi, aliter in usu desiderii? Ita plane. Interim quippe amor languor est, dum quæ amat, aestuat, anhelat, et suspirat; dum non habetur, quod desideratur; dum cruciatur, quæ a cupitis sponsi amplexibus distractur, et quia distractur. Sed, qui sarat omnes infirmitates tuas, o sponsa, et hunc languorem tuum curabit, cum se videbundum ad habendum et fruendum præbebit sponsus; illi est quando videbis eum sicuti est, oculo ad oculum, facie ad faciem, semel ei jungenda, et ab ejus colloquio, visu, osculo et complexu nunquam disjungenda. Extunc excidet languor tuus, sed nunquam amor tuus. Non erit, ut tunc dicere possis : Amore langueo; sed magis : Amore gaudeo; et inde tibi gaudium, quod gaudebit sponsus super sponsam, et gaudebit super te Deus tuus. Illic unus languoris, sed non sivis amoris. Interim autem quid? Spousa gravis infirmatur, et languida lecto tenetur Dominus opem ferat illi super lectum doloris ejus (Psal. xl). Quid opis, quid consilii, quidve solatii dabitur illi? Nam de remedio amoris non nunc agitur. Procul enim est, et ultra fines terræ, et sub caelo non iuvenitur. Ipsa autem quæ clamat, et vim suæ passionis sentit, quia remedium hoc tempore vel loco sperare non potest; solatia saltem a domesticis suis postulat, quibus consolentur eam, donec transcat infirmitas. Sed et more lauguen-

tium primo declarat initium, et causam, et processum, deinde requirit solatum; quia nondum sperat remedium, quod novit aliquantis per differendum. Quasi requisita, o mulier languida, unde tibi haec infirmitas? Respondeat: *Introduxit me in cellam vinariam.* Qis te introduxit? Sed quidem sub umbra illius quem desideraveram, et ille cibatam fructu suo, qui dulcis erat gutturi meo, introduxit in cellam vinariam, ut cibatam potaret poculo amatorio, quod depromptum de cella vinaria misericordi mihi, et cum gaudasse, volui bibere. In hunc modum amore langore. Qui desideratis poculum salutis (hic enim languor salus est), cum sponsa bibere, attendite quae sit cella vinaria, ut introducamini in eam. Et, si vultis audire, cella cordis ipsa est, cella vinaria, ubi est vinum amoris. Cellula, inquam, cordis, sed eorum qui convertuntur ad cor. Nam qui extra se vagantur, ambulantes in desideriis erroris, longe facti a corde suo, tanquam vecordes, qui respiciunt ad vanitates et insanias falsas, hi extra cellam vinariam sunt, qui ad se revocantur per prophetam dicentem: *Redite, prævaricatores, ad cor* (*Isa. xlvi.*). Forte non omnes qui ad cor redeunt, statim in cellam vinariam introducuntur. Sponsa enim prius sedet sub umbra, et desiderat, et fructus dulcedinem laudat, et post introiacitur in cellam vinariam. Sunt nempe multi, qui prius licite utuntur hoc mundo, et sedent sub umbra, et desiderant, et suavem fructum justitiae laudant, et de via perfectionis secum tractant, et gratia divinae miserationis compuncti, disponunt propter Christum omnia relinquere, eique soli in omni puritate cordis adhaerere. Qui cellam vinariam tunc intrant, cum propter Christum omnia contempnenda judicant, et a corde suo alienant. Nec intrat sponsa quasi per se, sed introducitur; quia nemo viam perfectionis recte ingreditur, vel ad cor revertitur, nisi vox illius in corde convalescat, cui per Prophetam dicitur: *Dixisti, convertimini, filii hominum* (*Psal. lxxxix.*). Et iterum: *Animam meam convertit* (*Psal. xxi.*). Tunc ergo sponsa introducitur in cellam vinariam, cum per contemptum mundi amor mundi de toto corde totus excludatur. Propter quod introducta, et omni cupiditate postponita, et per vinum compunctionis sobrie mentis abalienatione iam mundi obliterata, nihil in se nisi charitatem sentiens, dicit: *Ordinavit in me charitatem.*

Utramque hic intellige charitatem, et Dei et proximi. Nam ea quae est proximi, reducitur ad charitatem Dei, cum proximus non sit diligendus, nisi secundum Deum, in Deo, vel propter Deum. Charitas autem ordo virtutis est; sed virtus ordo amoris est, differenter tamen. Sic enim virtus ordo amoris est, ut ab amore ordinetur; sic charitas ordo virtutis est, ut eam ordinet ipsa prius ordinata, ut ordinare possit. Ordinatur autem charitas estimatione, emulatio et electione. Estimatione quidem, cum vero iudicio mentis omnibus melior, dignior et prelio-

A sior aestimatur. De estimatione charitatis Apostolus consule: ipse tibi dicet quam digne et magnifice aestimanda sit. Adhuc, inquit, excellentiorem viam robis demonstro (*I Cor. xiii.*). Et iterum dicit: *Nunc autem manent fides, spes, charitas, tria haec. Major autem horum est charitas* (*ibid.*) Et iterum: *Scire etiam supereminenter scientiam charitatem Christi* (*Ephes. iii.*). Parum est autem de charitate sic sentire, et sola estimatione omnibus eam praeserre, nisi et affectione appetitio omnibus preponatur, ut ante omnia et super omnia desideretur. Ad quod admonet Petrus, cum dicit: *Ante omnia autem mutuam in robis metipsis charitatem continuam habentes* (*I Petr. iv.*). Et Paulus, cum dicit: *Emulamini charismata meliora* (*I Cor. xii.*). Et iterum: *Super omnia haec charitatem habete* (*Coloss. iii.*). Quoniam autem nonnulli charitatem estimatione vel emulatio probant, et electione vel sectatione non probant, ordinanda est et electione, quatenus sic queratur, ut habeatur et tencatur. Ad obtinendam enim charitatem, non sufficit cum estimatione qualisque emulatio, sine sectationis studio. Nonnulli enim ad eam aspirant et suspirant, qui in ea nunquam respirant. Concupiscunt enim, et non apprehendunt: propterea vane concupiscunt, ideoque vane, quia consilio non utentes, moribus improbant, quam judicio, et qualunque desiderio non consilio probant. Estimatio autem in iudicio rationis est, emulatio in desiderio voluntatis, electio in consilio discretionis. Discretio autem electionis non est, ubi eligitur quod deterius est. Propterea Apostolus dicit: *Sectamini charitatem* (*I Tim. vi*). Sectando enim, hoc est Dei consilio utendo, charitas apprehenditur. Hoc est autem consilium: rebus illicitis pro amore Christi renuntiare, ut charitas habeatur; et a rebus licitis, quantum possibile est, abstinere, ut perfectius habeatur. Hoc est consilium, ut cupiditas omnino abhiciatur, quatenus sic charitas acquiratur. Hoc consilium insinuat, qui dicit: *Si dederit homo omnem substantiam domus sue pro dilectione; quasi nihil despiciet eum* (*Cant. viii.*). Descriptione labentium acquiritur amor aeterno. Unde Contemptu cupiditatis emitur aurum charitatis. Omnia, inquit Apostolus, detrimendum feci, et arbitratus sum ut stercora, ut Christum lucrisacerdem (*Philip. iii.*). Charitas autem primo loco cordis sui iudicio dignae estimationis, et toto desiderio emulacionis, et omni studio sectationis collocata, suo loco constituta est, ideoque ordinata. Is etenim locus ei debetur. Ipsa vero sic ordinata omnia ordinat, ut secundum ordinem omnia flant. Cum enim Apostolus dicat: *Omnia secundum ordinem flant in vobis* (*I Cor. xiv.*); et ipse idem dicat: *Omnia vestra in charitate flant* (*I Cor. xvi.*); colligi potest, secundum ordinem fieri quae in charitate flunt, et extra ordinem esse quae in charitate non flunt. Charitas angelos ordinat in officiis et ministeriis suis; ordinat vitas et mores justorum in professionibus et studiis suis; ordinat agmina virtutum in stationibus

suis, ut virtutum chorus ordinatus, id est castrorum acies ordinata, ab hostibus irrumpti nequeat, vel turbari. In charitate ordinata est lex per angelos in manu mediatoris. Radiante enim virtute Christi in charitate, quam in nobis commendavit, post spiritum timoris accepimus spiritum adoptionis filiorum, ne non in timore, sicut sub lege, non ex tristitia vel ex necessitate, sed ex intimo amore in letitia cordis, in libertate spiritus, serviamus illi. In charitate ordinatur testamentum super sacrificia bonorum operum, quia super omne bonum quod agimus, testamentum promissionis Dei ponitur, dum per amorem Dei semper æterna ratiobatio cogitatur, et omnibus meritis nostris superior æstimatur. Non sunt enim condignæ passiones hujus temporis ad futuram gloriam, quæ revelabitur in nobis (Rom. viii). Ordinavit charitas mysterium redemptiois nostræ, quæ Deum de loco dignitatis suæ quasi depositum, et in loco dignationis suæ posuit, et paulo minus ab angelis minoravit, et hominem inter homines collocavit. Ab æterno, inquit Dei Sapientia, ordinata sum (Prov. viii), haud dubium quin æquallis Patri, ut jure sit super omnia, per quam facta sunt omnia. Sed attingit a fine usque ad finem (Sup. viii); a fine, qui est finis vitæ, usque ad mortem, quæ est finis vitæ; fortiter quidem, quia mortem moriendo destruxit; disponens omnia suaviter, in humilitate et charitate omnia ordinavit; pacificans, et restituens, et componens, ut sibi subjecta sint omnia. Tunc enim omnia ordinata sunt, cum sub eo sunt, a quo sunt. Ordinem suum deseruit, qui loco suo stare renuit, volens Deo per æqualitatem coesse, non per humilitatem subesse, dicens: Ero similis Altissimo (Isa. xiv). Ordinatione tua, Deus, perseverat dies (Psal. cxviii); tua quidem, non propria, cuiusque sua. Propterea ille non perseveravit, quia ordinationem turbare præsumpsit, minime attendens, quoniam omnia serriunt tibi. Illic angelus lucis, qui erat sicut dies cœli, factus est princeps tenebrarum, et caligo noctis. Charitas vero, quæ per obedientiam omnia Deo subjicit, suo arbitrio cuncta disponit: et nunc consultit quod perfectius est, nunc præcipit quod necessarium est, nunc permittit quod illicitum non est, nunc eligit quod melius est, nunc suscepit quod necessarium est.

Licet enim libertas adjuncta sit charitati, cedit tamen charitas necessitatibus, dum nonnunquam prætermittit quod melius est, ut devitet quod deterius est. Sæpe enim dum æmulamur bonum quod melius est, dignus et perfectius, impedimur auctoritate superioris potes atis, aut violentia alicujus difficultatis, aut imbecillitate propriæ infirmitatis: unde evenit, ut quod æmulatione fuerit prius, electione et sectatione sit posterior. In disponendis itaque illis quæ facienda sunt, atitur charitas nunc ordine libertatis et dignitatis, nunc ordine dispensationis et necessitatis. Nam, cum nec vis majoris auctoritatis, vel cujuspam difficultatis, nec trepidatio pu-

A sillanimitatis obseruit, libere eligit et sectatur quod dignius est et perfectius. Cum autem libertas electionis, imo electio melioris aliquomodo impeditur, ordine præpostero, ordine tamen, suscepit charitas quod necessitas imponit, aut infirmitas suggerit. Charitas quippe, cum sua libertate utitur, accedit meliori; cum necessitatibus cedit, aut infirmitati concedit, subiecta se bono inferiori. Unde, cum æmulatur quod melius est, et aliqua vi actionis urgetur ad id quod inferius est, nonnunquam electione habitat, et quid eligat, ignorat; sed quid magis appetat, non ignorat. Illic Paulus magis desiderans esse cum Christo, multo enim melius; et necesse habens propter fratres in carne manere, electionis ambiguo arietatur et dicit: Et quid eligam ignoro (Philip. i). In omnibus autem justis, sive in his qui meliora libere eligunt, sive in iis qui inferiora bona suscipiunt, ipsa charitas semper ordinata est; semper prima æstimatione, æmulatione, sectatione vel electione. Nemo enim magis bonus est, nemo minus bonus, dummodo bonus, qui non ipsam charitatem cæteris anteponat, etiamsi dilectione præponenda electione postponat. Cum autem charitas fuerit ordinata, cumque ipsa ordinaverit, et quocunque modo ordinaverit, omnia pariter ordinata sunt. Ipsa enim ordo est gerendorum; et extra ordinem non sunt quæcunque in charitate sunt. Sponsa autem jam mundum contemnens, jam ordinatam charitatem habens, jam præ amoris magnitudine æstus sui pectoris ferre non prævalens, quibus putas passionibus angitur, quibus doloribus cruciatur? Quomodo torquetur inter scandala odio et tædio, quam graviter suspenditur dilatione et exspectatione, a spe et desiderio! Quis explicare queat omnes angustias languentis sponsæ, quas pro dilecto patitur, cui minus est omne quod patitur? Ad languorem ejus pertinet, quod ipsa de se dicit: Nolite me considerare, quod fusca sum: quia decoloravit me sol (Cant. i). Sed nunquid ubi passiones Christi abundant, consolationes Christi non abundant? Imo abundant. Habet ergo sponsa consolationes suas, tum in suis bonis, tum in aliorum, sed bonorum, exemplis. Videt enim in numero bonorum alios incipientes, et quasi initii virtutum florentes; videt D et alios maturitate morum ad culmen perfectionis pertingentes.

Quid sunt autem amantium, et amore languantium exempla, in initiis et complementis virtutum, in primis rudimentis et maturioribus patientiæ exercitiis, nisi flores et fructus honoris et honestatis? Gaudet sponsa incipientes præcedere, gaudet et fortiores æquare. Gaudet illos habere subtus se, ut tanquam floribus susulta mollius quiescat. Gaudet et illos habere ex latere, et juxta se, ut quasi malis stipata et circumsepta, nec ad dexteram, nec ad sinistram se vertat; sed indeclinabiliter et fortiter ad fortia convalescat. Propter quod dicit: Fulcite me floribus; stipate me malis. Tanquam dico et domesticis suis: O intimi

sensus et affectus mei, consolamini me, et hoc agite in me, ut substratis floribus mollius incumbam; et ut circumpositis malis stipata, aliorum me non vertam. Juval sic agrotare, dum mihi pro solatio sint, qui mecum pariter doleant, et simili moerore languescant. Habet preterea sponsa languoris solatum de meritis suis, et meritorum praemii. Attedit siquidem tria in premium sibi repromitti a Domino dicente: *Nemo est qui reliquerit illa vel illa propter me, et propter Evangelium, qui non accipiat centies tantum nunc in tempore hoc cum persecutionibus, et in fine saeculi vitam aeternam* (*Marc. x.*). Postquam per incrementa virtutum diu profecerit, et circa studia spiritualis disciplinae gese strenue excrucuerit, tunc demum centuplum invenit in cordis pace et tranquillitate, serenitate et securitate, delectatione justitiae et inenarrabili spiritualis jucunditatis dulcedine. Haec sunt mala, bi sunt fructus justitiae, qui ex floribus inchoatae disciplinae proveniunt. Non solum autem haec, sed et mala tribulationum et persecutionum, quae ad exemplum patientiae nonnunquam praerogat Deus, desiderantibus proximine Jesu pati, vel etiam mori. Unde et patiens Job dicit: *Qui capitur, ipse me conterat. Solvit manus*

A suam, et succidit me: ei hinc mihi sit consolatio, ut affligens me dolore non parcat (*Job vi.*) Et iterum: *Si flagellat, occidat semel, et non de paenitentium rideat* (*Job ix.*) Nonne qui hoc dicit, ipsa flagella in se provocare videtur, et quasi dicere: *Stipate me malis? Quae quidem non diceret, nisi floribus virtutum suffultus fuisset*. Erat enim simplex et rectus, et recedens a malo. Sponsa ergo perfectionis emula non solum virtutum charismata, et interna pacis gaudia beneficia Dei reputat; sed dona Dei in tribulationibus suis agnoscit, et flagella eius quasi quædam beneficia grataanter acceptat. *Vobis, inquit Apostolus, donatum est pro Christo, non solum ut in eum credatis, sed ut etiam pro illo patiamenti* (*Philip. i.*) Si autem his malis, quasi quibusdam iustitiae fructibus sponsa stipari desiderat, quanto magis ad illos inestimabiles iustitiae fructus, qui in futurum reservantur, suspirat! Nam et hos cogitare potest fructus, cum dicit: *Stipate me malis*. His siquidem malis spe saltem interim beso consolatur ab omni tribulatione malorum et dolore, donec videat quem amat, sponsum suum Iesum Christum, qui est super omnia Deus benedictus in secula. Amen.

TRACTATUS QUINTUS DECIMUS

DE VITA COENOBITICA, SEU COMMUNI.

Gratia Domini nos in Iesu Christi, et charitas Dei, et communicatio sancti Spiritus, sit semper cum omnibus robis (*II Cor. xiii.*).

Institutio vitæ communis non parva, non levia, non mediocri auctoritate suffulta est et submixa. In vita communis primitiva fundata est Ecclesia; a vita communis nascentis Ecclesie cœpit infantia. Vita communis ab ipsis apostolis accepit suæ professionis exemplum, sui honoris titulum, suæ dignitatis privilegium, auctoritatis suæ testimonium, defensionis patrocinium, spei suæ firmamentum. Apostoli, qui a Deo constituti sunt principes super omnem terram; principes populorum, qui congregati sunt cum Deo Abram; dili fortis terræ, qui vehementer elevati sunt; amici Dei, qui nimis honorati sunt, et nimis confortatus principatus eorum; senatores cœli, judices mundi, quibus facta est recompensio sedere super duodecim thronos, et judicare duodecim tribus Israel; patres conscripti, quibus dati sunt gladii in manibus eorum, ad faciendam vindictam in nationibus, et increpationes in populis; ad alligandos reges eorum in compediibus, et nobiles eorum in manicis ferreis, ut faciant in eis judicium conscriptum: hi tanti viri, tam potentes, tam præclarri, indui virtute ex alto, instinctu Spiritus sancti vitam communem observandam suscepserunt, et exemplo suo confirmaverunt, et suis moribus comprobaverunt, nobisque servan-

D D dam tradidérunt; ut in terra positi, per communis vitæ similitudinem incipiāmus angelis Dei configurari, quibus sumus in aeterna vita sociandi, æquales similesque futuri. Vita communis juxta exemplaria cœlestium instituta est, de cœlo traducta, de cœlesti conversatione sanctorum angelorum ad nos usque transsumpta. Si ad commendationem vitæ communis parum est, quod ad nos usque ab apostolis, ad apostolos ab angelis Dei pervenit; est adhuc, quod adjici possit, super omnem laudem ejus. Ab ipso enim fonte vite manavit vita communis. Illuc nunc loquor fonte, de quo scriptum est: *Apud te est fons vite, et in lumine tuo videbimus lumen* (*Psal. xxxv.*) Vita sane communis quasi quædam splendor est aeterni luminis, quædam emanatio vite aeternæ, quasi quædam derivatio de perenni fonte, unde manant aquæ vivæ salientes in vitam aeternam.

De communi vita Patris et Fili et Spiritus sancti.
Deus vita est, sancta et individua Trinitas una vita est. Non alia vita Pater est, et alia Filius, et alia Spiritus sanctus; sed hi tres una sunt vita; et, sicut una est eorum communis essentia, communisque natura, ita una est eorum communis vita. Non est enim Deus singularis aut solitarius, quia Deus trinus et unus est. Nec vita Dei non communis est, quia tribus personis una est, individua et indifferens vita. Forte salva pietate fidei alicui videri poterit Dei essentia vel potentia singularis, vel singu-

laris sapientia, quia incomparabiliter supereminens est, et superexcellens, ideoque cum communis sit, quasi singulariter communis, et idcirco quasi singularis forte existimabitur. Ne sub verbi ambiguitate quod certum est in dubium revocetur, indubitanter constat, Dei vitam non ita esse singularem vitam, ut communis non sit, quia scriptum est : *Sicut Pater habet vitam in semetipso, sic dedit et Filio vitam habere in semeti, scilicet in se (Joan. vi).* Non decebat Deum solitarium esse, non congruebat dignitati ejus, gloria beataeque viæ consortem non habere. Juxta fidem sanctorum Patrum vera fidei professio, vera assertio, vera est protestatio, Deum Trinum et unum esse, non solitarium : et in adjutorium hujus fidelis ipsa nostra ratio quodammodo assurgit. Deus enim qui habitat lucem inaccessibilem, ne omnino ignoratur, et per ignorantiam non ametur, quadam sua luce, licet tenui, in cordibus nostris continentibus ; et ex ea parte sese magis nobis aperit, suamque naturam nobis prodit, qua nobis magis expedit naturam ejus cognoscere, quam pro modulo cognitionis indulxeremus toto corde, tota anima, totaque virtute diligere. Deus autem charitas est : et, sicut ait Apostolus : *Charitas ejus diffusa est in cordibus nostris, per Spiritum sanctum qui datus est nobis (Rom. v).* Charitas autem, quæ per gratiam in nobis est, aliquo modo representat nobis, qualis sit illa incomprehensibilis charitas, quæ Deus est, cuius natura sive charitas, sive benignitas est. Natura charitatis haec est, sicut quodam intimi sensu ipsius charitatis nobis medullitus intimatur, et amare, et velle amari. Sicut enim ignis non potest non ardere, sic et charitas non potest non amare. Amor enim ignis est, et amare hoc est ardere. Et sicut ignis non sese continet intra se, sed in hoc moveri videtur, ut semper attingat quæ incendat, ne in se tantum vivat, sed calorem suum, his quæ vel attacta vel incensa fuerint communicet, sic et amor quodam sensibili conatu gesti sese transfundere, et bonum quod habet, ad alterum, qui plena dilectione diligitur, transmittere, et in commune deducere, et in communem suæ possessionis consortem asciscere. Aeternatione enim charitatis omne bonum pulchritus glucescit, cum in commune deducitur, quantum dicitur.

In his autem bonis, quæ sufficere possunt amanti, et ei qui plena dilectione amat, amat charitas communionem, et maxime cum dilecto suo communiter habere, quam sola possidere quod ambobus possit sufficere. In iis autem bonis, quæ non possunt utrique sufficere, sive charitas præcligit ipsa carere, ne amicus careat, quem noverit sua benignitate indigere. In præstandis autem beneficiis id semper agit charitas, ut qui amatur amet, ne solus ametur. Semper enim, ut prædictum est, amat amari, nec amanti sufficit amor communionis, si non adsit communio amoris. Nam, cum bona sua velit esse communia, ipsum amorem multo magis. Nec sit amor non esse benignus, odit esse solitarius.

A In profusione largitionis, quasi per amorem communionis, conciliare satagit communionem amoris. Quæ est enim benignitas amoris, si bona sua sibi sibi retinere velit, et communicare non velit? Aut quæ est consolatio amantis, si solus non ametur, et solus ardet? Scriptum est : *Vix soli! (Eccl. iv)* Amor solitarius ipse sibi cruciatus est, et quodammodo scipsum odit, cum omnino nolit esse solitarius, ne non sit mutuus : et, sicut non potest sua benignitate suaque natura privari, sic non potest non amare communionem boni, communionemque sui. Charitati itaque, quæ in nobis est, duce res, quantum ad desiderium ipsius charitatis, inseparabiliter annexæ sunt, amor communis et communio amoris. Si autem alterutra desit, nondum beata est charitas, quæ nihil nisi beatitudinem querit in communione boni et communione sui. Sed, si bonum commune adsit, et amor communis non adsit, aliquid charitati deest, quod ipsa velit adesse. Si amor communis sit, et bonum commune desit, aliquid charitati deest, quod ipsa nolit deesse. Haec sic se habent in ea charitate, quæ nostra est, et in nobis est, et inter nos est; per quam charitatem nondum plene beati sumus, sed in futuro beatificandi sumus, in communione summi boni, quod omnibus poterit sufficere, et in communione amoris mutui, per quem nobis nihil non commune. Vide, mens mea, et considera, quoniam experientia charitatis tibi notæ id ipsum tibi de natura Dei demonstrat, quod Deus ipse de se per gratiam filii revelat. Poteras quidem, o mens, si peccato contemneras non censes, Deum in ipsa tui natura, sicut in imagine sua, quam familiariter cognoscere. Nunc autem pene excavata es, ut nec in te, nec per te, vel Deum vel te valeas pervidere. Quomodo ergo cœcus non sum? Fateor in hac parte, quantum in me est, cœcus sum; ut vere vox mea sit haec : *Dilexiliqut me virtus mea, et lumen oculorum meorum, et ipse non est mecum (Psal. xxxvii).* Quia semel coepi, adhuc loquar ad te, mens mea. Credo quod Deum videre, et in Deum ire desideras, et duce indiges, quia cœca es. Si ducatum fidei sequaris, non aberrabis; sed in ipsa luce fidei jam nunc videre Deum poteris. Sed nunquid in sola fide videtur Deus. Nunquid non in charitate? imo et in charitate, et magis in charitate. Ipsa enim charitas præceptum lucidum est, illuminans oculos. In nobis enim nihil similium est charitati, quæ Deus est, quam ipsa charitas, quæ in nobis a Deo est. Per hanc imago Dei in nobis reformatur; per hanc Deus in nobis videtur et sentitur, multoque plenius quam in sola fide cognoscitur. Si ergo invisibilita Dei per ea quæ facta sunt in nobis intellecta conspicuntur (Rom. i); si testimoniare licet naturam Dei ex gratia sua; si ex munere auctorem numeris cognoscere datur; procul dubio naturæ Dei congruit amor communionis, et communio amoris. Nam cuius natura charitas est, et benignus est, naturaliter amat, et vult amari; et quantum amat, tantum

vult amari. Nec plenam beatitudinis sure communionem sustinet illi deesse, a quo vult amari, quantum dignus est amari; ne minor sit communio amoris, quam amor communionis. Tanta est autem caritas Patris, ut vitam quam habet in semetipso, hanc et Filio daret habere in semetipso, ut una vita sit cum Patre Filius coequalis Patri, et consors paternae glorie in omni plenitudine eterni honoris, et individuae potestatis. Beata enim charitas sine consorte non est, unde nec sine communione est. Beata autem charitas beata vita est, et beata vita beatitudo est; et beatitudo summum bonum est. Summum autem bonum naturaliter commune est. Omne enim bonum, ex ipso quo bonum est, et laudabile est: quod si et bonum est et commune est, cumulatiorem habet gloriam et bonitatem et communionis. Summa enim bonitas boni ipsa communio est. Proinde summum bonum communionis laude privari non potest, ne summum bonum non sit, si ei tanta virtus laudis, et laus virtutis desit. Summum autem bonum et plenum et perfectum bonum est, cui omnino nulla digna laus boni deesse possit. Unde et naturaliter commune est, et per gratiam communicabile, sicut fons et origo omnium bonorum. Haec est autem vita eterna, vita beata, vita communis, charitas infinita, et incomprehensibilis, Deo Patri ejusque unigenito Filio communis. Sicut enim Pater habet vitam in semetipso; sic debet et Filio vitam habere in semetipso. In se habet vitam Filius, quam habet et Pater; quia una vita est ipse eum Pater. Verumtamen, vitam, quam habet Filius in se, quia vita est, non habet a se, sed a Patre. Quidquid enim secundum substantiam dicitur Filius vel esse, vel habere, hoc communiter cum Patre est, et communiter cum Patre habet, hoc est a Patre habet. Hoc a Patre habet, ut vivens Deus sit, ut beatus et omnipotens et sapiens sit, ut ipsa vita, et beatitudo, et virtus, et sapientia sit. A Patre etiam habet, ut Filius sit, nec haberecepit, quod a Patre accepit, quia nascendo accepit quod Pater gignendo dedit. Coeternus est enim Patri, et consubstantialis, et coequalis, et per omnia similis; Deus de Deo, lumen de lumine, splendor glorie, et figura substantiae ejus, et imago Dei invisibilis. Pater autem qui Filio dedit vitam habere in semetipso, sicut et ipse vitam habet in semetipso, Filium diligit sicut semetipsum; et Filius Patrem, sicut semetipsum: horumque amor Spiritus sanctus est, amborum nexus et communio. Horum amor ita individuus est, ut qui Patrem amat, amet et Filium; et qui non amat a Filio, non amet a Patre. Unus est amor eorum, et honor individuus; una virtus, et individua operatio; tantaque communio, ut Filius dicat ad Patrem: *Et mea omnia tua sunt; et tua omnia mea sunt (Joan. xvii).* Et Joannes baptista dicit: *Pater diligit Filium et omnia dedit in manus ejus (Joan. iii).* Ipse quoque Dominus iterum loquitur, dicens: *Pater diligit Filium, et omnia demonstrat ei quae ipse fecit (Joan. v).*

A *De communione angelorum.*
Hujus vitae communis, quae in Deo est et Deus est, quedam representatio est communis vita angelorum, quam in summa pace conciliat Spiritus sanctus, sicut auctor, et nexus, et communio. *Verbo enim Domini cœli firmati sunt; et spiritu oris ejus omnis virtus eorum (Psal. xxxii).* Cœli angeli sunt, in cuius amore concorditer et feliciter vivunt. Amant enim singuli universos, et universi singulos; omnes idem volunt, et idem nolunt; quod uni placet, nulli displicet; quod unus vult, nullus non vult: una est omnium sententia, una voluntas; omnes ipsis sentiunt, et id ipsum sapient. Ubi non inflatur superbia, non tabescit invidia, non excanescit ira, non litigat discordia, non murmurat impatientia, non detrahit lingua dolosa. Omnia ibi pacifica sunt, omnia composita, omnia tranquilla; nihil inordinatum, nihil indisciplinatum, nihil ordinari vel obedientiae contrarium, occasione habenda proprietatis nihil in occulto repositum; sed omnia manifesta sunt, omnia clara; et quæ singulorum sunt propria, per communionem amoris et amorem communionis, omnium sunt communia. Omnes in uno tempore in commune Deo jubilant in libro vita omnes simul legunt, meditantur et contemplantur; ad unam mensam omnes communiter resiliuntur. In loco externo quietis simul pausant, nihil a quoquam singulariter agitur, quod communem pacem, vel obedientiam, vel ordinem, vel turbare valeat, vel offendere. Talis est illa jucundissima et felicissima etas supernorum civium communiter viventium; quorum conversatio a nobis adhuc in terra positis communis vita similitudine semper representanda est, ut tanto familiarius illorum consortio mereamur adjungi, quanto vicinus desper nobis datum fuerit illorum vitam imitari, per gratiam Domini nostri Iesu Christi, et charitatem Dei, et communicationem sancti Spiritus. Amen.
B *De communione naturæ, cui annexitur communio culpe.*
C Vitam communem communio facit. Est autem quedam communio naturæ, quedam communio gratiae et quedam communio glorie. In communione unius naturæ totum genus humanum colligitur, quod de uno parente cum traduce peccati propagationem est, totaque hominum numerositate longe latente disseminatum est. Huic communioni naturæ annexa est quedam communio culpe et iræ. Natura enim in radice vitiata cum ipso vitio propagatur cum originali culpa et originali ira. Natura enim filii iræ sumus. Omnes enim nat' sumus et mali et miseri. Labe peccati ita infecta est humana natura, ut nec nitro, nec herba borith, nec ullo genere ablationis vel mundationis purgari possit, nisi in sanguine Domini nostri Iesu Christi, in cuius morte baptizati sumus. Quotquot enim baptizati sumus, in morte ipsius baptizati sumus (*Rom. vi*). Ira autem indignationis Dei de occulta justitia, sicut sagitta de pharetra prolixa, humanae naturæ altius

infixa est, et ad interiorum intima pervenit, et ita affluerter inhaesit, ut nulla vi, nisi validissima manus omnipotentis Dei, extrahi possit. De hac sagitta per prophetam dicitur : *Filiam pharetræ sue misit in renibus meis* (*Thren. iii*). In zelo justitiae suæ concepit Deus indignationem contra peccatum, et effudit iram. Haec nobis innata est ira, cuius natura filii sumus. Haec est filia pharetræ, de occulta Dei justitia quasi de pharetra deprompta; ibi concepta est, et hinc in nobis nata, et nobis innata, et communia filia pharetræ, sed quasi uterina soror nostræ naturæ. Hanc in renibus suis dicit propheta. Recte quidem in renibus. Ibi enim est sedes concupiscentiae, unde propagatur languor nature. Communio haec vitiata nature, in qua nos omnes unius naturæ consortes, et peccato obnoxii, et debito mortis temerari astricti, triplicem necessitatem nobis imponit, charitatis, humilitatis et pietatis. *Diliges*, inquit Dominus, *proximum tuum, sicut te ipsum* (*Deut. vi*). Si ratio divinorum mandatorum humanæ curiositatib[us] reddenda est, quamvis sufficere debeat ad omnem eniosam inquisitionem compescendam, Deum mandasse, cuius omnia mandata fidelia sunt, fac a la veritate et æquitate, sollicito tamen cur Deus hoc mandatum velit custodiri nimis, non deerit quo respondeat fides. Novit fidei conscientia, Deum diligere sibi consubstantiale, naturæque sua consortem. Hoc exemplo respondere potest homini : *Fac et tu similiter* (*Luc. x*); dilige consortem naturæ tuæ, futurum participem recompensatione tibi gloriae. Dilige naturam tuam, dilige quod natus es, ne non diligas te, non diligens in altero naturam, quæ est in te. Ad diligendum itaque naturæ nostræ consortem, ipsius Dei exemplo trahimur, auctoritate præcipientis urgemur, communione naturæ constringimur, et pro communis infirmitatis conscientia invicem nos oportet humiliari, invicem misereri, ne superbia gloriatio dividat, quos una conditionis infirmitas æquat. Nondum scipsum novit diligere, qui communem naturam in altero præsumit contemnere : et conditioni suæ injuriam facit, qui jus summum in Dei imagine non agnoscit. Et humanæ societatis jus violat, qui communionem naturæ in proximo non honorat. Misericordiae aditum sibi intercludit, qui fraternali necessitat[i] vel miserationis affectum non impedit. De communione naturæ huc usque dictum sit.

De communione gratiæ.

Est quedam communio gratiæ cunctos qui Christianæ professionis censemur, bonos malosve, in una fidei confessione et sacramentorum participatione generaliter complectens. Hic est ager in quo crescunt sizania et triticum (*Matth. xxiv*). Haec est area, habens grana permista cum paleis. Haec est sagena in qua sunt pisces boni in vasa eligendi, malique foras mittendi. Haec est arca Noe, in qua sunt animalia munda et immunda, et corvus et columba. Fidei enim habent, et qui opera fidei congruentia non habent; et sacramentis Ecclesiæ par-

icipant, qui virtutem sacramentorum indignis moribus in se evanescant. Proinde, qui in fidei confessione sacramentis communicant, alii ab aliis, sicut boni a malis ab invicem divisi sunt. In his enim numerari possunt schismatici, qui canonice obedientia jugum detrectant, sicutque fratres, qui humilitatem Christianæ professionis magis simulant quam servant. Omnim autem justorum, qui in fide et obedientia fidei congrue ecclesiasticis sacramentis participant, una est peculiaris specialisque communio, cui non communicat alienus. Sed nec alienis communicat, quisquis in hac communione invitatur, ut cum Prophetæ dicere possit : *Non communicabo cum electis eorum* (*Psal. cxl*). Haec autem communio justorum unitas est Ecclesiæ, que in omnibus membris Christi servat unitatem spiritus in vinculo pacis. Haec est Christi tunica inconsutile, quæ non est divisa, de qua Christus dicit : *Partiti sunt vestimenta mea sibi* (*Joan. xix*); et *super vestem meam miserunt sortem* (*Psal. xxi*). Sub unius fidei professione et sacramentorum participatione, alii ab aliis, ut dictum est, dividuntur, quasi vestimenta Christi partientes. Ecclesiastica enim sacramenta alii digne, alii indigne percipiunt, et aliorum fides sine operibus mortua est (*Jac. ii*); *justus autem ex fide vivit* (*Hebr. x*). Super vestem vero, quæ non est divisa, sors mititur. Qui enim ecclesiastice societati in Christi charitate et obedientia esse adiungit, ad illam sortem pertinet, de qua scriptum est : *Non relinquet Dominus virginem peccatorum super sortem justorum* (*Psal. cxxiv*). Justi autem ubique sint, sive singulariter, sive communiter vivant, per unitatem ecclesiastice pacis, per communionem obedientiae et charitatis, quasi membra unius corporis, divisionem non admittunt. Aves enim non sunt divisæ, turtur scilicet et columba, cum tolleret Abraham, Domino jubente, vaccam et capram et arietem, dividens universa haec per medium, et utrasque partes contra se alterius secus ponens (*Gen. xv*). Hanc communionem justorum insinuat Apostolus, dicens : *Unus Dominus, una fides, unum baptisma* (*Ephes. iv*). Uni Domino debetur obedientia, sicut Christus manifeste ostendit, dicens : *Nemo potest duobus dominis servire* (*Matth. vi*). Obedientia autem charitatis individualia comes est, sicut idem ipse testatur, dicens : *Si quis diligit me, sermonem meum servabit* (*Joan. xiv*). Et : *Qui non diligit me, sermones meos non servat* (*ibid.*). Unius itaque Domini obedientia, una fides, unum baptisma, unam efficiunt communionem justorum. Quisquis in hac communione permanescit usque in fine, inter electos sors illius erit, et de populo Dei non peribit. Verumtamen, multi de hac communione, quia remissius et indulgentius, sed non perdite vivunt; quia non super fundationem, quod est Christus, ædificant aurum, argentum et lapides pretiosos; sed lignum, fenum, stipulam, merito fundamenti salvi erunt, sic tamen quasi per ignem (*1 Cor. iii*). Haec vero communio gratiæ,

de qua nunc dictum est, et si necessaria sit ad eam vitam instituendam, quae communis dici solet; sola tamen ad communis vitæ religiosum propositum sufficere nullatenus potest.

De communione gratiæ, quæ facit vitam communem.

Est adhuc quædani communio eorum qui, communiter vivunt, de quibus dictum est: *Multitudinis credentium erat cor unum et anima una: nec quisquam eorum quæ possidebat, aliquid suum esse dicebat; sed erant illis omnia communia* (Act. iv). Vitam itaque communem efficiunt cor unum et anima una, et communio omnium. Hæc in terris, quantum permittit humana infirmitas, angelorum vitam representat. Habentes enim cor unum et animam unam, omniaque communia, in omnibus concordes et unanimis, publicam utilitatem et commune bonum privatis commodis semper præponentes, in tantum sibi suisque renuntiant, ut quisquis in his fuerit, si tamen ex his, sive in judiciis, sive in consiliis, non presumat propriam sententiam pertinaciter defendere, nec in desideriis cordis sui propriam voluntatem impetuosius attentare, nec proprietatis nomine vel modicum quid habere; sed sicut servi Dei sub manu conservi sui propter Deum ita sese humiliant, ut ex unius arbitrio, cui et in quem omnis potestas collata est, omnium sententia pendeat, ordinetur voluntas, temperetur necessitas, qui solus potest velle, quia potest et nolle, cæteris libertati et potestati sue renuntiantibus, ut non licet eis velle, quod volunt, nec posse quod possunt, nec sentire quod sentiunt, nec esse quod sunt, nec suo spiritu vivere, sed spiritu Dei quo aguntur, ut sint filii Dei, qui est amor et nexus et communio eorum: et quanto major est amor, tanto firmior est nexus, pleniorque communio; et versa vice, quanto major est communio, firmior est nexus, amorque plenior. Amorem autem nunc dico illum, quo Deus est ante omnia et super omnia diligendus: qui quidem amor omnem bonam vitam, sive singulariter, sive communiter viventium informat, ut bona sit; nec bona vita putanda est, nec etiam vita, sed imago mortis dicenda est, quam charitas Dei bonam non fecerit. Homines enim seipso amantes, et suis desideriis servientes, viventes mortui sunt, sicut de vidua in deliciis agente Apostolus scribit, dicens: *Vidua quæ in deliciis agit, rirens mortua est* (1 Tim. v). Ille autem vere vivit, qui voluntati Dei consentit; quia vita est in voluntate ejus. Ille vero Deum diligit, qui voluntati ejus consentit. Deus enim sic se vult diligi, ut ejus voluntati consentiantur; sic et nos amari volumus ut concordi voluntate nobis consentiantur; et qui magis nobis consentiunt, magis amici putantur. Amor certe semper consensum amat, quia amat communem, ad quam et consensus pertinet. Nam qui consentit, cum altero communiter sentit.

At quoniam homo et bonam voluntatem babere

PATROL. CCIV.

A potest, et malam, potest utique homo et bene diligi, et male. Sed melius est, bene odio haberi, quam male diligi, sicut melius est bene odiisse, quam male diligere. Bene autem diligere et bene odiisse, utrumque bonum et utrumque proximo debetur. Unde et inimicos jubemur diligere, et amicos odio habere. Sic sic præcipendum fuit, et omnino sic, juberi oportuit, ne voluntas nostra in odium inimicorum et amicorum gratiam nimis præceps, utroque modum suæ affectionis excedat, et ad inconsessa proruat, et in immensum se extendat. Amicorum enim gratia odio temperanda est, ut non laudetur peccator in desideriis animæ sua (Psal. x), quanvis amicus sit. Nemo enim proximum bene diligit, nisi qui bene odit. In dilectione autem Dei longe alia ratio est. Sicut enim toto corde, tota anima, tota mente diligendus es, sic et ipse totus diligendus est. Totus enim amabilis est, totus desiderabilis; nihil inveniri in eo potest, quod odio dignum sit, vel amore indignum. O bone Deus, o benigne, o amabilis, o amande, o desiderabilis, o amor Deus, o charitas Deus, o dulcis naturæ Deus, quanta iniqüitas est in illis, qui te oderunt, et gratis non enim demerueristi. Propter quid irritavit impius nomen tuum? Quæ utilitas, quid conmodi, quid emolumenti est irritantibus nomen tuum? Pax utique multa diligentibus nomen tuum. Sed qui te oderunt, quid oderunt, nisi vitam, nisi salutem, quid nisi benicitatem, nisi misericordiam, quid denique nisi charitatem? Quia tu, Deus, charitas es. O quam longe est a salute, qui charitatem odit, et quem ipsa charitas odit! O quanta insipientia est, charitatem odiisse. Hoc est enim ipsam sapientiam odiisse. Tu, Domine, summa sapientia es, et te nosse sensus est consummatus; sed nosse per amorem, quia amor ipse notitia est: et quisquis te non diligit, non illum sicut oportet novit, qui tu sis; quantacunque florentis eloquentiae gloria quis superbiat, quantacunque rerum mirabilium scientia se extollat, quantacunque rerum desiderabilium opulentia perefluat, stultus est et insipient, si te non diligit; egens est et pauper, si te non diligit. Divilitas enim salutis sapientia et scientia; sed illa sapientia, qua sapit, qui te diligit, qua pretiosior est euncis opibus; et omnia quæ desiderantur, non valent ei comparari. Custodi me, Domine, ut pupillam oculi, custodi me a gravi peccato, quod valde timeo, ab odio amoris tui, ne peccem in Spiritum sanctum, qui est amor et nexus, unitas et pax et concordia, ne dissideam ab unitate spiritus tui, ab unitate pacis tue, peccans peccatum, quod non remittetur hic neque in futuro. Conserva me, Domine, inter fratres meos, et proximos meos, ut loquar pacem de te; conserva me inter servantes unitatem spiritus in vinculo pacis. Fratres dilectissimi, quod ad professionem vitæ communis pertinet, sollicite agamus; unitatem spiritus servantes in vinculo pacis, per gratiam Domini nostri Jesu Christi, et charitatem

Dei, et communicationem sancti Spiritus. Ex charitate Dei unitas spiritus procedit; ex gratia Domini nostri Jesu Christi vinculum pacis; ex communicatione sancti Spiritus communio illa, quae communiter viventibus et communiter vivant, est necessaria. Charitas Dei unitatem spiritus operatur: qui enim adhaeret Deo, unus spiritus efficitur. Charitas Dei, illa scilicet, qua diligendus est Deus, alio quidem modo necessaria est singulariter viventibus, alio vero modo communiter viventibus; et charitati quae Deus est, similis est charitas, quae vita congruit communi. Deus enim justitiam diligit, et majorem justitiam magis diligit, iniquitatem quoque odit, et majorem iniquitatem magis odit.

Temporalia vero, in quibus et pro quibus humana superbia gloriari solet, malignitas invidere, cupiditas litigare, voluptas deliciari: haec, inquam, temporalia praeterea amore et desiderio eternorum, Deus vult a nobis contemni magis quam amari; tamen ad usum moderatum, prout humana necessitas exigit, contemptu omni superfluitatis luxu, a nobis haec permittit assumi; odit nimirum observantes vanitates supervacue. Si autem charitas Dei quae est in nobis, charitati qua nos diligit Deus ita concordat ut ea diligit, quae ipse diligit; et perfectionis emula semper meliora sectetur, probans potiora; et in peccatis etiam levioribus vitandis semper sollicita, si quae Deus vult contemni, ea quoque contemptibilia ducat; tunc haec ipsa charitas Dei unitatem Spiritus operatur in nobis: et, sicut unigenitus Filius Dei cum Deo Patre in unitate Spiritus sancti vivit, unus est enim Spiritus Patri cum Filio; sic et nos tanquam filii adoptionis sub Deo Patre in unitate spiritus vivimus, in quo clamamus: *Abba Pater* (Rom. viii). Clamamus quidem tanquam de longinquo, utpote inferiores longe lateque inaequales, sed tamen aliquo modo similes; non sicut unigenitus Filius Dei, qui est ad dexteram Patris per omnia aequalis. Ipse enim invocare magis dicitur, quam clamare, sicut scriptum est: *Ipse invocabit me, Pater natus es tu* (Psal. lxxxviii). Haec autem unitas, quam in nobis efficit charitas Dei, servatur in vinculo pacis per gratiam Domini nostri Jesu Christi. **Ipse est pax nostra,** qui fecit ultraque unum; in cuius nativitate concinunt angeli: *Gloria in excelsis Deo, et in terra pax hominibus bona voluntatis* (Luc. ii). Qui ascensurus in coelum discipulis dicit: *Pacem relinquo vobis, pacem meam do vobis* (Joan. xiv). Quenam est haec pax, quae a Christo nobis datur, in cuius pacis vinculo unitas spiritus servatur? Haec est mutua charitas, qua nos invicem diligimus, quae non rumpitur, si id ipsum dicamus omnes, et non sint in nobis schismata. De hac B. Petrus admonet, dicens: *Ante omnia mutuum charitatem continentiam habentes* (I Petr. iv). Quae est mutua charitas, nisi quae mea est et tua, ut de ea ad alterum, quem diligo, loquar? Si autem diligam te, non dilectus a te; vel si dilectus a te, non diligam te; nondam charitas mutua est, quae vel mea vel tua non est: mutua

A enim charitas communis est, et amoris communione non caret. Quae autem mutua est; hanc et continua esse oportet; alioqui vinculum pacis non erit, nec nexus amoris. Continua est quae veritate solidatur, quae nec odiis, nec suspicionibus interrumperitur, quae mutuis obsequiis, mutuaque patientia semper sovetur, nutritur, et, ne deficiat, diligenter et caute custoditur, et nulla simulatione adumbraatur. Haec autem charitas eorum est, qui se in Christo vere diligunt, non verbo neque lingua, sed opere et veritate. Hanc charitatem Christus cordibus nostris altius imprimet, insigit, inscribit verbo et exemplo, dicens: *Hoc est preceptum meum, ut diligatis invicem, sicut dilexi vos* (Joan. xv). In hac autem charitate, sicut in vinculo pacis, unitas spiritus servatur. B Haec est ergo lex vita communis, unitas spiritus in charitate Dei, vinculum pacis in mutua et continua charitate fratrum omnium, communio in omnibus bonis communicandis, omni occasione habendae proprietatis a sanctae religionis proposito procul relegata. Ut haec in nobis sint, et in nobis inaneant, tanquam habentibus cor unum et animam unam et omnia communia: *Gratia Domini nostri Jesu Christi, et charitas Dei, et communicatio sancti Spiritus, sit cum omnibus nobis. Amen* (I Cor. xiii).

De mutua charitate inter communiter viventes.

Consulamus super mutuam charitatis concordia ipsam naturam nostram, naturam corporis nostri: ipsa enim admonet de pace servanda. Multi quidem unum corpus sumus, alter autem alterius membra. Unus autem spiritus totum corpus nostrum per membrorum et juncturnas et compages eorum vivificat, pacemque mutuam conciliat, in qua ipsa unitas spiritus conservatur; conciliat autem in mutuis obsequiis membrorum, mutuaque patientia. Attendite et videite, quomodo quae singula sunt propria, toti utilitati deserviant. Oculus non tantum sibi videt, sed pedes diligat in gressibus suis, et manus in operibus suis. Os non tantum sibi comedit, nec stomachus digerit, sed commune negotium geritur, et quod toti corpori nutriendo et sufficiat et proficiat, ore sumitur, stomacho digeritur. Nonne lingua, si qua pars corporis laeditur, quasi affectum compatientis et vocem patientis assumens, contra laidentem clamat, quid me laidis? Nonne cor de communis utilitate sollicitum consilia disponit apud se, ita et pro aliis, sicut et pro se? Nonne manus ad ministrandum matrem, et ad serviendum devotae, ut quotidiana docet experientia, ad obsequium pedum sese humiliant? Quid si manus, ut nonnunquam accidit, altera ab altera vulneretur, nunquid quae lesa est, zelo vindictae armatur, et percussa repercutit? Nonne illa que lesa, quasi reatus sui conscientia, et quasi dolore penitentiae compuncta, velut satisfactionis nomine sorori lesa medelam curationis, quam meliorem petest, adhibere festinat? Nonne ipsa obsequii humilitate pro venia supplicat, et ut sibi ignoratur, exorat? Nonne devota sedulitate et sine benignitatis studio o nem malignitatis suspicionem

excusat? Est et alius, quod nos ædificare possit. Si præsenserit oculus minacem gladium in caput feriendum vibrari, mox quasi inconsulte aut amoris aut furoris calore manus se interponit, et gladio opponit, aut etiam occurrit; et in suum periculum festina, dum capiti metuit, sibi non metuit; et ut parcatur capiti, non parcit ipsa sibi. Fratres in Christo amantissimi, quo nos trahunt hæc exempla, nisi ad mutuam patientiam, mutuam humilitatem, mutuam charitatem? Nonne Deus scripsit legem amoris in nobis, que nos erudit de nobis? Si qui legem dedit, det nobis et benedictionem, et pascal nos in innocentia cordis nostri, et in intellectibus manuum nostrarum deducat nos in viam pacis, ad servandam unitatem spiritus in vinculo pacis, ad conservandam dilectionem Dei in dilectione proximi. Si unanimiter et concorditer secundum professionis nostræ puritatem Deum diligimus, procul dubio charitas Dei per Spiritum sanctum diffunditur in cordibus nostris, unusquisque spiritus Dei quasi unum corpus omnes nos vivificat, ut nemo nostrum sibi vivat, sed Deo; utque omnes nos simul per unum spiritum qui habitat in nobis in unitate spiritus vivamus. Hæc autem unitas spiritus, quæ in charitate Dei invenitur in nobis, per dilectionem proximi servatur in nobis, ut maneamus simul in dilectione Dei; et manentes in hac dilectione maneamus in Deo, et Deus in nobis. In dilectione Dei innotescit, et convalescit, et coalescit dilectio Dei. Deus quidem seipso contentus esse potest, et in omni bono ipse sibi sufficiens est, et bonorum nostrorum non egit, nec ei quisquam nocere potest, si non amat, nec prodesse, vel præstare, si amat. Propterea cum omnia bene fecerimus, dicendum a nobis est, servi inutiles sumus (Luc. xvii). Quidquid enim boni fecerimus, nobis prodest, magis quam illi. Verumtamen quoniam diligendus est Deus, non verbo neque lingua, sicut dilexerunt, de quibus scriptum est: *Dilexerunt eum in ore suo, et lingua sua mentiti sunt ei* (Psal. lxxvii); Deus qui beneficiis in se non indiget, quasi delegavit nobis fratres et proximos nostros, qui indigunt, ut vice ipsius beneficia a nobis præstanta suscipiant. Nemo igitur de dilectione Dei sibi blandiatur, nemo se decipiatur, putans se amare Deum, quem non amat, si proximum non amat. Si non habet omnis homo unde experimentum capiat sui, unde scipsum probet; si non diligit proximum quem videt, quem presentem habet, quasi a Deo sibi delegatum, cui charitatis debitum solvat; Deum, quem non videt, qui se presentem non exhibet, quippe qui non indiget, quomodo volunt diligere? Quoniam alio modo potest Deo beneficia præstare, nisi illi præstanto, in quo Deus indiget, qui in se non indiget? Deus enim in membris suis petit et accipit, diligitur et contemnitur. In dilectione ergo proximi, sicut per nexus amoris et vinculum pacis, charitas Dei et unitas Spiritus retinetur a nobis, et conservatur in nobis. Qui enim non diligit fratrem, ab unitate Spiritus recedit, nec

A Deum diligit nec Spiritu Dei vivit, sed suo spiritu, quia jam sibi vivit, et non Deo:

Item de communione gratiæ.

Ad dilectionem proximi communio pertinet, et ubi plena est dilectio, plena est communio; plena communio non est, quam omnium communio, sicut scriptum est: *Erant omnia communia* (Act. ii). Sed mouere nos potest, quod sequitur: *Dividebatur singulis, prout cuique opus erat* (Act. iv). Quid communioni et divisioni? quid communioni et proprietati? Si singulis dividebatur, prout cuique opus erat, in singulorum usum et proprietatem cedebat, quod eni; mperatus necessitas requirebat. Si habebant singuli varias necessitates, et propter illas propria subsidia, si proprias infirmitates, et contra illas propria remedia; si aliquam propriam desolationem, et contra illam propria solatia; quomodo erant illis omnia communia, cum singulis nonnulla essent propria? Aggravat hanc questionem Apostolus, dicens: *Unicusque datur manifestatio Spiritus ad utilitatem* (I Cor. xii); et: *Unusquisque proprium donum habes ex Deo, aliud quidem sic, aliud vero sic* (ibid.). Et iterum: *Divisiones gratiarum sunt, et divisiones ministracionum sunt, et divisiones operationum sunt* (I Cor. vii). Quonodo ergo potest esse communio omnium, ubi tot sunt divisiones gratiarum, ubi sunt propria dona singulorum? Ad hæc quid dicemus? Et ad hæc quis idoneus? Illoc labor est ante me. Videamus tamen, si nodus amoris, qui solvi non debet, solvere possit nodum hujus questionis. Potest utique. Novit enim charitas suo arbitrio proprietatem ad communionem reducere; non ita tamen ut proprietas non sit, sed ita ut proprietas ad communionem conducat, ut communioni non obstat, ut communionis bonum non impedit. Division vel proprietas, quæ communionis bonum impedit, a charitate aliena est. Charitas enim communionem amat, amat quoque proprietatem, quæ ad communionis bonum proficit, vel communionem non impedit: communio enim sine proprietate esse non potest; quamvis sine bono communionis esse possit. Quonodo enim erit aliquid commune, si proprietas non discernat alterum ab altero, quibus sit aliquid commune? In illa etiam summa et individua Trinitate est unica unitas, una æternitas, una virtus, una sapientia, una vita, una essentia, tribus personis communis. Proprietate vero persona a persona discernitur, quibus est una beatitudo communis. Nec communio bonum impedit, quod solus Pater pater est: Pater enim non sibi Pater est, sed Filio, quem de sua substantia genuit, et gignendo dedit vitam habere in semetipso. Et ut sermone ad ea, quæ nobis magis nota sunt per consuetudinis experientiam, convertam; proprietas qua homo pater est, communionem humanæ naturæ non impedit, sed per generationem naturæ de altero in alterum propagatur, nec communioni naturæ proprietas generationis præjudicat. Non minor virtus est gratiæ, quam naturæ creatæ. Excellens autem gratia cha-

ritas est, quæ in cordibus sanctorum diffunditur. Spiritus enim sanctus, per quem charitas diffunditur, effusionem amat, nam et ipse effunditur. *Effundam, inquit Dominus, de spiritu meo (Joel. ii).* Quisquis ergo proprium donum habet ex Deo, sic habeat, ut non sibi soli habeat, sed Deo, sed proximo: Deo quidem, ut ex dono Dei non querat suam gloriam, sed gloriam Dei. Proximo vero, ut communem utilitatem semper attendat, non propriam. Charitas enim non querit quæ sua sunt, sed quæ Iesu Christi. Communionem enim amat, non proprietatem sine communione. In tantum autem amat communionem, ut bona ad jus suum pertinentia ab alio possessa interdum repetere nolit. Liberalis est enim charitas, et fugitans litum, non querit quæ sua sunt, non vult iudicio contendere, ubi ipsa charitas pericitatur: mavult fraudem pati, quam ipsa perire; pati damnum, quam dispendium sui. Cur contentiose repeteret, quæ non habet, quæ prompta est dare quæ habet? Nam proprium cujusque donum trahit ad communionis bonum, ut quod unius est proprietate accepti doni, alterius fiat utilitate communicati boni. Hinc beatus Petrus dicit: *Unusquisque sicut accepit gratiam ad alterum administrantes. Si quis loquitur, quasi sermones Dei; si quis ministrat, tanquam ex virtute quam administrat Dens, ut in omnibus honoretur Deus (I Petr. iv).* Paulus quoque dicit: *Unicuique data est manifestatio Spiritus ad utilitatem (I Cor. xii).* Quæ est manifestatio Spiritus ad utilitatem data, nisi donum gracie ad proximorum utilitatem manifestandam, et quantum decet publicandam? Qui sapiens est, non sibi sit, sed dicat: *Sine fictione didici, sine invidia communicavi (Sap. vii).* Qui habet, communicet non habenti, sicut monet, qui dicit: *Date et dabitur vobis (Luc. vi).* Avaritia enim, quæ animo non communicandi sibi retinet quod habet, quantum communioni est contraria, tantum charitati est inimica. Si apud gentilem poetam homo gentilis sine vera fide, sine vero Deo, sine vera spe veræ resurrectionis, et veræ beatitudinis ita laudatur, ut eum dicat:

Non sibi, sed toti natum te credere mundo;
quanto magis apud homines Christianos, et maxime apud viros religiosos vitae communis professores, ratio communionis in omnibus est habenda, in omnibus præferenda! ut qui sibi bonus est, aliis quoque bonus sit, et non gravis; qui sermouem sapientiae vel scientiae habet, qui gratiam operationis vel administrationis habet, qui aliam quamcunque maiorem vel minorem gratiam habet, sic habeat, quasi propter alios a Deo sibi datum; scimperque timeat acceptam gratiam sibi obesse, si non studet ex ea alteri prodesse. In vacuum enim gratia Dei accipitur, si ex ea gloria Dei, et utilitas proximi non queratur. Tunc sane gratia Dei convertitur in gloriam Dei, si proprium cujusque a Deo donum deducitur in commune bonum. Et communicatio sancti Spiritus tunc vere nobiscum est, cum donum quod

A sigillatum singulis datur, per communionem amoris communiter possidetur.

Item de communione gratiæ, et de communione gloriæ.

Spiritus sanctus communio est, et communionem in tantum amat, ut velit ipse dari. Ipsa enim benignitas est. Nec contentus est sua dare, nisi et se ipsum dederit; sed his quos tanti doni acceptance dignos ipse fecerit. Donum enim est, et ab æterno fuit summum bonum et summum donum. Qui vere acceptam Dei gratiam usu et utilitate proximo communicat, ille vere habet quod accepit, et habenti dabatur et abundabat. Ei vero qui non habet, et quod videtur habere, auferetur ab eo. Gratia Dei credita et accepta, quasi in nomen et causam mutui transit.

B Accipienteum enim obligat Deo et proximo. Deo quidem, ad gloriam reddendam; proximo ad gratiam communicandam. Qui communicat gratiam, miseretur proximo. Qui reddit, gloriam tribuit Deo. Et hic est justus, qui miseretur et tribuit. Injustus enim esset, si debitu non solveret; si contra fidem conventionis, et contra rationem crediti et accepti veniret. Hinc scriptum est: *Mutuabitur peccator, et non solvet (Psal. xxxvi).* Mutuatur, quando accipit; non solvit, quando non restituit. Et in hoc peccator est, quia mutuatur et non solvit. Non solvit, quia proximo non communicat, nec Deum glorificat. Exigit enim Deus de collata gratia et quod nondum dederit. Usuram enim requirit, et metit ubi non seminavit, congregat quæ non sparsit. Metit in malis, congregat in bonis. Ad malos in fine missurus est messoues angelos, quos de lucro non reportato condemnabit, quando colligent angeli zizania, et alligabunt ea fasciculos ad comburendum (*Matth. xiii*). Bonos autem congregabit sicut triticum in horreum suum, remunerans in eis quod ipse dedit, et lucrum reportatum quod accipit. Congregat quæ non sparsit, ipse scilicet per se sine illis, quibus dedit. Illi autem sparserrunt, qui dona accepta proximis communicaverunt, euntes et fructum ferentes, sicut ii de quibus scriptum est: *Euntes ibant et flebant, mutentes semina sua (Psal. cxxv).* Nec ad duritiam Domini videtur pertinere, quod de bonis, sed quod de malis dictum est. Si autem utrumque de malis intelligi potest, vel utrumque de bonis, salva pietate Dei, aliquo modo ostendendus est durus esse Dominus, qui ad suam duritiam in altero, vel in utroque demonstrandam, duo dicit: *Mete ubi non seminari; congrego, ubi non sparsi (Matth. xxv).*

Ergone Deus durus est? Dominus? Quis hoc audeat dicere? Sed quis audeat contradicere Spiritui Dei? Nonne in Spiritu loquens dicit Prophetæ: *Cum sancto sanctus eris, et cum perverso perverteris? (Psal. xvii.)* Et cum Prophetæ diceret: *Quam bonus Israel Deus, subiunxit, iis qui recto sunt corde (Psal. lxxii), significans quibus bonus sit.* Durus enim Dominus videbitur iis qui duro sunt corde. Quos et ipse inducit justo iudicio, quamvis occulto. Forte videor destruere, quod prius ædificavi. Nam, cum de

benignitate et charitate Dei sermonem institui, a*l* demonstrandam duritiam indignationis ejus contra malos sermonem retexi. Sed ex contraria collatione veritas interdum melius clarescit. Nam, cum scriptum sit : *Benignus est Spiritus sapientiae, et non liberabit maledictum a labiis suis* (*Sap. i.*), ne benignitas Dei in occasionem et securitatem percean*d*i assumatur, quasi non velit peccata districte punire hoc premisso, *Benignus est Spiritus sapientiae*, sive adjungitur, *non liberabit maledictum a labiis suis*. Benignus est autem iis qui communilitatis studio bonum collationis amant; benignus est illi, qui bonum quod habet, alteri habet; benignus est et illi, qui bonum quod non habet, amat in altero, qui habet. Duobus modis divisiones gratiarum ad communionem reducuntur, cum dona quae singulis sigillatim dantur, per communionem amoris communiter habentur, et cum per amorem communionis communiter amantur. Communis est enim gratia quedammodo habenti et non habenti, cum is qui habet, alteri habet, quia communicat; et qui non habet in altero habet, quia amat. Proprias quoque necessitates et infirmitates singulorum ad communionem trahit Spiritus sancti communicatio. Sicut enim charitas patiens est, ita et compatiens; et qui patienti compatitur, alienam necessitatem suam facit, ut ambobus communis sit una necessitas. Nam alterius necessitas est per passionem dolendi, alterius per affectum condolendi. Quod si necessitates justorum communes sunt, consequens est ut et consolationes eorum communes sint. Qui enim novit per effectum charitatis cum fletibus flere, novit et cum gaudentibus gaudere. O quantum abundantat affectibus amoris, et visceribus charitatis Apostolus, cum diceret: *Quis infirmatur, et ego non infirmor? Quis scandalizatur, et ego non uror?* (*II Cor. xi.*) Et quo*l* ipse facit, hoc inonet esse faciendum, dicens: *Alter alterius onera portate* (*Galat. vi.*); nec sibi obloquitur, cum dicit: *Unusquisque onus suum portabit* (*ibid.*). Nam de onere peccati hoc recte intelligitur. Solum enim peccatum ad communionem charitatis non admittitur. Quidquid enim boni facimus, communiter prodest, quamvis non aequaliter bonum quid sit communiter amantibus. Mutuis enim precibus mutuisque meritis apud Deum vicissimi adjuvari speramus, et meritis et precibus sanctorum quos amamus, et a quibus amari desideramus, ad consequendam veniam peccatorum gloriamque promerendam apud Deum magnam fiduciam obtinemus; maxime si merita eorum recolentes, sicut, charitatem, patientiam, pieatem intuentes, zelamus, amamus, si ad emulationem provocamur, si ad imitationem virtutum accendimur. Si ex propriis meritis quis judicandus esset, ita ut aliena merita per commu-

*nionem charitatis suffragari non possent, pondus divini judicii quis posset portare? Nam et iniquitates nostrae multe sunt et magna*e*, et Propheta dicit: *Si iniquitates observaveris, Domine, Domine, quis sustinebit?* (*Psal. cxxix.*) Et bona opera nostra insufficiencia sunt, et universa justitia nostrae sicut panus menstrualis. Et, sicut scriptum est: *Non sunt condigne passiones hujus temporis ad futuram gloriam, que revelabitur in nobis* (*Rom. viii.*). Ergone desperabimus? Absit omnino, absit! Quia Deus charitas est. O Deus charitas, vim patior, responde pro me, quid dicam, aut quid respondebit mihi? Aut si ætatem habeo, imo quia habeo, ut pro me loqui debeam; ore proflueo, quod corde credo. Credo, Domine, in Spiritum sanctum, sanctam Ecclesiam catholicam, sanctorum communionem. Hic est spes mea, hic est fiducia mea, hic est confidentia mea, hic est quantulacunque securitas mea in confessione fidei meæ; in benignitate Spiritus sancti, in unitate Ecclesie catholicae, in communione sanctorum. Si mihi datum fuerit desuper diligere te, et diligere proximum meum, quamvis merita mea parva sint et pauca, supra merita mea spem habeo ampliorem, confidens per communionem charitatis merita sanctorum mihi profutura, ut insufficientiam et imperfectionem meam suppleret valeat sanctorum communionio. Consolatur me Propheta, dicens: *Omnis consummationis vidi finem, latum mandatum tuum nimis* (*Psal. cxviii.*) O lata et dilatans charitas, quam magna est domus tua, et ingens locus possessio*p*is tue! Ne angustiemur in visceribus nostris, ne arctemur intra fines et limitem quantulacunque justitiae nostræ. Dilatat charitas spem nostram ad communionem sanctorum, in communione meritorum et communione premiorum; sed communio præmiorum futuri temporis est, communio scilicet gloria*e*, quae revelabitur in nobis. Cum itaque tres communiones sint, communio naturæ, cui annexæ sunt communio culpæ, et communio iræ; altera gratiæ, tertia gloriæ: per communionem quidem gratiæ incipit reparari communio naturæ, et excluditur communio culpæ; per communionem vero gloriæ perfectissime reparabitur communio naturæ, et omnino excludetur communio iræ, quando Deus absterget omnem lacrymam ab oculis sanctorum: et tunc omnium sanctorum erit quasi cor unum et anima una; et erunt illis omnia communia, quando erit Deus omnia in omnibus. Ut ad hanc communionem omnes perveniamus, et in unum conveniamus; *gratia Domini nostri Iesu Christi, et charitas Dei, et communicatio sancti Spiritus, sit semper cum omnibus nobis. Amen* (*II Cor. xiii.*).*

TRACTATUS DECIMUS SEXTUS.

Perfectorum religiosorum encomium continens in illud: *Candidiores nive, nitidiores lacte, rubicundiores ebore antiquo, pulchriores sapphiro* (*Ithren. iv.*).

Pulchritudinem Nazaræorum describit sermo propheticus, quam miris laudibus effert, miris præponitorum titulis extollit et superextollit. Laudat enim

in Nazareis candorem, laudat et nitorem, laudat et ruborem. Cumque bæc tria ad pulchritudinem pertineant, et gratiam pulchritudinis augeant, postremo

Tamen ipsam pulchritudinem nominatum laudat. Et hæc omnia laudat, non simpliciter, sed ex comparatione, ut ex collatione rerum laudabilium magis magisque clarescant; non ex qualitate paritatis illis collata, sed præcellentis dignitatis honore prælata. Cumulatiō est gloria laudis, cum id quod eminet, præminet; cum quod excellit, præcellit; perfectaque gloria laudis tunc est, cum res quæ sua virtute propriisque meritis subnixa, in se laudabilius constat, ipsa eadem ceteris laude dignis laudabilius præstat. Laudatur in Nazaræi pulchritudo, non corporum, sed morum; non gloria carnis, sed mentis, sed virtutis, sed honestatis. Habet quidem gloria earnis nonnullam gratiam in oculis carnis, sed vanam, sed fallacem, sicut scriptum est: *Fallax gratia est, et vana pulchritudo* (Prov. xxxi). Quid est vana pulchritudo, nisi pulchra vanitas? Aut quid est fallax gratia, nisi grata fallacia? Grata est, sed fallacia; fallacia est, sed grata. Cernentibus quidem gloriose placet, sed spectantes fallit, et intuentium oculos quasi quibusdam præstigiis illudit. Nam, si interioris oculi acumine intima humani corporis penetrantur, quid est pulchritudo carnis, nisi velamentum turpitudinis? nisi prætextus quidam latentis ignominiae et confusione? Sub gloria enim carnis latent occulta dedecoris, quæ pudor est nominare; sed et ipsi homini horror etiam cogitare. Homo siquidem putredo est, et filius hominis vermis. Quod si ita est, immo quia ita est, quid est pulchritudo filii hominis, nisi pulchritudo vermis? quidve pulcher homo, nisi pulchra putredo? Quid denique superbus homo, nisi vilissimæ corruptionis generosa propago? qui cum beato Job dicere possit putredini: *Pater meus es, mater mea et soror mea vermis?* (Job. vi.) Corporalis ergo pulchritudo, etsi gloriam habeat apud homines, sed non apud Deum, quippe quæ virtute meriti caret, et spem præmii non habet. Internus arbiter Deus, cordis inspector, interiorum amat pulchritudinem. Filiam regis alloquitur Propheta, dicens: *Concupiscet rex decorum tuum* (Psal. xliv); et ubi sit decor ille, ne quem latet, quia intus est, subinfert: *Omnis gloria ejus filia regis ab intus, in fimbriis aureis* (ibid.). Nazaræorum vero decor intus est, non foris. Qui sic cognominati sunt a flore sanctificationis, non a flore seni, flore carnis. Omnis enim caro fenum, et omnis gloria ejus sicut flos seni. Scriptum est: *Justus ut palma florebit* (Psal. xci). Et iterum: *Plantati in domo Domini, in atriis domus Dei nostri florebunt* (ibid.). Et alia Scriptura dicit: *Florete flores, quasi lillum, et frondea in gloriam* (Eccli. xxix). Ubi floret lillum? Christus in Nazareth concipitur, flos in flore virginitatis et sanctificationis. De Christo enim sic Pater dicit: *Super ipsum autem efflorebit sanctificatio mea* (Psal. cxxxi). Et Christus de se: *Ego flos campi, et lillum convallium* (Cant. i). In libro Sapientæ legitur: *Florete flores quasi lillum* (Eccli. xxix) Christus dicit: *Sancti estote, quoniam ego sanctus sum* (Levit. xi). Hujus lili odorem spirant et

A redolent omnes Nazaræi. Nam, qui tempore legis fuerunt Nazaræi, Domino sanctificati, in figura Christi præcesserunt, et futuros Christi imitatores abstinentia sua et moribus expesserunt, abstinentes a vino et sicera, et omni quod inebriare potest. Sed et illi Jonadab abstinebant a vino. Præcepit enim Jonadab filii suis, ut non biberent vinum. Et illi quidem voci patris sui obedierunt. Propterea hæc dicit Dominus: *Non deficiet de stirpe Jonadab cunctis diebus stans in conspectu meo* (Jer. xxxv). Si juxta vocem Domini cunctis diebus non deficit de stirpe Jonadab stans in conspectu ejus: ergo et his diebus nostris sunt filii Jonadab, imitatores Christi, stantes in conspectu Domini. Christus enim verus est Jonadab, in omni obedientia spontaneus et voluntarius, quod sonat nomen Jonadab. Spontaneus est, qui dicit: *Voluntarie sacrificabo tibi* (Psal. lvi). Nazareus et spontaneus est, cuius illa vox psalmi est: *Et reforuit caro mea; et ex voluntate mea confitebor ei* (Psal. xxvii). Quod dicit, *ex voluntate mea*, ad Spiritum pertinet; quia ubi est Spiritus, ibi libertas. Quod præmitit, et *reforuit caro mea*, non pertinet ad præsentem gloriam delicate carnis, quæ est flos seni; sed ad spem gloriosæ resurrectionis, et ad florem sanctificationis carnis, quæ cum vitiis et concupiscentiis mortificatur.

De candore Nazaræorum.

Abstinentia Nazaræorum et filiorum Jonadab sacramentum fuit, et exemplum, et signum. Illis quidem fuit sacramentum ad sanctificationem, nobis exemplum ad imitationem, et signum ad eruditio nem. In hoc enim ad triplicem abstinentiam spiritualiter informamur. Tria siquidem sunt, quæ mentes hominum ebriosa oblivione et oblivious ebrietate ab amore Dei alienant: amor animæ, amor carnis, amor mundi, hoc est amor proprie voluntatis, amor carnalis voluptatis, amor mundanæ vanitatis. Amor mundi vanus est, amor voluptatis dulcis est, amor proprie voluntatis pertinax est. Tanto enim pertinacius et pervicacius anima seipsam amat, et sibi quodanmodo hæret, quanto difficultius ipsa a se avelli vel separari potest. Vix enim quidquam anima plus amare potest quam propriam voluntatem, propriamque sententiam. Propterea cum a propria voluntate retrahitur, quasi a se avulsa velut inficto venire cruentatur. Amor proprie voluntatis vinum est mentem inebrians, et omnes sensus ejus perturbans; ut puta auditum, ne audiat obedientiam; oculos discretionis, ne videant veritatem; cæterosque sensus officiis suis destituit, in medio eorum miscens spiritum vertiginis. Non est hoc vinum, quod mœrentibus jubetur dari. Mœrentes et proprie voluntatis peccata lugentes inebriantur vino compunctionis, et portantur a vino quod lætitieat cor hominis in reprobatione et spe venie. *Beati enim qui lugent, quoniam ipsi consolabuntur* (Malth. v). De hujusmodi dicitur: *Date vinum mœrentibus, et siceram iis qui amaro sunt animo* (Prov. xxxi). Econtra dicitur:

Noli regibus, Lamuel, noli regibus dare vinum; quia nullum secretum est, ubi regnat ebrietas, ne forte bibant et obliviscantur iudiciorum Dei (ibid.). Vinum propriæ voluntatis eliquatum est, et expressum in torculari inobedientiæ, de uva acerba, quam conederunt patres nostri, et dentes filiorum obstupuerunt. Adam pater inobedientiæ vinum hoc proprie voluntatis miscuit, et poculum mortis solus suis propinavit; quasi diceret: *Bibite ex hoc omnes* (Matth. xxvi). Et adhuc quidem bibunt ex eo omnes peccatores: Christus econtra, qui non venit facere voluntatem suam, sed Patris, calicem obedientiæ usque ad mortem propinavit, nobis dicens: *Bibite ex hoc omnes.* Ex hoc, inquit, quod ego ministro, non quod Adam ministravit. Judei increduli et inobedientes, Dominio in cruce pendentib; et silenti sa-Intem eorum, obtulerunt vinum, quale fuit in reprobis moribus eorum; et cum gustasset, noluit bibere (Matth. xxvii). Non enim approbat, a vino abstinentis tanquam Nazarens. Erat enim de uva sellis, de vinea Sodomorum et de suburbanis Gomorrhae (Deut. xxxiii). Vinum hoc proprie voluntatis et inobedientiæ interdictum Nazarens, et filii Jonadab, ne bibant illud. Bonum est enim homini non bibere hoc vinum. Norunt hoc, qui omnino voluntatem suam suspectam habent, qui se sibi non credunt, sed alieno arbitrio sese regendos committunt, qui semper trepidant a se et quasi per se aliquid velle. Et propterea vineulis obedientiæ sese ligant, et sub legibus regularis disciplinæ sese ceccant, et voluntatem suam in necessitatem convertunt, et libertatem in servitutem redigunt; sed bæc omnia propter Christum, ut in Christo servitus libera sit, et necessitas voluntaria. Tanto enim in Christo sunt liberiores, quanto ad obedientium ei ex propria sponctione facti sunt obligatores. Haec est prima, haec est præcipua abstinentia Nazaræorum.

Sicera vero carnalis voluptatis, et ipsa expressa est in torculari inobedientiæ, quasi de pomo ligni vetiti. Vedit enim mulier, quod esset pulchrum visu, et ad vescendum suave (Gen. ii). Ibi nata est voluptas gulæ, concupiscentia carnis et concupiscentia oculorum. A sicera abstinent Nazarei, qui curam carnis non perficiunt in desideriis, qui per abstinentiam et continentiam et disciplinam, mortificationem Jesu in carne sua circumserunt. Abstinent et ab omni quod ineibriare potest, quia multiplices vitæ secularis errores fulgunt, rebus perituriis fidem non habentes, et omnem gloriam mundi quasi sub pedibus calcant, cernentes terram de longe. In hac perfectione triplicis abstinentiæ consistit candor Nazaræorum; et hic candor super candorem nivis. Nix est candor abstinentium; sed discernitur abstinent ab abstinenti, et candor a candore, sicut perfectio ab imperfectione. Hinc scriptum est: *Dum discernit cœlestis reges, super eam nive dealbabitur in Selmon* (Psal. lxvii). Qui mundo licite uiguntur, quasi nive

A candidati sunt; sed qui mundo non utuntur, candiores sunt. Illorum candor est ab illicitis abstinerere, istorum candor etiam a licitis temperare. Illi turbantur, et solliciti sunt erga plurima; quia multa amant præter Deum, et non propter Deum, etsi nil plus quam Deum; et est illorum amor divisus. Nam quantum amoris rebus perituriis impenditur, tantum perfectioni divini amoris subtrahitur. Semper enim minus est quod est sparsum, quam quod est in uno collectum. Aqua per rivos plurimos divisa in singulis minoratur; sic est et amor. Hinc quidam, quamvis de vano amore, de amore tamen.

Secta bipertito cum mens discurrat utrinque.

Alterius vires subtrahit alter amor.

Colligamus ergo totum amorem in unum, ne sparatur per plurima, et omnes affectiones et intentiones amoris a multis revocemus, ut totus amoris impetus in unum et ad unum currat; ad illud scilicet unum, quod tota dilectione dignum est: cui totus amor debetur; cui digne amando vix totus amor sufficere potest. Nonnulla enim fit injuria, cum ex parte subtrahitur, cui totum debetur. Hic est candor super candorem nivis. Hunc forte candorem desideravit, qui ait: *Larabis me, et super nive dealbabor* (Psal. l).

De nitore Nazaræorum.

Nazaræi hoc titulo laudis honorantur, ut candiores nive dicantur; et ut laus laude cumuletur, additur: *Nitidores lacte.* Oleum, lac, adeps, pinguedinem habent et nitorem. Haec est misericordia, de qua Dominus ait: *Misericordiam volo, et non sacrificium* (Ose. vi). Nitorem et dulcedinem lactis habent, qui necessitatibus indigentium misericorditer subveniunt, ut potentia lacte, et salientur ab ubribus consolationis eorum. Sunt autem, quedam necessitates corporales, quedam spirituales. Indiget enim corpus multis necessitatibus subsidit, indiget multis infirmitatum remediis. Indiget et anima illis, quæ sibi necessaria sunt ad spiritualem consolationem veramque salutem. Plerunque justi hi qui secundum carnem infirmi sunt, circa corporales proximorum necessitates majori pietate et affectione moventur; magisque student esurientem pascere, quam errantem ad viam veritatis reducere. Tenerius, crèdo, circa ea infirmantur, ad quæ toleranda seipso infirmos sentiunt, et quasi doméstico edocti exemplo paupertati amant pro Christo compati. At qui animas proximorum perfectius quam corpora amant, eos sustinent pro Christo pati, Deo zelant, circa spirituales necessitates affectuosius moventur, cum infirmis infirmantur; pro scandalum patientibus uruntur. Inter secretas lacrymas, et secreta cum Deo colloquia, pro iniunctis orant et plorant; pro alienis peccatis dolent et lugent, et in visceribus charitatis, et in intima medulla pietatis proximos suos qui ignorant et errant, Deo cui in Spiritu suo serviant, lacrymosis suspriis commendant. Sepe tamen circa corporales necessitates, quasi duri et sine affectione videntur: et

forte quia paupertatem in se sponte patiuntur, minus ei in aliis compatuntur. Nec paupertatem miseriam reputant, sed salutis viam; securiusque existimant mediocriter egere, quam superfluis abundare; et miserabiliores judicant divites in sua abundantia pereentes, quam pauperes ad tempus salubriter egentes. Vera autem misericordia utrinque necessitatis compassionem habet, sed majoris majorem, minorisque minorem. Magna misericordia est condolere proximis, eo quod egeant; sed longe major est curare ne pereant. Magna affectio est misericordiae dolere de malis quae patiuntur homines. Utrinque misericordiae exemplum in se Christus exhibuit. Videns enim turbam prope deficientem dixit: *Misereor super turbam* (*Marc. viii*), et multiplicatis panibus corporali beneficio spiritualis gratiae mysterium figuravit. At cum videret civitatem Jerusalem, devit super eam, dicens: *Quia si cognovisses et tu* (*Luc. xix*). Et cur ipse fleret, vel cur illi flendum esset, subdidit dicens: *Et nunc quidem in die hac, quae ad pacem tibi.* Cum diceretur Dominus ad passionem, conversus ad mulieres, quae praesentres aderant et flebant, dixit: *Nolite flere super me, sed super vos, et filios vestros* (*Luc. xxiii*). Major ergo est zelus animarum, quam pius affectus circa passiones corporum. Ille nitor lactis est, hic olei, quod omnibus liquoribus superfertur. Ille quasi exterior pinguedo est in sacrificio; hic est adeps interior. Hie divitibus familiaris est, sua misericorditer tribuentibus; alter Nazarei magis est accommodus. Ibi enim intima medulla sinceræ dilectionis ad proximum. Ad quid enim magis diligendi sunt proximi consortes unius naturæ, nisi ut sint participes communis gloriae? Proinde Nazarei zelum animalium præferentes, et necessitates corporum nullomodo contemnentes, quasi gemino nitore prænitente, ut lacte candidiores, nitorem gratiae et gloriae apud Deum semper habent, qui ait: *Beati misericordes, quoniam ipsi misericordiam consequentur* (*Matth. v*). Qui communem vitam professi sunt, quibus in futura vita omnia communia futura sunt, sic interim sua communicant, ut nil velint sibi superesse, quod aliis possit prodesse; et totum reputant superfluum, quod in communionis gratiam non fuerit deductum; nil libeat habere proprium, sicut nil licet usurpare alienum.

De rubore Nazaræorum.

In describenda facie Nazaræorum color colori appingitur; candori et nitori rubor adjungitur, ut sit facies eorum per gratiam candoris luculente colorata, per gratiam ruboris hilariter affecta. Rubor in facie caloris aut pudoris indicium præferre solet. Rubicundi sunt Nazarei calore devotionis fervidi, et honestatis reverentia pudibundi. Zelo enim zelantes in lege Dei, non solum servent ad studium virtutis, sed ardenter amant pulchritudinem honestatis. Delicati sunt sensus eorum, ad omnem turpitudinem erubescunt. Omne quod dishonestum est abominantur; ad omne quod non decet, verecun-

A dantur; pudici et verecundi sunt sensus eorum. Pudet dishonesta videre, pudet non de se solum, sed et de aliis turpia audire; pudet turpia dicere, pudet et cogitare, juxta quod quidam ait: *Pepigi fædus cum oculis meis, ut ne cogitarem quidem de virginе* (*Job xxxi*). Pudet et turpia fecisse, sicut de quibusdam Apostolus ait: *Quem fructum habuisti tunc, in quibus nunc erubescitis?* (*Rom. vi*). Parum est ad laudem Nazaræorum ut rubicundi dicantur, nisi et ebori antiquo præferantur. Ebor, ut aint, os elephantis est. Elephas est animal ossibus exstructum, robustum et firmum, adeo ut sufficiat belli machinas et ædificata desuper propugnacula sustinere. Talis est fortitudo sanctorum, habens sicut ebor inter ossa excellentem gloriam soliditatis, firmitatis et pulchritudinis. Si caro infirma est, ut infirmitatem sanctorum possit designare, cur non os virtutem eorum prædicare possit? De illis nimium scriptum est: *Custodit Dominus omnia ossa eorum* (*Psal. xxxiii*). Ebor antiquum fortitudo justorum est, qualis fuit in antiquis justis sub lege; qualis et nunc est in iis qui sunt imitatores eorum. Fuit in antiquis magna morum gravitas, magna maturitas, inconcessæ mentis magna constantia, in duris et indignis pro lege sua tolerandis insuperabilis animi robur immobile. Nulla enim rerum adversitate, nulla hominum perversitate, nullis injuriis, nullis contumeliis, nullo terrore, nullo pudore, a sancte religionis reverentia poterant separari. Hinc unus ceteros sanctos in se transfigurans, ait: *Tota die rerecundia mea contra me est, et confusio faciei meæ cooperuit me: a voce exprobrantis et obloquentis, a facie inimici et persequentis. Hæc omnia reverunt super nos, nec oblii sumus te, et inique non egimus in testamento tuo, et non recessit retro cor nostrum* (*Psal. xlvi*). Hæc quidem sub lege, quæ tamen neminem adduxit ad perfectum. Debeat enim adhuc evangelica perfectio. Nondum erat dictum: *Si vis perfectius esse, vade et vende omnia quæ habes, et da pauperibus* (*Matth. xix*). Adhuc dicebatur: *Oculum pro oculo, dentem pro dente, livorem pro livore* (*Exod. xxi*). Nondum illud: *Si quis percusserit te in maxilla, præbe ei et alteram* (*Luc. vi*). Nondum mundo innoverant consummata perfectionis de cœlo allata consilia arcana per Christum, et in Christo propalanda; consilia, quæ non omnes capiunt, de virginitate servanda Deoque dicanda, de voluntaria paupertate pro Christo ambienda, de extremitate amanda, de dignitate contemnda, de vindicta non expetenda, de omni injuria remittenda, de re sua cum lite non repetenda, de odio patris et matris, et amicorum omnium, insuper et animæ suæ, de inimicis diligendis, de anima pro amicis ponenda, etiamsi sint inimici nobis, de quibuslibet injuriis, de contumeliis, conviciis, opprobriis, denique de quibuscumque sive duris, sive indignis pro Christi honore et amore perferendis, et hilariter perferendis in gaudio Spiritus sancti, sicut scriptum est: *Iabant gaudentes a conspectu con-*

citii, quoniam digni habiti sunt pro nomine Jesu contumeliam pati (*Act. v.*). Hac et hujusmodi Christianæ perfectionis consilia, etsi quibusdam antiquis justis divinitus essent inspirata, non tamen per legem erant publicata, sed Christo reservata sunt haec, qui perfectionem legi daret, et tamen non legem solveret. Bone Jesu, si pace tua querere licet, quid fecisti nobis sic? Sperabamus quod in mundum veniens levares onera, mitigares iram tuam, et factus homo humanus feres, vel solito humanior. Nunc autem onus oneri addis, et gravibus gravia superponis. Au non satis graves erant manus Moysi? Au ad hoc venisti, ut scorpionibus nos cedas? An non, ut aggraves jugum nostrum? Amicos non licet diligere, et inimicos non licet odire? O novarum legum Conditor, quis potest audire sermones tuos? An occasionem queris, ut nos perdas? Nonne Jesus est nomen tuum? Nonne Deus noster es, Deus salvus faciendi? Ergone pendum? Absit! Quid me jubes inimicum non odire, immo et diligere? Quomodo hoc possum? Ecce si levi convicio provocatus fuero, interius ardeo, et excandesco, servet cor meum ad vindictam, lingua mea præceps est ad contumeliam. Interim Deum nescio, leges tuas non cognosco, et tu dicas: Si quis irascitur fratri suo, reus erit iudicio (*Matth. v.*). Si dixero fratri, racha vel fatue (*ibid.*), magis me terres. Reus enim sumi concilii, vel gehennæ ignis. Utique tu mandasti mandata tua custodiri nimis (*Psal. cxviii.*).

Ut verum sit, ego immemor beneficiorum esse possum, at injuriarum esse non possum. Ita natura sum filius iræ, ut non possim non irasci. At tu, Jesu, iratus es, sub quo mihi non licet nec irasci, nec contra inimicum velleviter commoveri, vel in corde mustitare? Unde hoc mihi, ut ita stabiliam cor, ut omnino non commovear, et ad omnes injurias insensibilis fiam? Unde nobis ut faciamus quæ a nobis fieri vis, et patiamur quæ nos velis pati, nisi benedictionem dederis tu, o legislator? Unde hoc nobis, nisi nos prævenieris in benedictionibus dulcedinis, nisi manserimus in charitate dulcedinis tuæ? Cui et quæ amara sunt dulcescant, et quæ dura sunt mitescunt, in qua sola iugum tuum suave est, et onus tuum leve (*Matth. xi.*). Amanti enim quid est difficile? Quidquid enim districtius injungitur, minus est a devotione charitatis. Patientis est enim charitas, fortis est charitas, nec labore fatigatur, nec sarcina deprimitur. Omnia suffert, omnia sustinet, et cum sancti pudoris sibi conscientia sit, tamen reverenter quasi impudens est; erubescit quidem turpius non sermones Christi, nec impropterum Christi, nec exemplum Christi. Christus qui perfectionem legi addidit, quod faciendum docuit, quantum docuit, in se implevit, et seipsum in exemplum proposuit. Quidquid autem Christus et ipse fecit, et faciendum docuit, etsi mundo contemptibile videatur, veri tamen honoris gratia carere non potest. Paupertas Christi et humilitas ejus mundo vilis est. Quippe nam et pau-

A peribus Christi mundus ipse vilis est, mutuoque contemptu sese despiciunt, dum despicit mundus a quo ipse despicitur. Verum quod mundus despicit, fastus superbiae est; quod despicitur, humilitatis nobilitas est. Vera enim humilitas Christi nobilis superbiae typhum in se videtur habere. Designatur enim sub iugo peccati servire, omnemque vanitatis fastum et invenientis superbiae colla propria virtute audet calcare. Perfectus enim Christi æmulator memor conditionis suæ, in qua factus est ad imaginem et similitudinem Dei, memor quoque pretii, quo redemptus est a Filio Dei, pro reverentia dignitatis suæ contra superbiam, quæ omni dignitate indigna est, nobiliter superbit, et indignum sua nobilitate judicat, mundani honoris vanitatem amare, et promissiones Dei, quæ omne desiderium superant, non amare. Hinc de Ecclesia scriptum est: Ponam te in superbiam sacerdotum (*Isa. lx.*). Et de ministris Dei dicitur: Fortitudinem gentium comedetis, et in gloria eorum superbietis (*Isa. lxi.*). Quæ est fortitudo gentium, aut quæ gloria eorum, nisi quam amant, qui confident in virtute sua, et multitidine divitiarum suarum gloriantur? (*Psal. xlviij.*) Quorum gloria in confusione eorum, qui terrena sapiunt. Scriptum est: Quotquot erant possessores agrorum, vendebant et ponebant pretia ante pedes apostolorum (*Act. iv.*). Merito ante pedes, quasi pedibus conculecanda, quæ, indignum erat vel manibus attractari. Vox Petri est: Argentum et aurum non est mihi (*Act. iii.*). Digna vox principatu principis apostolorum, principis Ecclesiæ. Quid Petro, et argento vel auro? Nonne Petrus dicit: Ecce nos reliquimus omnia, et secuti sumus te? Quid ergo erit nobis? (*Matth. xix.*) De mercede requirent non argentum repromittunt, non aurum. Hæc enim contemnebat, quia in gloriâ gentium superbiebat. Contempnit et Paulus qui ait: Victum et vestitum habentes, his contenti simus. Non erubuit paupertatem Christi, panem gratis non manducans, nocte dieque operans; non erubuit humilitatem Christi dicens: Facti sumus tanquam purgamenta hujus mundi, omnium peripsema usque adhuc. Et iterum: Spectaculum facti sumus Deo, et angelis, et hominibus (*ibid.*). Rubrundi ergo Nazarei perfecti Christi discipuli, præconfusione dupli et rubore et ebore antiquo tanto sunt rubicundiores, quanto antiquis justis perfectiores; tanto fortiores, quanto magis Christianæ disciplinæ facti sunt veri æmulatorum.

• De intentione Nazaræorum:

Adhuc laus laudi adjicitur, et honor honore cùmulatorum. Sapphiro, inquit, pulchriores. Ordine pulcherrimo perfectionis pulchritudo commendatur. Primus gradus perfectionis est, ab omni corruptione vitae præsentis immaculatum se custodire, quantum permittit humana fragilitas. Secundus gradus est, curam proximi omnino non negligere, quantum suppetit vel auxilii vel eonsilii facultas. Tertius gradus est in calore sanctæ devotionis, et cum rubore sancti pudoris, dura et indigna fortiter

tolerare, quantum sinit humana infirmitas. Quartus gradus est in bonis agendis et in malis perferendis semper oculum intentionis ad Deum dirigere, et ad eius gloriam cuncta referre, quantum prævalet humana possibilitas. Prima virtus est perfecta ad seipsum innocentia; secunda est ad proximum plena misericordia, tertia ad inimicum insuperabilis patientia; quarta ad Deum sincere intentionis pura simplexque conscientia. Primam virtutem operatur vel pium odium sui, vel dura misericordia æque sui; secundam charitas benigna, charitas proximi; tertiam charitas patiens, charitas inimici; quartam charitas excellens, charitas Dei. Hæc novissima cæteras informat, ut virtutes sint, solidat et implet, ne inane sint. Quantumcunque enim boni quis fecerit, quantumcunque itidem mali pertulerit, totum reputabitur inane, nec solidum, nec laude dignum, nisi oculum intentionis eo dirigat, ut placeat coram Deo in lumine viventium (*Psal. lv.*), nisi honorem Dei sic attendat, ut gloria in propriam non querat. In corde Nazaræorum sic est puritas intentionis, ut in decoro vultu oculorum pulchritudo. Gratiam nempe venustatis et gloriam hujusmodi vultus nil magis auget quam decus oculorum. In decora enim facie oculorum gratia pulchritudo est pulchritudinis, et decor ipsius decoris, et præcipua pulchritudo boni operis ipsa est puritas voluntatis. Hæc est autem pulchritudo sapphiri. Sapphirus nempe habet cœli colorem, puri et sereni cœli speciem imitatur. Imitatur quidem cœli puritatem, sed non plane assequitur, a superiori enim superatur. Dulcior quippe est puritas cœli quam sapphiri. Sic pia rectaque intentio cum spe cœlestium et desiderio, in aliis habet puritatem sapphiri, cœli speciem imitantis; in aliis vero majori pulchritudine puritatem exprimit purissimi cœli. Sunt enim, qui Deum purissime diligunt, non quasi cum cæteris, sed præ cæteris. Alii vero præ cæteris, sed cum cæteris. In his amor solus est, in illis summus est. Summus amor alterum non excludit, solus amor alterius amoris consortium non admittit. Purior enim est in suo genere, qui inferioris generis ad-

A mitionem non recipit. Qui præ cæteris, sed cum cæteris Deum diligunt, in his quæ patientur vel agunt, oculo puræ intentionis Deum, qui præci puui amoris locum tenet, sèpe sèpe respiunt, et promissiones Dei et in se compleri confidenter sperant, et ante omnia et super omnia desiderant. Verumtamen quia nonnulla vana diligunt, in quibus Deum non diligunt, quia ea non recte propter Deum diligunt; propriæ multoties oculum ab intentione supernæ retributionis aliorum, ad id nimis quod vane amant, deflectunt. Ubi enim amor, ibi oculus. Proinde desideria sua in iis quæ amant; ad libitum compleri et sperant et desiderant et orant; et dum totum cor sursum non erigitur, vel paululum ad inferiora inclinatur. Hi vero qui solidum Deum et quæ Dei sunt pure diligunt, in tantum probantur sapphiro pulchriores, quanto sincera intentione inveniuntur puriores, cœlestia semper meditantes, cum Propheta ad Dominum dicente: *Meditatio cordis mei in conspectu tuo semper* (*Psal. xviii.*). Qui oculos intentionis ad vana non reflecti desiderans, ait: *Averte oculos meos; ne videant vanitatem* (*Psal. cxviii.*). Puritatem vero desiderii sui expoliens, ait: *Tibi dixit cor meum: Exquisivit te facies mea; faciem tuam, Domine, requiram* (*Psal. xxvi.*). At puritatem spei declarans, ait: *Retribuet mihi Dominus secundum justitiam meam, et secundum puritatem manuum mearum in conspectu oculorum ejus* (*Psal. xvii.*). Nazaræi in tanta puritate et intentionis et desiderii et spei constituti, quasi semper Deum vident, et in gloria pulchritudinis suæ ab ipso semper videntur, sicut opera manuum ejus, qui semper lætatur in operibus suis. Mutuo ergo aspectu sese aspiciunt, et mutua visione jucundantur. Nam Propheta dicit: *Oculi Domini super justos* (*Psal. xxxiii.*). Et justus dicit: *Oculi mei semper ad Dominum* (*Psal. xxiv.*). Ecce jam nunc in præsenti Nazaræi quodammodo Deum vident, oculo ad oculum. Ecce nunc futuræ gaudia visionis anticipant. Ecce nunc futuræ satietatis primitivam dulcedinem degustant, plenius satiandi, cum apparuerit gloria Dei, qui est super omnia benedictus in sæcula. Amen.

BALDUINI CANTUARIENSIS ARCHIEPISCOPI LIBER DE COMMENDATIONE FIDEI

Omnia fœdera societatis humanæ et amicuæ ñ ceritatē firmantur et firmata servantur. Omnes leges, ut sua stabilitate constare possint, fidei sin-

homines ñdein sibi servari volunt, etiam ii qui eam